

Chinese  
Botanical Terms  
with  
Illustrations

植物名  
實圖說



植物

物

名

實

圖

考

## 植物名實圖攷

易曰天地變化草木蕃明乎剛交柔而生根莖柔交剛而生枝葉其蔓衍而林立者皆天地至仁之氣所隨時而發不擇地而形也故先王物土之宜務封殖以宏民用豈徒入藥而已哉衣則麻桑食則麥菽茹則蔬果材則竹木安身利用之資咸取給焉羣天下不可一日無則植物較他物爲特重其名昉於周禮其實載在本經采其實斯著其名三百六十品中殆無虛列嗣是別錄圖經代有增益綱目晚出稱引尤繁顧其書類皆旁及五材兼收十劑胎卵溼化紛然並陳求其專狀草木成一家言如賈思勰之要術周憲王之救荒殊不易得豈其識有所短而材力有未逮歟抑拘於其業囿於其方未嘗游觀宇宙之曠品彙之廡而知其切於民生日用者至利且便也淪齋先生具希世才宦跡半天下獨有見於茲而思以愈民之瘼所讀四部書苟有涉於水陸草木者靡不剴而緝之名曰長編然後乃

出其生平所耳治目驗者以印證古今辨其形色別其性味看詳論定摹繪成書此植物名實圖攷所由包孕萬有獨出冠時爲本草特開生面也夫天下名實相副者尠矣或名同而實異或實是而名非先生於是區區者且決疑糾誤毫髮不少假等而上之有關於人治之大其綜核當何如耶讀者由此以窺先生之學之全與政之善將所謂醫國甦民者莫不咸在僅目爲炎黃之功臣則猶淺矣若夫登草木削昆蟲仿貞白千金翼方之作爲微生請命則尤其發乎至仁而以天地之心爲心也然則是書之益又可量哉余不敏嘗傳言焉頗識其用意所在故序刻之以廣其傳

道光二十有八年歲次戊申三月清明後五日蒙自陸應穀題於太原府署之退思齋

# 植物名實圖考總目

固始吳其濬著

蒙自陸應穀校刊

## 第一卷

穀類 二十七種

## 第二卷

穀類 二十五種

## 第三卷

蔬類 四十五種

## 第四卷

蔬類 三十三種

## 第五卷

蔬類 六十七種

## 第六卷

蔬類 三十一種

## 第七卷

山草 三十二種

## 第八卷

山草 五十八種

## 第九卷

山草 六十一種

## 第十卷

山草 五十種

## 第十一卷

隰草 五十五種

## 第十二卷

隰草 六十七種

## 第十三卷

隰草 四十六種

## 第十四卷

隰草 六十八種

第十五卷

隰草 四十八種

第十六卷

石草 六十四種

第十七卷

石草 三十四種

水草 十種

第十八卷

水草 二十七種

第十九卷

蔓草 五十三種

第二十卷

蔓草 四十六種

第二十一卷

蔓草 四十三種

第二十二卷

蔓草 三十九種

第二十三卷

蔓草 五十四種

芳草 十一種

毒草 十一種

第二十四卷

毒草 三十三種

第二十五卷

芳草 六十種

第二十六卷

羣芳 二十七種

第二十七卷

羣芳 二十七種

第二十八卷

羣芳 二十八種

第二十九卷

羣芳 三十一種

第三十卷

羣芳 二十九種

第三十一卷

果類 五十七種

第三十二卷

果類 四十五種

第三十三卷

木類 五十四種

第三十四卷

木類 三十種

第三十五卷

木類 六十六種

第三十六卷

木類 五十一種

第三十七卷

木類 三十二種

第三十八卷

木類 三十九種

# 植物名實圖考卷之一

固始吳其濬著

蒙自陸應穀校刊

穀類

- |    |    |    |      |    |    |    |     |      |     |    |
|----|----|----|------|----|----|----|-----|------|-----|----|
| 藜豆 | 青稞 | 稻  | 稷    | 藟豆 | 糠麥 | 小麥 | 白大豆 | 白綠小豆 | 薏苡  | 胡麻 |
| 綠豆 | 東磨 | 雀麥 | 湖南稷子 | 黍  | 梁  | 大麥 | 粟   | 大豆   | 赤小豆 | 大麻 |

蕎麥

蠶豆

稔頭

亞麻子

蜀黍 附蜀黍即稷辯

胡麻 胡麻即巨勝本經上品今脂麻也昔有黑白二種

今則有黃紫各色宜高阜沙墾畏潦油甘用廣其枯餅

亦可糞田養魚葉曰青蕓花與稻皆入用

雲婁農曰一飯胡麻幾度春此道人服食耳非朝饔而

夕飧也東坡服胡麻賦序謂夢道士以茯苓燥尚雜胡



胡麻



麻食之且云世間人開服脂麻以致神仙必大笑然其性實熱宋人說部有謂久服巨勝乃至發狂欲殺人其烈同於丹石則蘇子之言亦未可盡信獨其功用至廣充腹耐饑飴餌得之則生香腥羶得之則解穢以為油則性寒去毒而藥物特以為調其枯美田疇亦可救荒說者云大宛之種隨張騫入中國其語無所承然宜曠而畏濕特甚元人賦云六月亢旱百稼稿札有物沃然秀於中田是為胡麻外白中元又俗言芝麻有八拗謂雨暘時薄收大旱方大熟開花向下結子向上炒焦壓榨才得生油膏車則滑鑽鉞乃澀觀此數端可知其性

大麻

大麻本經上品救荒本草謂之山絲苗葉可食一

名火麻雄者為臬又曰牡麻雌者為苴麻花曰麻蕒又

曰麻勃麻仁為服食藥葉根油皆入用滇黔大麻經冬

不摧皆盈拱把

雩婁農曰麻為穀屬舊說皆以為大麻陶隱居狷為胡

麻而宋應星遂謂詩書之麻或其種已滅火麻子粒壓

油無多皮為粗惡布無當於穀斯言過矣月令以麻嘗犬周禮朝事之饗其實體蕒蕒為臬實亦曰苴幽風九月叔苴以食農夫說文作葩或作廢其無子者為牡麻大抵古人食貴滑麻子甘潤南齊書紀陳皇后生高帝

大麻



乏乳夢人以兩甌麻粥與之覺而乳足則齊時尚以為飯食醫心鏡亦云麻子仁粥治風水腰重等疾研汁入粳米煮粥下葱椒鹽豉食之蓋麻子不以入食始於近代若其衣被之功則與苧並行周官專設典臬以隸冢

穀類卷之一 大麻 薏苡 赤小豆

宰績麻瀉麻婦子所事三代以前卉服未盛蠶織外舍麻固無以為布聖人以純為儉蓋級絲之功省於緝縷後世棉利興不復致精於麻豈古之布必粗惡哉今之治苧葛者纖細乃能納之筒中紡麻者何獨不能夫一物之微而衣人食人如此何乃屏之粒食之外詩云雖有絲麻無棄菅蒯昔與絲伍今乃芥視又苧麻利重競植於田而斯麻播植益稀物理盛衰良可增慨古之物不如今之細古之拙不如今之巧而天地之生物亦日出不窮移人情而省人功者凡物皆然執今人之所嗜以訂古人之所食是猶以不火食之蠻貊而較中國鼎火烹飪之劑也豈有合歟

**薏苡** 薏苡仁本經上品江西湖南所產頗多北地出一

種草子即圖經所云小兒以線穿如貫珠為戲者蓋雷敷所謂糲米也與薏苡仁相似不可食

雩婁農曰薏苡明珠去瘡癘而來萋斐然服食幾何乃以車載耶五嶺間種之為田余擲之廡砌輒秀而實非



薏苡

難植者帝王世紀載有莘氏吞薏苡而生禹此與芡苢宜男之說相類逸周書西戎獻桴苡其實若李今南方候暖薏苡高如木實形似李但小耳說詩者或以桴苡為芡苢然二者今皆為孕婦禁方矣

**赤小豆** 赤小豆本經中品古以為辟瘟良藥俗亦為餽

沙餽色黯而紫醫肆以相思子半紅半黑者充之殊誤人病

白綠小豆

花小豆 赤小豆以入藥特著其白綠二種

亦可同米爲飯雲南呼爲飯豆貧者煮食不糝米也其形微同菜豆而齊近方然唯赤者作飯色味香皆佳又有羊眼豆菽科豆色綠有黑暈又彬豆色褐螞蚱眼色黃白皆小豆類




赤小豆

大豆

大豆本經中品葉曰菹莖曰萁有黃白黑褐青斑

數種其嫩莢有毛花亦有紅白數色豆皆視其色以供用


零婁農曰古語稱菽漢以後方呼豆五穀中功兼羹飯者也黑者服食棧中上料若青黃白皆資世用夫飯菽配鹽炊萁煎菹食我農夫獨殷北地而倉卒濕薪饑寒俱解咄嗟煮末奢靡相高沙餅翠釜同此酥腴耳淮南



白綠小豆


穀類卷之一 白綠小豆 大豆 白大豆 粟

穀類卷之一 白綠小豆 大豆 白大豆 粟



製腐理宜必祭清吏所甘同乎宰羊若浸沐生糜未原  
 其始大豆黃卷或權輿焉明陳疑豆芽賦曰有彼物兮  
 冰肌玉質子不入於污泥根不資於扶植金芽寸長珠  
 蕤雙粒匪綠匪青不丹不赤白龍之鬚春蠶之熱信哉  
 斯言無慙其實

**白大豆** 大豆昔人多以為即黃豆然自是兩種大豆花  
 如蘊豆有黃白各色豆有白者黃者綠者褐者黑者綠  
 有透骨鴨蛋等名市中以爲烘青豆者是褐者俗曰茶



豆形長圓大抵皆炒以為茶素種者皆於蜀穠隙地植  
 之不似黃豆用廣黃豆今俗呼毛豆種植極繁始則為  
 蔬繼則為糧民間不可一日缺者其花極小豆色黃或  
 有黑臍形微扁亦有大小早遲各種聚而觀之乃能詳  
 辨

**粟** 粟別錄中品諸說即粱之細粒者一類而種各異固  
 始通呼寒粟耐旱而遲收凡畏水之地伏潦後始種之  
 北地惟以粟與粟為粥飯故獨得穀名齊民要術謂今



人專以稷爲穀具載晚早數十種有赤粟白粟蒼白稷  
 諸名則名粟者卽稷矣爾雅注以江東呼粟爲粢釋稷  
 謂粟爲稷其來已古考說文嘉穀實曰粟蓋兼禾黍今  
 之粟專屬此種與古異其種名尤繁北諺曰百歲老農  
 不識穀種爲梁粟言也俗語簡質渾曰小米而穀種益  
 難辨姑以俗之呼粟者圖之既與梁有別而方言無呼  
 此爲稷者泥古則不能通俗故仍標粟名

**小麥** 小麥別錄中品廣雅云大麥牟也小麥來也土燥

亦燥土濕亦濕南北不同故貴賤異

零婁農曰此物大熱何故食之此西方人語本草無是  
 說也近世醫者多以麥性燥戒病者勿食北人渡江三  
 日不餐麵卽覺骨懈筋弛夫豈有患熱者哉大抵穀種  
 皆藉熱蒸而成稻之新也濕熱尤甚風戾而廩之經時  
 卽平和滋益矣北之麥南之稻人所賴以生然稻能久  
 藏所耗少麥經歲則蟲生 其色黑故俗呼曰牛 簸揚輒減十之



小麥

二三穀之飛亦爲蠱爲麥筮也三十年之蓄尙稻而不尙麥者以此余旣爲麥雪謗而並及之

**大麥** 大麥別錄中品陶隱居謂爲稈麥唐本草遂云出

關中卽青稈麥本草拾遺已斥之今青稈出西北塞外性黏尤寒與大麥異種大麥北地爲粥極滑初熟時用碾半破和饅食之曰碾黏子爲麵爲餲爲酢爲酒用至廣大小麥用殊而苗相類大麥葉肥小麥葉瘦大麥芒



上東小麥芒旁散諺曰穀三千麥六十得時之麥粒逾六十此其數矣

**穉麥** 穉麥別錄中品蘇恭以爲大麥陳藏器以爲麥殼

圖經以爲有大小二種言人人殊今山西多種之與大麥無異熟時不用打碾仁卽離殼但仁外有薄皮如麩打不能去山西通志穉麥皮肉相連似稻土人謂之草麥造麵用之亦有碾其皮以食者考齊民要術穉麥大麥類早晚無常九穀考以爲大麥之別種是也說文穉




芒粟也麥爲芒穀不應此種獨名穡西北志書多載露仁麥似卽穡麥又或以爲青稞說文稞穀之善者一曰無皮穀青稞與穡麥迥異然皆不需碾打而殼自落疑穡麥卽稞麥一聲之轉而青稞以色青獨著唐書謂吐蕃出青稞而齊民要術已有青稞之名與穡麥用同蓋外國方言皆無正字如山西之呼苽呼油皆本蒙古人語而作唐書者以中國之產譯爲青稞非必來自外國也天工開物謂穡麥獨產陝西一名青稞卽大麥隨土而變皮成青黑色此則糅雜臆斷不由目覩也

梁

梁別錄中品種有黃白青各色蘇頌謂粟梁一類粟雖粒細而功用無別是以粒大者爲梁細者爲粟李時珍謂穗大而毛長粒粗者爲梁穗小而毛短粒細者爲粟其說相符然二者迥別而種尤繁今北地通呼穀子亦有粘不粘之分汜勝之書梁爲秫粟也西北皆呼小米固始呼粟爲野人毛正肖其形其稈爲秫牧者以其豐歉爲繁羸也

穀類卷之一 梁 藟豆 黍



梁


雲婁農曰穀粟皆粒食總名周禮注以粟爲稷齊民要術從之蓋以稷爲穀長故獨以粟名後世以穀爲梁以粟爲梁之細種者此自俗間稱謂不可以訂古經也秫爲梁粟之黏者說文以爲稷爾雅注以爲粟圖經以爲黍古今注以爲稻說各不同按糯爲稻之黏者而他穀之黏者亦多曰糯卽藥草亦然則秫似亦可通稱也

藟豆

藟豆別錄中品卽蛾眉豆白藟豆入藥用餘皆供

蔬或云病瘡者食之即發蓋即陶隱居所謂患寒熱者不可食之義

雲婁農曰菡豆供蔬供餌佳矣觀其矮棚浮綠纖蔓紫紅睨眼臨溪蛩聲在戶新苞總角彎莢學眉萬景澄清一芳搖漾楊誠齋詩白白紅紅菡豆花秋郊四陌此焉情極若乃淒霖莓長清颺籜隕破苒零落亂葦欹橫斷橋潰港枯樹孤根無數牽纏有限條達褪花色沅餘莢



菡豆

### 黍

稜高豆葉黃野離離當此之時何以堪之夫繁華滿徑易於推排冷秀棲園難為淡泊天寒翠袖倚竹獨憐陌暖金鉤採桑成曲况復秋蕪漸老頃豆將其除架何時拋藤焉往蟲聲不去雀意何如縱此流連豈殊寂寞哉

黍別錄中品有丹黍黑黍及白黃數種其種長而稜多磨以為饊苗可為帝京師所謂黍子條帚也

雲婁農曰黍稷盛於西北河南朔已不徧植江左南渡議禮諸家固無由觀其狀而嚼其味也內則飯黍稷稻梁黍至黏近世亦不甚以為飯而糗餌粉饊則資之我朝祀事薦黍薦稷尙方有打漿饊糜之擣之法如饊白者比玉黃者伴金五月五日薦角黍以黍作之不用糯也丹黍秬黍北方亦種之而黃白者用廣稷有赤白黃黑數種而種黃色者多京師有攤於案而負以售者計錢多少削之呼曰切饊蓋以黍與豇豆和合為之稷則通呼為糜亦曰稷黃者獨曰黃米與唐本草符民間以為飯且釀又搏為饊首而空其中形如鐘曰黃米麵窩





窩皆畿輔之製也黍稷雖相類然黍穗聚而稷穗散亦以此別大抵南方以稻北方以麥與粱爲常餐黍稷則鄉人之食士大夫或未嘗取以果腹卽官燕薊者偶食之亦誤認爲黃粱耳余所詢於輿臺者如此他日學稼尙諏於老農

說文黍禾屬而黏者也故黏字從黍黏或曰黏說文引左氏不義不昵作不黏黏也今謂物之膠滯者爲膩當作黏又作

黏爾雅黏膠也注膠黏黏黏引方言黏黏也釋文一

穀類卷之一 稷 湖南稷子

稷

切則音同細集韻音刃俗謂物之相凝者曰又曰黏澤宜作黏或作數音汝今乳鉢宜作此字集韻黏也今通作紐鉛糖有又曰黏集韻音護黏也今糊字俗作去又曰黏廣韻音謹黏也與黏音相近又曰黏當與黏類篇乃禮切玉篇黏也又曰黏說文黏也集韻音胡一曰煮黍米及麵爲鬻則餬口之餬可通或作粘黏糊又曰黏曰黏黏所以曰黏糊粃粃又曰黏曰黏黏鳥曰黏義同曰黏凡黏之字皆從黍則穀屬黏者無逾於黍矣其名異則曰糜說文曰糜集韻謂之堅皆稷也而從黍則洵黍類矣說文稊黍屬似稻者爲稊則稊其野黍歟其潰葉曰藭說文治黍禾豆下潰葉也音蔽或音愆其疎長之貌曰藭集韻音繫黍禾疏貌其香氣曰藭與稊同而香本字從黍則黍爲穀之最馨者歟其鼓皮爲鞀其不黏則曰黏音曬觀從黍之字與音則其形狀性味不亦瞭然不紊哉說文黎覆黏如今人以麥麵爲黏

稷別錄下品陶隱居云稷米亦不識此北穀蘇恭始

穀類卷之一 稷 湖南稷子

以稷爲稷朱子釋詩經稷小於黍各說以粘者爲黍不粘者爲稷姑以稷圖之直隸人謂黍稷生而有毛稷稈無毛其色於根苗可辨稷亦有粘者特不似黍之極細耳近世九穀考廣雅疏證皆以高粱爲稷比音櫛字創博無前已錄入長編以廣異聞但閔儒博辨之學與習俗相沿之語不妨並存稷音近稷農家久不知稷但知有稷高粱則不聞呼稷也黍性固粘而粗於梁稷小於黍而粗於黍山西以米爲餅祇呼爲黃以售於市或漉



稷

粉以漿衣蓋穀之賤者謂之疏食亦宜又湖南有一種稷子其形似稗與黍稷粟皆不類通志據畫境錄以爲粟殆宋時以舊說謂稷爲粟故載筆仍曰粟耳今湘人皆曰稷無呼粟者北方之稼遺種江湖正如宋蔡唐之裔播遷湖黔禮失求野此其類與但古書不詳稷之狀究未敢遽信無差仍別圖湖南稷子以俟博考

湖南稷子

湖南沿湖田多種稷五月上旬即可收穫

伏漲未來澤農賴之其苗實似北地水稗俗皆呼稷或稷踰江而變

雲婁農曰湖南志謂湘中舊不蒔雜穀遇旱潦無稻民卽無食有駐兵其地者令民納芻必以粟稈相率渡湖赴襄樊餽載以來費且重勞乃致其種漫布於磽确澇涘而供其禾藿焉蓋以爲厲民也後歲凶遂藉以充腸而免道殣今瀕洞庭近牂河水無防山無泉者皆蒔之其穗與北地梁粟稍異蓋人力不專也夫民可與樂成難與慮始非嚴其罰則令不行令行而游移牽掣則民

翻南稷子



得其擾而不得其利褚衣冠伍田疇不及三年而易相  
 則東里終爲蠶尾矣江南沮洳水耕刀耨而藝梁粟者  
 不乏收然則河北高印之田既宜麥菽矣其汚邪水潦  
 所鍾獨不可以江南之種種之乎元時於畿甸開渠灌  
 田其利甚鉅明季以轉漕厮留議復故蹟有倡爲風水  
 之說者事遂寢今涑水潞水灤水洺水之傍皆有引以  
 稼下地者擴而行之不在人爲哉李元則守長沙令民  
 納粟米稗草事見畫

無荒田粟米妙天下

穀類卷之一 稻 雀麥

### 稻

烏臺筆補范陽督亢舊陂歲收稻數十萬石燕山叢  
 錄房山石窩稻色白味香美爲飯雖盛暑經數宿不  
 餿遵化州志稻有東方稻雙芒稻虎皮稻糯有旱糯  
 白糯黃糯河間府志隋時滄州魯城縣地生野稻水  
 穀二千餘頃燕魏民就食之邢臺志稻有紅口芒稻  
 廣平府志府西引滏水灌田白粲不減江浙按畿輔  
 通志所載如此今稻田益擴矣瀛莫之間是生旅稻  
 鍾水阜物陂而稼之所收當何如耶

稻別錄下品曰糯曰粳曰粳凡宜稻之區種類輒別  
 志乘所紀不可殫悉然細者粒光粗者毛長早者耐旱  
 晚者廣收其大較也 梗中品

零婁農曰本經不載稻別錄列下品說文沛國謂糯爲  
 稻蓋糯性滯不易消故養生者慎食之抑大河以北宜  
 麥粟民有終身不嘗稻者性亦弗喜中原九穀並用江  
 以南則唯稻是飫注本草者以粳與粳皆附於稻爲下  
 品始未解古人意歟然生民一詩述后稷之穉曰荏菹

穀類卷之一 稻 雀麥

曰不役曰麻麥曰秬秠曰糜苘而獨不及稌稻豈粒食之始尚缺水耕火耨邪抑下地之稼其性果出黍稷下耶雖然稻味至美故居憂者弗食膏粱厭飫則精力委藪君子欲志氣清明固宜尚粗糲而屏滑甘別錄廁稻於下品夫亦謂所以交於神明者非食味之道也

天工開物云五穀遺稻者以古昔著書聖賢皆在西北按職方氏并州宜五種幽州宜三種鄭康成注皆云黍稷稻雍州冀州獨宜黍稷然幽風穫稻豐年多




稻

徐汧渭之間未嘗無陂池也今渭南韓城爲關中上腴史記河渠書鄭國鑿涇溉鹵澤之田徐伯穿渭通漕肥地得穀而河東守番係言引汾溉皮氏汾陰下引河溉汾陰蒲坂下實爲山西水利之始舊志聞喜臨汾水文產粳糯今太原晉水趙城霍泉稻田尤饒其緣漳沱汾潞州縣及沃泉曲沃以濫泉皆平原地湧泉得名潤溪瀾洑無不穿地斯渠而塞外天鎮陽高大同亦間引溜灌注勺澤蹄潞惜如甘醴然歲常苦暵夏潦未降經瀆千里輒不能濡軌惟漳沁所從來者高難瀦爲利聞河內舊有沁渠昔西門豹引漳灌鄴或疑沙壩地不可爲稼蓋未知西北所溉者大抵麥菽禾黍如澆園蔬俗曰飲田不盡稻生止水也蒲解間往往穿井作輪車駕牛馬以汲殆井渠之遺然不宜

雀麥

雀麥唐本草始著錄救荒本草圖說極晰與燕麥

異前人多合爲一種按爾雅藿雀麥說文作爵麥別無



雀麥

異名郭注乃以為即燕麥今燕麥附莖結實離離下垂  
 尚似青稞雀麥一莖十餘小穗乃微似稗二種皆與麥  
 同時而葉相似其實殊非麥類唐本草僅以催乳錄之  
 又云一名燕麥他方祇云雀麥古謂食燕麥令人脚弱  
 其性蓋下行但旅生穀實熟即落故古歌云道傍燕麥  
 何嘗可穫醫者取其易生易落以治難產則二種應可  
 通用或謂七發糲麥服處即此雀麥段氏說文注已駁  
 之

青稞

青稞即莪麥一作油麥本草拾遺謂青稞似大麥

天生皮肉相離秦隴以西種之是也山西藏古皆產之  
 形如燕麥離離下垂耐寒遲收時苗葉尚有青者雲  
 南近西藏界亦產或即呼為燕麥麗江志誤以為雀麥維西聞見  
 錄青稞質類麩麥莖葉類黍耐霜雪阿墩子及高寒之  
 地皆種之經年一熟七月種六月穫夷人炒而舂麪入  
 酥為糌粑今山西以四五月種七八月收其味如蕎麥



青稞

而細耐饑窮黎嗜之性寒食之者多飲燒酒寢火炕以解其凝滯南人在西北者不敢餌也將熟時忽有稞粒皆黑者俗名厭麥亟拔去否則雜入種中來歲與豆同畦則豆皆華而不實老農謂厭麥能食豆云滇南麗江府粉爲乾餼水調充服者唐書吐蕃出青稞麥西藏記拉撒穀屬產青稞亦釀酒淡而微酸名曰噶其裏塘臺地寒不產五穀喇嘛皆由中甸麗江攜青稞售賣則沿西內外產青稞者良多唐本草注誤以大麥爲青稞宜爲陳藏器所訶山西志但載油麥成陽志謂大麥露仁者爲青稞皆不如維西聞見錄之詳核也


東廬

東廬本草拾遺始著錄相如賦東廬雕胡魏書烏

丸傳地宜東廬似稷廣志東廬粒如葵子苗似蓬色青

黑十一月熟出幽涼并烏丸地臣伏讀

聖祖御製幾暇格物編沙蓬米凡沙地皆有之鄂爾多斯所產尤多枝葉叢生如蓬米似胡麻而小性暖益脾胃易於消化好吐者食之多有益作爲粥滑膩可食或



東廬

爲米可充餅餌茶湯之需向來食之者少自朕試用之知其宜人今取之者衆矣仰見神武遠敷翠華所屆仰觀俯察纖芥不遺遂使窮塞小草上登玉食嬖后菲飲幽風勤稼千載符節小臣備員山右得覩此穀時際豐盈民少播撫考保德州志產登相子沙地多生一名沙米作羹甚美又天祿識餘云遼史西夏出登相今甘涼銀夏之野沙中生草子細如罌粟堪作飯俗名登粟皆東廬也然則今之沙蓬米卽古東廬爰繪斯圖恭錄


聖製俾撫斯民者知沙漠寒朔亦有良產勿耽膏粱罔知艱難云爾

黎豆 黎豆或作狸豆本草拾遺始著錄按爾雅攝虎藟

注今虎豆纏蔓林樹而生莢有毛刺江東呼櫛攝陳藏器謂子作狸首文人炒食之陶隱居所謂黎豆即此細核其形蓋即固始所呼巴山虎豆也細蔓攀援花大如藕豆花四五莢同生一處長瘦如菘豆莢豆細長如鼠矢而不尖滇南即呼為鼠豆蓋肖形也有白紅黑花各種花者褐色黑斑殆即陳氏所云狸首文也俗以紅黑豆和米為粥碾破為餛沙餽白花者為豆芽恐亦小豆別種本野生而後種植耳李時珍以曩訛為狸余謂古人謂黑為黎而色雜亦曰黎天將昕曰黎明則明暗甫分也面目曰黎黑則亦與黑兼滯也牛之雜文曰黎牛黎黎字古通用文雜而色必晰故物之劃然者亦曰黎然則豆之文駁而分明者名之曰黎亦宜

書注黎民青改黎民為黔首其義正同孔傳則訓黎明或作暹明漢書注黎訓比是皆異義爾雅正義引古今注虎豆一

穀類卷之一 黎豆 綠豆 蕎麥



名虎沙似狸豆而大又云郭注山海經以藟為虎豆狸豆之屬狸豆一名黎豆虎豆則虎藟也蓋一類以大小異名

綠豆 綠豆開寶本草始著錄高阜旱田種之遲早皆以

六十日而收豆用甚廣又為解毒去熱良藥

雲婁農曰菘豆不見於古字或作綠亦侷其色農桑通訣北方用最多為粥為飯為餌為炙為粉為麪濟世之良穀也南方間種之宋孫公談圃乃謂粵西無此物每

綠豆



承舍入京包中止帶斗餘多則至某江輒遇風浪不能  
 渡到彼中凡患時疾者用等秤買一家煮豆香味四達  
 患病者聞其氣輒愈其說近奇按湘山野錄真宗聞占  
 城稻耐旱西天菘豆子多而粒大各遣使以珍貨求其  
 種得菘豆二石然則菘豆至宋而始重如宋真宗之深  
 念稼穡亦何異於鹵風無逸耶菘豆去毒清熱解暑祛  
 疫功誠鉅而養老調疾則莫如粉陳達叟贊曰碾彼綠  
 珠撒成銀纒熱蠲金石清徹肺腑

蕎麥

蕎麥嘉祐本草始著錄字或作苽然苽為荊葵非  
 此麥也一名烏麥北地夏旱則種之霜遲則收南方春  
 秋皆種性能消積俗呼淨腸草又能發百病云  
 雲婁農曰本草綱目附入苦蕎蓋野生也滇之西北山  
 雪谷寒乃以為稼五穀不生唯蕎生之茹粳而甘比饅  
 餠焉中原曠則蒔蕎秋霜零即殺之矣苦蕎獨以味苦  
 耐寒易凍塗為穀地殆造物憫衣裘飲酪之氓俾粒食  
 於不毛之土而不盡以弋獵之具戕生以養其生歟





威勝軍亞麻子 宋圖經亞麻子出兗州威勝軍味甘

微溫無毒苗葉俱青花白色八月上旬採其實用又名  
鷓麻治大風疾李時珍以為即壁蝨胡麻臭惡田家種  
植絕稀

威勝軍亞麻子



蠶豆 蠶豆食物本草始著錄農書謂蠶時熟故名滇南

種於稻田冬暖即熟貧者食以代穀李時珍謂蜀中收  
以備荒蓋西南山澤之農以其豆大而肥易以果腹冬  
隙廢田尤省功作故因利乘便種植極廣米穀視其豐

穀類卷之一 威勝軍亞麻子 蠶豆 蜀黍

歉以定價矣

雲婁農曰蠶豆本草失載楊誠齋亦謂蠶豆未有賦者  
戲作詩曰翠莢中排淺碧珠甘欺崖蜜軟欺酥可謂凌  
厲無前矣夫其植根冬雪落實春風點豎為花刻翠作  
莢與麥爭場高豈藏雉同甚並熟候恰登蠶嫩者供烹  
老者雜飯乾之為粉燭之為果農書云接新充飽和麥  
為餓尚未盡其功用也益部方物記有佛豆粒甚大而  
堅農夫不甚種唯園中蒔以為利以鹽漬煮食之小兒

蠶豆



穀類卷之一 威勝軍亞麻子 蠶豆 蜀黍

所嗜雲南通志謂即蠶豆豈宋時尙未徧播中原宋景文至蜀始見之耶明時以種自雲南來者絕大而佳滇爲佛國名曰佛豆其以此歟雖然滇無蠶以佛紀若江

湖蠶鄉以爲蠶候則曰蠶宜

**蜀黍** 蜀黍食物本草始著錄北地通呼曰高粱釋經者

或誤爲黍類農政全書備載其功用然大要以釀酒爲貴不畏潦過頂則枯水所浸處卽生白根摘而醬之脆美無倫

雲婁農曰吾嘗雨後夜行有聲出於田間如裂帛驚聽

久之與人曰此蜀秫拔節聲也久旱而澍則禾驟長一

夜幾逾尺昔人謂鹿養茸數日使角其生機速於草木

若蜀秫之勃發顧何如者又見婦稚相率入禾中褫其

葉以爲疎之使茂實耳詢之則緘爲簾也緝爲蓑也篋

爲笠也熟爲炊也一葉之用如此若其稈則簿之堅於

葦搗以柴而床焉籬之密於竹樊於圃而壁焉煨爐則

掘其根爲枹拙搓棉則斷其梢爲葦軸聯之爲筐則櫛

蜀黍

比而方婦紅所賴以盛也析之爲箴則樁疎而哲稚子所戲以籠也印田足穀之家如崇如塘蓋有不可一日闕者顧其米澀不雜以麥與豆則棘口而造酒乃醇以勁利膈達腹喻之以刀敵雪衝風比之以褻利之所生凡釀者販者皆讓而稅其什一其不脛而走達於江淮閩粵者益美烈而加馨嗜者每以得其涓滴爲快而常慮其賈且或驛以他耐故青旗之標出畿輔者曰京東出山西者曰汾潞出江北者曰沛出遼左而泛海者曰

蜀黍



牛莊皆都會也惟蜀秫之名不見於經博物志謂種蜀黍地多蛇北地固少虺蜴亦未稔其卽此穀與否而利民用如此其溥殆古所謂木禾木稷者歟然稻蟹之鄉既不插蒔而河朔以其易生而廣收亦目爲粗稼有以

麥與蜀秫麩合爲薄夜相餉者表芻芻如積雪而背殷

紅侔丹砂焉吾戲謂曰宗軍人粗食如此甘美其所於

精鑿者必崑圃之珠塵玉屑耶木稷見廣雅山四通志高粱土人又稱菱子

在太原屬者苗低穗緊在汾州屬者苗高穗鬆在平陽

絳州諸屬者有早秫晚秫二種早秫有大老漢小老漢

諸種晚秫有紅黑黃白蓬頭諸種蓬頭穗下垂紅黑白

三種穗上生黃穗四面分披粒無殼者米硬可爲粥粒

有殼者米軟可爲酒醋按高粱之類此爲詳盡

附蜀黍卽稷辯

蜀黍非惟經傳無聞卽本草亦不載

惟博物志始著其名食物本草著其用而又謂南人呼爲盧稷今亦不聞有呼盧稷者九穀考擧謂卽稷引據博輿一掃舊說廣雅疏證說文解字注皆主之段氏之言曰漢人皆冒粱爲稷而稷爲秫秫鄙人能通其語者士大夫不能舉其字可謂撥雲霧而覩青天矣尊崇獨

穀類卷之一 蜀黍卽稷辯

至亦蜀黍之大幸也但北地呼蜀黍音重卽爲秫秫如蜀葵亦呼爲淑纈阮儀徵相國所謂淑氣是也九穀考以說文秫稷之粘者遂以蜀黍定爲秫而蜀黍之不黏者別無異名不得不謂不黏者亦通評爲秫秫夫穀多有黏不黏二種稻黏爲糯不粘爲秈稷之黏者爲秫不應不黏者亦爲秫也九穀考又謂天下之人呼高粱爲秫秫呼其藉爲秫藉舊名在人口中世世相受夫以蜀黍音同秫秫定爲黏稷之秫彼以稷稷雙聲指稷爲稷亦西北之人至今相承語也蜀黍有黍名不得指爲黍高粱有粱名不得定爲粱獨可以其秫秫之稱而卽定爲稷之名秫者耶說文解字注謂以稷爲稷誤始蘇恭蘇氏之誤多矣如以青稞爲大麥則大小麥幾不能辨獨其以稷爲稷則尙有說考本草有稷無稷或卽以稷爲黍而齊民要術備列北方之穀獨謂稷爲穀其云凡黍稷田黍黏者收薄稷味美者亦薄刈稷欲早刈黍欲遲黍與稷或一類或二種皆在疑似之間而說文秫下

## 穀類卷之一 蜀黍即稷辯

卽曰糜麩也二字相廁裂爲黍穰穰爲黍梨已治者皆不連綴而凡黍之字皆從黍則曰糜糜也則謂糜爲稷謂糜爲黍以近日治說文之法求之二者皆可相通果孰從耶獨是蘇氏謂稷與黍爲秬秠故其苗同類是誠考之未審古以黍稷爲二穀若同類而分秬秠則稻之糯粳亦將別爲二種乎且以今之種黍子稷子者驗之則黍穗斂束稷穗簪沙黍粒長稷粒圓或扁黍用多而稷用少大凡北地之穀種粳者什七種黍者什二種稷者什或不得一焉三者初生皆相似而穎粟苞秀則漸異農家分畦別隴蓋取用不同也李時珍承蘇氏及羅氏之說但謂黍爲稷之黏者爾後紀載轉相沿襲不復目驗而心究其爲諸通人所厭非而吐棄誠無足怪而吾謂秠之爲稷稷之爲黍其說亦不自九穀考始經典釋文謂北方自有秠穀全與粟相似米黏用之釀酒其莖稈似禾而粗大按其形惟蜀黍之通呼秠者可以當之珍珠船嘗徐鉉說楚人謂之稷關中謂之糜其米

爲黃米爲認黍爲稷是卽九經考以糜爲黃黍之嚆矢乃獨以稷爲粟米考爾雅注今江東呼粟爲粢說經者斥爲六朝謬說通於彼而又窒於此矣而爾雅正義詳釋其說謂黃米與稷相似而垂穗較疎則黃米與稷又別爲種與蘇氏諸人之說稍異而其釋稷粢也直云北方所謂稷米又不著其形狀豈以同時方掇擊稷之爲稷而以稷易稷耶抑稷稷實有兩種耶余遍詢直隸山西人皆謂糜糜爲一與說文同而以軟硬爲黍稷之分且云稷無黏者則是秠爲黏稷不惟無其名亦失其種段氏注說文多云爲淺人更改或佚脫此秠字下卽非竄移又求其說而不得則不敢不托蓋闕之義夫諸儒上下千古研貫百家持論閎矣余少便鞅掌王務所見卷軸何能半袁豹但諸儒以俗呼秠秠爲稷之黏秠而於俗呼糜之米爲稷米則斥之謂晉人以粟爲稷爲誤而並以漢人之說稷者爲皆不識稷且以管子黍秠之始一言滋惑疑爲後人所加則自三代迄今舉無可從

惟俗語爲徵信而俗語之言稷者不足信獨言秫者爲足信是亦未能折服昔賢而使天下後世俱以高粱爲稷而無敢異議也余旣植黍與稷而審別之縱不可以稷冒稷而斷不能信以蜀黍爲稷夫北地之呼粟黍稷者皆曰小米耳統言之幾無不可通而細究之則古無今有古有今無者曷可勝數以余所見乃太倉稗米而已段氏有言草木之名實多同異雖大儒亦不能無誤此論允矣故長編中諸說備載而不復置辯

按齊民要術穀者總名非止爲粟也然今人專以稷爲穀望俗名之耳卽引孫郭諸人稷粟之說又云按今世粟名多以人姓字爲名目云云臚列近百種俱有穀粟糧稷名而別白精粗其云今人俗名者恐卽指江東呼粟爲黍及稷粟之說而特疑其籠統觀其言種穀法至詳至悉夏種黍稷與植穀同時地必欲熟種梁秫法則欲薄地種與植稷同一曰植穀一曰植稷穀稷互見又非盡書穀而梁秫欲薄地或卽釋文所云北方秫種似

禾而高大者否則當以秫入穀不應別立條細釋賈氏之意蓋以梁粟稷皆爲穀今人專以稷爲穀乃俗名非正也農政全書遂謂古所謂稷今通謂穀或稱粟梁與秫則稷之別種是真以稷梁爲一矣獨其所謂黍爲黍之別種今人以音相近誤稱爲稷此九穀考以黍爲黍之所本又閩書稷明祀用之歐冶遺事稷米與黍相似而粒大按此說是蜀黍也直省志書載稷者多有都無形狀惟歙縣志物產稷有黑稷秬稷也亦稷糯稷也長如蘆葦號蘆稷皆古之稷此皆九穀考以蜀黍爲稷之說而程氏歛人也蓋其里先有是言而益推衍之以說文爲歸宿非首發難端耳農政全書載有齊民要術種蜀黍一條文義不類恐沿上一條種梁秫而誤書又曰遺其本書當是農書中語耳又按說文孫炎郭璞諸說蓋皆傳聞異辭各存別名九穀考謂近人無呼粟爲秫者是誠然矣又謂他穀之黏者亦段借通稱曰秫則黏粟黏稷皆可名秫孫郭之說已不爲謬古今注謂秫爲糯稻今南方通評秬秠糯不

## 穀類卷之一 蜀黍即稷辯

聞有評秫稻者則不評秫粟亦猶秬秠豈苕今亦無是稱也余嘗謂江左諸儒足跡不至北地徒以偏傍音訓推求經傳名物往往不得確詰顏黃門所辨者皆是也程徵君久僑燕薊就北方之音聲以駁文士之講說所見正與余同而於北音尚有未盡然者段氏說文注榆字云齊民要術分姑榆山榆刺榆爲三種依許說山榆卽刺榆賈氏言植物皆種植得諸目驗豈許有未諦云云則段氏亦曾以賈氏之言爲可據矣按齊民要術種梁秫法與植稷同則非謂秫卽稷細釋前說黍黏收薄稷美亦收薄種秫與稷同不云與稷同恐亦以稷爲黍稷無黏者故但言美美則軟似黍耳言其美則亦非一種蘇氏獨云黃米亦褊矣鄭司農注九穀稷秫並舉固不以秫爲稷後鄭不從恐亦未必卽以秫稷爲一物粟以易統梁可兼秫秫不可漢儒多家西北且嘗躬耕其於兼梁未知後鄭意如何稷種蓋習見以爲人人皆知無煩訓詁故鄭氏三禮注詩箋獨不詳稷之形狀而班固服虔諸儒亦何至不知

其土宜如周子之不辨菽麥乎如蓬蒿諸草漢儒多不詳其形狀遂啓後人辨證未必漢儒 叔重汝南人吾同郡也漢時種菽吾不能知今則以稻麥豆高粱穀子爲大田非惟不植稷亦無識黍者大抵農人逐利與時貴賤古所重而今棄者良多今西北植稷者亦少恐異時並其種而失之矣諸儒但謂高粱爲北種不知漳泉皆曰番黍而黔中苗黍菽植無隙地也又如玉蜀黍一種於古無徵今遍種矣留青日札謂爲御麥平涼縣志謂爲番麥一曰西天麥雲南志曰玉麥陝蜀黔湖皆曰包穀山氓恃以爲命大河南北皆曰玉露秫秫其種絕非蜀黍類名以麥而非麥名以穀而非穀若據河南北方言以爲秫則亦得爲稷之別種耶

按漢儒以粟爲稷至晉不易陶隱居亦云粟粒細於梁或呼爲黍米蘇恭曰粟與梁有別今農人種小米者猶曰某穀曰某粟其穗粒俱不同一望而知不似黍稷之分尙須細別也齊民要術備列粟名曰朱穀黃聒穀加

支穀李穀白甌穀調母梁赤巴梁則穀梁粟洵一類矣而獨系以今人專以稷爲穀一語玩其詞意殆以穀是總名稷本一種而今人以爲穀則稷粟梁同有穀名遂皆並載惟旣云專以稷爲穀則所載名穀者乃是稷而別名梁者必非稷矣蘇恭知梁粟有別而斥陶呼粟之非則粟不爲稷自蘇氏始亦非近時諸儒論但蘇非謂粟卽是梁李時珍乃謂粟梁也則粟之爲梁乃自李氏始蘇李之說固不必與漢儒注經相校但卽以別錄論之白梁青梁黃梁皆云味甘粟別一條云味鹹一類以大細爲別不應甘鹹異味陶但云粟春熟令白亦以當白梁則未嘗以爲真梁又曰梁是粟類亦概言之耳別錄分別性味有粟有梁有秫陶以粟爲黍則無以釋稷故云不識而臆爲黍稷相似之語此大誤也其釋秫云北人以作酒亦不指爲何物齊民要術以種植爲主故凡俗之呼穀者皆雜錄於右曰穀曰梁曰稷曰粟但隨俗呼名不復識別正如今人曰小米曰穀子其

類乃不可究詰夫豈一種哉愚夫愚婦展轉相傳物以音變音以地殊凡古物在今不能指名者皆是也南人之言余不能譯今山西以高粱爲麥子以青稞爲莜麥以荏爲蒼莩於市書於牘無異辭不覩其物無由識之安得以其俗語改古訓哉別錄卽漢以來名醫所錄旣分載稷粟何得謂漢儒皆以粟冒稷汜勝之書梁爲秫粟秫之通稱漢時已然說文黏稷蓋以稷爲穀長姑舉一類以統其餘匡謬正俗謂秫似黍米而粒小此殆是說文黏稷也大抵稷秫以黏不黏爲別而梁粟卽以秫不秫爲別舉稷之名秫以爲凡黏穀之名此乃所謂穀長矣惟農家統以穀名梁與粟與稷三種久已混淆而秫粟音尤相近當時必有以秫粟爲一者諸儒相承卽以粟稷互訓或因俗稱或傳寫以聲而訛而欲別稷者仍當於俗呼穀粟之類別之特古訓遺其形狀難爲識別蘇氏以稷爲稷遂至謂稷無黏者孫郭以秫爲黏粟遂致以秫爲黏粟之定名而未考汜勝之書梁爲秫粟

是則偶未細檢而措語稍偏李氏之說則正言直斷敢於信矣諸儒詆之職此之由余謂以稷爲稷誠非有本之言而以蜀黍之俗呼稷者定爲黏稷則詩集注之黍似卽指蜀黍而鄉間塾師輒以高粱爲粱一物而數名吾誰適從若以蜀黍種早指爲首種今北地春而種麥滇南蜀黍宿根自生此豈可以訂古訓哉

又按齊民要術種粱稷並欲薄地與植稷同一本稷作穀益信賈氏之所謂穀者確是稷而粱稷三種判然可知矣粱爲稷粟稷不得爲黏粱而與植稷同時則稷或卽爲黏稷與說文同稷不黏而稷黏一種二名其性異其狀未必異也汜勝之書粱爲稷粟粱粟二名其性異其狀亦不應異也農家貴糯種稷粱爲常植圖經謂能盡地力故植薄地漢晉人以稷爲穀穀與粟皆總名以穀並名以粟而與粱之不黏者同名而滋混矣爾雅翼謂圓而細者爲粱之粟吾疑圓而細者乃前儒所謂稷而得粟名者也粱以大粒長毛與諸穀異其不黏

者亦不應穗粒圓細且今之粱自有黏不黏二種不黏者卽粟矣而又有粟一種此粟非卽稷乎諸儒皆斥前人以粟冒稷吾謂粱與稷同有粟名而本草注不復細別遂專以粟屬粱並以稷之名粟者亦爲粱吾非爲漢晉諸儒作調人特以今之通呼穀與魏晉人之呼穀一也魏晉之穀粱粟稷皆廁其中今日之穀種亦繁矣何得謂無稷也湖南有稷子苗似粱而穗散粒大乃甚似高粱藿粱一名木稷其以此歟

**稔頭** 稔頭一名灰包蜀黍之不成實者忽作一包白瓢

如菱瓜小兒輒取食之味甘而酥能噎人亦可作茹老則黑縷迸出成灰亦有作粒者輒卽黑枯地不熟功不至則生余偶以嘗客戲語之曰山西謂蜀黍爲麥子俗亦謂苳爲麥鄭康成以苳列九穀此不可謂苳耶客曰吾食菱瓜而不知爲雕胡食蜀黍而不知有稔頭微君言吾固不辨爲二穀請作食經以充吾廚勿談太元以覆吾甌



穀類卷之一  
稔頭



# 植物名實圖考卷之二

固始吳其濬著

蒙自陸應穀校刊

穀類

稗子

稗子

山菜豆

川穀

回回豆

燕麥

玉蜀黍

豌豆

龍爪豆 又一種

烏嘴豆

黑藥豆

光頭稗子

山黑豆

苦馬豆

山扁豆

野黍

胡豆

豇豆

刀豆

雲藕豆

野豆花

蝙蝠豆

黃麻

山西胡麻

山黃豆

稗子

救荒本草水稗生水田邊旱稗生田野中苗葉似

稗子葉色深綠腳葉頗帶紫色梢頭出匾穗結子如黍

粒大茶褐色味微苦性微溫採子搗米煮粥食蒸食尤

佳或磨作麪食皆可

雲婁農曰稗能亂苗亦有二種有圓穗如黍者有扁而

數穗同生者與米同春則雜而帶殼別而杵之則粒白

稗子



而細煎粥滑美北地多種之於陸非稂莠比也爾雅稊  
 莠注謂似稊布地生穢草又古詩云蒲稊相因依則稊  
 爲陸生稊爲澤生歟農政全書諄諄以種稊爲勸備豫  
 不虞仁人之用心哉

**光頭稊子** 光頭稊子莖葉俱同菱菰生陸地穗出葉

中扁淨無毛故名爲炊香美水稊形如禾生於水田蓋  
 卽淮南子所謂離先稻熟而陸生穢地者爲穢其卽此  
 歟



光頭稊子

穀類卷之二 光頭稊子 稊子 山黑豆

**稊子** 救荒本草稊子生水田中及濕地內苗葉似稻但

差短梢頭結穗彷彿稊子穗其子如黍粒大茶褐色味  
 甘採子搗米煮粥或磨作麪蒸食亦可黔山多種鷹爪  
 稊亦呼稊子雲南曰鴨掌稊

雲婁農曰稊子稊類於書鈔見其穗駢出參差如大小  
 指或以摻摻得名耶廣羣芳譜一名龍爪粟一名鴨爪  
 稊北地荒坡處種之苗葉似穀至頂抽莖有三稜開細  
 花簇簇結穗分數歧如鷹爪之狀形容極肖日照縣志



稊子


## 穀類卷之二 光頭稗子 稗子 山黑豆

稗子粟之賤者有黑白二種宜濕地石得米二斗餘民賴以餬口而三峽志謂自滇中來曰雲南稗一曰雁爪稗亦播種畦植與穀爭價東南所無蓋峽中石田艱於嘉種耳余過章貢間河壩極饒時黃雲徧野播撫弗及安得謂東南無此黔山陬瘠無異峽中溪頭峯角種植殆徧秋日穗稔赭綠壓蹊駢者如掌鉤者如拳既省工力亦獲籌車民恃爲命敢云農惡哉救荒圖與此稍異或一類亦有二種

**山黑豆** 救荒本草山黑豆生密縣山野中苗似家黑豆每三葉攢生一處居中大葉如菉豆葉傍兩葉似黑豆葉微圓開小粉紅花結角比家黑豆角極瘦小其豆亦極細小味微苦苗葉嫩時採取燉熱水淘去苦味油鹽調食結角時採角煮食或打取豆食皆可雲南山中亦有之花實較肥大人弗採摘

雲農曰吾嘗渡河而北大風沙擊車帷有聲如雹及抵驛一塵盡噴皆曰天雨豆亟取視正如黑豆小而堅

山黑豆



不類田隴間所藝豈崇巖邃谷穰殺自生陳陳堆聚久而從風飄颺者耶然絕無斷莖敗莢相雜如出諸倉籩者抑猿鼠所窳大風有隧因而發其覆耶羅泌路史博載史傳雨金雨粟雨毛雨血雨魚諸異然未得於目觀而志五行者或附會以爲休咎是邑也時有小旱不爲災亦無他異蓋風雨奇怪非常理可測至池魚飛越或有龍雷震攝吾偶過野塘一卒擊鑼聲未絕游魚撥刺飛水上數尺有自擲於岸者靜極驟動不可卒制理固

然爾

古今注元康中南陽雨豆永平中下邳雨豆似槐實  
 宋史元豐中忠州南賓縣皆雨豆大觀中廬州雨大  
 豆金史大定中雨豆於臨潢之境形上銳而赤味苦  
 元史至元中鄱陽雨豆民取食之癸辛雜識至元中  
 永嘉雨黑米泉州雨紅豆如丹砂可爲飯漢陽府志  
 明時雨小豆種之蔓生不實又夥歛常熟皆雨豆羣  
 昌府安會雨豆破之有麪味苦澀又陝西雨黑豆食  
 之氣閉六合雨紅豆有二瓣食作腥氣同安雨豆扁  
 而細或黃或黑有掃之盈升者雨豆一也或可食或  
 不可食其有似豆而非豆者耶抑以此別災祥耶

**山菘豆** 救荒本草山菘豆生輝縣太行山車箱衝山野  
 中苗莖似家菘豆莖細葉比家菘豆葉狹窄開白花  
 結角亦瘦小其豆黯綠色味甘採取其豆煮食或磨麪  
 攤煎餅食亦可

山菘豆



**苦馬豆** 救荒本草苦馬豆生延津縣郊野中在處有之  
 苗高二尺許莖似黃芪苗莖上有細毛葉似胡豆葉微  
 小又似蒺藜葉却大枝葉間開紅紫花結殼如拇指頂  
 大半頂間多虛俗間呼爲羊尿胞內有子如蠶子大茶  
 褐色子葉俱味苦採葉煤熟換水浸去苦味淘淨油鹽  
 調食及取子水浸淘去苦味曬乾或磨或搗爲麪作燒

穀類卷之二 山菘豆 苦馬豆 川穀 山扁豆

穀類卷之二 山藜豆 苦馬豆 川穀 山扁豆

苦馬豆



餅蒸食皆可按山西平隰亦多有之花如豆花色極紅  
結實空薄一簇十餘內子甚小往往有蟲踰伏其中氣  
惡俗呼馬屁胞饑饉薦臻拾及此枯魚銜索幾何不  
盡

川穀 救荒本草川穀生汜水縣田野中苗高三四尺葉  
似初生葛藜葉微小葉間叢開小黃白花結子似草珠

川穀



兒微小味甘採子搗爲米生用冷水淘淨後以滾水湯  
三五次去水下鍋或作粥或作炊飯食皆可亦堪造酒

山扁豆 救荒本草山扁豆生田野中小科苗高一尺許  
葉似蒺藜葉微大根葉比苜蓿葉頗長又似初生豌豆

山扁豆



葉開黃花結小匾角兒味甜採嫩角燂食其豆熟時收  
取豆煮食

回回豆 救荒本草回回豆又名那合豆生田野中莖青  
葉似蒺藜葉又似初生嫩阜莢而有細鋸齒開五瓣淡  
紫花如蒺藜花樣結角如杏仁樣而肥有豆如牽牛子  
微大味甜採豆煮食

回回豆



野黍 野黍生北方田野救荒本草錄之粒稀早穗實熟  
易落

雲婁農曰余聞之野人曰凡穀實皆有野生者其苗短  
其粒瘦種之肥地則方苞穎粟與田禾無異然則鴻荒  
甫闢誕降嘉種亦唯荒穢於繇條塗泥之中而未育區  
別聖人出嘗之而知其益於人也於是菲之萊之藝之  
役之而為畎畝動之散之潤之暄之而為墉櫛溝之澮  
之以備灌溉堰之坊之以禦浸潦奏庶日艱食豈一手

穀類卷之二 回回豆 野黍 燕麥

一足之爲烈哉後世值水旱之侵而始鯁鯁然求自然之穀以救子遺嗚呼滌滌山川野無青草卽生瓜籠稻亦安可得然自來饑饉荐臻之後或旅生以蘇喘息或歧穗以補困窮蓋造物仁愛未嘗一息或停而氣數之厄造物亦無如何彼耐暵耐濕之種固不乏矣而田家五行所占多驗課問勤則徵應不爽休咎之兆龜筮有不及者吾居鄉時春雨足而夏澤屢愆播種於田所獲不能倍於種盛暑中偶憩一農家則場圃盡築種棧倉積矣訊其故則曰稻種有六月稜者早種速穫其米糙而收薄數年來田家皆以夏曠失其業吾及尺澤而耕徂暑而熟祈雨者芻龍柳圈鼓闐闐於隴首吾以其時儻聞民割吾禾於烈日中雇錢少而秬秠且無損所收雖約然市無赤米價方昂而未已較之粒米狼戾廢積不售其贏殆倍蓰焉噫一上農之力能與造物爭盈虛如此然則爲民上者訪深明農事之人以爲田峻又博求多種相陰陽寒暑之不齊而增損之使民之趨時赴

野黍



功如救火追亡人而力祛其貽緜偷生之習詎不足補救災侵於萬一哉徐元扈曰稗多收能水旱宜擇佳種子下田種之災年便可廣植勝於流移摺拾吾亦謂有田者必預求能水旱之穀種視地之高下各種數區毋以收薄而鹵莽之歲美俱美歲惡必不俱惡豈不愈於采稂莠而冀穡穀哉然田家有能有不能者則曰必先去其貪

燕麥 燕麥多生廢地與雀麥異救荒本草辨別極晰野





燕麥

榮贊云有小米可作粥其稽細長織帽極佳故北地業草帽者種之

雲婁農曰甚矣瘠土之民之苦也博物志謂食燕麥令人骨軟救荒本草錄之亦謂拯溝壑耳麗江府志燕麥粉爲乾餼水調充服爲土人終歲之需維西苦寒其人力作幾曾病足哉蓼之蟲桂之蠹生而甘之烏知其辛彼漿酒葷肉覩覩然營食者其亦幸而不生雪窖冰天得以填其慾壑耳然而醉生夢死與圈豕檻羊同其肥

曠冥然罔覺以暴殄集其殃其亦不幸也已

胡豆 胡豆救荒本草錄之豆可煮食亦可爲麪本草拾

遺胡豆子生田野間米中往往有之不述其形狀當卽

此

雲婁農曰今胡豆野生非古胡豆也考爾雅戎菽注今

胡豆廣雅齊民要術胡豆與大豆異類名醫別錄序例

云胡豆今青斑豆則是豆之有青斑者大豆飯豆中皆

有之蓋舊時胡麻胡瓜草木中多以胡名者今皆異稱

胡麻既別爲山西一種而胡豆則田野旅生誠不能定

胡豆



穀類卷之二 胡豆 玉蜀黍 豇豆 豌豆

古之胡豆爲今何豆也廣雅胡豆舜矍也李時珍以豇豆角雙指爲舜矍九穀考以郭注胡豆或卽今豌豆亦本李說夫舜矍但以形聲臆度而廣雅胡豆豌豆兩釋方言異字彼此是非蓋闕如也滇黔紀遊謂太和戎菽年前卽采土人謂之大莞豆此卽蠶豆文人泚筆動援古籍可無論耳


**玉蜀黍** 玉蜀黍本草綱目始入穀部川陝兩湖凡山田皆種之俗呼包穀山農之糧視其豐歉釀酒磨粉用均米麥瓢煮以飼豕稈乾以供炊無棄物

玉蜀黍



**豇豆** 豇豆本草綱目始收入穀部此豆莢必雙生故有

舜矍之名種有紅白紫赤斑駁數色可茹可穀亦能解鼠莽毒



豇豆

**豌豆** 或作登按說文登訓豆餒非豆名 豌豆李時珍以爲卽胡豆然本

草拾遺所云胡豆非此豆也古音義胡多訓大後世輒以種出胡地附會其說皆無稽也豌豆葉皆爲佳蔬南方多以豆飼馬與麥齊種齊收廣雅畢豆豌豆留豆也本草中皆未著錄

零婁農曰豌豆本草不具即詩人亦無詠者細蔓儻蕪  
 新粒含蜜菜之美者吾鄉之巢烏能相擬哉按陸宣公  
 狀云京兆府先奏當管蟲食豌豆請據數折納大豆度  
 支續奏據時估豌豆每斗七十價已上大豆每斗價三  
 十已下望令各據估計錢數折納螟蟻爲災豌豆全損  
 司府折納充數已爲尅下從權度支準估計錢乃是幸  
 災規利且豌豆爲物其用甚微舊例所支唯充畜料準  
 數廻給大豆諸司誰曰不宜蓋昔時僅以秣馬而未嘗

豌豆



供蔬蹙既有誅齒亦弗及至利計秋毫冀益國用自非  
 程异皇甫縛之徒何能辦此

## 刀豆

刀豆本草綱目始收入穀部謂卽酉陽雜俎之挾

劍豆其莢醃以爲茹不任烹煮

零婁農曰刀豆只供菜食救荒本草所謂煮飯作麪者  
 亦饑歲始爲之耳味短形長非爲珍羞本草綱目乃以  
 爲卽挾劍豆樂浪澤物何時西來且諾皋之記亦撫子  
 年誕詞耳尙有繞陰豆其莖弱自相縈纏傾離豆見日

刀豆



穀類卷之二 刀豆 龍爪豆一 龍爪豆二

葉垂覆地又將以何種角穀當之杜陽雜編靈光豆大類菜豆煮之如鵝卵尤奇

龍爪豆 龍爪豆產寧都州葉大如掌角長四五寸豆圓

扁如大指土人煮以為飯

雩婁農曰吾過南豐以東見豆架而駭其喭然大也巨

爪攬翠森如熊蹯圓實的突握若雀卵殆日吞數枚可

以忘饑矣然饑人飯之而賓筵無薦者視廣豐以簞笥

饋人絕不相伴邑人謂食多鬱滯故不珍惜養生論曰

龍爪豆一



豆令人重心腹否則支體痿故曰重也北人有諺曰趙北之魚吃亦悔不吃亦悔以其碩而無味也然則是豆也其劉表帳下八百斤之牛歟

龍爪豆又一種 龍爪豆即刀豆之類豆大而扁如指


頂或有紋如荷包形有紫黑二種

雩婁農曰江西廣豐近封禁山產大豆角如爪其實白

質而赤章味如扁豆而甘且藏久無藥氣土人亦珍之

移之南昌實未成而隕疑秋風漸早也顧吾邑所蒔荷

龍爪豆二



包豆者黑白紋極細形狀正同味稍薄豈一類而黑紋者獨耐寒耶唐本草扁豆北人呼鵲豆以其黑而白間如鵲羽凡扁豆皆然惟李時珍謂有斑者或此類


**雲菹豆** 雲菹豆白花莢亦雙生似菹豆而細長似豇豆而短扁嫩時並莢為蔬脆美老則煮豆食之色紫小兒所嗜河南呼四季豆或亦呼龍爪豆

雲菹豆



**烏嘴豆** 烏嘴豆滇南有之同茶豆而有黑暈又有一種太極豆褐色黑紋微如太極圖形又有花臉豆青黃色

穀類卷之二 雲菹豆 烏嘴豆 野豆花 黑藥豆 蝙蝠豆 黃麻 山黃豆




烏嘴豆

有黑暈形微扁又有棕角豆圓形褐色而縐亦有黑者皆豆種之巨擘也

**野豆花** 野豆花生雲南山阜黃花澀葉俱如豆橫根頗長

野豆花



穀類卷之二 雲蘊豆 烏嘴豆 野豆花 黑藥豆 蝙蝠豆 黃麻 山黃豆

黑藥豆 黑藥豆生江西南安山林間形狀頗似豔豆花  
黃紫色結角長六七分內有黑豆二粒光圓如人瞳子  
俗云每日吞二粒明目至老不花



黑藥豆

蝙蝠豆 蝙蝠豆生雲南花色淡黃以形似名

蝙蝠豆



黃麻 黃麻生南安紫莖尖葉長寸餘與火麻絕異結子

不殊土人積之大麻李時珍謂俗名黃麻今北地無此  
名或卽此也



黃麻

山黃豆 山黃豆蔓生花葉俱如豆花白作穗蓋鹿藿之

類

山西胡麻

胡麻山西雲南種之為田根圓如指色黃  
 褐無紋叢生細莖葉如初生獨蒂發杈開花五瓣不甚  
 圓有直紋黑紫蕊一簇結實如豆莢子似脂麻滇人研  
 入麪中食之大同府志胡麻莖如石竹花小翠藍色子  
 榨油元大同歲貢油麪輸上郡生料庫今民間糶之油  
 曰大油省南北以茹以燭其利甚溥惟氣稍膩雁門山  
 中有野生者科小子瘦蓋本旅生後蒔為穀花時拖藍  
 潑翠鼻娜亭立秋陽晚照頓覺懷新本草以巨勝為胡



山黃豆

麻今名脂麻而此草則通呼胡麻別錄謂胡麻生上黨  
 不識指何種也



山西胡麻

# 植物名實圖考卷之三

固始吳其濬著

蒙自陸應穀校刊

蔬類

乾薑	山丹	薯蕷	紫花苦苣	野苦蕒	濱苦菜	苦菜	馬齒莧	莧 <small>野莧附</small>	錦葵	冬葵
葱	卷丹	百合	冬瓜	家苣蕒	苣蕒菜	光葉苦蕒	荇菜	人莧	菟葵	蜀葵

山葱 薤

山薤 苦瓠

水蘄旱芹附 莖無圖

紫芹 馬芹

鹿藿 薺

菘 烏金白

葵花白菜 芥

花芥 苜蓿

野苜蓿又一種 蕪菁

韭 山韭

蕪荷 蒜

山蒜

冬葵 冬葵本經上品為百菜之主江西湖南皆種之湖

南亦呼葵菜亦曰冬寒菜江西呼蘄菜葵蘄一聲之轉

志書中亦多載之李時珍謂今人不復食殊誤湘南節



署東偏爲又一村有菜圃焉余課丁種葵兩三區終歲取足晨浸夕苗避露惜根吮其寒滑藏神清而渴喉潤郵致其子於薊門故舊北地泉冽土沃含膏飽霜味尤雋腴金齋玉脰驟得南蔬亦皆屬饜焉考唐宋以前園葵諸作皆述其烹飪之功而物狀亦備後人詠蜀葵黃葵碎色揣稱佳句膾炙而葵菜與管城子無翰墨緣矣然王禎農書述葵之濟世謂無棄材山家清供救荒本草皆云葵似蜀葵而小明以前非無知者唯王世懋云菜品無葵不知何菜當之隨筆浪語不足典要李時珍博覽遠搜厥功甚鉅其書已爲著述家所宗而鄉曲奉之尤謹乃亦云今人不復食之亦無種者此語出而不種葵者不知葵種葵者亦不敢名葵遂使經傳資生之物與本草養竅之功同作莊列寓言豈不惜哉夫不著其功用猶之可也乃其發宿疾動風氣病者質質食之何以示禁忌嗚呼以一人所未知而曰今人皆不知以一人所未食而曰今人皆不食抑何果於自信耶郭景

冬葵



純注山海經於詭異荒渺之物不敢以爲世所未有注爾雅所不識則云未詳不以一己所見概天下誠慎之也本草之注昔人所慎一語之誤乃至死生然則任天下事以己所不知而謂今人皆不知己所不能而謂今人皆不能其關於天下之人生死又何如耶葵之名幾湮葵之圖具在按圖雖不得驥要可得馬今以後有不知葵者試以冬寒菜蘄菜與諸書葵圖較農政全書冬葵圖極精細雲婁農曰烹葵及菽農夫之食綠葵紫粟煇葵菜高

## 蔬類卷之三 冬葵

人志士山蔬固應不惡遼史張儉在相位二十餘年致政歸第會宋書辭不如禮上將親征幸儉第進葵羹乾飯上食之美徐問以策儉極陳利害且曰第遣一使問之何必遠勞車駕上悅而止復卽其第賜宴敬上敬下情禮藹然其風古矣諫行言聽且異於晉平公之於亥唐

附擘經堂葵考葵爲百菜之主古人恆食之詩豳風周禮醢人儀禮諸篇春秋左氏傳及秦漢書傳皆恆見之爾雅于恆食之菜不釋其名爲其人人皆知也故不釋韭蔥之名而但曰藿山韭荅山蔥爾雅不釋葵其曰菟葵芹葵戎葵蔞葵皆葵類非正葵亦韭蔥之例也六朝人尙恆食葵故齊民要術載種葵術甚詳鮑昭葵賦亦有豚耳鴨掌之喻唐宋以後食者漸少今人直不食此菜亦無知此菜者矣然則今爲何菜耶曰古人之葵卽今人所種金錢紫花之葵俗名錢兒淑氣卽蜀葵二字者以花爲玩不以葉充食也

今之葵花有四種一向日葵高丈許夏日開黃花大徑尺一蜀葵高四五尺四五月開各色花大如杯此二葵之葉皆粗澀有毛不滑不可食惟金錢紫花葵及秋葵葉可食而金錢紫花葵尤肥厚而滑乃爲古之正葵此花高不過二尺許花紫色單瓣大如錢葉雖有五歧而多駢誠有如鮑明遠所謂鴨掌者異于秋葵之葉大多歧不駢如鶴爪也齊民要術稱葵菜花紫今金錢葵花皆紫無二色不似蜀葵具各色秋葵色淡黃也左傳云葵猶能衛其足杜預注云葵傾葉向日以蔽其根曹植表云若葵藿之傾葉太陽雖不爲之迴光然向之者誠也玉篇云葵葉向日不令照其根此皆言葵之葉能衛其根卽葛藟庇本根之義非言其花向日自轉也藿爲豆葉豆之花亦豈向日而轉哉予嘗鋤地半畝種金錢紫花之葵翦其葉以油烹食之滑而肥味甚美南中地暖春夏秋冬皆可采食大略須地肥而葉嫩大如錢乃甘滑儀禮士

虞禮稱之曰滑者以此又余嘗登泰山其懸崖窮谷  
 曲磴幽石之間無處無金錢紫花之葵皆山中自生  
 非人所種山中人采其葉烹食之但瘦耳然則世人  
 雖久不食之而名山古地尚有留存者矣說文云藿  
 豆之少也余嘗種豆採其葉苗食之味亦美葵葉之  
 味與藿正相似益可知古人葵藿並舉之義秋葵葉  
 嫩時亦可食但此與葵性相近終非正葵葵之花開

于夏此則至秋始開其葉不能四時常可種食耳

按儀徵相國以金錢葵為即葵菜是真知葵者唯葵

菜花與金錢葵同而尤小泰山崖谷之葵非菟葵耶

金錢葵亦有白花者葵菜花則唯淡紫一色向日葵

乃一丈菊俗名非葵類

**蜀葵**

蜀葵爾雅薦戎葵注今蜀葵嘉祐本草始著錄葉


亦可食滇南四時有花根堅如木滇花中耐久朋也

雲婁農曰陳標詠蜀葵詩云能共牡丹爭幾許得人輕

處祇緣多流傳以為絕妙好詞矣余以歲暮至滇百卉

具腓一花獨婪雖太陽不及亦解傾心劉長卿詩太陽偏不及  
 非是未如火如荼何多之有韓魏公詩不入當時眼其  
 傾心如向日心則人情輕所多者亦未具冷眼耳記兒時在  
 京華廚人摘花之白者劑以麪油灼食之甚美邇來南  
 北無以入饌者毋亦衆口難調

蜀葵



**錦葵**

錦葵爾雅收蚍蜉注今荆葵也似葵紫色謝氏云

小草多華少葉葉又翹起陸璣詩疏似蕪菁華紫綠色

可食微苦按花亦有白色者逐節舒葩人或謂之旌節花

零婁農曰葵有數種皆登爾雅詩視爾如苻至以狀美色此即梨花帶雨之元胎也然人心不同如其面焉玉環飛燕肥瘠豈能同態花草譜謂錢葵止有粉間深紅一色不知滇南有白色者尤雅萬彙蕃變不可思議若據所見以斷物類之有無其必為穆王之化人而後可

錦葵



菟葵 菟葵爾雅荼菟葵注頗似葵而小葉狀如藜有毛

灼啖之滑唐宋本草皆詳晰唯鄭樵以為天葵生於崖石殊謬天葵不可食江西湖南山中有之菟葵即野葵比家葵瘦小耳武昌謂之棋盤菜雲南無種葵菜者野葵浸淫覆畦被隴霜中作花奚止動搖春風山西尤多試以南方葵種種之亦肥美則有菟葵之處即可種葵爾地早寒七月烹葵殆不能耐霜雪耳

菟葵



零婁農曰文人之好奇也菟葵燕麥芘夷蘊崇之物耳種麥者惡其害麥燕麥害麥者也種葵者惡其害葵菟

莧

葵害葵者也凶年採以救饑亦謂其易生不至曠乾耳若石崖之天葵彼蒙袂輯屨貿貿然者尙能踰壑越澗耶孟子曰道在邇而求諸遠事在易而求諸難

莧本經上品蜀本草莧凡六種赤莧白莧人莧紫莧五色莧馬莧圖經云五色莧今亦稀有疑卽雁來紅之屬人莧北地通呼亦謂之鐵莧白莧紫茄以爲常餌蓋莧以白爲美爾雅蕒赤莧說文蕒赤莧也今江西土醫書野莧爲野蕒蕒同部當可通說文不以蕒爲莧名

莧



而廁肆於茜殆以其汁赤如茜也或謂野莧炒食比家莧更美南方雨多菜科速長味薄野莧但含土膏無灌漑催促固當雋永列子程生馬馬生人馬者馬莧之類人者人莧之類宋方岳蕒莧詩見說能醫射工毒人間此物正騷騷可謂詩中本草

野莧



人莧

人莧蓋莧之通稱北地以色青黑而莖硬者當之一名鐵莧葉極粗澀不中食爲刀創要藥其花有兩片承一二圓蒂漸出小莖結子甚細江西俗呼海蚌含珠

蔬類卷之三 莧 野莧 人莧 馬齒莧

蔬類卷之三 莧 野莧 人莧 馬齒莧

人莧




又曰撮斗撮金珠皆肖其形顏氏家訓博士皆以參差者是莧菜呼人莧爲人苻亦可笑之甚宋人說部有以人莧二字爲奇者是殆記兔園册子者也

**馬齒莧** 馬齒莧別錄謂之馬莧蜀本草始別出俗呼長

命菜今爲治痔要藥救荒本草謂之五行草淮南人家採其肥莖以針縷之浸水中揉去其澀汁曝乾如銀絲味極鮮且可寄遠杜詩又如馬齒盛氣擁葵萑昏若得此法製之則癰刺痕皆爲纏齒羊當不咎園官送菜把

馬齒莧

零婁農曰易曰莧陸夫夫莧馬齒莧陸商陸陸有毒能致鬼神莧感一陰之氣而生拔而暴諸日不萎本草以爲難死之草九五與上六比爲諸陽之宗而牽於柔猶商陸與莧毒而難去故重言夫夫欲其決而又決勿宴安鳩毒而使陰類伏而不死也然陰之類終不能絕上六孤乘一變爲姤而其勢熾矣唐之五王不除三思宋之司馬不去蔡京小人之難死人事耶抑天道耶老杜於人莧浸淫馬齒掩蔬皆以傷君子不遇爲比蓋有本



於易非爲觸物而泛及之  
 芥蕒 芥蕒本經上品爾雅芥蕒大齋俗呼花齋味不如  
 齋蜀本草似齋而細者是

芥蕒



苦菜 苦菜本經上品釋草小記考述極詳鋪地生葉數  
 十爲簇開黃花甚小花罷爲絮所謂茶也根細有鬚味  
 極苦北地野菜中之先苗者亦采食之至苦蕒生而此  
 菜不復入筠籃矣救荒本草謂苦蕒有花葉光葉二種  
 驗之信然今併圖之但嘉祐本草分苦蕒苦蕒二種救

苦蕒



荒本草所云苦蕒似卽苦蕒其所圖苦蕒稍葉如鴉嘴  
 形俗名老鸛菜自別一種大抵苦蕒花小而繁苦蕒俗  
 呼苦蕒花稀而大正同蒲公英花園圃所種皆苦蕒嘉  
 祐本草之家苦蕒恐以葉之花光分別未見人家有種  
 苦蕒者野菜相似極多而稱名以地而異僅見一二種  
 強爲附麗終無當於古所云爾  
 雲婁農曰余少時以暮春入都門始茹苦蕒和以蔗糖  
 其苦猶強於甘徒以其性能抑熱強嚙之非佳饌也河  
 以南無食之者無論江湖本草及小學家辨別良苦然

蔬類卷之三 芥蕒 苦菜 光葉苦蕒 滇苦蕒

蔬類卷之三 莢菜 苦菜 光葉苦蕒 滇苦菜

孰是提挑菜之概而烹炊其之釜者乎西北春遲四月  
 中新莖纖纖挺露積沙中者如老人短髮歷歷可數顯  
 亂男女坐地以指掘其根芽就而咀嚼之葉稍舒則挈  
 以歸雜糠覈煮為飯或剉以飼雞豕無寸青尺綠委於  
 踐履者故無一物不為之名程徵君瑤圃有言曰簡策  
 陳言其在人口中者雖經數千百年有非兵燹所能劫  
 易姓改物所能變者此言誠然唯西北語質其聲音  
 輕重尚可以古韻求之耳太行中條以南土沃候暖萌  
 達句出率不過旬日即莒發穎豎莖茸於蓬蒿藜莠中  
 幾荒蕪而不可治自非曠土隙壤無不芟夷殆盡尚有  
 能盡名其物者乎余嘗以苦蕒詢之開封人或以為蕪  
 兒苗然則救荒本草所云苦莒者乃以本草之名名之  
 非俗語如是也昔有令治獄獄成以付吏吏為定爰書  
 令視之詔曰此非昔所鞠獄辭也吏出袖中舊牘以進  
 曰凡治獄必改易其辭如舊牘始與律比令熟思良久  
 曰汝言是也若並其人名而易之則與舊案無一字不

比矣然則本草小學諸書所謂某草即古某草者無亦  
 有如今之治獄欲併易其人名以比於舊牘者乎

**光葉苦蕒** 光葉苦蕒與莒蕒絕相類而根不白亦無

赤脈開花極繁與家種者無異味極苦賣莒蕒者斷其  
 根屨之多不能辨

光葉苦蕒



**滇苦菜** 滇苦菜即李時珍所謂胼葉似花蘿蔔菜葉上

葉抱莖似老鶴嘴每葉分叉攢挺如穿葉狀而別錄以



滇苦菜



爲生益州凌冬不死者也滇人亦呼苦馬菜貧人摘食之四季皆有江湖間亦多故李時珍以爲卽苦菜與北地苦蕒迥異中州或謂爲蒲公英用治毒亦效蓋性皆苦寒所主固可同耳畿輔通志苦蕒菜生溝塹中可生食亦可微乾卽此

**苣荬菜** 苣荬菜北地極多亦曰甜苣長根肥白微紅味

苦回甘野蔬中佳品也以饍與醬拌食或焯熟茹之其葉長數寸鋸齒森森中露白脈開花正如蒲公英齊民

蔬類卷之三 苣荬菜 野苦蕒 家苣荬 紫花苦苣

要術引詩義疏蕒苦蕒青州謂之苣是也陸璣詩疏云苣似苦菜西河鴈門尤美曰似苦菜則與苦菜異物今山西野生者極肥土人嗜之元恪之言信有徵矣南方多種以爲蔬沃土澆溉形味稍異釋草小記云葉如劍形而本有歧莖老時如此又有一種野苦蕒亦相類具別圖



苣荬菜

**野苦蕒** 野苦蕒南北多有葉附莖有歧如翦根苦北地春時多採食之小兒提籃以售救荒本草苦蕒菜俗名

蔬類卷之三 苣荬菜 野苦苣 家苣荬 紫花苦苣

野苦苣



老鶴菜生田野中脚葉似白菜小葉拈莖而生梢葉似鴉嘴形每葉間分叉攏葶如穿葉狀梢開黃花卽此釋草小記苣荬葉末略似劍形近本處有歧出者厚而勁乃正相類但莖瘦色赭根極細短與苣荬迥別救荒本草但言苣荬葉熟油鹽調食不言其根可茹與苣荬洵非一種矣

**家苣荬** 家苣荬江西種之成畦高至五六尺披其葉茹

之齊民要術所謂畦種足水繁茂甜肥勝野生者也嘉祐本草謂江外嶺南吳人無白苣荬植野苣以供廚饌然則此本野生特移植肥壯耳非別一種但謂爲苦苣味苦不知其回甘也近時江右亦有白苣惟葉瘦不如北地生菜肥高苣亦然江右有一種柳苣與苣荬無

家苣荬



異而葉白有紫縷抽莖長四五尺莖葉細長如柳故名  
**紫花苦苣** 紫花苦苣山西平隰有之夏開紫花餘無

紫花苦苣




冬瓜 異土人謂黃花爲甜莖語重如鐵莖此爲苦莖  
冬瓜本經上品一名白瓜削敷癰疽分散熱毒最

良子可服食皮治跌撲傷損葉治消渴傳瘡滇南本草  
治痰吼氣喘又解遠方瘴氣小兒驚風皮治中風煨湯  
服效又有象腿瓜長圓有溝皮白肉與冬瓜無異子如  
南瓜子味在二瓜之間有南瓜之甘而無其濁有冬瓜  
之嫩而勝其淡亦佳蔬也



薯蕷 薯蕷本經上品卽今山藥生懷慶山中者白細堅

實入藥用之種生者根粗江西湖南有一種扁闊者俗  
呼腳板薯味淡其子謂之零餘子野生者結莢作三棱  
形如風車雲南有一種根長尺餘色白而扁葉圓滇本  
草謂之牛尾參蓋肖其形按物類相感志謂諸手植如  
手鋤整等物植隨本物形狀似未可信然種類實繁南  
寧府志有人薯牛脚籬峒鵝卵各薯瓊山縣志有鹿肝  
薯鈴薯石城縣志有公薯木頭薯高要縣志有雞步



蔬類卷之三 冬瓜 薯蕷 百合 山丹

薯蕷脂薯番禹縣志有掃帚薯漳浦縣志有熊掌薯蓋薯竹根薯大要皆因形色賦名也文與可有謝寄希夷陳先生服唐福山藥方詩唐福在蜀江之東其詩曰壯士臂曰仙人掌則亦牛尾腳板之類蓋野生者耳文昌雜錄載乾山藥法風掛籠烘皆佳山家清供謂以玉延磨篩爲湯餅索餅取色香味爲三絕宋史王文正公旦病甚帝手和藥并薯蕷粥賜之今仕宦家不復入食單矣唯雲仙雜記載李輔國大畏薯藥或示之必眼中火出毛髮瀝血其禽獸之腸與人異耶

百合 百合本經中品生山石上者根嫩多汁瓣小種生沙地者根大開大白花南都賦諸蔗蕒薑黼黼百合蒜也近以嵩山產者爲良江西廣饒懸崖倒垂玉綻蓮馨根謝土膏味含雲液療嗽潤肺洵推此種夷門植此爲業以肥甘不苦者爲佳滇南土沃乃至翦採如薪供瓶經夏本草綱目引王維詩冥搜到百合真使當重肉按全詩云少陵晚崎嶇天隨自寂寞輞川集豈應有此蓋宋



百合

王右丞非摩詰也又云果堪止淚無用本草止涕淚之說肺氣固則五液斂也

山丹 山丹葉狹而長枝莖微柔花紅四垂根如百合而少瓣洛陽花木記有紅百合即此或曰滌丹花殷紅有饒陳傅良詩山丹吹出青藜火暮其四照也朱子詩昔遊嶺海間幾見蠻卉折素英溥夕露朱簷爛晴日歸來今幾年晤對祇寒碧因君賦山丹悅復見顏色嶺南

山丹



花多朱般他處如此炫晃者蓋少前賢掉詠無妄語如此羣芳譜根大者供食味與百合無異

**卷丹** 卷丹葉大如柳葉四向攢枝而上其顛開紅黃花

斑點星星四垂向下花心有檀色長蕊枝葉間生黑子根如百合本草衍義所述百合形狀即此京師花圃藝之爲玩不以入饌或謂根種一年則梢開一花云草花譜番山丹花木記黃百合羣芳譜珍珠花紅有黑點皆此花也滇南謂之倒垂蓮燕薊謂之虎皮百合東坡錯

卷丹



落瑪瑙盤句應是詠此穎濱詩山丹非佳花又云盈尺爛如綺山丹不能盈尺亦嘉卉以詠卷丹則稱

**乾薑** 乾薑本經中品生薑別錄中品又有乾生薑性畏

日喜陰亦有花與山薑同而抽莖長尺餘余於贛南薑區見之呂氏春秋和之美者楊樸之薑薑桂之滋古以爲味而已齊民要術有蜜薑法梅都官糟薑詩醃芽費糟邱此法吳中尚之又有梅薑遵生八牋所謂五美薑也李義山詩蜀薑供煮陸機尊今人以水蔬爲茹必加

蔬類卷之三 卷丹 乾薑 葱

薑以制其性其來舊矣東坡雜記有僧服薑四十年其法取汁貯器中澄去其上黃而清者取其下白而濃者乾刮取如麪謂之薑乳飴搜為丸或未置酒食茶飲中食之無力治此和皮嚼爛溫水嚥之初固稍辣久則甘美云五味皆有偏勝習慣則甘今江湖人茹之飲之咀嚼之非此不能勝濕食蓼不知辛殆有斯須不能去者東坡詩先社薑芽肥勝肉蜀固多薑乃甘於肉東坡又云食薑粥甚美一甌夢足得不汗出如漿耶陶隱居謂久服少智少志傷心氣唐本草注本經言久服通神明陶氏謬為此說朱子詩薑云能損心此謗誰與雪則蘇氏已雪之於前矣劉原父戲為道非明民將以愚之之說誠堪解頤然孔稱不徹裴乃不食人之所嗜固自不同史記千畦薑非其人與千戶侯等蓋為和為蔬為果為藥用芽用老用乾用炮用汁其為用甚廣諺曰養牛種薑子利相當此言非謬李杲謂秋不食薑走氣瀉肺故禁之晦翁語錄亦有秋薑天人天年之語李時珍謂




乾薑

葱

積熱患目病痔人多食兼酒立發癰瘡人多食則生惡肉此皆覆察好而知惡者鮮矣

今作葱 葱本經中品有冬葱漢葱胡葱樓葱野生為

山葱冬葱即小葱一曰慈葱漢葱莖硬一名木葱胡葱根大似蒜樓葱即羊角葱一名龍爪葱山葱即茗汁為葱涕西北樓葱肥白少辛氣寸斷烹茹內則注涑蒸葱也清異錄趙魏間有盤蓋葱大如柱杖粗盈尺孔奮在




葱

姑臧但食葱菜劉先主歸曹瞞聞雷失箸曹瞞視之方披葱使斲人爲之不端正以杖擊之屈突通莅官勁正語曰甯食三斗葱不逢屈突通蓋不比江左芟羹用大官葱但呼曰和事草也葱葉無可味麥飯葱葉食之饗者故井丹推去之然其中空用以通耳鼻諸竅皆有驗東坡詩總角黎家三小童口吹葱葉送迎翁小兒游戲卽蘆笙矣若其治脫陽金瘡便閉卒死諸危症回陽氣於須臾盤飧中有靈妙寶丹非他蔬所敢儕輩也

蔬類卷之三 山葱 薤 山薤

山葱 山葱爾雅荅山葱千金方始著錄救荒本草謂之

鹿耳葱山石原澤皆有之而澤葱細嫩叢生故詩人以爲翠管西河舊事葱嶺山高大上生葱故曰葱嶺淮南子山上有葱下有銀此山葱也生沙地曰沙葱曹唐詩隴上沙葱葉正齊是也晉令有紫葱唐書西域傳泥婆羅獻渾提葱皆葱肆所不具西域聞見錄不雅斯類野蒜頭大如雞子葉似葱而不中空味辛甘肅人呼爲沙葱回人嗜之其渾提類耶



山葱

薤

爾雅作薤禮記作薤俗皆从薤

薤本經中品爾雅薤鴻蒼李時珍以

蔬類卷之三 山葱 薤 山薤


爲卽藞子開花如韭而色紫白其根層層作皮與蒜異炒食或醋浸江西湖南極多或云非薤也老杜詩衰年關鬲冷味暖並無憂蓋栝樓薤白湯半夏薤白湯皆治胸痺內則膏用薤又切葱若薤實諸醢以柔之今湖湘人炒食醋浸其亦猶行古之道也薤美在白圖經以爲性冷故食之留白是殆不然庾元規溫太真同推陶侃爲盟主元規矯情談宴噉薤留白謬云可種是時侃方慮朝廷猜疑見元規舉止瑣屑以爲易與故相稱嘆豈



薤

眞服其有爲政之實耶韓滉盛帳延賓晚間詰責所費爲人所輕舉大事者安得猥碎薤本相連拔薤喻抑強宗東坡詩細思種薤五十本大勝取禾三百慶襲遂傳令人口種百本薤蓋取屬對耳香山詩酥暖薤白酒或謂以酥炒薤白投酒中此味吾所不解

**山薤** 山薤爾雅勤山薤本草拾遺有蓼薤李時珍以爲卽山薤今湖南山中亦有之勤山何在羅願所訶農書亦云天薤不多有蓋白薤負霜久非魯衛之詩雖有稽




山薤



菜亦與菟葵燕麥搖動春風耳湘人呼曰野藟頭唯其有之是以識之思州府志薺俗名藟頭小者名苦藟大者名鵝腿藟山薺或即苦藟救荒本草謂之柴韭山西亦呼野韭

**苦瓠** 苦瓠本經下品即壺盧有苦甜二種甜者為蔬苦

者為器詩經匏有苦葉味苦者也幡幡瓠葉味甘者也滇南本草苦瓠採葉為末盛瓶內出行渴時取一分服之不中水毒加雄黃能解噁瘴山嵐之毒凡中夷人之毒服此方二三分俱不可多用按苦瓠能吐人凡瘴毒多以吐解其甘者河以北皆茹之唐柳玘鄭餘慶皆以常食瓠為清德而陶穀清異錄乃謂之淨街槌真不知菜根味者但北地種多風燥烹之暴之無不宜之南方種植既稀久雨或就籬乾癟佳者製為玩具頗得善價山家清供以岳柯勳閱有詩曰去毛切莫拗蒸壺嘆其知野人風味余以為岳詩亦只隸事耳若貴南人以食壺為儉則當與盛筵中之黃芽白菜營盤磨姑並駛



苦瓠

而爭雄矣元范梈詩序或言種瓠蔓長必翳其標乃實齋前因樹為架蔓緣不已果多虛花云凡蔬皆然不獨瓠也高季迪詩自笑詩人骨何由似爾肥肥白如瓠誠為食肉相然如益州張裔如瓠壺外澤內粗甘與無竅而堅者何異瓜花多黃瓠花色白杜詩幸結白花了自是瓠架

**水蘄** 水蘄本經下品陶隱居以為合在上品未解何意乃在下品別錄謂生南海池澤此是常蔬不識何以云

生南海殆非人所種者耶芹蒞加豆之實而列子云人有美戎菽甘泉莖芹萍子者對鄉豪稱之鄉豪取而嘗之蜚於口慘於腹其所謂片子必非園圃中物矣按詩臍沸檻泉言采其芹蓋古時以為野蔬青州有芹泉榆林有芹葉水老杜詩多言芹青泥烏髻亦自生之菹耳二老堂詩話蜀人縷鳩為脍配以芹菜或為詩云本欲將勤補那知弄巧成言雖諷而可諷

水蘄



董

雲婁農曰羊鼻公嗜醋芹此常饜耳龍城錄三杯食盡之說近狎侮矣太宗敬文貞甚至不應有此臣執作從事獨僻此收斂物文貞豈以口腹之故而為齋夫喋喋者昌歎羊裘聖賢不以為病若於飲食之間而覘朝臣所短則漢景賜食而不設箸孫歆燕飲澆灌取足豈盛德事哉昔人謂龍城錄為偽書其言猶信

蘄同芹董音謹爾雅芹楚葵注今水中芹菜而唐本草別出董菜云野生非人所種葉似蕺菜花紫色李時




旱芹

珍以為即旱芹按爾雅鬻苦董注今董葵也葉似柳子如米灼食之滑與蘄菜殊不類近時亦無蒸芹而食之者唯疏引唐本草董菜釋之余疑本草董別一種惟諸家皆以為水蘄當有所據又按詩董茶如飴傳董菜也疏以為烏頭烏頭毒草豈可釋菜內則董莖同列未必異物士虞禮冬用葶夏用葵然則董其葵之類耶爾雅芹與苦董兩釋究不可定為一種烏頭之董音觀與董葵亦異讀

**紫芹** 紫芹宋圖經始著錄莖紫葉肥根白長香甜河南

紫芹



蔬類卷之三 紫芹 馬芹 鹿藿 蕘

多種之

**馬芹** 馬芹唐本草始著錄多生廢圃中高丈易長南人不敢食之滇南水濱高與人齊通呼水芹滇本草謂主治發汗與麻黃同功一小兒發熱月餘得一方水芹菜大麥芽車前子水煎服效

馬芹



**鹿藿** 鹿藿本經下品爾雅藿鹿藿其實菹注今鹿豆菜

似大豆根黃而香蔓延生又曰豎豆救荒本草圖說詳晰湖南山坡多有之俗呼餓馬黃以根黃而馬喜食也




鹿藿

俚醫用以殺蟲李時珍以野菜譜野菜豆爲躑躅殊不  
類

薺

齊別錄上品爾雅薺實湖南候暖冬初生苗已供  
匕筋春初卽結實其花能消小兒乳積投之乳中旋化  
爲水肉食者可以蕩滌腸胃俗亦謂之淨腸草故燒灰  
治紅白痢有效陸放翁詩目有食薺糝甚美蓋蜀人所  
謂東坡羹也今燕京歲首亦作之呼爲翡翠羹牛乳拌  
酥洵無此色味放翁又有食薺詩云挑根擇葉無虛日  
直到開花如雪時真知食菜者矣清異錄俗號薺爲百

薺




歲羹言至貧亦可具雖百歲可常享然金李獻能詩曉  
雪沒寒薺無物充朝飢則苦寒之地有求之不得者珍  
珠船池陽上巳日以薺花點油祝而灑之謂之油花卜  
物類相感志三月三日收薺菜花置燈檠上則蚊蟲飛  
蛾不敢近伶仃小草有益食用如此  
雲叟農曰孟東野云食薺腸亦苦放翁亦云傳誇真欲  
嫌茶苦自笑何時得瓠肥咬斷菜根者得不令人疑其  
勉而爲瘠耶冰壺先生沉醉大嚼適然之妙非必醒酒  
鮮也高力士氣味不改一語王右丞鄭司戶恐未能道

蕘爲靡草阨於夏南方不可居些金生而生水王而王木茂而茂歲欲甘甘草先生蕘成而告甘焉乾端坤倪牙於小草故君子曰慎微

### 菘

菘別錄上品相承以爲卽白菜北地產者肥大昔人謂北地種菘變爲蔓菁殊不然考嶺表錄異嶺南種蔓菁卽變爲芥今北地種芥多肥大亦似變爲蔓菁也按菘菜種類有蓮花白箭幹鈴杓杓白各種惟黃芽白則肥美無敵王世懋謂爲蔬中神品不虛也北無菘菜前人已爲洗謗南方之種多從燕薊攜歸閩書謂張燕公自函京攜種歸曲江種之閩中呼爲張相公菘以余所至如湖廣之襄陽施南辰州沅州皆產之可與黃芽爲廝輿湖南之長沙縣有數區地宜種則燕薊之雲芴也聞廣東雷州亦佳然羊城初筵皆海舶冬致東吳兩浙江右糧艘歸帆不脛而走味勝於肉亦非無食肉相者所能頓頓捫腹也滇南四時不絕亦少渣滓似此菜根良有滋味惟怪古人歌詠不及范石湖田園雜興詩撥

菘




雪挑來場地菘味如蜜藕更肥濃此尙是黑葉白菜之類若北地大雪菜皆僵凍瓊漿玉液頓成枯枿矣又菘以心實爲貴其覆地者北人謂之窮漢菜亦曰帽纓子誠賤之也清異錄江右多菘菜粥筍者惡之嘗曰心子菜蓋筍虛中而菘實中也雒南縣志有圓根者療饑濟荒與蔓菁同功今北地連根煮食味亦甘微作辛氣李時珍謂根堅小不可食亦少所見

烏金白 烏金白即蔘菜之黑葉者湖南產者葉圓少皺

色青黑有光味稍遜其箭桿白與他處同

烏金白




葵花白菜 葵花白菜生山西大葉青藍如劈藍四面

披離中心葉白如黃芽白菜層層緊抱如覆碗肥脆可

愛汾沁之間菜之美者為蕓為羹無不宜之山西志無

紀者日食菜根乃缺蔬譜俗訛為回子白菜

葵花白菜



芥 芥別錄上品有青芥紫芥白芥又有南芥旋芥花芥

石芥南土多芥種類殊夥宋開寶本草別出白芥今入

藥多用之又上海縣志矮小者曰黃農芥更有細莖扁

心名銀絲芥亦名佛手芥長洲縣志有雞腳芥湖南有

排菜蓋即銀絲芥然老圃所常藝者兩種耳其科大根

小曰辣菜根大葉瘦曰芥圪答亦曰大頭菜南方芥為

常膳而王世懋乃以燕京春不老為最蓋南芥辛多甘



芥

少北芥甘多辛少南菘色青北菘色白南芥色淡綠北芥色深碧此其異也江西芥尤肥大煮以為羹味清滑不似晦翁南芥詩較餐時擁鼻也寧都州冬時生薑如萑苴筍甚腴土人珍之曰菜腦南昌則二月中有之寒暖氣遲早耳滇中一歲數食之東坡詩芥藍如菌葷脆美牙齒馨余謂其味美於回勝於良薑一爽無餘石芥紫芥皆未得入饌錢起石芥詩山芥綠初嘗吳寬紫芥

### 花芥

詩此種乃野生又云氣味既不辛卻與芥同行蓋非圃  
 鮭亦芥之別宗耳

芥之有根者想即蔓菁京師大而脆為疏中佳味攜子歸種之移植他所輒不如初如所言則江以南芥無大根宜諸書不詳而菘疏誤以為蔓菁也蔓菁根圓味甘而大芥根味辛而小形微長北地呼為芥砭磔醬漬者為大頭菜醃而封之辛辣刺鼻謂之閉齏菜往往誤買蔓菁則味甘而無趣嶺南異物志南土芥高者五六尺

花芥



子如雞卵爲鹹菹埋地中有三十年者疑以其根爲子  
遵義府志大頭菜各邑俱產滇中尤多花葉卵根辛爽  
可人醬醃與京華相埒淄川縣志圃種者根葉肥大俱  
可食昔人屢著芥辣法而未知根之辣妙於子莖日用  
飲食非必忽焉不察殆地宜之囿人矣

### 苜蓿

苜蓿別錄上品西北種之畦中宿根肥雪綠葉早

春與麥齊浪被隴如雲懷風之名信非虛矣夏時紫萼

穎豎映日爭輝西京雜記謂花有光采不經日驗殆未

能作斯語釋草小記藝根審實敘述無遺斥李說之誤

褒羣芳之核可謂的矣但李說黃花者亦自是南方一

種野苜蓿未必卽水木樨耳亦別圖之滇南苜蓿糶生

圃園亦以供蔬味如豆藿訛其名爲龍鬚

雩婁農曰按史記大宛列傳祇云馬嗜苜蓿述異記始

謂張騫使西域得苜蓿菜晉華廩苜蓿園阡陌甚整其

亦以媚盤飧耶山西農家摘茹其稚亦非常饑大利在

肥牧耳土人謂芻秣壯於棧豆谷量牛馬者其牧必有



苜蓿

道矣元史世祖初令冬社防饑年種苜蓿未審其爲騷  
牝爲黔黎也陶隱居云南人不甚食之以其無味唐薛  
令之苜蓿闌干詩清况宛然山家清供謂羹茹皆可風  
味不惡膏粱芻豢濟以野蔌正如敗鼓鞀底皆可烹飪  
豈其本味哉階前新綠雨後繁葩忽誦宛馬總肥秦苜  
蓿句令人有撻伐之志

### 野苜蓿

野苜蓿俱如家苜蓿而葉尖瘦花黃三瓣乾則

紫黑唯拖秧鋪地不能植立移種亦然羣芳譜云紫花

本草綱目云黃花皆各就所見爲說釋草小記斥李說



以為黃花是水木犀按水木犀園圃所植婦稚皆知李氏不應孤陋如此或程徵君偶為人以水木犀相誑耳

野苜蓿一




野苜蓿又一種 野苜蓿生江西廢圃中長蔓拖地一

枝三葉葉圓有缺莖際開小黃花無摘食者李時珍謂

苜蓿黃花者當即此非西北之苜蓿也宜為釋草小記

所訶

野苜蓿二



蕪菁 蕪菁別錄上品即蔓菁昔人謂葑須芥菴蕪蕪蕪

菁蔓菁七名一物蜀人謂之諸葛菜今辰沅有馬王菜

亦即此袁滋雲南記嵩州界緣山野間有菜大葉而粗

莖其根若大蘿蔔土人蒸煮其根葉而食之可以療飢

名之為諸葛菜云武侯南征用此菜蒔於山中以濟軍

食亦猶廣都縣山樸木謂之諸葛木也袁氏殆未知其

為蔓菁耶周禮菁菹鄭司農以為韭菹康成破謂蔓菁

蔬類卷之三 野苜蓿又一種 蕪菁

二說皆通若包甌菁茅蠻方貢菜則蒞支龍眼不爲疲尉懽矣恐亦非物土之宜先主在曹閉門種蕪菁陸遜聞韓扁爲敵所獲方催人種葑豆軍行齋種蓋亦兵家之常孟信爲趙平守素木盤盛蕪菁苴清德可風亦西土之美放翁詩往日蕪菁不到吳如今幽圃手親鋤楊誠齋詩早覺蕪菁撲鼻香南方舊已有種者蕪菁蘿蔔別錄同條陶隱居亦有分曉後人乃以葉根強別兼明書不知其誤而博引以實之何未一詢老圃

雲婁農曰吾觀麗江府志而知食蕪菁之法武侯之遺不僅爲行軍利也世以此爲蔬耳而志云夏種冬收戶戶曬乾囤積務足一歲之糧菽餅稗粥外羹飧必需惟廣積之家用以代料飼馬麗江西陞苦寒春盡無青草土人至以蕪麥爲乾餼大麥作饅首煮蕪菁湯咽之小麥非享客不敢用稻惟松江產其與貉俗異者幾希蕪菁耐寒割而復生又爲復生菜然則蕪菁之用於維西也大矣余留滯江湖久不視蕪菁風味自貽入滇見之

蕪菁



圃中因爲諸葛菜賦以蕪菁六利諸葛種之爲韻其詞曰

魏闕霄三滇山仞萬駕余馬兮將煩加余餐兮孰勸時則稷霰天霏葭霜夕噴敗蒲枯葦林渡冰澌蔓草荒榛植城風健惆悵煨芋之爐根觸折杭之飯穴有凍雀之號塊無野人之獻顧見園菁向陽舒蔓寒畦攢穎膏壤萼榮玉椽猶潤金耜纒耕耐冬不萎踏雪復生試共采衛原之菲何殊貢荆甌之菁辨葑從之同異味藟芥之

生烹偉此伶仃之小草猶留宇宙之大名憶昔武侯時  
 逢逐鹿居南陽而就顧者三表北征而未解者六方其  
 志變中原先以威馘南服地入不毛士持半菽怨春日  
 兮祁繁牧秋原兮苜蓿碧雞滇海誰備裹荷白飯浮圖  
 難分寶粥慮同斜谷之乏糧計效湟中之屯穀披草萊  
 於索嶺盤江携蔬種於蠶叢魚復小駐儲胥預謀旨蓄  
 興古新封句町舊地瓜戍雲屯芑田星萃麾羽扇以經  
 營拄杖筇而布置竹落布而紆青柳營開而含翠人閑  
 寶叟整作園官峯接烏蒙頓成葱肆况乃薇蕨易生亦  
 復菅蒯可棄豈比高種之千金信爲軍儲之六利方其  
 龍川春早犁水風徐士輕藤甲日暖蠹廬三尺鹿盧之  
 劍一肩鴉嘴之鋤隴上蘆筓齊來挑菜帳中銅斗小煮  
 摘蔬苞香綠濕葉嫩紅舒芬超五弋馨越七菹爰調和  
 以菹醬應儕輩夫桃諸若乃萬柵森寒千屯曠闊風卷  
 旄頭葉飛木末冰堅黑水尙有凍菱雪壓蒼山猶存枯  
 枿剛玉根兮芳肥提筠籃兮襍捋踏金馬以邁歸喜木

蔬類卷之三 韭 山韭

牛之初達數聲蠻鼓士飽馬騰萬竈寒烟香升翠潑不  
 數疏巢無論蔘葛迄於今白國皆饒朱提徧種染釵股  
 而同餐薦木槩而常供非堯韭之祥珍豈姬薑之鄭重  
 寒庖則羹憶老蘇方物則圖傳小宋長卿之嘉話猶傳  
 昌黎之感詩可誦疇則懷日食之二升而緬天威於七  
 縱試思當時雲棧出師文書夜掃壘壁晨移刈比成周  
 之麥踐同魯國之葵臨渭槍屯田之役闕門想種菜之  
 疑中興不再舊陣空遺浮雲變古野菽如斯遙悵望兮  
 無盡輒流連而賦之

韭

韭別錄中品本草拾遺謂之草鍾乳醃韭汁治吐血  
 極效北地冬時培作韭黃味美卽漢時溫養之類陶隱  
 居以其辛臭爲養生所忌而諸醫以爲溫而宜人有草  
 鍾乳起陽草諸名治噎膈及胃口死血作痛用韭汁治  
 漏精用韭子根葉之用尤多亦蔬中良藥也一種屢翦  
 古諺云日中不翦韭而夜雨留賓遂爲詩人膾炙然則  
 翦忌日而喜雨其物性宜耶昔人謂韭黃豪貴所珍東

坡詩漸覺東風料峭寒青蒿黃韭試春盤蒿生而韭黃  
 非窖藏之時矣放翁詩雨足韭頭白蓋紀實也韭花逞  
 味實謂珍饈鼎雉禁樹得之尤妙石崇冬月得韭薺齋  
 亦何足異但薊門春盤亦多以麥苗雜之庾郎食鮭二  
 十七種李令公一食十八種一以貧而誇一以富而恡  
 三國世略謂北齊後宮冬月皆食韭芽然則韭芽帶土  
 蕨如拳瓊儒用籩比玉食矣朝事之豆其實韭菹司農  
 訓菁菹亦爲韭菹一物再薦見韭祭韭小正特書豈果



韭

有取於性溫而種能久耶政道得則陰物變爲陽若葱  
 變爲韭後秦周隋皆有之矣果何道而致此張未詩注  
 俗言八月韭佛開口味肥而忘其葷甚美甚惡孰則辨  
 之

山韭 山韭爾雅菹山韭千金方始著錄今山中多有之

救荒本草有背韭似韭而寬根如葱又有柴韭亦可食  
 韓詩六月食鬱及葷爾雅翼本其說以爲山韭可以食  
 賤老但其形似燈心不甚似韭輝縣九山咸陽野韭澤  
 鄉寧縣硃砂山句容仙韭山定遠縣韭山安化縣韭菜  
 嵩重慶府邑梅司韭山皆以產韭得名志謂比家韭長  
 大而咸陽澤坦鹵不生五穀惟野韭自生於蓬蒿莎草  
 中則又徧及原澤而非宗生高岡北征錄北邊雲臺戎  
 地多野韭沙葱人採食之許有壬詩西風吹野韭花發  
 滿沙陀氣較葷蔬媚功於肉食多濃香跨薑桂餘味及  
 瓜茄我欲收其實歸山種澗阿蓋皆此物玩許詩乃勝  
 於家韭也滇南山韭亦似燈心草滇本草一名長生草

味甘能養血健脾壯筋骨添氣力根汁治跌損同赤石脂搗擦刀斧傷爲金瘡聖藥與奉親養老書葎菜羹治老人脾弱同功而加詳唯山草似韭者尙多或可食不可食孝文韭諸葛韭雖因人命名然形味不具韭若野葱野蒜處處攬摭助匕箸也北戶錄水韭生池塘中引字林菘水中野韭與說文葎山韭音同宜可通

山韭



藁荷 藁荷別錄中品古以爲蔬宋圖經引據極晰他說亦多紀其種植之法惟本草綱目退入隰草而蔬譜不

蔬類卷之三 藁荷 蒜

復品列矣滇本草圖其形貴州諸志皆載之此蔬固猶在老圃也余前至江西建昌士醫有所謂八仙賀壽草者卽疑其爲藁荷以示滇學使家編修芻蕘編修曰此正是矣吾鄉植之南牆下抽莖開花青白色如荷而小未舒時摘而醬漬之細瓣層層如剝蕉也余疑頓釋他時再蒞而啖之種而蕃之使數百年堙沒之嘉蔬一旦伴食鼎俎非一快哉編修名存義泰與人

零婁農曰夫物顯晦固有時乃有晦之而愈顯顯而愈晦者何也藁荷嘉草也其葉如荷故名以荷其功除蠱故名以嘉依陰藏冬列於蔬焉詞人詠之本草圖之無異說也近世山居錄野菜譜亦俱詳矣楊升菴偶未之見遂據藁荷一名甘露而以芭蕉之結甘露者當之本草綱目農政全書轉相附會而滇志乃謂芭蕉根可爲菹惜無試者夫芭蕉世無不知者以芭蕉易爲藁荷能使人不名芭蕉而名藁荷乎藁荷農圃皆知之以藁荷爲卽芭蕉能使人種藁荷如種芭蕉乎芭蕉根不堪噉

蕺荷



脫以爲茹螫於口而刺於腹不幾如蔡謨食螫蟻幾爲  
勤學死乎按貴州志有洋荷花未開時取苞醋漬以食  
湖南志有陽養廣西志有洋百合謂卽蕺荷江西建昌  
土音呼如仙賀皆方言聲音輕重耳俗醫乃書作八仙  
賀壽草誠堪解頤然絕不以本草有芭蕉之說而強目  
爲蕉也獨恠耳食之徒捫鍾揣籥且矜芭蕉甘露之同  
名以爲能獨識蕺荷於是蕺荷之名雖顯而蕺荷之實

蒜


益晦且馬之貴者似鹿有以鹿爲馬者馬果卽鹿耶雉  
之文者似鳳有以雉爲鳳者雉果卽鳳耶唐時諛墓之  
文言孝則曾閔言忠則稷高言經術則鄭服言文詞則  
賈馬讀其文者有以爲卽曾閔稷高鄭服賈馬耶有善  
諛者云於深山中見古衣冠人詢之曰吾某邑某也官  
於朝無奇績亦無愧事歿葬於某原越數年有豐碑突  
起於墓道視之爲吾姓名而碑所紀皆古賢人事非吾  
也過者每捫之而頌古賢人嘖嘖不絕口吾懼竊故逃  
之今蕉之葉可以書皮可以織露可以飲而止餽於世  
非無益者乃忽有對芭蕉而頌其葉似荷功治蠱咀其  
露掘其根以爲旨蓄禦冬蕉若有知不以爲晦其所長  
而顯其所短耶嗚呼邾庶其之奔不書盜而實盜首曹  
孟德之死乃書漢而實漢賊事不崇實蓋之而彌彰彰  
之而轉沒一人之口烏能使天下皆爲悠悠之毀譽哉  
蒜別錄下品葫別錄下品小蒜爲蒜大蒜爲葫諸家  
說同唯李時珍以瓣少者爲小蒜瓣多者爲大蒜其野

生小蒜別爲山蒜范石湖在蜀爲蒜所薰致形譏嘲若北地則頓頓伴食同於不徹行炙而不得鹽蒜其能數張融搖指半日而口不言耶祈寒暑喝得之者以爲葷沱粥清涼散避暑錄話一僕暑月馳馬仆地欲絕王相教用大蒜及道上熱土各一握研爛以新汲水一瓊和取汁挾齒灌之卽甦今官道勞人囊盛而趨活人殆無算也曾見負戴者蹲而大嚼不止晉帝盡兩盂燥蒜矣然目不赤而腹不整異於袁子所覲食治葛而粥硫黃性固有偏五月五日食卵及蒜哀牢以東風俗同之小

正納卵蒜之訓奕禮遵行順民情也損性伐命服食所忌然裴晉公有言雞豬魚蒜遇着卽食何況餘子閔仲叔含菽飲水周黨遺以生蒜受而不食李恂爲兗州刺史所種小麥胡蒜悉付從事而不留清介之士不取一介如此

雩婁農曰雌騷索胡繩之纒纒王逸注香草言緞索胡繩令澤好以善自約束洪慶善云胡繩謂草有莖葉可

蒜



作繩索者皆望文生義而不能名其物吳仁傑草木疏以胡爲葷菜本陶隱居今人謂大蒜爲葫也以繩爲繩毒本廣雅蛇床一名繩毒也蛇床氣味微芬宜近香澤葫氣至穢一薰一蕪十年有臭無乃移鮑魚之肆以近芝蘭之室乎草木名胡者多矣固不可盡以葫當之而胡繩一物古無確詁以爲虺床尙各從其類耳

山蒜 山蒜爾雅蒿山蒜本草拾遺始著錄救荒本草澤

山蒜



蒜又曰小蒜黃帝登嵩山得蒜其說近創然京口之山以蒜得名則軒轅所歷無妨以蒿名矣在山曰山在澤曰澤今原隰極繁顆大如指甘脆多漿洵非圃中物可伍自來醫者以此爲小蒜宜爲李時珍所斥



# 植物名實圖考卷之四

固始吳其澐著

蒙自陸應穀校刊

## 蔬類

- |     |    |    |     |    |    |     |     |    |    |   |
|-----|----|----|-----|----|----|-----|-----|----|----|---|
| 東風菜 | 白苣 | 甘藍 | 野豌豆 | 蕨  | 瓠子 | 雲薑菜 | 雞腸草 | 落葵 | 恭菜 | 芋 |
| 越瓜  | 蒔蘿 | 萵苣 | 蕪菁  | 萊菔 | 蘘香 | 蕺菜  | 繁縷  |    |    |   |

蔬類卷之四 目錄 恭菜 芋

茄 胡荽

茼蒿 邪蒿

羅勒 菠薐

灰藿 蕪菜

胡瓜 資州生瓜菜

草石蠶 白花菜

黃瓜菜

**恭菜** 恭菜別錄中品即茗蓬菜湖南謂之甜菜有紅莖者不中噉人種以為玩 按茗蓬嘉祐本草始著錄李時珍以恭甜聲近遂併為一物然與諸說葉似升麻及蒴藿皆不類姑仍其說菜味甜而不正品最劣易種易肥老圃之惰孺者植之與唐本注蒸魚食之大香美殊異又夏月與菜作粥食解熱近時亦無以為粥者滇本草治中膈冷痰存於胸中不可多食滇多珍蔬固宜見

雲嬰農曰人之嗜甘同也甘而苦者雋甘而酸者爽甘而辛者疏甘而鹹者津一於甘若琴瑟之專壹誰能聽之然甘而清甘而腴猶有嗜者嗜之久則齒蟲與胃虻暨生焉穀之飛亦爲蠱甘而無所制也至甘而濁且邪則士大夫農圃皆賤之恭菜是也人之以甘悅人者多矣而有悅有不悅豈獨非同嗜乎毋亦如恭之濁且邪爲人所賤耶諛人者好諛者必能辨之

恭菜




芋

芋別錄中品芋種甚夥大小殊形湖南有開花者一

瓣一蕊長三四寸色黃野芋毒人山間亦多嶺南滇蜀芋名尤衆南寧府志宜燥地者曰大芋宜濕地者曰麪芋有旱芋狗爪芋水芋璞芋韶芋蒙自縣志有棕芋白芋麻芋會同縣志有冬芋水黎紅口彈子薑芋大頭風芋瓊山縣志有雞母芋東芋石城縣志有青竹芋黃芋番芋瑞安縣志有兒芋麪芋蓋未可悉數滇海虞衡志以爲滇芋巨甲天下殆未確札璞謂滇芋熟早味美耿可作羹蘇玉局玉糝羹詩有香如龍涎味如牛乳之誇而山谷詠薯蕷有略無風味笑躑鴟之貶放翁則曰莫笑躑鴟少風味賴渠撐拄過凶年枵腸轉雷玉延黃獨托以爲命亦安所擇然只是詠躑鴟耳若三吳芋奶滑嫩如乳調以蔗飴入喉自下亦何甘讓居玉延下耶又農政全書謂芋汁洗膩衣潔白如玉東坡雜記云蜀人接花果皆用芋膠其餘波尚供民用如此枯葉煨芋自是山人辟穀宿糧若雲仙雜記燒絕品炭以龍腦裹煨芋魁山家清供大耐糕以大芋去皮心焯以白梅甘草

填以松子攪仁豈復有霜晚風味唐馮光進校文選解  
 蹲鴟云即是著毛蘿蔔肉食之人何由識農圃中物奚  
 唯面牆

雩婁農曰滇之芋有根紅而花者其狀與海芋南星同  
 類也斷其花之蕝剝而煤之烹以五味比芥藍焉根整  
 不可食夫蹲鴟濟世厥功實偉章貢之間瀟湘之曲其  
 爲芋田多矣不觀其莠間有之詭爲異怯者或懼其爲  
 鳩溟人飽其魁而羹之而煨之而屑之又獨得有花者



芋

而餐之僂於蒼與蒼草木之在滇者抑何阜耶萬物生  
 於東成於西滇居西南歲多閭闔風物在秋而適精華  
 聚而升故木者易華草者易榮晝煦以和夜擘以肅發  
 之收之勿俾其洩早花而遲實物勞而不憊然滇之地  
 有伏而美有臘而苞景朝多陰景夕多風直其偏也惟  
 大理以東北致役乎坤

落葵 落葵別錄下品爾雅終葵繁露注承露也大莖小  
 葉華紫黃色卽臙脂豆也湖南有白莖綠葉者謂之木  
 耳菜尤滑



落葵

蔬類卷之四  
 落葵  
 繁縷  
 雞腸草  
 莪菜

繁縷 繁縷別錄下品爾雅菽藿縷注今繁縷也或曰雞

腸草唐本相承無異李時珍以為鵝兒腸非雞腸今陰濕地極多

雲婁農曰余初至滇見有粥鵝腸菜於市者甚怪之以此江湘間盈砌彌坑結縷糾蔓薺夷不能盡者及屢行園不獲一見命園丁蒔之畦中亦不甚蕃始知滇以鈔而售也李時珍以為易於滋長故曰滋草殆不然矣滇城郭外皆田疇無雜草木而山花之可簪可瓶野草之可藥可浴根核果蔬之可茹可玩者羅羅皆持以入



繁縷

市故不出戶庭而四時之物陳於几案

雞腸草 雞腸草別錄下品李時珍辨別鵝腸雞腸二物甚晰但雞腸俗名亦多今以救荒本草雞腸菜圖之

雞腸菜




蕺菜 蕺菜別錄下品即魚腥草開花如海棠色白中有

長綠心突出以其葉覆魚可不速餒湖南夏時煎水為飲以解暑爾雅蕺黃蔞注草似酸漿華小而白中心黃江東以作菹通志以為即蕺蕺音近其狀亦相類吳越春秋越王嘗糞惡之遂病口臭范蠡令左右食岑草

以亂其氣注岑草蕞也凶年飢民劇其根食之齊民要術有蕞殖法今無食者醫方亦鮮用唯江湖土醫蒔爲外科要藥遵義府志側耳根卽蕞菜荒年民掘食其根本草味辛山陰縣志味苦損陽消髓聊緩溝壑瘠耳

蕞菜



**蕞臺菜** 蕞臺菜唐本草始著錄卽油菜冬種冬生葉臺供茹子爲油莖肥田農圃所亟菜爲五葦之一非唯道家所忌士大夫亦賤之然有油辣菜油青菜二種辣菜味濁而肥莖有紫皮多涎微苦武昌尤喜種之每食易

蔬類卷之四 蕞臺菜 懷香 瓠子 菜菔


厭油青菜同蕞菜冬種生臺味清而腴逾於蒿笋佐菌芼羹滑美無倫以廁葱韭可謂蒙垢李時珍以爲羌隴氏胡其地苦寒冬月種此故謂之寒菜今北地凍圃如滌有此素蔬老僮不羶酪矣近時沿淮南北水旱之稜冬輒糴種於田民雖菜色道免饑饉穉生亦時有之若其積雪初消和風潛扇萬頃黃金動連山澤覺桃花淨盡菜花開語爲倒置古人詩如范石湖蕊心青嫩芥臺肥楊誠齋蕞臺正自有風味皆指芥菜得非以其葦而

蕞臺菜



不置齒牙間乎

蘘香 蘘香唐本草始著錄圃中亦種之土呼香絲菜



蘘香

瓠子 唐本草注瓠味皆甘時有苦者面似越瓜長者尺

餘頭尾相似與甜瓠瓢體性相類但味甘冷通利水道

止渴消熱無毒多食令人吐 按瓠子方書多不載而

唐本草所謂似越瓜頭尾相似則即今瓠子非匏瓠也

滇本草瓠子又名龍蛋瓜又名天瓜味甘寒治小兒初

生周身無皮用瓠子燒灰調菜油擦之甚效又治左癱

菜菔

右癭燒灰用酒服之亦治痰火腿足疼痛烤熱包之即

愈又治諸瘡膿血潰潰楊梅結毒橫擔魚口用蕎麪包


好入火燒焦去麪爲末服之最效作藥服之不宜多恐

腹痛心寒嘔吐葉瘋癩發狂根治痘瘡倒靨子煨湯

服治啞瘵夷人治棒瘡跌打損傷擦之甚效用生薑同

服治咽喉腫痛甚效按所治症甚夥而自來本草遺之

足以補闕



瓠子

菜菔

菜菔爾雅菹蘆施注施宜爲菔唐本草始著錄種  
類甚夥汁子皆入藥滇海虞衡志滇產紅蘿蔔頗奇通

體玲瓏如胭脂最可愛玩至其內外通紅片開如紅玉板以水浸之水即深紅粵東市上亦賣此片然猶以蘇木水發之茲則本汁自然之紅水也羅次人創而乾之以爲絲拌糟不用紅麴而其紅過之寧州志蘿蔔紅者名透心紅移去他郡則變亦即此食法生熟皆宜東坡詩中有蘆蕪根尙含曉露清以蔓菁同爲羹固可鬪勝酥酪至搥根爛煮研米爲糝寬胃助胃不必以味勝矣寇萊公同地黃並餌鬚鬚早白物性相制驗之不爽近人服何首烏者食之亦能白髮蓋引消散之品入血分也消食醒酒紀載備述小說謂一老醫病嗽飲村民煮蘿蔔乾水稍止即以此治一官久嗽尋愈亦蘿蔔子治喘嗽之效而味甘平於久嗽氣虛尤宜細素雜記以菜蕪爲慈蕪牖閒評斥之是矣然譏東坡山丹如瑪瑙盤沈括鈴鈴草爲蘭爲非亦不自知其誤也

雲婁農曰蘿蔔天下皆有佳品而獨宜於燕薊冬臙據壁圍爐永夜煤燄燭窗口鼻衄黑忽聞門外有賣水蘿

蔔賽如梨者無論貧富毫稚奔走購之唯恐其過街越巷也瓊瑤一片嚼如冰雪齒鳴未已衆熱俱平當此時曷異醍醐灌頂都門市諺有冷官熱做熱官冷做之語余謂畏寒而火火盛思寒一時之間氣候不同而調劑適宜則冷而熱熱而冷如環無端亦唯自解其妙而已



菜蕪

### 蕪

蕪本草拾遺始著錄爾雅蕪籩又蕪月爾注即紫蕪也似蕪可食蓋紫綠二種又水蕪生水中北地謂之龍

蔬類卷之四 蕨薇

鬚菜山堂肆考范文正公奉使安撫江淮還進貧民所食烏味草呈乞宣示六宮戚里用抑奢侈安徽志以為即蕨今江湖滇黔山民皆研其根為餌遵義府志一種甜蕨根如竹節掘洗搗爛曰蕨凝和水掬汁以椶皮濾滓隔宿成膏曰蕨粉搗粉為餅曰蕨巴灑粉釜中微火起之曰蕨線煮之如水引一種苦蕨亦可食又有貓蕨初生有白膜裹之不可食水邊生者曰葶蕨余舟行灑水有大聲出於硤中就視之則居人以木桶就溪杵蕨如所謂春堂者明羅永恭詩南村北村日卓午萬戶喧蠶不停杵初疑五丁驅金牛又似催花搗羯鼓非目覩者不解其所謂又云堆盤炊熟紫瑪瑙入口嚼碎明珠瑤則為溝壑之瘠增氣色矣陳藏器云多食弱人脚朱子次惠蕨詩枯筇有餘力意亦謂此而或者釋蕨為麩且云負荷者不肯食以余所見黔中之攀附任重頂踵相接者無不甘之如飴宋方岳詩假王妙處原無骨鉤弋生來已作拳刻畫至矣楊誠齋詩則曰食蕨食臂莫

食拳滇蜀山民腊而鬻之長麓有咫而孤竹之墟所產尤肥以蕨絕音同更曰吉祥伏臘燕享轉以佳名登翠釜不復憶夷齊食之而天矣至其灰可以燒瓷粉可以漿絲民間習用而紀載闕如




薇

薇爾雅薇垂水陸璣詩疏蔓生似豌豆項安世以為即野豌豆之不實者本草拾遺始著錄禮鏘羊豕豕薇漢時官園種之以供宗廟祭祀而字說以為微者之食何其謬耶古今南北飲食不同地黃葉唯懷慶人得



食之亦將謂在下者之食耶薇垂水注云生於水邊考據家以登山采薇薇自名垂水不可云水草今河畔棄壩蔓生尤肥莖弱不能自立在山而附在澤而垂奚有異也杜詩今日南湖采蕨薇蕨有山水二種薇亦然矣說文薇似葢菜之微者形義俱足陳藏器以為葉似萍亦與豌豆葉相類而釋者或曰迷蕨或曰金櫻芽或曰白薇宜為前人所詰此菜亦有結實不結實二種結實者豆可充饑不結實者莖葉可茹余得之牧豎云

薇




蔬類卷之四 野豌豆 翹搖 甘藍

野豌豆 野豌豆生園圃中田隴陂澤尤肥結角長半

寸許豆可為粉與薇一類而分大小野菜譜謂之野菽

野豌豆



翹搖 翹搖爾雅柱夫搖車注蔓生細葉紫華可食今俗

呼翹搖車本草拾遺始著錄吳中謂之野蠶豆江西種以肥田謂之紅花菜賣其子以升計湖北亦呼曰翹翹花淮南北吳下鄉人尚以為蔬士大夫蓋不知東坡欲致其子於黃殆未見田隴間春風翹搖者耶然其詩曰豆莢圓且小槐芽細而豐又曰此物獨嫵媚枝葉花態

翹搖



甘藍

甘藍本草拾遺始著錄云是西土藍農政全書北

詩中畫矣放翁詩此行忽似蠓津路自候風爐煮小巢亦以蜀中嗜之非吳中無是物也湘南節署隙地徧生繁萼綠莖天然錦繡滇中田野有之俗呼鐵馬豆滇本草治寒熱來往肝勞與古法治熱瘵活血明目同症又有黃花者名黃花山馬豆滇中草花多非一色唯形狀不差耳詩曰邛有旨苕苕一名苕饒即翹搖之本音苕而曰旨則古人嗜之矣野菜譜有板蕎蕎亦當作翹翹



甘藍

人謂之擘藍按此即今北地椒藍根大有十數斤者生食醬食不宜烹飪也山西志謂之玉蔓菁縷以為絲皓若爛銀浸之井華劑以醴醢肥美爽喉一入沸湯辛軟不任咀嚼矣葉以為醬曰酸黃菜尤美滇本草沿作苳藍治脾虛火盛中膈存痰腹內冷痛夜多小便又治大癩瘋癩等症服之立效生食止渴煨食治大腸下血燒灰為末治腦漏鼻疳吹鼻治中風不語葉貼瘡皮治淋症最效

零婁農曰蔓菁蘿蔔二物也醫者或誤一之甘藍盛於西北俗書擘撇乃無正字醫者以為大葉冬藍可謂按圖索驥矣余移種湘中久不拆芽視之腐矣畏濕喜燥其性然也滇南終歲可得夏秋尤美此物根生土上復有直根如插檄花繁葉碩與風搖動若懸擻然初視者或以為奇余生長於北終日食之而不識其狀西南萬里藝之小圃朝夕晤對彼足不至西北者雖欲一物不知以為深恥將如之何

**高苣** 高苣食療本草始著錄墨客揮犀謂自高國來故名有紫花黃花兩種醃其葶食之謂之高笋亦呼為葶乾李時珍謂苦苣高苣白苣俱不可煮食通可曰生菜然苦苣生食固已高苣葉葶燭之羞之五味皆宜唯白苣則北人以葉包飯食之肥甘無儕且耐大嚼故以生菜屬之而高苣之美則在葶鹽肺禦冬響牙齶也老杜種高苣詩序堂下理小畦種一兩席許高苣向二句矣而苣不拆甲獨野寬青青傷時君子或晚得微祿轆軻

不進野寬滋蔓是誠然矣苣不拆甲毋乃種不以法淺根孤露栽培未至雖易生之物植者希矣菠薐過湖乃生園葵經雨乃茁凡物有用於人皆有本性用之而拂之其轆軻又誰咎耶高苣一名千金菜清波雜誌云紹興中車駕巡建康新豐鎮頓物皆備忽索生菜兩籃前頓傳報生菜遂為珍品物有時而貴千金其適然矣

高苣



**白苣** 白苣嘉祐本草始著錄與高苣同而色白剝其葉生食之故俗呼生菜亦曰千層剝

蔬類卷之四 高苣 白苣 葶蘿 東風菜 越瓜

蔬類卷之四 高苣 白苣 蒔蘿 東風菜 越瓜

蒔蘿

蒔蘿開寶本草始著錄卽小回香子以爲和治腎



東風菜

東風菜開寶本草始著錄嶺南多有之與菘

菜相類

氣方多用之

東風菜




越瓜

越瓜開寶本草始著錄卽菜瓜形長有直紋惟汁

中產者圓詩是剝是菹注瓜成剝削淹漬爲菹而獻皇祖齊民要術瓜菹法詳矣汁梁作包瓜以薑及杏仁核桃等包而醬漬之亦有豐歉士大夫家習製之則剝菹獻祖之遺風也倦游雜錄韓龍圖贊山東人鄉里食味

好以醬漬瓜。昭謂之瓜齋。韓為河北都漕。靡宇在大名。府諸軍營多鬻此物。韓嘗曰：某營佳。某次之。有人曰：歐陽永叔撰《花譜》，蔡君謨著《荔枝譜》，今須請韓龍圖撰《瓜齋譜》矣。余謂韓誠不敢與歐蔡伍。若作《瓜齋譜》，則逾二公甚遠。



越瓜

茄

茄開寶本草始著錄。本草拾遺一名落蘇。有紫白黃青各種。長圓大小亦異。嶺表錄異茄樹其實如瓜。余親見之。茄蒂根燒灰治駝瘡。莖灰入火藥。用茄種既繁。鼎

蔬類卷之四 茄 胡荽 茼蒿 邪蒿

俎惟宜。遵生八牋有糖蒸醋糟淡乾鵝鶉各法。然未盡也。水茄甘者可以為果。山谷有謝銀茄詩云：君家水茄白，銀色絕勝。堪裏紫彭亨，白固勝於紫。然唐以前但云崑崙紫瓜。白茄曰渤海，曰番茄。蓋後出也。段成式云：茄乃蓮莖之名。今呼茄菜。其音若伽。未知所自。小說有草下作佳作召作音之謔。白懶髓趙希倉倅紹興令庖人造燥子茄。欲書判食單。問廳吏茄字。吏曰：草頭下着加。遂援筆書草下。家字都人目曰燥子蒙。

茄



蔬類卷之四 茄 胡荽 苘蒿 邪蒿

胡荽

胡荽嘉祐本草始著錄南唐書謂種胡荽者作穢語則茂今多呼葎荽東軒筆錄呂惠卿語王安石園荽能去面黶蓋皆有所本



胡荽

苘蒿

苘蒿嘉祐本草始著錄開花如菊俗呼菊花菜汪機不識苘蒿殆未窺園李時珍斥之固當但苘蒿究無蓬蒿之名蓬蒿音近義不能通千金方以苘蒿入菜類蓬蒿野生細如水藻可茹而非園蔬若大蓬蒿則即白蒿與此別種此菜葉如青蒿葎氣亦相近而黃花散金

自春徂暑老圃容華增其綉麗可為晚節先導

邪蒿

邪蒿嘉祐本草始著錄葉紋即邪味亦非正人鮮



苘蒿

邪蒿



食之紋斜遂以邪名味辛亦多艾氣北齊邢時授經東  
宮命廚宰去邪蒿曰此菜有不正之名非殿下所宜食  
養正之功固在慎微

羅勒 羅勒嘉祐本草始著錄即蘭香也術家以羊角馬  
蹄燒灰撒濕地即生羅勒云救荒本草香菜伊洛間種  
之即此甕牖閒評不識羅勒乃斥事物紀原因石勒諱  
改名蘭香為非且援鄭穆夢蘭為證是直以蘭香為蘭  
草矣金銀白及泚筆便誤多識下問固當不妄雌黃

羅勒



菠薐 菠薐嘉祐本草始著錄嘉話錄種自頗陵國移來  
訛為菠薐味滑利五臟此菜色味皆佳廣舶珊瑚以色

蔬類卷之四 羅勒 菠薐 灰薺

如菠菜莖者為貴則亦可名珊瑚菜矣南中四時不絕  
以早春初冬時嫩美東坡詩北方苦寒今未已雪底菠  
薐如鐵甲豈知吾蜀富冬蔬霜葉露芽寒更苗大抵江  
以南皆富冬蔬而北地之窖生者色尤碧味尤肥也惟  
此菜忽有澁者乃不能下咽豈瘠土不材耶北地三四  
月間菜把高如人肥壯無筋焯而腊之入湯鮮綠可愛  
目之曰萬年青聞黑龍江菠薐厚勁如箭鐵則洵如鐵  
甲矣

菠薐



灰藿 灰藿嘉祐本草始著錄卽灰條菜其紅心者爲藜

一種圓葉者名和尚頭味遜爾雅釐蔓華說者云釐卽

萊陸璣詩疏萊卽藜也其子可爲飯救荒本草謂之舜

芒穀藜藿之藜昔賢所甘唐宋詩人猶形歌詠而後人

或以爲落蒂蓬窗續錄乃以爲苜蓿何其陋也詢芻錄

古稱藜卽灰寬老可爲杖蓋藜杖也余鄉居時摘而焯

爲疏味微鹹特未蒸以爲羹耳其莖秋時伐爲杖輕而

有致繫以漆則堅耐久杖鄉者曳扶至便比戶奉之非

難識也北地採其子以備荒菸中有所謂蘭花子者皆

是物充之王世懋蔬藜蒿多生江岸得不誤爲藜耶

明饒介詩序藜科旅生庭中白露日割而爲帚是日取

藜無蟻諺云藜未聞可帚亦恐誤爲落蒂也二草絕不

相蒙雷斂云白青色是妓女莖不知何故以爲一類富

貴之家不噉粗食窗前草莖夷勿使能植何由得見敵

襟不掩肘藜羹常乏樹耶溟本草灰滌銀粉菜作菜食

令人不噉隔反胃煎服治火眼疼痛洗眼去風熱可補

諸本草爾雅拜蒿藿注亦似藜疏引莊子藜藿柱宇蓋紅者爲藜白者爲藿

按爾雅郭注王葍似藜說文繫傳今落蒂或謂落藜初生可食藜之類也二物皆生穢地科茂如樹葉俱可茹故曰同類其實枝葉自迥別救荒本草有水落藜亦是灰藿非落蒂也又繫傳藿釐草也徐鍇謂卽灰藿爾雅拜蒿藿郭注亦似藜說文舉其一類郭注別其二種本自明顯徐氏不以釐釋藜爾雅正義以



灰藿



萊蘆藜爲一物而釋蒿藜仍以有紅線者爲灰藜不探嘉祐本草白藜入藥紅藜堪杖之說皆偏舉而未融貫也

### 蕹菜

蕹菜詳南方草木狀嘉祐本草始著錄花葉與旋

花無異惟根不甚長解治葛毒湖南誤食水莽草亦以此解之江右湖南種之不減閩粵余疑與菡菡苗爲一物南方種爲蔬北地則野生麥田中徒供豚豕耳其心中嶺南夏秋間疑有蛭藏於內多不敢食種法如番薯掐蔓插之卽活一畦足供八口之食味滑如葵在嶺南則爲嘉蔬王世懋云南京有之移植不生易生物亦有不遷地者何異匹夫不可奪志

雲婁農曰余壯時以盛夏使嶺南瘴暑如焚日啜冷齋抵贛驟茹蕹菜未細咀而已下咽矣每食必設乃與五穀日益親蓋其性滑能養竅中空能疏滯寒能抑熱近時阿芙蓉毒天下有倡爲蕹菜膏者云可以已癮余疑鴉片膏中必雜以治葛故生吞者毒烈立斃吸其煙則

蕹菜




灼薰積於肺腑毒發稍緩如服硫黃然蕹者治葛之畏也因其畏而治之如人面瘡之畏貝母心腹蟲之畏藍與地黃歟否則藉其寒滑以爲利導而熄無根之火耳然必受害淺者或可以已不然者吾以爲杯水車薪之喻

### 胡瓜

胡瓜嘉祐本草始著錄卽黃瓜杜寶拾遺錄云隋

避諱改黃瓜也陳藏器謂石勒諱胡改名說少異瓜可食時色正綠至老結實則色黃如金鼎俎中不復見矣

蔬類卷之四 蕪菜 胡瓜 資州生瓜菜 草石蠶



胡瓜


有刺者曰刺瓜齊民要術無藏胡瓜法蓋不任糟醬遵生八牋蒜瓜法醃瓜以大蒜瓣搗爛與瓜拌勻酒醋浸北地多如此近則與辣子同浸無蒜氣而耐藏其秋時結者曝乾與萑笋蔓同法作蔬極甘脆

### 資州生瓜菜

宋圖經生瓜菜生資州平田陰畦間味

甘微寒無毒治走疰攻頭面四肢及陽毒傷寒壯熱頭痛心神煩燥利胃膈俗用搗自然汁飲之及生搗貼腫毒苗長三四寸作叢生葉青圓似白莧菜春生莖葉夏

資州生瓜菜



開紫白花結黑細實其味作生瓜氣故以為名花實無用

### 草石蠶

草石蠶本草會編始著錄即甘露子莖花與

水蘇同而根如連珠北地多種之以為蔬 按拾遺雖有草石蠶之名而謂根有毛節葉如卷柏生山石上此即俗呼返魂草已入石草非甘露也惟本草會編所述地蠶形狀正是救荒本草甘露兒祇可供茹若除風破血恐無此功用姑仍綱目舊標而辨正之 霧裏農曰地蠶味腴處處食之而本草不載其無當於君臣佐使耶楊升菴以芭蕉之甘露為蕪荷後人復因



草石靈

甘露之名以地蠶爲蕺荷但古今不聞以芭蕉爲蔬者或者附會以爲其根可茹而無人試之可信否耶甘露兒未必卽蕺荷然以補蕺荷之缺奚不可者屠本峻玉環菜詩云甘露草生何闌珊堪綴步搖照玉環則玉環卽此菜矣明人不識蕺荷而屠本峻云白者白裏赤者赤穰此何物耶其味辛蓋薑類

### 白花菜

白花菜食物本草收之圃中亦有種者味近臭惟宜醃食亦有黃花者白瓣黃鬚臭鼻有致而氣味乃不得相近圃人種而自食不知其味若何久而不聞其臭彼固日在鮑魚之肆也存此以見窮民惡食未必卽以臭爲香

蔬類卷之四 白花菜 黃瓜菜

白花菜



### 黃瓜菜

黃瓜菜食物本草始著錄似苦蕒而花甚細救荒本草黃鸚菜卽此草與薺苣齊生而味肥俱不如彼爲膏粱此爲草芥矣翦以飼鵝蓋雞鶩不與爭也

黃瓜菜



# 植物名實圖考卷之五

固始吳其濬著

蒙自陸應穀校刊

## 蔬類

野胡蘿蔔

地瓜兒

野園葵

遏藍菜

星宿菜

苦瓜

地梢瓜

水蘇子

水落藜

山蘿蔔

水蘿蔔

石芥

山苦蕒

山白菜

山宜菜

綿絲菜

鴉葱

山葱

節節菜

老鴉蒜

山萵苣

水萵苣

野蔓菁

水蔓菁

山蔓菁

山芹菜

銀條菜

珍珠菜

涼蒿菜

雞腸菜

鷺兒菜

歪頭菜

蠍子花菜

縷斗菜

毛女兒菜

甌菜

杓兒菜

變豆菜

獐牙菜

水辣菜

獨行菜

葛公菜

委陵菜

女婁菜

麥藍菜

匙頭菜

舌頭菜

柳葉菜

山甜菜

粉條兒菜

辣辣菜

八角菜

兩點兒菜

蚶蚧菜

山小菜

回回蒜

泥胡菜

費菜

牛尾菜

青莢兒菜

地棠菜

白屈菜

山梗菜

蕓耳菜

地槐菜

山薺菜

紫雲菜

### 野胡蘿蔔

救荒本草野胡蘿蔔生荒野中苗葉似家

胡蘿蔔俱細小葉間攢生莖又梢頭開小白花衆花攢

開如傘蓋狀比蛇床子花頭又大結子比蛇床子亦大

其根比家胡蘿蔔尤細小味甘採根洗淨去皮生食亦

可 按此草處處有之湖南俚醫呼爲鶴蟲與天名精

同名亦肖其花白如鶴子細如蝨耳

野胡蘿蔔



### 地瓜兒苗

地瓜兒苗詳救荒本草方莖葉似薄荷微

長根如甘露兒更長味甘江西田野中亦有之

地瓜兒



蔬類卷之五

野胡蘿蔔

地瓜兒

野園葵

遏藍菜

星宿菜

蔬類卷之五 野胡蘿蔔 地瓜兒 野園萎 邊藍菜 星宿菜

野園萎

救荒本草野園萎生祥符縣西北田野中苗

高一尺餘苗葉結實皆似家胡萎但細小瘦窄味甜微

辛香採嫩苗葉燂熟油鹽調食 按野園萎南方廢圃

砌陰極多似野胡蘿蔔而科瘦根小春時開花結子五

六月即枯野胡蘿蔔多生田野至秋深尙有之



野園萎

邊藍菜

救荒本草邊藍菜生田野中下濕地苗初搨

地生葉似初生菠菜葉而小其頭頗圓葉間攢葶分叉

叉上結莢兒似榆錢狀而小其葉味辛香微酸性微温

星宿菜

救荒本草星宿菜生田野中作小科苗生葉

似石竹子葉而細小又似米布袋葉微長梢上開五瓣

小尖白花苗葉味甜採苗葉燂熟油鹽調食 按此草

江西俚醫呼爲單條草以洗外腎紅腫



邊藍菜

採葉燂熟水浸取酸辣味復用水淘淨作齋油鹽調食

按此草湖南山坡春時有之俗呼犁頭草象其形有爲

蚊蟲嚙者嚼葉敷之止癢

星宿菜



苦瓜

苦瓜救荒本草謂之錦荔枝一曰癩葡萄南方有長數尺者瓢紅如血味甜食之多衄血徐元扈云閩粵嗜之余所至江右兩湖雲南皆為圃架時蔬京師亦賣於肆豈南烹北徙耶肥甘之中搢以苦意俗呼解暑之羞苦口藥石固當友諫果而兄破睡侯矣貧者藜藿不糝五味失和非有茹蘗之操何以堪此滇本草治一切丹火毒氣金瘡結毒遍身芝麻疔大疔疹不可忍者取葉曬乾為末每服三錢無灰酒下神效又治楊梅瘡取瓜花煨為末治胃氣疼滾湯下治目痛燈草湯下皆昔

人所未及



苦瓜

地梢瓜

救荒本草地梢瓜生田野中苗高尺許作地攤科生葉似獨帚葉而細窄光硬又似沙蓬葉亦硬週圍攢莖而生莖葉開小白花結角長大如蓮子兩頭尖筒狀又似鴉嘴形名地梢瓜味甘其角嫩時摘取煤食角若皮硬剝取角中嫩穰生食 按山西廢圃中極多花如木犀長柄下垂清香出叢瓜花皆駢亦具異狀瓜有白汁老則子作絮正如蘿摩直隸人謂之老鶴瓢按

蔬類卷之五 苦瓜 地梢瓜 水蘇子 水落藜

蔬類卷之五 苦瓜 地梢瓜 水蘇子 水落藜

詩義疏蘿摩幽州人謂之雀瓢唐本草女青注此草即雀瓢也生平澤葉似蘿摩兩相對子似瓢形大如棗許故名雀瓢根似白微莖葉並臭又云蘿摩葉似女青故亦名雀瓢據此則北語老鶴瓢即雀瓢矣蘇恭謂子似瓢形頗肖而葉則迥異蘿摩或謂生肥地葉亦肥似旋花葉草木相似極多究未知蘇說雀瓢又有別否大抵二種子皆如針線固應一類詩義疏謂之雀瓢蓋統言之李時珍未見此草輒以蘇說根實形狀為誤可謂孟



地梢瓜


浪而李氏所謂與蘿摩相似子如豆者乃臭皮藤南方至多北地無是物也惟女青有雀瓢之名而諸說紛紛無定解故不即以入女青此草花香而莖葉皆有白汁氣近臭亦可謂薰齋同器矣

水蘇子

救荒本草水蘇子生下濕地莖淡紫色對生

莖又葉亦對生其葉似地瓜葉而窄邊有花鋸齒三叉尖葉下兩傍又有小叉葉梢開花黃色其葉微辛採苗葉煤熱油鹽調食

水蘇子



水落藜

救荒本草水落藜生水邊所在處處有之莖



高尺餘莖色微紅葉似野灰菜葉而瘦小味微苦澁性涼採苗葉煤熟換水浸淘洗淨油鹽調食曬乾煤食尤好

水落蕒




### 山蘿蔔

救荒本草山蘿蔔生山谷間田野中亦有之

苗高五七寸四散分生莖葉其葉似菊葉而闊大微有艾香每莖五七排生如一大葉梢間開紫花根似野胡蘿蔔根而帶豎白色味苦採根煤熟水浸淘去苦味油鹽調食


山蘿蔔



### 水蘿蔔

救荒本草水蘿蔔生田野中下濕地苗初搨地生葉似齊菜形而厚大鋸齒尖花葉又似水芥葉亦

水蘿蔔



蔬類卷之五 山蘿蔔 水蘿蔔 石芥 山苦蕒 山白菜

蔬類卷之五 山蘿蔔 水蘿蔔 石芥 山苦蕒 山白菜

厚大後分莖又稍開淡黃花結小角兒根如白菜根而大味甘辣採根及葉煤熟油鹽調食生亦可食

石芥 救荒本草石芥生輝縣鴉子口山谷中苗高一二

尺葉似地棠菜葉而闊短每三葉或五葉攢生一處開淡黃花結黑子苗葉味苦微辣採嫩葉煤熟換水浸去苦味油鹽調食

石芥



山苦蕒 救荒本草山苦蕒生新鄭縣山野中苗高二

尺餘莖似蒿莖而節稠其葉甚花有三五尖似花苦苣其葉甚大開淡棠楊花表微紅味苦採嫩苗葉煤熟

山苦蕒



水淘去苦味油鹽調食

山白菜 救荒本草山白菜生輝縣山野中苗葉頗似

山白菜



家白菜而葉莖細長其葉尖艸有鋸齒又似蒼蓬菜葉而尖瘦亦小味甜微苦採苗葉燻熱水淘淨油鹽調食

食

### 山宜菜

救荒本草山宜菜又名山苦菜生新鄭縣山野中苗初場地生葉似薄荷葉而大葉根兩傍有叉背白又似青莢兒菜葉亦大味苦採苗葉燻熱油鹽調食

山宜菜



### 綿絲菜

救荒本草綿絲菜生輝縣山野中高一二尺葉似兔兒尾葉但短小又似柳葉菜葉亦比短小梢頭攢生小莖突開豔白花其葉味甜採嫩苗葉燻熱水浸

綿絲菜



淘淨油鹽調食

### 鴉葱

救荒本草鴉葱生田野中枝葉尖長塌地而生葉

鴉葱




蔬類卷之五 山宜菜 綿絲菜 鴉葱 山葱 節節菜 老鴉蒜

蔬類卷之五 山宜菜 綿絲菜 鴉葱 山葱 節節菜 老鴉蒜

似初生蜀苻葉而小又似初生大藍葉細窄而尖其葉邊皆曲皺葉中攢葶吐結小萼莢後出白英味微辛採苗葉燂熟油鹽調食

山葱 救荒本草山葱一名隔葱又名鹿耳葱生輝縣太行山山野中葉似玉簪葉微團葉中攢葶似蒜葶甚長而澀梢頭結萼莢似葱萼莢微開白花結子黑色苗味辣採苗葉燂熟油鹽調食生醃食亦可

山葱



節節菜 救荒本草節節菜生荒野下濕地科苗甚小葉似藤蓬又更細小而稀疎其莖多節堅硬葉間開粉

節節菜



老鴉蒜 救荒本草老鴉蒜生水邊下濕地中其葉直

紫花味甜採嫩苗揀擇淨燂熟水浸淘過油鹽調食

老鴉蒜




生出土四垂葉狀似蒲而短背起劍脊其根形如蒜瓣  
味甜採根燂熟水浸淘淨油鹽調食 按本草綱目以  
此爲石蒜根形殊不類

山萵苣

救荒本草山萵苣生輝縣山野間苗葉塌地  
生葉似萵苣葉而小又似苦苣葉而卻寬大葉脚花  
頗少葉頭微尖邊有細鋸齒葉間攢葶開淡黃花苗葉  
味微苦採苗燂熟水浸淘去苦味油鹽調食生採亦  
可食


山萵苣



水萵苣

救荒本草水萵苣一名水菠菜水邊多生苗  
高一尺許葉似麥藍葉而有細鋸齒兩葉對又生兩  
枝梢間開青白花結小青莢莢如小椒粒大其葉味微  
苦性寒採苗燂熟水淘淨油鹽調食

水萵苣



野蔓菁

救荒本草野蔓菁生輝縣栲栳圈山谷中苗  
葉似家蔓菁葉而薄小其葉頭尖艸葉脚花又甚多葉  
間花出枝上開黃花結小角其子黑色根似白菜根  
頗大苗葉根味微苦採苗燂熟水浸淘淨油鹽調食  
或採根換水煮去苦味食之亦可

蔬類卷之五 山萵苣 水萵苣 野萵苣 水萵苣 山萵苣 山芹菜


野萵苣



水萵苣

救荒本草水萵苣一名地膚子生中牟縣南沙壩中苗高二三尺葉彷彿似地瓜兒葉卻甚短小捲

水萵苣




山萵苣

邊窠面又似雞兒腸葉頗尖梢梢頭出穗開淡藕絲褐花葉味甜採苗燻熟油鹽調食

山萵苣


救荒本草山萵苣生鈞州山野中苗高二三尺莖葉皆萵苣色葉似桔梗葉頗長梢而不對生又似山小茱萸微窄根形類沙參如手指麓其皮灰色中間白色味甜採根煮熟生食亦可



山芹菜

救荒本草山芹菜生輝縣山野間苗高一尺餘葉似野蜀葵葉稍大而有五叉又似地牡丹葉亦大葉中攢生莖又梢結刺毬如鼠粘子刺毬而小開花豨

山芹菜




白色葉味甘採苗葉焯熱水浸淘淨油鹽調食

銀條菜

救荒本草銀條菜所在人家園圃多種苗葉

銀條菜



蔬類卷之五

銀條菜

珍珠菜

涼蒿菜

雞腸菜

薺兒菜

皆似蒿苣長細色頗青白攢葶高二尺許開四瓣淡黃  
花結蒴似蕎麥蒴而圓中有小子如油子大淡黃色其  
葉味微甘性涼採苗葉焯熱水浸淘淨油鹽調食生揉  
亦可

珍珠菜

救荒本草珍珠菜生密縣山野中苗高二尺

許莖似蒿程微帶紅色其葉狀似柳葉而極細小又似  
地梢瓜葉頭出穗狀類鼠尾草穗開白花結子小如菜  
豆粒黃褐色葉味苦澀採葉焯熱水浸去澀味淘淨  
油鹽調食 按黃山志真珠菜藤本蔓生暮春發芽每

珍珠菜




蔬類卷之五 銀條菜 珍珠菜 涼蒿菜 雞腸菜 鷺兒菜

芽端綴一二藥圓白如珠葉肥綠如茶連藥葉腊之香  
甘鮮滑他蔬讓美焉與此異種

涼蒿菜

救荒本草涼蒿菜又名甘菊芽生密縣山野  
中葉似菊花葉而長細尖筋又多花又開黃花其葉味  
甘採葉燻熟換水浸淘淨油鹽調食



涼蒿菜

雞腸菜

救荒本草雞腸菜生南陽府馬鞍山荒野中  
苗高二尺許莖方色紫其葉對生葉似菱葉樣而無花  
又似小灰菜葉形樣微扁開粉紅花結碗子萌兒菜  
味甜採苗葉燻熟水淘淨油鹽調食


雞腸菜



鷺兒菜

救荒本草鷺兒菜生密縣山澗中苗葉塌地  
生葉似匙頭樣頗長又似耳朶菜而葉稍小微澀又似

鷺兒菜






山萵苣葉亦小頗硬而頭微團味苦採苗葉煤熟換水  
浸淘淨油鹽調食

### 歪頭菜

救荒本草歪頭菜出新鄭縣山野中細莖就地叢生葉似豇豆葉而狹長背微白兩葉並生一處開紅紫花結角比豌豆角短小區瘦葉味甜採葉煤熟油鹽調食

歪頭菜



### 蠍子花菜

救荒本草蠍子花菜又名吃蚤花一名野菠菜生田野中苗初榻地生葉似初生菠菜葉而瘦細葉間攢生莖義高一尺餘莖有線楞梢間開小白花其

蠍子花菜



葉味苦採嫩葉煤熟水淘淨油鹽調食

### 稷斗菜

稷斗菜

救荒本草稷斗菜生輝縣大行山山野中小



蔬類卷之五

歪頭菜

蠍子花菜

稷斗菜

毛女兒菜

甌菜

杓兒菜

蔬類卷之五 歪頭菜 蠟子花菜 縷斗菜 毛女兒菜 甌菜 杓兒菜

科苗就地叢生苗高一尺許莖梗細弱葉似牡丹葉而小其頭頗圓味甜採葉燻熱水浸淘淨油鹽調食

毛女兒菜

救荒本草毛女兒菜生南陽府馬鞍山中苗高一尺許葉似綿系菜葉而微尖又似兔兒尾葉而小莖葉皆有白毛梢間開淡黃花如大黍粒數十顆攢成一穗味甘酸採苗燻熱水浸淘淨油鹽調食或拌米麵蒸食亦可


毛女兒菜



甌菜

救荒本草甌菜生輝縣山野中就地作小科苗生莖葉似山莧菜葉而有鋸齒又似山小菜葉其鋸齒比之卻小味甜採嫩苗燻熱水浸淘淨油鹽調食

甌菜



杓兒菜

救荒本草杓兒菜生密縣山野中苗高一二尺葉類狗掉尾葉而窄頗長黑綠色微有毛澁又似耐

杓兒菜



驚菜葉而小軟薄梢葉更小開碎瓣淡黃白花其葉味苦採葉燻熟水浸去苦味淘洗淨油鹽調食

變豆菜

救荒本草變豆菜生輝縣太行山山野中其苗葉初作地攤科生葉似地牡丹葉極大五花又鋸齒尖其後葉中分生莖又梢葉頗小上開白花其葉味甘採葉燻熟作成黃色換水淘淨油鹽調食

變豆菜



獐牙菜

救荒本草獐牙菜生水邊苗初塌地生葉似龍鬚菜葉而長窄菜頭頗圓而不尖其葉嫩薄又似牛

獐牙菜

尾菜葉亦長窄其根如牙根而嫩皮色黑灰味甜掘根洗淨煮熟油鹽調食

水辣菜


救荒本草水辣菜生水邊下濕地中莖高一尺餘莖圓葉似鷄兒腸葉頭微齊短又似馬蘭頭葉亦更齊短其葉插莖生梢間出穗如黃蒿穗其葉味辣採嫩苗葉燻熟換水淘去辣氣油鹽調食生亦可食 按此草江西湖南河瀕亦有之作蒿氣與唐本草注齊頭蒿相類殆卽一草詳牡蒿下



蔬類卷之五 變豆菜 獐牙菜 水辣菜 獨行菜 葛公菜 委陵菜

蔬類卷之五 變豆菜 獐牙菜 水辣菜 獨行菜 葛公菜 委陵菜

水辣菜



獨行菜

救荒本草獨行菜又名麥稽菜生田野中  
苗高一尺許葉似水棘針葉微短小又似水蘇子葉亦  
短小狹窄作瓦隨樣梢出細葶開小豔白花結小青莢

獨行菜



葛公菜

救荒本草葛公菜生密縣韶華山谷間苗  
高二三尺莖方窻面四楞對分莖又葉方對生葉似蘇  
子葉而小又似在子葉而大梢間開粉紅花結子如小  
米粒而茶褐色其葉味甜微苦採嫩葉煤熱水浸去苦  
味換水淘淨油鹽調食

葛公菜



委陵菜

救荒本草委陵菜一名翻白菜生田野中苗

委陵菜



初場地生後分莖又莖節稠密上有白毛葉彷彿類柏葉而極闊大邊如鋸齒形面青背白又似雞腿兒葉而却窄又類鹿蕨葉亦窄莖葉梢間開五瓣黃花其葉味苦微辣採苗葉燉熟水浸淘淨油鹽調食


女婁菜

救荒本草女婁菜生密縣韶華山谷中苗

高二尺莖又相對分生葉似旋覆花葉頗短色微深綠插莖對生梢間出青萼葵開花微吐白藥結實青子如枸杞微小其葉味苦採嫩苗葉燉熟換水浸去苦味淘淨油鹽調食

蔬類卷之五 女婁菜 麥藍菜 匙頭菜 舌頭菜 柳葉菜

女婁菜



麥藍菜

救荒本草麥藍菜生田野中莖葉俱深萼莖

色葉似大藍梢葉而小頗尖其葉抱莖對生每一葉間

麥藍菜



蔬類卷之五 女婁菜 麥藍菜 匙頭菜 舌頭菜 柳葉菜


攏生一叉莖又梢頭開小肉紅花結蒴有子似小桃紅子苗葉味微苦採嫩苗葉燻熟水浸淘淨油鹽調食

匙頭菜

救荒本草匙頭菜生密縣山野中作小科苗

其莖面窻背圓葉似圓匙頭樣有如杏葉大邊微鋸齒開淡紅花結子黃褐色其葉味甜採葉燻熟水浸淘淨油鹽調食

匙頭菜



舌頭菜

救荒本草舌頭菜生密縣山野中苗葉場地

生葉似山白菜葉而小頭頗團葉面不皺比小白菜葉亦厚狀類豬舌形故以為名味苦採葉熟水浸去苦味換水淘淨油鹽調食



舌頭菜

柳葉菜

救荒本草柳葉菜生鄭州賈峪山野中苗

高二尺餘淡黃色葉似柳葉而厚短有澀毛梢間開四瓣深紅花結細長角兒其葉味甜採苗葉燻熟油鹽調食

柳葉菜



山甜菜

救荒本草山甜菜生密縣韶華山山谷中苗

高二三尺莖青白色葉似初生綿花葉而窄花又頗淺

其莖葉間開五瓣淡紫花結子如枸杞子生則青熟則

紅葉味苦採葉煤熟換水浸淘去苦味油鹽調食

山甜菜



粉條兒菜

救荒本草粉條兒菜生田野中其葉初生

散分垂葉似葦草葉而瘦細微短葉

間攏葶開淡黃

集甜採葉煤熟淘洗淨油鹽調食

粉條兒菜



辣辣菜

救荒本草辣辣菜生荒野今處處有之苗高

五七寸初生尖葉後分枝莖上出長葉開細青白花結

辣辣菜



蔬類 卷之五

山甜菜 粉條兒菜

辣辣菜

青莢兒菜

八角菜

地棠菜

蔬類卷之五 山甜菜 粉條兒菜 辣辣菜 青莢兒菜 八角菜 地棠菜

小區蒴其子似米蒿子黃色味辣採嫩苗葉煤熟水浸  
淘淨油鹽調食

### 青莢兒菜

救荒本草青莢兒菜生輝縣太行山山野

中苗高二尺許對生莖又葉亦對生其葉面青背白鋸  
齒三叉葉腳葉花又頗大狀似荏子葉而狹長尖艸莖  
葉梢間開五瓣小黃花衆花攢開形如穗狀其葉味微  
苦採苗葉煤熟換水浸淘去苦味油鹽調食

青莢兒菜



### 八角菜

救荒本草八角菜生輝縣太行山山野中苗

### 地棠菜

救荒本草地棠菜生鄭州南沙壩中苗高一

地棠菜

高一尺許苗莖甚細其葉狀類牡丹葉而大味甜採嫩  
苗葉煤熟水浸淘淨油鹽調食

八角菜





二尺葉似地棠花葉甚大又似初生芥菜葉微狹而尖  
味甜採嫩苗葉煤熟油鹽調食

### 雨點兒菜

救荒本草雨點兒菜生田野中就地叢生

其莖脚紫梢青葉如細柳葉而窄小插莖而生又似石  
竹子葉而頗硬梢間開小尖五瓣白花結角比蘿蔔角  
又大其葉味甘採葉煤熟水浸淘過淘洗令淨油鹽調  
食

兩點兒菜



### 白屈菜

救荒本草白屈菜生田野中苗高一二尺初

作叢生莖葉皆青白色莖有毛刺梢頭分叉上開四瓣  
黃花葉頗似山芥菜葉而花叉極大又似漏蘆葉而色

白屈菜




淡味苦微辣採葉和淨土煮熟撈出連土浸一宿換水  
淘洗淨油鹽調食

### 蚶蜆菜

救荒本草蚶蜆菜生密縣山野中苗高二三

尺許葉似連翹葉微長又似金銀花葉而尖紋皺卻少

蚶蜆菜



蔬類卷之五

雨點兒菜

白屈菜

蚶蜆菜

山梗菜

山小菜

糴耳菜


蔬類卷之五 兩點兒菜 白屈菜 蚵蚥菜 山梗菜 山小菜 攏耳菜

邊有小鋸齒開粉紫花黃心葉味甜採嫩苗葉煤熱水浸淨油鹽調食

山梗菜

救荒本草山梗菜生鄭州賈峪山山野中苗

高二尺許莖淡紫色葉似桃葉而短小又似柳葉菜葉亦小梢間開淡紫花其葉味甜採嫩葉煤熱淘洗淨油鹽調食




山梗菜

山小菜

救荒本草山小菜生密縣山野中科苗高二

尺餘就地叢生葉似酸漿子葉而窄小面有細紋脈邊有鋸齒色深綠又似桔梗葉頗長觔味苦採葉煤熱水浸淘去苦味油鹽調食

山小菜



攏耳菜

救荒本草攏耳菜生中牟平野中苗長尺餘

莖多枝又其莖上有細線楞葉似竹葉而短小亦軟又

攏耳菜



似蒿蓄葉却頗闊大而尖莖葉俱有微毛開小豔白花結細灰青子苗葉味甘採嫩苗葉燻熟水浸淘淨油鹽調食

**回回蒜**

救荒本草回回蒜一名水胡椒又名蠟虎草生水邊下濕地苗高一尺許葉似野艾蒿而硬又甚花又似前胡葉頗大亦多花又苗莖梢頭開五瓣黃花結穗如初生桑椹子而小又似初生蒼耳實亦小色青味極辛辣其葉味甜採葉燻熟換水浸淘淨油鹽調食

回回蒜



蔬類卷之五

回回蒜

地槐菜

泥胡菜

山萵菜

費菜

紫雲菜

子可擣爛調菜用

**地槐菜**

救荒本草地槐菜一名小蟲兒麥生荒野中苗高四五寸葉似石竹子葉極細短開小黃白花結小黑子其葉味甜採葉燻熟水浸淘淨油鹽調食

地槐菜




**泥胡菜**

救荒本草泥胡菜生田野中苗高一二尺莖梗繁多葉似水芥菜葉頗大花又甚深又似風花菜葉却比短小葉中攏葶分生莖又梢間開淡紫花似刺薊花苗葉味辣採嫩苗葉燻熟水洗淘淨油鹽調食

蔬類卷之五 回回蒜 地槐菜 泥胡菜 山蕎菜 費菜 紫雲菜

泥胡菜



山蕎菜

救荒本草山蕎菜生密縣山野中苗初塌地生其葉之莖背圓而窠葉似初出冬蜀葵葉梢五花叉

山蕎菜



鋸齒邊又似蔚臭苗葉而硬厚頗大後攢莖又莖深紫色梢葉頗小味微辣採苗葉煤熟換水浸淘淨油鹽調食

費菜

救荒本草費菜生輝縣太行山車箱衝山野間苗高尺許似火燄草葉而小頭頗齊上有鋸齒其葉搯莖而生葉梢上開五瓣小尖淡黃花結五瓣紅小花蒴兒苗葉味酸採嫩苗葉煤熟換水淘去酸味油鹽調食


費菜



紫雲菜

救荒本草紫雲菜生密縣傅家衝山野中苗高一二尺莖方紫色對節生叉葉似山小菜葉頗長拂

紫 豨 菜



梗對生葉頂及葉間開淡紫花其葉味微苦採嫩苗葉  
燥熟水浸淘去苦味油鹽調食

牛 尾 菜

救荒本草牛尾菜生輝縣鴉子口山野間苗  
高二三尺葉似龍鬚菜葉葉間分生叉枝及出一細絲

牛 尾 菜



蔓又似金剛刺葉而小紋脈皆豎莖葉梢間開白花結  
子黑色其葉味甘採嫩葉燥熟水浸淘淨油鹽調食

蔬 類 卷 之 五 牛 尾 菜

# 植物名實圖考卷之六

固始吳其溶著

蒙自陸應穀校刊

蔬類

甘藷

胡蘿蔔

絲瓜

套瓜

排菜

芥藍

野木耳菜

辣椒

稻槎菜

綿絲菜

蔞菜

南瓜

攪絲瓜

水壺盧

霍州油菜

木耳菜

諸葛菜

豆葉菜

油頭菜

山百合

紅百合

高河菜

芝蔴菜

蕨蕻

陽藿

珍珠菜

綠百合

金剛尖

陽芋

紫薑

木樞子

甘藷

甘藷詳南方草木狀卽番藷本草綱目始收入菜部近時種植極繁山人以爲糧偶有以爲蔬者南安十月中有開花者形如旋花又遵義府志有一種野生者俗名茅狗薯有製以亂山藥者饑年人掘取作餠按甘藷南方草物狀謂出武平交趾與古九真其爲中華產也久矣閩書乃謂出西洋呂宋中國人截取其蔓入閩何耶海澄縣志載余應桂爲令嗜番薯或啖不去皮因有番薯之稱今紅白二種味俱甘美湖南洞庭湖壩尤盛流民掘其遺種冬無饑饉徐光啟甘藷疏諄諄仁人

之言惜未及見是物之踰汝踰淮也

雲婁農曰南北剛柔燥濕民生其間者異宜然數百年必遷移雜糅而後有傑者出焉漢焚老上之庭而金日磾奕葉珥貂於長安晉之東遷而王謝盛於江左豈以非是不能變其剛柔而蕃其族類乎中華之穀蔬草木不可勝食不可勝用矣苜蓿葡萄天馬偕來胡麻胡瓜相傳攜於鑿空之使近時木棉番薯航海逾嶺而江而淮而河而齊秦燕趙冬日之陽夏日之陰不召自來何

甘藷



蔬類卷之六 葶菜 胡蘿蔔 南瓜 絲瓜

其速也夫食人衣人造物何不自生於中土必待越鯤擊探虎穴而後以生以息豈從來者艱而人始知寶貴耶抑中土實有之而培植取用不如四裔之精詳耶易之為書八卦相錯然則東西南朔之氣必參伍錯綜通變極數而後大生廣生无方无體歟

葶菜

葶菜本草綱目收之俗呼辣米子田野多有人無種者蓋野菜也江西志以朱子供蔬遂於為奇品云生源頭至潔之地不常有亦耳食之論吾鄉人摘而醃之為菹殊清辛耐嚼伶仃小草其與薺殆辛甘各據其勝然薺不擇地而生此草惟生曠野喜清而惡濁蓋有之

葶菜



矣

胡蘿蔔


胡蘿蔔本草綱目始收入菜部南方秋冬方食北地則終年供茹或云元時始入中國元之東也先得滇故滇之此蔬尤富而巨色有紅黃二種然其味與邪蒿爲近嗜大尾羊者必合而烹之其亦元之食憲章歟



胡蘿蔔

南瓜

南瓜本草綱目始收入菜部疑卽農書陰瓜處處種之能發百病北省志書列東西南北四瓜東蓋冬瓜之訛北瓜有水麩二種形色各異南產始無是也又有



南瓜

番瓜類南瓜皮黑無稜曹縣志云近多種此宜禁之瓜何至有禁番物入中國多矣有益於民則植之毋亦白免御史求旁舍瓜不得而騰言乎

絲瓜

絲瓜本草綱目始收入菜部處處種之其瓢有絡俗呼爲瓢以代拭巾綱目備載諸方頗驗此瓜無甚味而不宜人鄉人易種而耐久以隙地種之江湖間有長至五六尺者宋杜北山詩數日雨晴秋草長絲瓜延上瓦牆生老圃秋藤宛然在目趙梅隱詩云黃花褪束綠





絲瓜

身長百結絲包困曉霜虛瘦得來成一捻剛儂人面染  
脂香玩末句殆以其可爲拭巾耶老學菴筆記絲瓜滌  
研磨洗餘漬皆盡而不損研則菅蒯之餘乃登大雅之  
席

**攪絲瓜** 攪絲瓜生直隸花葉俱如南瓜瓜長尺餘色

黃甌亦淡黃自然成絲宛如刀切以箸攪取油鹽調食  
味似撇藍性喜寒攜種至南秋深方實不中食矣


蔬類卷之六 攪絲瓜 套瓜 水壺盧 排菜



攪絲瓜

**套瓜** 套瓜生雲南蔓延都似金瓜而瓜作兩層如大瓜

套瓜



蔬類卷之六 攪絲瓜 套瓜 水壺盧 排菜

含小瓜味淡不中噉種以為玩山西亦有不入蔬品

水壺盧 水壺盧山西直隸皆有之大體類南瓜而葉

多花杈花則無異瓜有青花白數種早種速成肉縷多汁而農圃不廣植蓋烹以豢腴則得味外味而煮以蔬鹽則如水濟水膏梁者爽口之鯖乃菜色者淨腸之草也



水壺盧

排菜 排菜產長沙芥屬也花葉細長細莖叢苗數十莖

為族春抽葶如扁雞冠闊幾二寸葶上細莖與花雜放

花如芥菜花頭重莖彎如屈鈎生不中噉土人淪以為

齋酸頗醒脾賣菜者皆焯以入市黃色如金羹臙油灼蓋每食必設也上海縣志芥有細莖扁心名銀絲芥或即是此菜味以酸辛為上芥之品盛於南嗜辛者多也不辛則鬱積而使之酸乃津津有味沈石田戲為蔬介夫傳有曰平生口刺刺抉人是非不少假借被其中者或至流淚出涕發汗每食芥輒憶其語為之噴飯夫出涕發汗而人猶嗜之毋亦肺腑中有所甚樂欲已而不

排菜



能者彼一味於甘而不知他味者必其曾間有物據焉  
如小兒嗜土炭矣

霍州油菜 霍州油菜二月生苗葉如蠶豆葉而細柔  
一枝三葉莖綠肥如小指作穗尤肥密開花如刀豆花  
色黃結角擇其子爲油其莖與雲苔同味微苦春遲草  
淺此蔬早薦旅館案酒滿齒清腴霍山以北不見此菜  
矣

霍州油菜



芥藍

芥藍嶺南及寧都多種之一作芥蘭南越筆記謂

蔬類卷之六 霍州油菜 芥藍 木耳菜 野木耳菜 諸葛菜

其葉有鉛不宜多食 按此是烹食其葉亦擊取之肥  
厚冬生土人嗜之其根細小與北地撒藍迥別自來紀  
述家多併爲一種蓋北人知撒藍不見芥藍閩廣知芥  
藍不見撒藍但取呼名相類耳嶺南雜記芥蘭甘辛如  
芥葉藍色鍊之能出鉛又名隔藍僧云六祖未出家時  
爲獵戶不茹葷血以此菜與野味同鍋隔開煮熟食之  
故名閩書芥藍菜葉如藍而厚青碧色蜀中萬年青極  
相類但此一年一種萬年青累歲不易味稍苦耳則蜀

芥藍



蔬類卷之六 霍州油菜 芥藍 木耳菜 野木耳菜 諸葛菜

中亦產不止閩粵廣東志諺曰多食馬藍少食芥藍則不惟形狀與撇藍異性亦迥異

**木耳菜** 木耳菜產南安一名血皮菜紫莖莖葉面綠背

亦紫長葉如寬而多疎齒土人嗜之味滑如落葵亦治婦科血病酒煎服有效云十八灘篙工皆贛人既喜如其土之所產又以價賤買而齋之曝之簞蓬餘綠菜把堆紅樹零山瘦霜隕灘清滿如載丹葉而出秋林也余戲謂贛人赤米血菜紅蘿蔔紫甘諸萹葉賁灰醉潮登類一飯之間何止二紅

木耳菜



**野木耳菜** 野木耳生南安斑莖葉如菊而無杈歧花

如蒲公英長蒂短瓣不甚開放花老成絮土人食之亦野菜也

野木耳菜



**諸葛菜** 諸葛菜北地極多湖南間有之初生葉如小

葵抽葶生葉如油菜莖上葉微寬有圓齒亦抱莖生春初開四瓣紫花頗嬌亦有白花者耐霜喜寒京師二月已舒萼矣灼食甚滑細根非蔓菁一名諸葛菜也按爾雅菲蔥菜郭注菲草生下濕地似蕪菁華紫赤色可食



諸葛菜

陸璣詩疏非似菡萏蘿葉厚而長有毛三月中蒸齏爲茹滑美可作羹幽州人謂之芴今河內人謂之宿菜按其形狀正是此菜北地至多皆生廢圃中無種植者因宿根而生故呼宿菜不知何時誤呼諸葛也江西有一種藤菜與此相類而葉似蘿蔔然二菜皆無大根非蔓菁比爾雅又有菲芴郭注以爲土瓜固同名而異物矣

**辣椒** 辣椒處處有之江西湖南黔蜀種以爲蔬其種尖圓大小不一有柿子筆管朝天諸名蔬譜本草皆未晰



辣椒

惟花鏡有番椒卽此遵義府志番椒通呼海椒一名辣角每味不離長者曰牛角仰者曰纂椒味尤辣柿椒或紅或黃中盆玩味之辣至此極矣或研爲末每味必借或以鹽醋浸爲蔬甚至熬爲油燻諸火而嚼之者其胃膈塞滯乃至是哉古人之食必得其醬所以調其偏而使之平故有食醫掌之後世但取其味膏腴炁炙旣爲富貴膏盲貧者茹生菜山居者或淡食而產蔗之區乃以飴爲鹹雖所積不同而其留著胃中格格不能下則一也薑桂之性尙可治其小患至脾胃抑塞攻之不可

則必以烈山焚澤去其頑梗而求通焉番椒之謂矣

豆葉菜 豆葉菜廬山衡山皆有之葉莖如大豆亦有

毛寺僧以為蔬矜言佛祖留此以養繇徒云宋華西陵


拙公以野蔬見寄蔬名杏葉豆葉豆葉惟盤山與匡廬有之盛京志杏葉菜葉似杏山蔬之可食者

一統志江西南昌羅漢菜如豆苗因靈觀尊者自西山

持至故名湖廣蘄州二角山亦有之舊傳有異僧所種

若雜葷物便無味疑卽此豆葉菜也蓋大山中皆有之

特無拈出者多不識耳廬山有豆葉坪實產此菜余過



豆葉菜

廬山遣力往取之道中不得烹飪視其形不知其味可

謂食肉不食馬肝盤山志豆苗菜叢生似豆苗山家采食之極鮮美

稻槎菜 稻槎菜生稻田中以穫稻而生故名似蒲公英

英葉又似花芥菜葉鋪地繁密春時抽小莖開花如蒲

公英而小無葉鄉人茹之

雲婁農曰江湖間多野蔬而地卑濕蘆葦生蛆又虺蜴

所徑竇故挑菜者有戒心焉稻槎菜生於稻之腐餘其

性常與穀精草比吾鄉人喜食之救荒本草所列皆山

稻槎菜



野中物採錄亦弗及每憶其黃花綠莖繡腔鋪隴覺千  
村打稻之聲猶在耳畔

油頭菜

油頭菜贛州有之似大頭菜而扁葉如蘿蔔  
土人以根爲蔬生食甘脆亦以飭盤此即蔓菁種類葉  
亦有芥味贛州山地堅瘦故所產根不能肥大寧都州  
呼爲柿餅蘿蔔形味俱肖

雲婁農曰贛處萬山中石田沙隴商賈行坐以通閩粵  
生齒日益繁百穀成不能足一歲之儲山之民有不粒

油頭菜



蔬類卷之六 油頭菜 綿絲菜 山百合 紅百合 綠百合

食者矣果如橘柚皆不堪與南城南豐爲臺隸如油頭

菜者亦登上客之筵風亦儻矣顧其地饒松杉桐茶烏

白盱贛嶺南之饒與牢盆擅薪油鹽饍之利五嶺之間

一都會也又聞其山多奇卉靈藥余屢至皆以深冬山

燒田菜搜採少所得至今耿耿

綿絲菜

綿絲菜廣信長沙極多一名黃花菜初生葉  
如馬蹄有深齒宛似小葵抽莖生葉卽多尖杼開小黃

綿絲菜



蔬類卷之六 油頭菜 綿絲菜 山百合 紅百合 綠百合

花如寒菊冬初發萼至夏始枯貧者取其嫩葉茹之亦可去熱

山百合 山百合生雲南山中根葉俱如百合花黃綠

有黑縷又有深綠者尤可愛



山百合



紅百合 紅百合生雲南山中大致如卷丹葉短花肥

瓣色淡紅內有紫點綠心黃藥中出一長鬚圓突如乳

比卷丹為雅

紅百合 綠百合



紅百合

綠百合 綠百合雲南有之花色碧綠紫斑繡錯香極



綠百合



濃根微苦

### 高河菜

高河菜生大理點蒼山滇黔紀遊云七八月生紅莖碧葉味辛如芥桂馥札璞蒼山有草類芹紫莖辛香可食呼爲高和菜沿南詔舊名古今圖書集成引舊志云若高聲則雲霧驟起風雨卒至蓋高河乃龍湫也余遣人致其腊者審其葉多花又參差互生微似菊葉而無柄味亦不辛卻有清香漬之水水爲之綠以爲齋在慈芥之上以烹肉絕似北地乾菠菜而加清雋誠野蔬中佳品也但蒼山高峻傳聞皆以爲不易得而此菜製如家蔬或以鷺更雞耶抑有老圃移而滋之於圃耶顧其色味皆佳每咀嚼之輒曰縱未得真高河菜得此嘉蔬亦足豪於嚙斷數十籌黃酸齋者琅鹽井志有爛菜七八月治地布種不須灌溉至冬可茹狀微相類而老莖柴瘠幾同齧藁矣吾鄉凡菜不經移種者皆曰爛婆菜以不經培蒔則生機速而易老科本密而多腊故老圃賤之而琅井之菜獨以爛得名然則人之以爛

高河菜



成其高者得無如高河菜之孤據清絕令人仰其臥雪吸雲而不易致而琅井之蔬不假剔抉乃全其天真也耶翟湯對庾亮曰使君自敬其枯木朽株然則對斯菜也亦當推食起敬

### 金剛尖

金剛尖生雲南山中獨莖多細枝一枝五葉似獨帚而更尖長山人摘以爲蔬昆明採其嫩葉苳以爲羹清爽微苦饒有風味呼爲良旺頭

蔬類卷之六 高河菜 金剛尖 芝蔴菜 陽芋

芝蔴菜

芝蔴菜生雲南如初生蔴菜抽莖開四瓣黃

芝蔴菜



金剛尖

陽芋

花有黑縷高尺許生食味如白苣而微地氣滇本草性微寒治中風暑熱之證

陽芋黔滇有之綠莖青葉葉大小疎密長圓形狀不一根多白鬚下結圓實壓其莖則根實繁如番薯莖長則柔弱如蔓蓋即黃獨也療饑救荒貧民之儲秋時根肥連綴味似芋而甘似薯而淡羹臠煨灼無不宜之葉味如豌豆苗按酒脩食清滑雋永開花紫筍五角間以青紋中擎紅的綠藥一縷亦復楚楚山西種之爲田俗呼山藥蛋尤碩大花色白開終南山岷種植尤繁富

陽芋



者歲收數百石云

蕨藟 蕨藟如蕨而肥矮有枝無杈梢葉如粟色綠按爾

雅藟月爾注即紫藟也似蕨可食或即此疑有綠紫二

種江右蕨經野燒再發名蕨藟與此異



蕨藟

紫薑 紫薑花生雲南夏時開淡紫花

蔬類卷之六 蕨藟 紫薑 陽薑 木樨子

紫薑



陽薑 陽薑湖南雲南皆有之黔志作陽荷葉如薑而肥

根如薑而瘦夏時根傍發苞如筍籜色紫籜拆有纖笋  
十餘枝笋中開花微似蘭花色深紫三瓣一大二小其  
附有嫩籜反卷如淡黃花瓣湘中摘其笋並花與薑芽  
同饈食之味亦辛辰谿志載里諺曰八月陽薑拌紫薑  
以爲珍珠長沙人但呼爲薑花亦曰薑笋廣西志洋百  
合形如百合色紫與薑同器則色亦紫又曰洋百合即  
薑荷未識與此種同異桂馥札璞野薑花生葉傍色紫

蔬類卷之六 蕨蓐 紫薑 陽薑 木樞子

卽此特以爲卽狗脊殊不可解余過黔索陽荷里人以  
此進且云此外無所謂陽荷者然則長沙以此爲薑花  
者道其實而辰谿黔中則相承以爲陽薑陽荷荷薑一  
聲輕重耳考說文薑荷一名薑租子虛賦作搏苴漢書  
作巴且王逸作葍苴顏師古云根傍生笋可以爲苴古  
今注薑荷似苴苴而白苴苴色紫花生根中花未敗時  
可食久置則爛今湘中亦呼此爲薑笋而按其形狀正  
與古今注苴苴相肖則此菜其卽苴苴矣顧說文以苴  
苴爲卽薑荷而黔呼陽荷湘中呼陽薑皆爲薑荷轉音  
似苴苴薑荷爲一物惟古今注謂薑荷似苴苴色白則  
一類而異然則吳中所謂薑荷者其卽古今注之薑荷  
歟其莖葉殊不相似要皆人家圃中所蒔與急就篇冬  
日藏之語相合二種皆分別圖之必有一當於薑荷者  
不似芭蕉甘露非可鹽藏冬儲也  
雲婁農曰南越筆記謂粵中草多似蕉與竹故有衣蕉  
食蕉衣竹食竹之諺余以爲介於蕉與竹之間薑是也



似薑以薑名不以薑名者不可勝計然三者皆喜煖而  
惡燥喜陰而惡寒而薑則以不見日而生夫物得陽則  
舒得陰則鬱薑鬱於陰而爲辛烈其於人也上至天庭  
下及湧泉發揚排擊無所不靡然則人之鬱鬱而不得  
遂者其發揚排擊豈不如草木哉和風甘雨舒物之鬱  
者也震雷嚴霜絕物之鬱者也故爲治者準天之道無  
使隱僻之民有所鬱焉則無形之患絕  
木樞子 木樞子生黔中獨莖長葉高二三尺如初生

木樨子



野雞冠花梢端作穗開花如水蘇輩色淡紅結小黑子  
味辛辣如胡椒黔山人植於圃隙山足採為食料  
珍珠菜 珍珠菜安徽河南山中皆有之黃山志謂為

珍珠菜



藤本蔓生摘其花曰花兒菜實曰珠兒菜並葉茹之味  
如茶烹苳皆宜

蔬類卷之六 珍珠菜

# 植物名實圖考卷之七

固始吳其濬著

蒙自陸應穀校刊

## 山草

- |       |    |    |     |    |     |      |   |    |    |    |    |    |    |     |    |    |    |     |     |
|-------|----|----|-----|----|-----|------|---|----|----|----|----|----|----|-----|----|----|----|-----|-----|
| 廣信柴胡附 | 柴胡 | 獨活 | 徐長卿 | 升麻 | 巴戟天 | 遠志二圖 | 朮 | 甘草 | 人參 | 黃耆 | 赤箭 | 沙參 | 萎蕤 | 肉蓯蓉 | 丹參 | 防風 | 細辛 | 大柴胡 | 小柴胡 |
|-------|----|----|-----|----|-----|------|---|----|----|----|----|----|----|-----|----|----|----|-----|-----|

黃連

防葵

黃芩

白微

白鮮

知母

貝母

元參

紫參

紫草

秦朮

黨參附

人參

說文作淺廣雅作蔘俗作參

人參本經上品昔時以遼東新羅

所產皆不及上黨今以遼東吉林為貴新羅次之其三

姓甯古塔亦試採不甚多以苗移植者為秧參種子者

為子參力皆薄黨參今係蔓生頗似沙參苗而根長至

尺餘俗以代人參殊欠考覈謹按我

朝發祥長白山周原臙蕪董茶如飴固天地之奧區九

州之上腴也長林豐草中夜有光燭厥惟人參定制私

創者舉其物罰其人官給商引出卡分採歸以所得上

之官官視其參之多寡而納課焉課畢獻於內府第

其品上上者備

御其次以為班賞凡文武二品以上及侍直者皆預臣

父臣兄備員卿貳歲蒙

恩賚臣供奉 南齋時疊承


優錫其私販越關入公者亦蒙分賞自維臣家俱飲仙

藥愧長生之無術荷

大造之類施敬紀顛末用示後人考圖經繪列數種多

沙參薺萇輩今紫團參園已墾為田所見舒城施南山

人參



山草卷之七 黃耆

參尚不及黨參滇姚州麗江亦有參形既各異性亦多

燥惟朝鮮附庸 陪都所產雖出人功而氣味具體人

間服食至廣即外裔如緬甸亦由京都販焉

**黃耆** 黃耆本經上品有數種山西蒙古產者佳滇產性

瀉不入用

雲婁農曰黃耆西產也而淳安縣志云嘉靖中人有言

本地出黃耆者當道以文索之無有以俗名馬首首藎

根充之醫生解去遭杖幾斃不得已解價至三四十金

而後已嗚呼先王物土宜而布之利後世乃以利為害

乎夫任土作貢三代以來莫之能改然徵求多而饋問

廣猶慮為民病洛陽兒女之花莆田荔支之譜轉輸千

里容悅俄時賢者有餘憾矣舊時滇元江有荔支以索

者衆今並其樹刈之昆明海亦時有蝦漁者懼索得而

匿之不敢以售於市民之畏官乃如鬼神哉吾見志乘

於物產不曰地窮不毛則曰昔有今無懼上官之按志

而求也意亦苦矣然吾以為未探其本而因噎而廢食

也邑志物產非注爾雅以淹博考證爲長又非如賦京都者假他方之所有以誇靡富考其山林川原則知所宜考其所宜則知民之貧富勤惰職方氏曰其利金錫竹箭其畜宜六擾其穀宜五種不爲後世有貪墨者而稍減而諱之也雖然以志乘而累及官民者亦有之矣夫天下之稻一也而弋陽志則曰其稻他縣不能有也昔固以索弋稻爲累矣天下之猪一也而贛州志則曰龍猪他郡不能及也昔固以索龍猪爲累矣志物者一時泚筆而矜其名宰邑者因其所矜以媚其上浸假而爲成例橫徵旁求饋者竭矣受者未厭有強項吏遷延不致則譙責隨之故天下病民病官之弊皆獻諛者實尸其罪然則作志者必當曰邑某里山澤其穀畜果蔬宜某種某里原隰其穀畜果蔬宜某種某里墜瘠無宜也則民衣食之所資而窮富著矣林木萑葦出某里藥草花蘆出某里則民養生送死薪炊種藝所賴也林木必著其所用藥物必究其所主既述其培植之勞又記



黃耆

其水陸之阻則物力之貴賤難易又著矣若其金錫羽毛非盡地所宜則必悉其得之之艱出入之數凡民生之不易皆反覆三致意焉使良有司按志而知若者宜因勢而導若者宜改而更張或種葱及薤或拔茶植桑交趾荔支之書坊州杜若之駁孔戮菜蚶之疏子厚捕蛇之說民生疾苦洞若觀火於以補偏救弊利用厚生王道之始雖聖賢豈能舍此而富民哉否則如淳安志



所云強其無以瀆貨彼若案志乘而觀之不將失其所  
特歎

甘草

甘草本經上品爾雅藟大苦郭注今甘草夢溪筆

談謂甘草如槐而尖形狀極確詩經采芡采芡首陽之  
巔首陽在今蒲州府晉俗摘其嫩芽溲麪蒸食其味如  
飴疑采芡亦以供茹也

雲婁農曰甘草藥之國老婦稚皆能味之郭景純博物

注爾雅藟大苦曰今甘草也蔓延生葉似荷或云藟似

地黃甘草殊不蔓生亦不類荷蓋傳聞異或傳寫訛與

地黃尤非類或之者疑之也陶隱居亦云河西上郡今

不復通市今從蜀漢中來堅實者是抱罕草最佳晉之

東遷西埵隔絕江左諸儒不復目驗宋圖經謂河東蒲

坂甘草所生先儒注首陽采芡苗葉與今全別豈種類

不同云云殆以舊說流傳不敢顯斥沈存中乃剏謂郭

注蔓延似荷者為黃藥今之黃藥何曾似荷爾雅翼云

不惟葉似荷古之蓮字亦通於藟則直以音聲相通不

山草卷之七 甘草 赤箭 尤



甘草

復顧形實迥別矣廣雅疏證斥沈說之非而以圖經諸  
說為皆不足信經生家言墨守故訓固與辨色嘗味起  
荷肉骨者道不同不相謀也余以五月按兵塞外道傍  
輒中皆甘草也諦葉玩齶鄒車載之聞甘涼諸郡尤肥  
壯或有以為杖者蓋其地沙浮土鬆根菱直下可數尺  
年久則巨耳梅聖俞有司馬君實遺甘草杖詩可徵於  
古余嘗見他處所生亦與圖經相肖嘗之味甘人無識

山草卷之七 甘草 赤箭 朮

者隱居所謂青州亦有而不好者殆其類也


赤箭 赤箭本經上品陶隱居未能決識夢溪筆談謂即

天麻止用治風爲可惜本草綱目謂即還筒子考柳公

權有求赤箭帖以爲扶老之用則宋以前尙爲服食要

藥

赤箭



克州赤箭



朮 朮本經上品爾雅朮山薊楊枹薊圖經以楊枹爲白

朮宋以後始分蒼白二種各自施用

雲婁農曰楊枹薊注以爲馬薊范汪以馬薊爲續斷李

時珍以馬薊爲大薊乃又以爲白朮朮名山薊安得即

以薊爲朮昔產朮者漢中南鄭也蔣山茅山也浙也歛



朮

也幕府山也昌化也池州也東坡云黃州朮一斤數錢

此長生藥也舒州朮花紫難得余莅江右則饒州九江

皆有之莅湘南則幕府山所產頗大力亦不劣山西葫

蘆峪產朮甚肥壯土人但以蒼朮用之南方草本狀藥

有乞力伽朮也瀕海所產有至數斤者深山大壑殆必

有如瀕海者特未遇耳仙傳拾遺紀劉商得真朮爲陰

功篤行之所感然則服朮而無效所得者乃薊屬而非

真朮耶晉侯得良醫而二豎居於膏肓本事方載以薊

草治血疾而鬼覆其鑑無功德而訪仙藥固緣木求魚

狂惑之疾雖得良醫真藥亦何益之有

沙參

沙參本經上品處處皆有以北產及太行山爲上其類亦有數種詳救荒本草花與薺萇相同惟葉小而根有心爲別



遠志


遠志本經上品爾雅萇繞棘菟注今遠志也似麻黃赤華葉銳而黃語約而形容畢肖說文菟棘菟繁傳即遠志又萇草也四月秀萇劉向說此味苦苦萇則萇與萇繞異物釋詩者或即以萇爲遠志圖經載數種所

山草卷之七 沙參 遠志 萇蕤



遠志一

謂似大青而小三月開花白色者不知何處所產今太原產者與救荒本草圖同原圖解州遠志不應與太原



遠志二


山草卷之七 沙參 遠志 萎蕤

產迥異李時珍謂有大葉小葉二種滇南甜遠志葉大花黃土人亦不以入劑蓋習用之品藥肆所採較當時州郡圖上者為可信也

**萎蕤** 萎蕤即本經女蕤上品爾雅芡委萎蓋本經亦是

委萎脫去委字上半遂訛為女萎救荒本草云其根似黃精而小異今細核有二種一葉薄如竹葉而寬根如黃精多鬚長白即萎蕤也一葉厚如黃精葉圓短無大根亦多鬚俚醫以為別種李衍竹譜亦俱載之

雲婁農曰古有委萎或以為即蕤蕤目為瑞草而黃精乃後出諸書以委萎類黃精然則古方蓋通用矣陳藏器以青黏即萎蕤東坡初閱嘉祐本草乃知青黏是女萎喜躍之至而又不致盡信夫毛女食黃精而輕捷翻飛如猿猴委萎得無類是獨怪漆葉人所盡知而醫方決不復用然則即有華佗與之以方其肯盡信乎大抵山居谷汲之民不見外事無芻豢以濁其口腹無靡曼以濁其耳目無欣戚以濁其神明獐獐狂狂湛然太古



萎蕤


草木之實皆自然五穀南陽飲菊水崖州食甘藷皆獲上壽彼服委萎者即不地仙亦當卻病難老後世貴極富溢乃思神仙秦皇漢武姑不具論李贊皇高駢皆惑於方士宋之朝臣多服丹石又希黃白藏腑薰灼毒發致危良醫又製解丹毒之藥以拯之其亦不智也已記小說一事山水陡發有物與木石俱下苔髮鬢髮鄉人剔而視之乃人也蓋閉息不知幾年而飛昇無術塊然無知者然其神氣清固遠近聞以為仙爭迎供之初尚內視漸思飲食未幾而茹葷酒又未幾而思人道叩之

者既無要訣可傳卒以醉慾而死然則無靈根而得妙術天上豈有愚盲神仙耶噫嘻天上又豈有不忠孝神仙耶聖人云未知生焉知死若是知生便是不死

接近時所用萎葳通呼玉竹以其根長白有節如竹也與黃精絕不類其莖細瘦有斑圓綠叢生葉光滑深綠有三勒道背淡綠凸文滇南經冬不隕逐葉開花結青紫實與爾雅異

**巴戟天** 巴戟天本經上品唐本草注俗名三蔓草葉似茗經冬不枯圖經辨別真偽甚晰

天戟巴州潞



天戟巴州歸



山草卷之七 巴戟天 肉菴蓉 升麻 丹參

**肉菴蓉** 肉菴蓉本經上品圖經云人多取草菴蓉以

代肉者今藥肆所售皆鹹製有鱗甲形扁色黑柔軟

肉菴蓉



**升麻** 升麻本經上品圖經葉似麻葉四五月花如粟穗

白色實黑根紫今江西湖廣有土升麻與圖經異別入草藥

雲婁農曰漢書地理志益州牧靡李奇注靡音麻卽升麻解毒藥酉陽雜俎建寧郡有牧靡山鳥食烏喙中毒輒飛集牧靡啄牧靡草以解之則升麻固滇產也滇多烏喙其俗方所用者蓋真升麻也葉如麻而花作穗與圖經茂州升麻符滇與蜀接固應同彙但圖經又列潞

山草卷之七 巴戟天 肉蓯蓉 升麻 丹參

州秦州漢州三種漢州產者形如竹筍今湖北土醫用以升表痘瘡者其狀正同其餘枝葉皆相彷彿或即隱居所謂落新婦者江西產者花如絮未知即滁州一類否也李時珍盛稱升提之功然未述其狀僅有外黑內白俗謂鬼臉升麻一語其何地所產耶圖經四種判若馬牛其果功用俱同耶聖人有言未達不敢嘗不視厥物聽命賣藥之手可以謂之達耶藥之生也或離鄉而貴或遷地弗良醫不三世不服其藥以其明於風土所宜人情所愜非貿貿者取所不知之物以試其驗與否也然則四方游手負藥籠以奔走逐食者小則貧人病之疾以索酬大則用迷惑之藥以肆劫彼有意安民者得不如鷹鷂之逐鳥雀乎慶鄭曰古者大事必乘其產生其水土而知其人心安其教訓而服習其道用藥者亦何獨不然余憫世之尚遠賤近者不曰海舶之珍藥則曰賈胡之齋劑試思農皇所嘗不聞逾海青囊一卷豈來流沙彼四裔之仰給大黃茶葉者亦曰非此不能



升麻

生活不知文軫未播桂海聲教未燭冰天時彼何以蒸其種族耶嗚呼以跬步之居而欲習梯航之俗衛出公之好夷言趙武靈之爲胡服其用夷變夏抑用夏變夷五百年後當有知之者

丹參 丹參本經上品處處有之春花亦有秋花者南方地暖得氣早耳

徐長卿

徐長卿本經上品唐本草注所在川澤有之

葉似柳兩葉相當有光澤根如細辛微粗長黃色有腺氣蜀本草子似蘿摩子而小核其形狀蓋即湖南俚醫所謂土細辛一名九頭師子草惟諸書都未詳及其花為疑

雲婁農曰老子云大道無名天非道耶顯而在上不名天耶聖非道耶大而能化不名聖耶然匈奴謂天為橐犁則不以天名天西方謂聖為佛則不以聖名聖不以



丹參

山草卷之七 徐長卿 防風 獨活

其名名則天與聖果定名耶醜雞以饜為天豈非天而天之耶酒客以清為聖豈非聖而聖之耶降而至於人物其名非所獨耶然子車鍼虎也叔孫豹也閔子馬也令尹子蘭也非物也人無名以物名名豈以物之名而物之耶而物之為蠅虎為謝豹為駁馬為馬蘭者又豈以人名之而斬物名之耶長卿也王孫也都郵也使君也非人也物無名以人名名豈以人之名而人之耶而人之為長卿為王孫為都郵為使君者又豈以物名之而諱人名之耶言明實者曰烏不烏鵠不鵠謂名烏必烏名鵠必鵠然天下之大萬彙之繁皆如烏之可名鵠之可名耶抑能使侏禁侏離之語名烏必呼烏名鵠必呼鵠耶由是推之封邑郡國名之以別疆域也古今地理之名有定耶公卿尹士名之以別貴賤也古今職官之名有定耶地志無定而疆域改以名改疆域耶抑以疆域改名耶官志無定而貴賤易以名易貴賤耶抑以貴賤易名耶執實求名則名斯在執名求實則名斯


徐長卿



防風 浮名者實之寶天下豈有一定之寶耶故君子不為名  
防風本經上品圖經石防風出河中又宋毫間出

一種防風作菜甚佳恐別一種本草綱目江淮所產多  
是石防風俗呼珊瑚菜安徽志山葵葉翠如雲正二月  
間澆露抽苗香甘異常土人美其名曰珊瑚菜懷遠桐  
城太和俱出蓋卽石防風也今從救荒本草圖之山西  
山阜間多有與救荒圖同而葉稍肥

防風



獨活 獨活本經上品圖經獨活羌活一類二種近時多

以上當歸充之湖南產一種獨活頗似萊菔葉布地生  
有公母母不抽莖入藥用公者抽莖紫白色支本不圓  
如筧狀末迺圓枝或三葉或五葉有小鋸齒土人用之  
恐別一種雲南獨活大葉亦似土當歸而花枝無定粗  
糙深綠與圖經文州產略相彷彿今圖之  
存原圖五種



獨活




細辛

細辛本經上品圖經他處所出不及華山者真夢溪筆談以為南方所用細辛皆杜蘅今江西俚醫以葉大而圓者為杜蘅葉尖長者為細辛殊有分別過劑亦能致人氣脫而死不必華山所產

雲婁農曰圖經列細辛已數種而及己鬼都督杜蘅葦又復相似今江西湘滇所用細辛輒與本草不類然皆能發汗脫陽夫參朮朮草種既不繁醫者或以他藥代之不能效且誤人病彼搜伐侵削之品何其多也韓信

細辛



謂漢高不善將兵而善將將古來名將如林而能將將者其郭令公曹武惠乎良醫必如太倉公華佗然後可用毒藥而不戕人專閫必如郭令公曹武惠然後可用毒將而不縱兵否則謹斥堠嚴刁斗明軍令以行之不妄殺者上將也慎佐使量緩急度病勢而用之不失一者上醫也將不可妄遣藥不可妄投事有大小而能死人則一而已周官瘍醫療瘍以五毒之藥攻之易師卦之彖曰聖人以此毒天下然則良醫之用藥聖人之用

山草卷之七 細辛 柴胡

兵能起白骨登衽席而未嘗不深知其毒而慎之彼喜方而誇良藥好武而事佳兵者誠哉其不祥也

柴胡

本作茈胡  
通作柴

柴胡本經上品陶隱居已以芸蒿為柴

胡圖經有竹葉斜蒿葉麥冬葉數種今藥肆所蓄不知何草江西所出已非一類醫者以為傷寒要藥發散之劑無不用者誤人至死相承不悟蓋不知非真柴胡也本草衍義以治勞方用之目擊人死况非柴胡可輕投耶今以山西滇南所產圖之又一種亦附圖蓋北柴胡也餘皆附後以備稽考世有哲人非銀州所產慎勿入方

雲婁農曰柴胡一名山菜固可茹者圖經具丹州兗州淄州江寧壽州五種有竹葉麥門冬葉斜蒿葉之別唐本草以芸蒿為謬李時珍亦謂斜蒿葉最下柴蒿以銀夏為良而圖經又無銀州所上者唯山西所產及救荒本草圖與蘇說同滇南有竹葉麥門冬葉二種土人以大小別之與丹州壽州者相類江西所產則不識為何

柴胡



草李時珍以本草衍義不分藏腑經絡有熱無熱一概攢斥為非余謂得真柴胡固當審脈用湯否則以寇說為穩李時珍既謂銀柴胡不易得而用北柴胡矣儻鄉曲中又無北柴胡可任土醫以不知何草投之而謂此症必用此藥乃望其治勞退瘵乎抑無此藥而遂委而去乎世以逍遙散為清熱及婦科要劑余見有愈服愈甚者方誤耶抑藥誤耶趙括與其父奢論兵奢不能難其所讀兵書固即其父書也而勝敗相反者同甘苦之卒與離心之士也廉頗一為楚將無功曰我欲得趙人廉頗之將一也而能用趙不能用楚知趙人之強弱而

不知楚人之強弱也不知之而用之其不僨事者幾希故曰知人難而任人易醫者不知藥而用方固趙括之易言兵也君以為易其難也將至矣

大柴胡

大柴胡產建昌初生葉鋪地如馬蘭葉而大深齒紫背獨莖上青下微紫梢葉微窄亦有齒稍細頂頭開尖瓣小白花黃蕊密長秋深含苞冬月始開一花旬餘不萎賣藥人以為大柴胡微似救荒本草竹葉柴

大柴胡



山草卷之七

大柴胡 廣信柴胡


胡而花異

廣信柴胡

附

柴胡產廣信叢生形狀頗似三白草紫

莖柔脆葉面青背微白有直紋六七縷土人以為柴胡志乘亦云地產柴胡按之圖經絕不相類不知何草



廣信柴胡

小柴胡

小柴胡江西山坡亦有之葉似大柴胡而窄

秋時梢頭開花似細絲赭色成毬攢簇枝頭土醫謂為

小柴胡

小柴胡 黃連 防葵

山草卷之七 大柴胡 廣信柴胡 小柴胡 黃連 防葵

小柴胡



黃連

黃連本經上品今用川產其江西山中所產者謂之土黃連又一種胡黃連生南海及秦隴蓋卽土黃連之類湖北施南出者亦良

零婁農曰黃連苦寒而漢武內傳封君達服黃連五十餘年神仙傳黑穴公服黃連得仙此非蔡誕欺人語耶秦少游論服黃連苦參久而反熱其理極微而東坡乃謂指麾使姚歡服黃連愈癬疥而髮不白其法酒浸焙乾密丸酒吞每二十九或其人血過於熱得此潤肺而行以酒故效若人人而用之其可乎哉王微贊闡命輕

黃連



身江淹贊長靈久視皆拾道書剩語耳俗名楛木爲黃連木其葉味苦微相類丹陽縣志黃連山樹大十圍卽此

防葵

防葵本經上品宋圖經云惟出襄陽葉似葵花如葱花及景天根香如防風陶隱居誤以爲與狼毒同根以浮沉爲別別錄云中火者不可服令人恍惚見鬼與本經辰唐本草及本草拾遺皆辨之本草綱目仍與狼毒同入毒草今移入山草

防葵



雲婁農曰甚矣君子之不可與小人爲緣也防葵上品陶隱居以爲狼毒同根後人雖爲辨白而方藥無用防葵者矣蔡中郎嘆董卓之誅玉川子羅王涯之黨身既爲戮而後世猶以無保身之哲爲咎堅不磷白不淄聖人則可賢人則不可班孟堅作古今人表品第不盡衷於道其原傳可考也陶隱居論藥物未可全憑本草經具在若晉之九品流別出於中正一經下品遂同禁錮人之自立與論人者不當知所懼哉若謂草木無知任其毀譽則以輕薄處物必不能以忠厚待人

黃芩

黃芩本經中品圖經及吳普本草具載形狀而大

小微異今入藥以細者良

雲婁農曰黃芩以稀歸產著後世多用條芩滇南多有土醫不他取也張元素謂黃芩之用有九然皆濕熱者一服清涼散耳千金方有三黃九療五勞七傷消渴諸疾又謂久服走及奔馬夫黃芩苦寒矣又加以黃連大黃人非鐵石心腸乃堪日服而月削之也夫世之陰淫陽淫雨淫風淫晦淫明淫其疾非一端而所藥非所病又或諱疾忌醫以自戕其生者固多矣然有求長生服金石丹毒暴躁癰疽背裂是不同擣椒而飲藥乎又惜生太過無病而爲越吟者紙裏銀鐺無時離手喜寒喜熱不節不時卒使藏腑血肉之軀消磨於薰灼蕩滌之味穀蔬不甘疴羸益甚若是人者以不病而求病果何所爲而爲此夫漢唐之不振皆人主不恤民而奸貪得以濁亂天下梁冀楊國忠之惡是物先腐而蟲生人有疾而蠱甚勢有固然無足爲怪從未有勵精求治飾以經術君勤於政相持以廉乃多方病民敲骨吸髓使數

## 山草卷之七 黃芩 白微

百年平成之民一旦騷然不安其生而始終不悟如王安石之相宋神宗者夫安石不過慕富國強兵之術如俗人之求長生耳而假托官禮以惑英明之主與方士以房中術惑精強之人而妄稱神仙丹訣者何異病勢既亟有國醫者排難而爲之鍼砭幾幾乎沈痾去而神明生乃又溺於侍疾者與覲巫之羣吠而恐嚇不至於僵仆而不已吾不知彼以醫誤人誤天下又豈有所至樂而不得已耶夫使宋神宗僅爲安靜守成之主不汲汲於拓邊聚財變亂舊法宋雖弱人心不去或歷數傳而不至南徙李文正公不進利害文字呂正獻公講天錫勇智而引易神武不殺司馬文正公以鬼名山欲取諒祚以降謂滅諒祚復生一諒祚至引侯景之事爲喻其與諫唐憲宗之服金石者非同一愛君之忱耶語云服食求神仙多爲藥所誤此爲有爲者言之也漢書曰無藥得中醫此爲中人言之也孟子曰天壽不貳修身以俟之所以立命也人主知命則富強神仙之惑可免

黃芩



矣人臣而知命則愒淫服食之患可免矣

**白微** 白微本經中品救荒本草嫩角嫩葉皆可燂食江

西湖南所產皆同根長多鬚大率相類諸家皆以根辛及已諸藥皆用根而根長多鬚大率相類諸家皆以根黃白柔脆粗細爲別然其苗葉皆絕不相類而諸家或略之故俚醫多無所從唯因俗名採用反不致誤亂也

山草卷之七 白鮮 知母 貝母 元參 紫參

白鮮

白鮮本經中品圖經葉如槐花似小蜀葵根似蔓菁俗名金雀兒椒其苗可茹今湖南產一種白鮮皮與

白鮮




白薇

此異別入草藥

知母

知母本經中品爾雅蕒蕒注一曰蜚母今藥肆所售根外黃肉白長數寸原圖三種蓋其非葉者

知母



貝母

貝母本經中品爾雅苗貝母注根如小貝圓而白華葉似韭陸璣詩疏葉如栝樓而細小子在根下如芋子正白圖經云此有數種非葉者罕復見之今有川貝浙貝兩種按陸疏以爲似栝樓葉而細小郭注以爲似

韭葉宋圖經以爲似蕎麥葉各說既不同原圖數種亦不甚符今川中圖者一葉一莖葉頗似蕎麥葉大理府點蒼山生者葉微似韭而開藍花正類馬蘭花其根則無甚異果同性耶張子詩貝母階前蔓百尋雙桐盤繞葉森森剛強願我蹉跎甚時欲低柔警寸心則又有蔓生者矣

貝母



元參 元參本經中品形狀詳宋圖經有紫花白花二種

元參



紫參 紫參本經中品一名牡蒙唐本草注紫參葉似羊

蹄牡蒙葉似及己乃王孫也圖經又謂莖青細葉似槐葉亦有似羊蹄者五月花白色似葱花亦有紅如水荳者蓋有數種滇南山中多有之與圖經同其如水荳者蓋作穗色粉紅相似花仍類丹參葢如葱花者梢端開細碎白花成簇實似水芹蛇床等葉比槐葉尖長莖葉同綠根鮮時不甚紫近時方書少用滇本草通行十二經絡治風寒濕痺手足麻木筋骨疼痛半身不遂活絡強筋功效甚多宜溫酒服



雪婁農曰具收並蓄醫師之良今醫者但記十數湯頭所知者不及百種而治世間無窮之病藥肆所收又不過目前人所盡知之藥偶有缺乏展轉替代使人之五藏如木石無則已耳若其五味五色各以類應其能聽醫師之假借乎夫以方治病猶以律斷獄東坡云讀書不讀律致君終無術然三代而後果能廢棄科條以無爲治天下乎引律不當何以斷罪輕比重比雖爲獄吏舞法之具而究不能妄援他條肆其刀筆者律爲之

紫參



山草卷之七

紫草 秦艽 黨參

也記有竊賊例應刺左面者吏誤刺其右檢例知其誤乃腐去其刺而改涅焉醫不知藥其爲誤刺可勝數乎  
**紫草** 紫草本經中品爾雅藐苾草圖經苗似蘭莖赤節青二月花紫白色秋實白今醫者治痘癩破血多用紫草茸齊民要術有種紫草法近世紅藍利贏十倍而種紫草者鮮矣圖經諸書皆未詳的湘中徭崗及黔滇山中野生甚繁根長粗紫黑初生鋪地葉尖長濃密白毛

紫草



山草卷之七 紫草 秦艽 黨參

長分許漸抽圓莖獨立亭亭高及人肩四面生葉葉亦有毛夏開紅筍子花無瓣亦不舒放葺跗半含柔枝盈幹層蔭四垂宛如瓔珞遵義府志葉似胡麻幹圓結子如蘇麻子秋後葉落幹枯其根始紅較諸書敘述簡而能類李時珍謂根上有毛而未言其花葉殆亦未見全形按說文葺草也可以染

流黃臣錯按爾雅藐紫草注一名此莫臣以為史儀制多言綠綬綬即此草所染也又按五方之間色有留黃

其色紫赤黃之間蓋元冠紫綉萌於魯桓漢魏縮綸遂同褻服貴紅藍而賤紫茆鄭注掌染草謂之紫茆尙循奪朱之惡

歟

秦艽


秦艽本經中品圖經河陝州軍有之葉如蒿莖梗

葉皆青今山西五臺山所產形狀正同唐本草字或作

糾糾作膠正作芡按唐韻作耳此草根作羅紋則耳

字為近古方為治黃要藥今治風猶用之

秦艽



黨參

附

黨參山西多產長根至二三尺蔓生葉不對節

大如手指野生者根有白汁秋開花如沙參花色青白

土人種之為利氣極濁案人參昔以產澤遼上黨及太

行紫團者為上皆以根如人形三極四極五葉中心一

莖直上為真今形狀迥殊其可謂之參耶舉世以代神

草莫知其非而服者亦多胸滿氣隔之患山西通志謂

黨參今無產者殆曉然於俗醫之誤而深嫉藥市之售

黨參



僞也余飭人於深山掘得蒔之盆盎亦易繁衍細察其  
 狀頗似初生苜蓿而氣味則近黃耆昔人有以野苜蓿  
 誤作黃耆者得非此物耶舉世服餌雖經核辯其孰信  
 從但太行脈厚泉甘此草味甜有汁養脾助氣亦應功  
 亞黃耆無甚感鬱之人藉以充潤腸胃當亦小有資補  
 若傷冒時疫以此橫塞中焦羸尪雜症妄冀蘇起沉疴  
 未視其益必蒙其害世有良工其察鄙言

# 植物名實圖考卷之八

固始吳其濬著

蒙自陸應穀校刊

## 山草

淫羊藿

王孫

苦參

白茅

黃茅 卽地筋

白及

貫衆

墓頭回

前胡

杜衡

狗脊

地榆

龍膽草

菅

桔梗

白頭翁

黃精 附原圖三種

薺苳

白前

及己

鬼都郵

葇草

辟虺雷

延胡索

麥條草

硃砂根

都管

半天回

龍牙草

野蘭根

威州根子

催風使

信州紫袍

建水草

赤孫施

芒

長松

仙茅

鬼見愁

白馬鞍

鐵線草

紫背龍牙

露筋草

小兒羣

百藥祖

黃寮郎

半邊山

瓊田草

雞項草

鳩鳥威

獨脚仙

鎖陽

杏葉沙參

三七

茆質汗

通草 二圖

細葉沙參

錦地羅

淫羊藿

淫羊藿本經中品救荒本草詳列各名葉可  
燥食柳柳州仙靈脾詩乃言有靈藥近在湘西原服之  
不盈旬整躄皆騰蹇又云神哉輔吾足幸及兒女奔蓋  
此草爲治腰痠之要藥救荒本草云密縣山中有之滇

淫羊藿



山草卷之八

淫羊藿

狗脊

王孫

地榆

苦參

大理府亦產不止漢中諸郡鄒車而載

狗脊

狗脊本經中品一種根黑色一種有金黃毛似貫  
衆葉有齒昔人多以菝葜爲狗脊

狗脊



王孫

王孫本經中品唐本草注以爲卽牡蒙甘守誠謂  
旱藕爲蒙牡今江西謂之百節藕以治虛勞俚醫猶有  
呼爲王孫者其根類初生藕白潤而嫩芽微紅姜撫所  
進狀類葛粉乾而研之當無異矣續博物志因一名黃  
昏遂誤以合歡爲王孫游宦紀聞辨探囊一試黃昏湯

山草卷之八 淫羊藿 狗脊 王孫 地榆 苦參




王孫

爲去五藏邪氣其論確核娜嬛記孫真人有黃昏散夫  
妻反目服之必和亦當是合歡此藥自唐時方家久不  
用而江西建昌廣信俗方猶用之陳藏器云甘平無毒  
主長生不飢其性固非千歲藟比而長生之說得非踵  
姜撫邪說乎

**地榆** 地榆本經中品荒岡田腔多有之救荒本草葉可

煨食亦可作茶李時珍謂俚人呼爲酸楮併入別錄酸



地榆

楮

**苦參** 苦參本經中品處處有之開花結角俱似小豆醫

牛馬熱多用之苦參至易得而方用頗少史記著漱齧  
齒之效後人常以揩齒遂至病腰此亦食古不化之害  
事也余曾見捆載詣藥肆者詢之云牛馬病熱必以此  
治之東臬農作需之尤亟本草書皆未及殆未從牛醫  
兒來耶



苦參

## 龍膽

龍膽本經中品圖經述狀甚詳山中多有之救荒

本草葉煤熟浸去苦味油鹽調食勿空腹服此草苦寒

莖葉微細欲求果腹難矣

雲婁農曰龍膽草味極苦故以膽名爲清膽熱要藥然

不可過劑蓋易所謂苦節不可貞也夏令陽氣方盛一

陰已伏其味苦而中央戊己其味復甘參耆味皆甘而

微苦陽中有陰故性和而可久服苓連味純苦專於陰

故性偏而不可過節卦九五曰甘節陽得中也上六曰

苦節陰之窮也得乎中則得時則駕不得時則蓬紫而

行慮懷慎之敝簣杜祁公之鬆器性之所安其情甘也

握耒甫田而麾節忽若執鞭啜菽嗽泉而太牢同乎藜

藜泰爾有餘何苦之有否則矯情抑欲非僞則淪公孫

宏故人譏其布被脫粟夏侯竄晚節致有秦妓隔簾北

山移文請逐俗士豹林辟穀終喪清操和洽曰朝廷議

吏有著新衣乘好車者謂之不清形容不飾衣裳弊壞

謂之廉潔以故污辱其衣藏其輿服朝府大吏或自挈

壺殮以入官府凡激詭之行則容隱僞矣誠哉是言也

君子之道素位而行毋取苟難國奢示儉風之而已強

以所苦流弊滋甚苦藥生我過則爲患故道貴可行而

法防終窮抑又有說焉人之豐豫者其情舒舒陽也儉

嗇者其情斂斂陰也士君子安不忘危富而能貧功業

盛大守之以約身名俱泰剛柔中也不然則郭汾陽寇

萊公李忠定文文山諸公譬如春夏萬物長羸天地爲

之炫耀識者雖不免盛衰消長之慮然陽氣滿盈君子

道長亦泰象也又不然則張安世之弋綈馮道之茅庵

山草卷之八 龍膽草 白茅 菅

龍膽草



其怪怪自戢取容當世類皆性毗陰柔迹非光大其王  
恭般仲堪輩徇小節忘大義尤無取焉若又不然則因  
首喪面而談詩書蘇老泉所謂不近人情鮮不為大奸  
慝者矣世徒以藥之苦者為良人之苦者為賢其亦不  
可不辨

白茅 白茅本經中品古以縮酒其茅曰茅針白嫩可噉


小兒嗜之河南謂之茅荑湖南通呼為絲茅其根為血

症藥

雲襄農曰說文菽茅秀也從草私聲繫傳云此即今茅

華未放者也今人食之謂之茅摑音軌詩所謂手如柔荑

白茅



荑秀也汝南兒語本古訓矣紫茹未拆銀線初含苞解  
綿綻沁鼻生津物之潔味之甘洵無倫比每憶錫簫吹  
暖繡陌踏青拔彙孽絮繞指結環某山某水童子釣遊  
蓋因之有感矣

菅 菅爾雅白華野菅葉莖如茅而莖長似細蘆秋開青

白花如荻而硬結實尖黑長分許粘人衣河南通呼為  
荅草本草綱目根可入藥不及白茅





黃茅

即地筋

黃茅生山岡葉莖如菅而粗大莖梢生葉

秋時開花結實似菅而色黃多針芒尤刺人衣種山者  
 以覆屋索綯供薪用之頗亟河南通呼曰山草亦曰荒  
 草嶺南秋深陰重有瘴曰黃茅瘴蓋蛇虺窟宅也李時  
 珍以其根為地筋今從之

山草卷之八

黃茅 桔梗 白及 白頭翁



桔梗

黃茅

桔梗本經下品處處有之三四葉攢生一處花未  
 開時如僧帽開時有尖瓣不純似牽牛花


桔梗



山草卷之八 黃茅 桔梗 白及 白頭翁

**白及** 白及本經下品山石上多有之開紫花長瓣微似  
 甌蘭其根卽用以研朱者凡瓷器缺指研汁黏之不脫  
 雞毛拂之卽時離解

雲婁農曰黃元治黔中雜記謂白芨根苗婦取以洗衣  
 甚潔白其花似蘭色紅不香比之菁雞羽毛徒有文采  
 不適於用噫黃氏之言其以有用爲無用以無用爲有  
 用耶白及爲補肺要藥磨以膠盞堅不可拆研朱點易  
 功並雌黃旣以供濯取潔又以奇豔爲容陰崖小草用



白及

亦宏矣彼俗稱蘭草僅存臭味根甜蘊毒葉勁無馨徒  
 爲婦稚之玩何裨民生之計軒彼輕此豈得爲平然其  
 敘述山川事勢皆有深識覽者不潛察其先見而綢繆  
 預防致數十年後復有征苗之師其亦玩雄文之悚魄  
 而忽籌筆之遠猷以有用之言爲無用之謀也乎

**白頭翁** 白頭翁本經下品唐本草注謂花紫色似木樨

實大如雞子白毛寸餘皆披下似白頭老翁與圖經不  
 同今寧都州志云產白頭翁採得亦不甚相類姑圖其  
 形狀以備考陶蘇兩說旣大乖異圖經宗陶說而加詳  
 然原圖殊不相肖李青蓮有見野草中有白頭翁者詩  
 云如何青草裏亦有白頭翁元張昱詩疎蔓短於蓬卑  
 棲怯晚風祇緣頭早白無處入芳叢詩人寓意有作必  
 非目所未見而醫家乃至聚訟本草衍義以蘇恭所述  
 河南新安山中屢見之太白往來東京或卽指此惜非  
 詠物詩體不復揣倅然有折取對明鏡宛將衰髻同之  
 句則非根上白茸矣滇南有一枝箭亦名白頭翁花

白頭翁



老作茸久不飛落真如種種白髮也烏有白頭翁而無白頭婆然則草之有白毛者以翁名之皆可


**貫衆** 貫衆本經下品爾雅灤貫衆注葉圓銳莖毛黑蜀

本草謂苗似狗脊狀如雉尾形容最切其葉對生無鋸齒與狗脊異耳諸書皆以治血症而俗以祛疫浸之井與缸中飲其水不患時氣頗有驗方中有治豆瘡不快快斑散用之蓋亦和血去邪之意

雲婁農曰范文正公所居宅必浚井置青朮數斤以辟

疫吾

先公居京師每春曠必置貫衆於井於蕃仁人之心微矣人窮則呼天疾痛則呼父母夫疾痛未必卽至阼危而反側叫號旁觀者拊掌太息有欲爲分其所苦而不得者况家有嚴君門內之婦子臧獲皆所托命其瘴癘之毒腫瘍之痛寒暖燥濕之皆不早爲綢繆護持迨至據榻呻吟始貿貿然執途人而問醫醫或一誤則父之於子夫之於妻主之於僕非自殺之亦一聞耳若如許世子之不嘗藥則有春秋之律在昔人謂爲人子者不可不知醫夫醫誠難知知之不精則罪更甚於不知吾謂病未至而防之則易醫已至而治之則難椒薑葱蒜之禦寒瓜果菘菹之滌熱蒼朮赤豆之辟疫穀芽神麴之消積凡所謂春多酸夏多苦秋多辛冬多鹹默會而時和之其除穢之香屢效之丸兼收並蓄以備疹氣之不時自非心腹膏肓之疾未有不獲效者仰則視無形聽無聲俯則時其飽時其煖雖運數不可知然譬之




力田旱則一溉者後枯水則有隄者後浸備豫不虞古之善教其斯爲家政一端乎

**黃精** 黃精別錄上品救荒本草謂其苗爲筆管菜處處有之抱朴子云花實可服食今醫方無用者山西產與救荒圖同

雲萋農曰黃精一名葳蕤既與委萎同名黃帝問天老曰太陽之草可以長生而本經乃祇載委萎至別錄始出黃精按圖列十種丹州相州細葉四五同生一節餘

皆竹葉寬肥對生救荒本草亦云二葉三葉四五葉對節而生而萎蕤葉似竹葉闊短而肥厚又似百合葉頗窄小根似黃精而小異然則二物有別耶無別耶宋圖經黃精苗高一二尺以來葉如竹葉而短兩兩相對不言四五葉同生一處萎蕤莖幹強直似竹筍有節葉狹而長表白裏青與爾雅注符則寬葉爲黃精細葉四五同生一節者爲萎蕤如此分別自爲瞭目但藥肆所售玉竹細白極黏與黃精全不相似或卽圖經所謂多鬚者余採得細視有細葉而多白鬚如藥肆所售者亦有大根與黃精同者土醫謂根如黃精者是萎蕤多白鬚者乃別一種用之甚無力其說乃與古合滇南山中尤多黃精萎蕤春初卽開花黃精高至五六尺四面垂葉花實層綴根肥嫩可烹肉大至數斤重其偏精及鉤吻皆以夏末秋初開花偏精矮小鉤吻有反鉤根皆不肥土人頗能辨之太陰太陽之說相傳自古蘇恭獨創爲鉤吻蔓生之說後人遂以黃精鉤吻絕不相類東坡



黃精

謂恭注多立異又喜與陶公相反幾至於罵者然細考之陶未必非恭未必是余謂陶說有未確然尚為疑似之詞蘇則武斷者多其不如陶遠矣採黃精而並得鈎吻是何異刺人而殺而誘之曰兵所幸極陰之地毒草所叢採靈藥者所不至而極陽所照毒物必殲故誤者絕少否則著書非貽害哉

又按黃精原有對葉及數葉同作一層者圖經雖列十種大體不過兩端今江湖皆對葉滇南數葉一層

山草卷之八 黃精苗 墓頭回 薺萋

精黃州澧



其根肥大無異

精黃州丹



按與黃精相似者除鈎吻偏精外湘中代以山薑其根色極相類又有一種觀音竹滇中謂之淡竹其莖紫葉柔都不分別惟梢端發枝生枝間花微紫為異此十圖內或不免有形似者耶

黃精苗 救荒本草黃精苗俗名筆管菜一名重樓一

名菟竹一名雞格一名救窮一名鹿竹一名萎蕤一名仙人餘糧一名垂珠一名馬箭一名白及生山谷南北皆有之嵩山茅山者佳根生肥地者大如拳薄地者猶如拇指葉似竹葉或二葉或三葉或四五葉俱皆對節


山草卷之八 黃精苗 墓頭回 薺危

而生味甘性平無毒又云莖光滑者謂之太陽之草名曰黃精食之可以長生其葉不對節莖葉毛鉤子者謂之太陰之草名曰鉤吻食之入口立死又云莖不紫花不黃爲異

按圖卽爾雅委萎滇南所產黃精類似之此正鉤吻

相似者

救荒本草黃精圖



墓頭回

墓頭回生山西五臺山綠莖肥嫩微似水芹

葉歧細齒稍際結實攢簇如椒有毛五臺志載入藥類

蓋俚方習用者本草綱目載集驗方治崩中赤白帶下用墓頭回一把酒水各半盞童尿半盞新紅花一捻煎七分臥時溫服日近者一服久則三服其效如神當卽此草

墓頭回



薺危

薺危爾雅危底危注薺危別錄中品本草綱目謂

杏葉沙參卽此根肥而無心山中多有之



齊苳

前胡 前胡別錄中品江西多有之形狀如圖經救荒本

草葉可煤食

雲婁農曰前胡有大葉小葉二種黔滇山人採以為茹  
 曰水前胡俗呼姨媽菜方言不可譯也或曰本呼夷鬼  
 菜夷人所食斯為陋矣古人重芳草芍藥和羹鬱金合  
 粔有飴其馨人神共享後世茴香縮砂葷撥甘松香之  
 屬或來自海舶重洋之外飲食異華然其喜潔而惡濁  
 尚氣而賤腐口之味鼻之臭與人同耳前胡與芎藭當

山草卷之八 前胡 白前 杜蘅

歸氣味大體相類爾雅以薛山蘄與山韭山葱比類釋  
 之則亦以為菜屬江南採防風為蔬江西種芎藭為餌  
 滇人直謂芎為芹然則草之形與味似芹者多矣其皆  
 芹之儕輩耶救荒本草凡蛇床蕪本前胡諸草皆煤其  
 嫩葉調食此豈夷俗哉伊蒲塞之饌或取香花助之彼  
 誠夷矣然視嗜茄逐臭蒸乳豚而探牛心者將謂為華  
 風否耶

又按黃元治黔中雜記云柴胡英似野芹土人采而




前胡

蘿之謂之羅鬼菜方言前與柴音相近蓋未考矣羅鬼為苗民之一種其山多前胡云貴州志前胡遍生山麓春初吐葉土人採以為羹根入藥也

白前 白前別錄中品陶隱居云根似細辛而大色白不

柔易折唐本草注葉似柳或似芫花生沙磧之上俗名嗽藥今用蔓生者味苦非真核其形狀蔓生者即湖南所謂白龍鬚已入蔓草藥其似柳者即此滇南名瓦草又蔓生一種




白前

杜衡 杜衡別錄中品山海經有之爾雅杜土鹵注杜衡

也似葵而香圖經所述甚詳惟不釋細辛形狀陶隱居云杜衡根葉都似細辛則俚醫以葉圓長分別二種不為無據

雩婁農曰山海經云杜衡可以走馬注謂佩香草能令馬疾走其語不詳豈物類相制如淮南萬畢術而今不傳耶否則馬食杜衡而有力善走如宛馬嗜苜蓿耳聖人格物本於盡性若予草木鳥獸虞廷以命柏翳此豈尋常委瑣事哉周官設閩隸貊隸掌與鳥獸言服不氏掌養猛獸而教擾之夏后氏之豢龍能得龍之嗜欲宣王時有梁鴛者善養鳥獸能馴虎豹後世如種魚兜雞醫牛相鶴禽經蠶書其體物情入於至微甚至捕蛇鬪鴉蟋蜂蠅虎之屬亦教養有術焉且獸醫賤業也而與食醫同隸於冢宰蓋以人之疾痛痾瘻推之於有知有生而知天札瘡痍無不由於燥濕饑寒故一一求其性情所喜惡而調燮之時節之况馬為國畜地用所亟夏





杜衡


房冬獻教駢攻駒其法至詳而漢時西北諸國皆以能逐水草谷量牛馬稱富強故馬政以善牧爲亟夫一束芻三升豆此常料耳東海之島有龍芻焉馬食之一日千里西北多良馬酉陽雜俎曰瓜州飼馬以藿草沙州飼馬以芡萁安北飼馬以沙蓬譬之人焉豆令重榆令瞑而服餌參朮者亦能卻病而致康強以此類物將無同乎人第見有馬者多鹽車之賈人御馬者多魯國之東方否則衣文繡啖棗脯以養之者害之世無王良造

山草卷之八 及己 鬼都郵

父則所謂相馬通馬語者洵爲虛誕之說矣詩人美衛武公之勤民終以駮牝三千而舉其要曰秉心塞淵爲此詩者其知道乎

及己 及己別錄下品唐本草注此草一莖四葉今湖南

江西亦呼爲四葉細辛俗名四大金剛外科要藥



及己


鬼都郵 鬼都郵唐本草始著錄徐長卿赤箭皆名鬼都郵唐本草注苗惟一莖莖端生葉若繖狀根如牛膝而

## 山草卷之八 及己 鬼都郵

細黑與徐長卿別蜀本草云根橫生無鬚花生葉心黃  
白色此種山草形狀亦多有之而莫能決識

雋婁農曰漢太守置督郵厥有南北東西中五部司耳目而備咨諏焉孫寶爲京兆尹署侯文以立秋乃欲按豺狼之當道以成天地之始適若乃趙勤行縣葉與新野之令望風而休則桓虞以爲良鷹之下講也閔孺部汾北翁歸部汾南所舉既當而傷者亦無敢仇至魏郡守索賄欲逐繁陽令而郡郵獨以異政留陳球蓋雖不免簿尉之罹箠楚而於守猶縶之與轉彼徐長卿赤箭之同名殆病豎懼其傷焉將逃之而莫能留也後世嚇老魅以鍾馗而除瘡之草皆謠曰鬼見愁又昔有靈巫曰瑤旼持拾樨木棒以擊鬼遂呼爲無患此非其儔歟唐以後廢其官於郡而尋藥者遂溝壑回惑眩其說而互紊非郊子所云不能紀遠乃紀於近耶三代以還文質迭進小儒詹詹惜于古訓而通千里之恣恣乃益鄙而益信雖然物之盛也百名皆貴物之衰也百名皆廢

## 鬼都郵




戰國尙王孫今猶有見春草而念來歸者乎漢時重社叢今猶有見枌榆而知神所憑依者乎冬官補以考工誰識司空古官屬耶將作尊以大匠誰識主章司林麓耶唐進士侯生戲爲除遷羌活帶兩平章之號黃芩備苦督郵之員胡盧巴列都尉于腎曹荆三棧以中尉而破堅官名久汰宜無傳焉嗚呼越王之頭猶在不必購以千金仙人之棗何存孰敢誕爲五利漢官唐典珥貂蟬拖金紫登臺閣而遊府寺者徒令人感朽腐而墮涕淚又何責備于依草附木假托名位冉冉焉不知春秋

之百卉

芒

芒爾雅芒杜榮本草拾遺始著錄今人以爲薦多生池堰邊秋深開花遙望如秋有紅白二種生山者瘦短爲石芒湖南通呼爲芭茅



蒨草

蒨草卽小芒草生岡阜秋抽莖開花如秀而色赤芒針長柔似白茅而大其葉纖履頗韌

山草卷之八

芒

蒨草

長松

辟虺雷

仙茅

延胡索

鬼見愁


長松

長松本草拾遺始著錄生關內山谷古松下根類薺危釋慧祥有清涼傳宋人詩集多及之

長松



蒨草



山草卷之八 芒 葎草 長松 辟虺雷 仙茅 延胡索 鬼見愁

辟虺雷 辟虺雷唐本草始著錄狀如蒼朮峨眉諸山

有之解毒辟瘟消痰卻熱


辟虺雷



仙茅 仙茅唐開元中婆羅門僧進此藥開寶本草始著

錄今大庾嶺產甚夥土人以爲茶飲蓋嶺北泉澗陰寒

仙茅



藉此辛烈以爲溫燥服食者少或有中其毒者川中產

亦多

延胡索 延胡索開寶本草始著錄宋人藥名詩到處

遷延胡索人其入藥蓋已久今茅山種之爲治婦科腹痛要藥

延胡索



鬼見愁 鬼見愁生五臺山紫毛森森如蝟刺梢端作

綠苞清涼山志云生臺麓能驅邪俗以懸門首云能畏

鬼或亦呼爲鉢蓮

山草卷之八 麥條草 白馬鞍 硃砂根 鐵線草 都管 紫背龍牙 半天回

麥條草

麥條草一名空筒包建昌謂之虎不挨紅莖

鬼見愁



麥條草



紅刺尖細如毛對葉排比如榆葉而寬大發杈開五瓣  
白花綠心突出長三四分極似魚腥草花土醫以治痧  
斑熱證

白馬鞍

白馬鞍生建昌獨莖上紅下綠旁枝對發葉  
如梅葉嫩綠細齒或三葉或五葉排生一枝土人採根

敷毒

白馬鞍

硃砂根

硃砂根本草綱目始著錄生太和山葉似冬  
青葉背甚赤根大如筋赤色治咽喉腫痛磨水或醋嚥



硃砂根

山草卷之八 麥條草 白馬鞍 硃砂根 鐵線草 都管 紫背龍牙 半天回


之

鐵線草

鐵線草宋圖經外類生饒州治風腫消毒余

至彼訪之未得

鐵線草



都管

都管草宋圖經外編生宜州根似羌活葉似土當

歸主風腫癰毒咽喉痛桂海虞衡志云一莖六葉

都管

永康軍紫背龍牙

宋圖經紫背龍牙生蜀中味辛

甘無毒彼土山野人云解一切蛇毒甚妙兼治咽喉中

痛含嚙之便效其藥冬夏長生採無時

紫背龍牙




施州半天回

宋圖經半天回生施州春生苗高二尺

已來赤斑色至冬苗葉皆枯其根味苦澀性温無毒土

牛天回



人夏月採之與雞翁藤野蘭根崖椶等四味洗淨去籠皮焙乾等分搗羅爲末溫酒服二錢匕療婦人血氣并五勞七傷婦人服忌羊血雞魚濕麪丈夫服無所忌

### 施州露筋草

宋圖經露筋草生施州株高三尺已來春生苗隨卽開花結子四時不凋其子碧綠色味辛澀

露筋草



山草卷之八

露筋草

龍牙草

小兒羣

野蘭根

百藥祖

威州根子

性涼無毒不拘時採其根洗淨焙乾搗羅爲末用白礬水調貼蜘蛛蜈蚣咬傷瘡

### 施州龍牙草

宋圖經龍牙草生施州株高二尺已來春夏有苗葉至秋冬而枯其根味辛澀溫無毒春夏採之洗淨揀擇去蘆頭焙乾不計分兩搗羅爲末用米飲調服一錢匕治赤白痢無所忌

龍牙草


### 施州小兒羣

宋圖經小兒羣生施州叢高一尺已來春夏生苗葉無花至冬而枯其根味苦性涼無毒採無時彼土人取此并左纏草二味洗淨焙乾等分搗羅爲末每服一錢溫酒調下療淋疾無忌左纏草乃旋花根



山草卷之八 露筋草 龍牙草 小兒羣 野蘭根 百藥祖 威州根子

小兒羣




也

施州野蘭根

宋圖經野蘭根出施州叢生高二尺已來四時有葉無花其根味微苦性溫無毒採無時彼土人取此并半天回雞翁藤崖櫻等四味洗淨去麩皮焙

野蘭根




乾等分搗羅爲末溫酒調服二錢匕療婦人血氣並五勞七傷婦人服之忌雞魚濕麪羊血丈夫無所忌

天台山百藥祖

宋圖經百藥祖生天台山中苗葉

冬夏常青彼土人冬採其葉入藥治風有效

百藥祖



威州根子

宋圖經根子生威州山中味苦辛溫主心

中結塊久積氣攻臍下根入藥用採無時其苗葉花實並不入藥




威州根子

天台山黃寮郎 宋圖經黃寮郎生天台山中苗葉冬

夏常青彼土人採其根入藥治風有效

黃寮郎



天台山催風使 宋圖經催風使生天台山中苗葉冬

夏常青彼土人秋採其葉入藥用治風有效

催風使



半邊山 宋圖經半邊山生宜州溪澗味微苦辛性寒

主風熱上壅咽喉腫痛及項上風癱以酒摩服二月八

月九月採根其根狀似白朮而軟葉似苦蕒厚而光一

名水苦蕒一名謝婆菜

山草卷之八 黃寮郎 催風使 半邊山 信州紫袍 瓊田草 建水草


山草卷之八 黃寮郎 催風使 半邊山 信州紫袍 瓊田草 建水草

半邊山

信州紫袍

宋圖經紫袍生信州春深發生葉如苦益菜至五月生花如金錢紫色彼方醫人用治咽喉口齒


信州紫袍



福州瓊田草

宋圖經瓊田草生福州春生苗葉無花三月採根葉焙乾土人用治風生痔維蜜丸服之

瓊田草



福州建水草

宋圖經建水草生福州其枝葉似桑四時常有彼土人取其葉焙乾碾末煖酒服治走疰風

建水草



福州雞項草


宋圖經雞項草生福州葉如紅花葉上

有刺青色亦名千鍼草根似小蘿蒿枝條直上三四月

苗上生紫花八月葉凋十月採根洗焙乾碾羅爲散服

治下血

鷄項草



福州赤孫施

宋圖經赤孫施生福州葉如浮萍草治

婦人血結不通四時常有採無時每用一手搗淨洗細

研煖酒調服之

山草卷之八 雞項草 赤孫施 鳩鳥威 獨脚仙 茄質汗 鎮陽 通草

赤孫施


信州鳩鳥威

宋圖經鳩鳥威生信州山野中春生青

葉至九月而有花如蓬蒿菜花淡黃色不結實療癰瘡

腫毒採無時

鳩鳥威



福州獨脚仙

宋圖經獨脚仙生靈州山林傍陰泉處


多有之春生苗至秋冬而落葉葉圓上青下紫其脚長



山草卷之八 雞項草 赤孫施 鳩鳥威 獨脚仙 茆質汗 鎖陽 通草

三四寸夏採根葉連梗焙乾爲末服治婦人血塊酒煎  
半錢


獨脚仙



信州茆質汗 宋圖經茆質汗生信州葉青花白七月


採彼土人以治風腫行血有効

茆質汗



鎖陽 鎖陽本草補遺始著錄見輟耕錄生韃靼田地補

鎖陽



陰氣益精血潤燥治痿

通草 通草卽爾雅離南活脫山海經寇脫法象本草收

之拾遺曰通脫木形狀功用具圖經其葉莖中空梢間  
作苞開白花如枇杷此草植生如木頗似水桐冬時莖  
亦不枯本草綱目云蔓生殊誤今入於山草類

雩婁農曰郭注零桂人植而日灌之以爲樹酉陽雜俎  
瓢輕白可愛女工取以飾物寇脫之製物飾晉唐已有  
之矣爾雅翼引潛夫論譏花采之費以爲今通行於世

其意以批黃判白插髻飾髻爲綉麗而靡物力也然余  
 以此物行而物力始省自作繪絺繡五采彰施人文漸  
 起而賦物官形嘗巧鬪妍譬如天地之於草木句萌於  
 春菡萏於夏洩其精英以炫目睫而蕩心志者日出而  
 不可遏抑雕文刻鏤傷農事錦繡纂組害女工朝廷雖  
 以儉德風天下然以樸而華如益薪爨火以華而樸如  
 逆阪走丸富家明璫翠羽花鈿蔽髻一物之直逾於露  
 臺晉以金爲步搖後宮倣效朝成夕毀競爲新奇此風  
 日扇不燮益熾管子摧鐵之法一女必有一刀一鍼今  
 以中人之產計之一女必有一簪一釵一鈿一搔頭花  
 勝環瑱條脫指環其糜朱提之浮豈可勝數至於翦綵  
 爲花燃蠟作鳳刻玉成葉染牙製柄織金抽縷箔金銀  
 銅錫而爲塗附者朝侈神奇暮裂朽腐戕天下可以易  
 衣易食一成不敗之物還之大虛無何有之鄉此亦造  
 物之所大不忍而賈長沙所爲長太息者矣寇脫之葉  
 簪抄而不可爲笠花猥碎而不可供瓶質輕虛而不可

山草卷之八 杏葉沙參 細葉沙參 三七

以爲薪爲器易生而扇地徒蓬勃於蠻煙瘴雨之中入  
 藥裹者萬分無一其無益於世久矣損其膚以登副筭  
 千紅萬紫引蝶欺蜂而染絹盤絲一見無顏色矣且質  
 不及錫價不逾銖雖富者亦愛其便而後鶴冠金勝亦  
 少休息於秋箒之篋笥而三條廣陌或因此而減墮珥  
 遺簪之奢縱乎然則造物生此謂非拯翠之生完增之  
 裂防金銀寶玉之虛空粉碎耶智者創物巧者述之吾



通草一

山草卷之八 杏葉沙參 細葉沙參 三七


通草二



以爲始飾物者雖以西陵氏之祀享奉之可也  
乃謂東嶽百卉萋萋實爲  
東方司令報賽不爲無稽  
京師有  
草花市



細葉沙參



三七 廣西通志三七恭城出其葉七莖三故名根形似

白及有節味微甘以末摻豬血中化爲水者真

本草綱目李時珍曰彼人言其葉左三右四故名三七

蓋恐不然或云本名山漆謂其能合金瘡如漆粘物也

此說近之金不換貴重之稱也生廣西南丹諸州番峒

深山中採根暴乾黃黑色團結者狀略似白及長者如

老乾地黃有節味微甘而苦頗似人參之味或云試法

以末摻豬血中血化爲水者乃真近傳一種草春生苗


夏高三四尺葉似菊艾而勁厚有歧尖莖有赤稜夏秋

開黃花蕊如金絲盤鈕可愛而氣不香花乾則吐絮如苦蕒絮根葉味甘治金瘡折傷出血及上下血病甚效云是三七而根大如牛蒡根與南中來者不類恐是劉寄奴之屬甚易繁衍根氣味甘微苦溫無毒主治止血散血定痛金刃箭傷跌撲杖瘡血出不止者嚼爛塗或爲末摻之其血卽止亦主吐血衄血下血血痢崩中經水不止產後惡血不下血運血痛赤目癰腫虎咬蛇傷諸病此藥近時始出南人軍中用爲金瘡要藥云有奇功又云凡杖撲傷損淤血淋漓者隨卽爛嚼卷之卽止青腫者卽消散若受杖時先服一二錢則血不衝心杖後尤宜服之產後服亦良大抵此藥氣溫味甘微苦乃陽明厥陰血分之藥故能治一切血病與麒麟竭紫錘相同葉主治折傷跌撲出血傅之卽止青腫經夜卽散餘功同根

按廣西三七金不換形狀各別通志俱載之辨其非一物本草綱目殆沿訛也其所述葉似菊艾者乃土

三七江西湖廣滇南皆用之滇志土富州產三七其地近粵西應是一類尙有土三七數種俱詳草藥余在滇時以書詢廣南守答云三莖七葉畏日惡雨土司利之亦勤培植且以數在蒔寄時過中秋葉脫不全不能辨其七數而一莖獨躡頂如蔥花冬深莖芽至春有苗及寸一叢數頂旋卽枯萎昆明距廣南千里而近地候異宜而余竟不能觀其左右三七之實惜矣因就其半萎之莖而圖之余聞田州至多採以煨肉蓋皆種生非野卉也又亦雅云凡中蠱者顏色反美於常天姬望之而笑必須叩頭乞藥出一丸啖之立吐奇怪或人頭蛇身或八足六翼如科斗子斬之不斷焚之不燃用白礬澆之立死否則對時復還其家予久客其中習知其方用三七末葶藶爲丸又用白礬及細茶等分爲末每服五錢泉水調下得吐則止按古方取白蘘荷服其汁并臥其根知呼蠱者姓名則其功緩也三七治蠱前人未曾述及有蠱之

三七



錦地羅  
 地卽產斷韋之藥物必有制天道洵好生哉  
 錦地羅本草綱目始著錄生廣西慶遠柳州

錦地羅



根似葶藶治山嵐瘴氣瘡毒



# 植物名實圖考卷之九

固始吳其濬著

蒙自陸應穀校刊

## 山草

- |     |      |
|-----|------|
| 平地木 | 六面珠  |
| 紅絲線 | 雞公柴  |
| 鴉鵲翻 | 細亞錫飯 |
| 紫藍  | 牛金子  |
| 天茄  | 馬甲子  |
| 滿山香 | 風車子  |
| 張天剛 | 樓梯草  |
| 鐵拳頭 | 大葉青  |
| 小青  | 紅孩兒  |
| 紅小姐 | 九管血  |

- |         |         |
|---------|---------|
| 四大天王    | 短脚三郎    |
| 朝天一柱    | 土風薑     |
| 見腫消     | 薯蕷      |
| 柘葉      | 觀音座蓮    |
| 金雞尾     | 合掌銷     |
| 觀音竹     | 鐵燈樹     |
| 鐵樹開花    | 一連條     |
| 鐵骨散     | 土三七三種   |
| 洞絲草     | 紫喇叭花    |
| 水晶花 又一種 | 急急救 又一種 |
| 山芍藥     | 香梨      |
| 肺筋草     | 剪刀草     |
| 四季青     | 白頭翁     |
| 鐵繖      | 一枝香     |
| 鹿銜草     | 紫背草     |

山草卷之九 目錄 平地木 六面珠

七厘麻

白如櫻

蜘蛛抱蛋

地茄

山柳菊

一枝黃花

七厘丹

雞腳草

菜藍

仙人過橋

野山菊

平地木

平地木花鏡載之生山中一名石青子葉如

平地木



木樨夏開粉紅細花結實似天竹子而扁江西俚醫呼為涼繖遮金珠以其葉聚梢端實在葉下故名根治跌打行血和酒煎服

六面珠

六面珠產建昌褐莖對葉微似月季花葉而

黃綠微短附莖秋結小圓紅實四面環抱攢簇稠密的

礫可愛

六面珠



紅絲線

紅絲線產南安綠莖有毛葉如山茶葉而薄  
長柄下垂結實如珠生青熟紅綠蒂托之一名血見愁  
俚醫搗敷紅腫以為良藥

紅絲線



雞公柴

雞公柴江西山中皆有之叢生赭莖大根深  
赭色葉似鳳仙花葉而寬深齒對生梢結紅實如天竹  
子而大建昌俚醫以根治白濁和酒煎服

雞公柴



鴉鵲翻

鴉鵲翻生南安叢生赭莖對葉如地榆而尖

鴉鵲翻



山草卷之九

紅絲線

雞公柴

鴉鵲翻

細亞錫飯

紫藍

牛金子

山草卷之九 紅絲線 雞公柴 鴉鵲翻 細亞錫飯 紫藍 牛金子

結小子成攢嬌紫可愛氣味甘溫俚醫以治陡發頭腫

頭風溫酒服煎水洗之又治跌打損傷去風濕

細亞錫飯 細亞錫飯生大庾嶺硬莖叢生葉如柳葉

附葶攢結長柄小實嬌紫下垂土人云可洗瘡毒



細亞錫飯

紫藍 紫藍生長沙嶽麓綠莖叢生長葉對生如大青葉

紫藍



而窄秋結藍實如珠攢簇梢頭性涼亦類大青

牛金子 牛金子江西處處有之叢生小科硬莖褐色

葉如榆葉而小無齒亦微團附莖甚密秋開小紫花繁

鬧如穗多鬚結實似龍眼核灰黑色頂上有小暈或云

能散血

山草卷之九 天茄 馬甲子 滿山香 風車子 張天剛


天茄



天茄 天茄生建昌一名杜榔子黑莖直勁短枝發葉似



牛金子



馬甲子

枸杞葉而圓有直紋三四縷俚醫以為養筋和血之藥  
馬甲子 江西處處有之小樹如蕨莖莖大  
葉如柿葉亦硬面綠背淡有赭紋開小白花如棗花結  
實形似鰻魚圓小如錢生青熟赭有扁核青時味如棗  
而淡熟即生螻小兒食之土人採根治喉痛 按遵義  
府志馬鞍樹開花結子殼似五兩錢子在錢內熟時極  
紅取子榨油可作燭又思南府志銅錢樹一名馬鞍秋  
開黃花果三稜淡紅色子壓油不中食蓋即此

山草卷之九 天茄 馬甲子 滿山香 風車子 張天剛

滿山香 滿山香生南安黑莖屈盤葉如椿葉有赭紋

根亦糾曲俚醫以治跌打損傷風氣煎水洗之

滿山香



風車子 風車子生南安一名四角風長蔓如藤而植

立赭色葉長如枇杷葉而薄中寬末尖紋如楮葉深刻

細密面凹背凸面深綠背淡青結實如兩片榆莢十字

相穿極似揚穀風扇四角平勻生青熟黃中有子一粒

如稻穀長三四分皮黃如槐米俚醫以祛風散寒療風

痺洗風足爲風病要藥

風車子

風車子



張天剛 張天剛生南安叢生硬莖有節紅黃色葉似



張天剛

水蘇葉實如小罌褐色莖葉實俱有細刺如毛根淡紅色有鬚氣味甘溫俚醫以治下部虛軟補陰分

### 樓梯草

樓梯草產南安獨莖圓綠高不盈尺長葉略似枇杷葉大齒尖梢粗紋橫斜面青背黃綠土人採治

風痛跌打損傷煎酒服



樓梯草

### 鐵拳頭

鐵拳頭產南安叢生柔莖細綠每枝三葉葉

如薄荷中有赤紋結黃實如小毬硬尖如蝟略似石龍

鐵拳頭



芮唯葉無歧爲異土人採治失血和猪蹄煮服

### 大葉青

大葉青生南安山嶺獨莖高二三尺灰綠色

有濇毛中空白如蘆莖葉三叉中長寸許大如掌面淡

青背微白澀毛粗紋有露脈如麻葉子附莖生葉下如

火麻子薄殼青褐色亦有毛中有細紅子一窠俚醫以

治下部濕痺

山草卷之九

樓梯草

鐵拳頭


大葉青

小青


紅孩兒

山草卷之九 樓梯草 鐵拳頭 大葉青 小青 紅孩兒

大葉青



小青 小青生南安與俗呼矮茶之小青同名異物大根



小青

無鬚綠莖粗圓頗似初發梧桐對葉排生似大青葉而短微圓俚醫以為跌打損傷要藥每服不得過三分忌多服

紅孩兒 紅孩兒生南安高尺許根如蓋而嫩紅黃色

莖似魚兒牡丹葉似木芙蓉而尖歧稍短秋冬開花極肖秋海棠結實作角如魚尾形而末小團皮薄如榆莢子紅黃色亦似魚子俚醫以治腰痛



紅孩兒



紅小姐

紅小姐生南安莖葉微似秋海棠與紅孩兒

相類而葉面綠無赤脈背淡紅紋赤蓋一種而微異俚醫以治婦人內竅不通順經絡升氣補不足氣味甘溫



紅小姐

九管血

九管血生南安赭莖根高不及尺大葉如橘

葉而寬對生開五尖瓣白花梢端攢簇俚醫以為通竅和血去風之藥

九管血



四大天王

四大天王生南安綠莖赤節一莖四葉聚

四大天王



山草卷之九 紅小姐 九管血 四大天王 短脚三郎 朝天一柱 土風薑


山草卷之九 紅小姐 九管血 四大天王 短脚三郎 朝天一柱 土風蕒

生梢端葉際抽短稜開小白花點點如珠蘭赤根繁密  
俚醫以治風損跌打無名腫毒

短脚三郎 短脚三郎生南安高五六寸橫根赭色叢

發赭莖葉生梢頭秋結圓實下垂生青熟紅與小青極  
相類而性熱治跌打損傷風痛孕婦忌服

短脚三郎



朝天一柱 朝天一柱生南安肉根間赭數條連綴微

似百部綠莖疎節對節生枝長葉如柳俚醫以治無名  
腫毒她咬升氣補虛



朝天一柱

土風蕒 土風蕒生南安根似蕒而有鬚葉莖似蕒而

細瘦微似初生細蘆氣味辛溫治風損行周身



土風蕒

見腫消

見腫消生建昌紅莖如秋海棠圓節粗肥似牛膝小葉多缺齒大葉三叉深齒末尖面青背微白土人採根敷瘡毒

見腫消



薯蕷

薯蕷產閩廣諸山蔓生無花葉形尖長如夾竹桃節節有小刺根如山藥有毛形如芋子大小不一外皮紫黑色內肉紅黃色節節向下生每年生一節野生土人挖取其根煮汁染網罾入水不濡留根在山生生不息南越筆記薯蕷產北江者良其白者不中用用必以

薯蕷




紅紅者多膠液漁人以染罟罾使芋麻爽勁既利水又耐鹹潮不易腐薯蕷膠液本紅見水則黑諸魚屬火而喜水水之色黑故與魚性相得染罟罾使黑則諸魚望之而聚云

柞葉

柞葉產粵東家園草本形如芭蕉葉可裹粽以包參茸等物經久不壞木高約二三尺葉長尺許青色四季不凋南越筆記有柞葉者狀如芭蕉葉溼時以稟角黍乾以包苴物封缸口蓋南方地性熱物易腐敗惟柞

山草卷之九 見腫消 藁苳 柎葉 觀音座蓮 金雞尾



柎葉

葉藏之可持久即入土千年不壞柱礎上以柎葉墊之能隔溼潤亦能理象牙使光澤計粵中葉之爲用柎爲多蒲葵次之有油葵者似櫻葉而性柔以作蓑衣耐久不減蒲葵諺曰油葵蓑蒲葵笠朝出風乾夕歸雨濕又曰只賣葉休賣花花貧葉富二葵成家廣州竹枝詞云五月街頭人賣葉卷成片片似芭蕉謂柎葉也參差葉尾作蓑篷謂蒲葵也篷形方大三尺許以施於背遮雨名曰葵篷葵曰蒲葵者以葉如蒲而倒斫蓋蒲之類也

觀音座蓮 觀音座蓮生南安形似貫衆而葉小莖細

多枝杈高二三尺根亦如貫衆有黑毛彷彿蓮瓣層層上攢蓋大厥之類



觀音座蓮

金雞尾 金雞尾生建昌山中一名年年松叢生斑莖

葉如筲葉排生中有金黃粗紋一道面綠背淡微白露根似貫衆狗脊土人以解水毒用同貫衆

山草卷之九 合掌消 觀音竹 鐵燈樹 鐵樹開花



合掌消

合掌消江西山坡有之獨莖脆嫩如景天葉

合掌消



金鶴尾



觀音竹

觀音竹

觀音竹饒州山坡有之似千層喜春時短葉

中抽細莖發小葉梢開綠花長柄如石斛一瓣長圓如小指甲向上翹如首下有三細尖瓣下垂如足復有一

藥

本方末尖有疎紋面綠背青白附莖攢生四面對抱有如合掌故名秋時梢頭發細枝開小紫花五瓣綠心子繁如罌粟米粒根有白汁氣臭俚醫以為消腫追毒良

山草卷之九 合掌消 觀音竹 鐵燈樹 鐵樹開花

長瓣瓣細如尾白心點點頗似青蛙翻肚莖花齊發長  
六七寸殊狀罕儷

鐵燈樹 鐵燈樹江西湖南皆有之鋪地生一葉一莖

葉似紫菀而寬本圓末尖夏間中抽一葶長五六寸頗  
似枯莖秋深始從四面發小葉隨作苞開細瓣小白花



鐵燈樹

赭帶長二三分葉帶攢密青赭斑駁俚醫以根止痛活  
血酒煎服

鐵樹開花 鐵樹開花生建昌一莖一葉似馬蹄而尖

有微齒與犁頭尖相類而葉背白細根俚醫以治隔食  
症同豬肺煮服



鐵樹開花

一連條

一連條生建昌赤莖長枝獨葉葉如芋麻而尖長面青背白細紋微齒土醫取幹葉搗敷腫毒



一連條

鐵骨散

鐵骨散生建昌叢生粗根似薑緒莖有節對


葉排比似接骨草而微短亦寬面綠背微黃俚醫以根

洗腳腫同甘草煎水

山草卷之九

鐵骨散 土三七

土三七



鐵骨散

●本草綱目李時珍曰近傳一種草春生苗夏高三四尺葉似菊艾而勁厚有歧尖莖有赤稜夏秋開花蕊如金絲盤鈕可愛而氣不香花乾則吐絮如苦蕒絮根葉味甘治金瘡折傷出血及上下血病甚效云是三七而根大如牛蒡根與南中來者不類恐是劉寄奴之屬甚易繁衍 按土三七亦有數種治血衄跌損有速效者皆以三七名之此草今處處種之盆中俚醫以葉面

山草卷之九 鐵骨散 土三七


土三七一



青背紫隱其名曰天青地紅凡微傷但折其葉裹之即愈辰谿縣志澤蘭一名土三七一名葉下紅根葉傅金瘡折傷之要藥非本草所云澤蘭也簡易草藥散血草即和血丹土名三七能破血去瘀散血消腫通治五勞七傷跌打損傷春出秋枯其形狀功用盡於此矣

①土三七生廣西莖葉俱似景天而不甚高厚葉有汁無紋周圍有圓齒伏日拔置赫曦中經月不槁無花實摘葉種之即生亦名葉生根畏寒經霜即腐主治涼血止吐血

土三七二



②土三七廣信衡州山中有之嫩莖亦如景天葉似千

土三七三





年艾葉無歧有齒深綠柔脆惟有淡白紋一縷秋時梢  
頭開尖細小黃花俚醫以治吐血

洞絲草 洞絲草生寧都金精山高六七寸綠莖赭節

葉如風仙花葉兩兩對生冬開紫花如絲復有細茸土  
醫詫為奇藥而怪其方



洞絲草

紫喇叭花 紫喇叭花生寧都金精山莖葉俱如洞絲

草冬開紫花頗似地黃花有白心數點

山草卷之九 洞絲草 紫喇叭花 水晶花 急急救

紫喇叭花

水晶花


●水晶花廣信衡州山中有之小科葉如女貞葉亦光

水晶花一



潤梢端夏開五出小白花細如銀絲朵朵如穗俚醫用之


●水晶花衡山生者葉似繡毬花葉而小紫莖有節花如銀絲作穗長寸許夏至後即枯



水晶花二


急急救

●急急救江西山坡有之根鬚黃柔一莖一葉葉莖嫩綠似初生蜀葵葉無歧而尖深齒如鋸面背皆有細毛土醫以根同紅棗浸酒通骨節達四肢



急急救一

●急急救生廬山者葉如馬蹄而大根粗如大




急急救二

指餘同

### 山芍藥

山芍藥生建昌叢生綠莖高三四尺大葉如馬蹄而尖甚長深齒粗紋而深綠背淡青秋深開紫花瓣尖如鉞端有鬚綠跗如刺密攢而上土醫以根葉治風寒



山芍藥

### 香梨

香梨生建昌綠莖大葉葉作三叉形前尖獨長大過於掌深齒半寸許粗紋欹斜面綠背淡青可擦傷或以為大戟


### 肺筋草

肺筋草江西山坡有之葉如茅芽長四五寸



香梨

肺筋草



山草卷之九

山芍藥

香梨

肺筋草

剪刀草

四季青

白頭翁

山草卷之九 山芍藥 香梨 肺筋草 翦刀草 四季青 白頭翁

光潤有直紋春抽細葶開白花圓而有叉如石榴花蒂  
大如米粒細根亦短

翦刀草 翦刀草生建昌獨莖高尺許對葉尖長微似

鳳仙花葉而無齒面緣背青白梢端抽長條結黃實如  
薏仁而小層綴如穗而疎一名羊尾鬚土醫以治順瘡  
煎水洗之

翦刀草



四季青 四季青生建昌形如蓼而莖細無節葉尖錯

生秋時梢開白花成穗如蓼花而疎土人取根敷傷

四季青



白頭翁

白頭翁生建昌赭莖梢綠長葉斜齒面綠背

白頭翁



淡夏結青膏莢上有三四鬚細如蠅足土人云根解毒

藥

鐵繖 鐵繖生南安綠莖如蒿有直紋旁多細枝厚葉翠


綠背微紫似平地木葉而齒圓長俚醫以為活氣行血  
通絡之藥此草葉叢聚生梢端故有鐵繖之名



鐵繖

一枝香 一枝香生廣信鋪地生葉如桂葉而柔厚面

一枝香



光綠背淡有白毛根鬚長三四寸赭色土人以治小兒  
食積

鹿銜草 鹿銜草九江建昌山中有之鋪地生綠葉紫

背面有白縷略似叢菜而微長根亦紫土人用以浸酒  
色如丹治吐血通經有效 按本草有鹿銜形狀不類  
安徽志鹿銜草性益陽出婺源即此湖南山中亦有之  
俗呼破血丹滇南尤多土醫云性溫無毒入肝腎二經

山草卷之九 鐵繖 一枝香 鹿銜草 紫背草 七厘麻 七厘丹

山草卷之九 鐵繖 一枝香 鹿銜草 紫背草 七厘麻 七厘丹

鹿銜草



強筋健骨補腰腎生精液

紫背草

紫背草生南贛山坡形全似蒲公英而紫莖



紫背草


近根葉又微稀背俱紫梢端秋深開紫花似禿女頭花  
不全放老亦飛絮功用同蒲公英

七厘麻

七厘麻江西山中有之似吉祥草葉而紋理

粗直橫根綠潤有節似竹根而嫩土醫以治筋骨疼痛

七厘麻



七厘丹

七厘丹南安廣信山中有之春時抽莖生葉

似蘆而軟葉有間道直紋長弱下垂夏發細葶小葉葉

七厘丹



際開花如粟紫黑色細根赭褐俾醫以治骨癱跌打損傷忌多用故以七厘爲名


白如椶

白如椶一名仙麻江西湖南山中多有之狀

如初生椶葉青白色有直紋微皺抽莖結實如建蘭花實獨根土醫採治風損婦科敗血

雞腳草

雞腳草生建昌形狀如吉祥草而葉不光澤




白如椶

有直紋如竹面綠背黃綠與莖同色根如薑而瘠有鬚土醫以治勞損乳毒勞損取根煎酒服乳毒蒸雞蛋食之按本草拾遺有雞腳草形狀主治不類

山草卷之九 白如椶 雞腳草 蜘蛛抱蛋 菜藍 地茄

山草卷之九 白如梭 雞腳草 蜘蛛抱蛋 菜藍 地茄



蜘蛛抱蛋

蜘蛛抱蛋一名飛天蜈蚣建昌南贛皆有

蜘蛛抱蛋



雞腳草



菜藍

地茄

地茄生江西山岡鋪地生葉如杏葉而小柔厚有

菜藍

菜藍生廣信黑根有鬚叢生綠莖微有疎節葉似

打損傷

大葉柴胡粗紋疎齒一名大葉仙人過橋土人採治跌

薩喇以治腰痛咳嗽

之狀如初生櫻葉下細上闊長至二尺餘粗紋韌質凌冬不凋近根結青黑實如卵橫根甚長稠結密鬚形如百足故以其狀名之土醫以根卵治熱症南安土呼哈



山草卷之九

仙人過橋

山柳菊

野山菊

一枝黃花

仙人過橋

仙人過橋

仙人過橋建昌南贛山坡皆有之叢生高

直紋三道葉中開粉紫花團瓣如杏花中有小缺土醫以治勞損根大如指長數寸煎酒服之




地菘

不盈尺細莖葉如柳葉秋時梢端開紫筩子花略似桔梗花而小開久瓣色退白黃蕊迸露土人採根葉煎洗瘡毒

山柳菊

山柳菊一名九里明一名黃花母南贛山中皆有之叢生細葉似石竹葉綠莖有節秋開黃花如菊心亦黃土醫以洗腫毒不可食



山柳菊

野山菊

野山菊南贛山中多有之叢生花葉抱莖如苦蕒而歧齒不尖莖瘦無汁梢端發杈秋開花如寒菊土醫以根葉搗敷瘡毒

山草卷之九 仙人過橋 山柳菊 野山菊 一枝黃花



野山菊

一枝黃花

一枝黃花 江西山坡極多獨莖直上高尺許間有歧出者葉如柳葉而寬秋開黃花如單瓣寒菊而小花枝俱發茸密無隙望之如穗土人以洗腫毒



一枝黃花

# 植物名實圖考卷之十

固始吳其濬著

蒙自陸應穀校刊

## 山草

- 山馬蝗
- 小槐花
- 白鮮皮
- 黎辣根
- 釘地黃二圖
- 細米條
- 千筋拔
- 山豆根
- 九頭獅子草
- 省頭草
- 和血丹即胡枝子
- 無名一種
- 土常山四種
- 野南瓜
- 美人嬌
- 山胡椒
- 青莢葉
- 陰行草
- 杜根藤
- 葉下紅

- 闌骨草
- 赤脛散
- 野百合
- 野雞草
- 茶條樹
- 小丹參
- 滇白前
- 甜遠志
- 滇黃精
- 面來刺
- 土升麻
- 抱雞母
- 大二仙草
- 海風絲
- 四方麻
- 地麻風
- 落地梅
- 冬蟲夏草
- 野辟汗草
- 無名二種
- 勁枝丹參
- 滇龍膽草
- 滇銀柴胡
- 蕪棍
- 小二仙草
- 鮎魚鬚
- 一掃光
- 元寶草
- 還魂丹

山馬蝗

山馬蝗產長沙山阜獨根有短鬚褐莖多叉  
每枝三葉葉微似竹面青背白疏紋無齒葉間發小莖  
開紫白小花如粟俚醫以治哮喘此草與小槐花枝葉相  
類唯附莖團結角似蛾眉豆而扁小有雙角連生者  
亦黏人衣葉老則漸圓與豆葉無異紋亦澀亂



山馬蝗

和血丹

枝即胡  
子

和血丹生長沙山坡獨莖小科一枝三

葉面青黃背粉白有微毛似豆葉而長莖方有稜赭黑

色直根四出有細鬚俚醫以為破血之藥 按救荒本

草胡枝子俗名隨軍茶生平澤中有二種葉形有大小  
大葉者類黑豆葉小葉者莖類善草葉似苜蓿葉而長  
大花色有紫白結子如粟粒大氣味與槐相類性溫採  
子微舂即成米先用冷水淘淨復以滾水湯三五次去  
水下鍋或作粥或作炊飯皆可食加野菜豆味尤佳及  
採嫩葉蒸晒為茶煮飲亦可此即是葉似黑豆葉者其



和血丹

氣味頗似茶葉北地茶少故凡似茶者皆蓄之南土則多供樵薪採摘所不及矣

小槐花

小槐花江西田野有之細莖發枝一枝三葉

如豆葉而尖長秋結豆莢細如菘豆而有毛莖葉畧似山馬蝗而結角不同

小槐花



無名一種


生嶽麓獨莖參差生葉三葉攢聚葉似胡

頹子葉微小面深綠背白皆有微毛梢頭發叉開小白

花似蛾眉豆花黃鬚點點

山草卷之十 小槐花 無名一種

無名一種



白鮮皮

白鮮皮生長沙山坡叢生楮莖莖多斜刺交

互極密嫩莖青綠長葉排生如葫蘆而有細齒葉上亦



白鮮皮

白鮮皮 土常山

山草卷之十 小槐花 無名一種 白鮮皮 土常山

有暗刺甚澀面綠背青白俚醫以散痰氣行筋骨 按  
形狀與本草白鮮皮異別是一種

### 土常山

●土常山江西多有之形狀頗似黃荊唯每枝三葉葉  
寬有大齒氣味辛烈如椒俚醫云閩中負販者口含此  
葉行半日不渴且能辟暑蓋其氣味辛苦能通竅散熱  
生津降氣故有殊功

土常山一



●土常山江西廬山麻姑山皆有之叢生綠莖圓節長  
葉相對深齒粗紋夏時莖梢開四圓瓣白花花落結子  
如黃粟米壘繁滿枝俚醫以治跌打形狀主治俱與圖

經異

土常山二



●土常山長沙山坡有之楮根有鬚根莖一色有節對  
節生葉葉如榆面青背白背紋亦楮春間葉際開小花  
如木樨色黃白無香俚醫以治濕熱



土常山三

④土常山長沙山阜有之細莖微赭兩葉相當葉如桑  
 葉有鋸齒夏間開小黃花微似苦蕒 按宋圖經常山  
 有如茗葉者有如楸葉者又天台土常山苗葉極甘本  
 不一類今俗以常山爲治瘧要藥凡可止瘧者皆以常  
 山名之故有數種

山草卷之十 黎辣根 野南瓜 釘地黃



土常山四

黎辣根 黎辣根生長沙山岡叢生小科赭黑細莖長  
 葉光硬本狹末寬有尖而濃綠背淡有赭紋近莖黑根  
 圓大細尾長五六寸俚醫用以殺蟲敗毒秋結實生青  
 熟黑味甜可食

山草卷之十 黎辣根 野南瓜 釘地黃

黎辣根



### 野南瓜

野南瓜一名算盤子一名柿子椒撫建贛南

長沙山坡皆有之高尺餘葉附莖對生如槐檀葉微厚

硬莖下開四出 黃花結實如南瓜形小於梟此秋後

迸裂子綴殼上 丹珠土人取莖及根治痢證煎水和

白糖服之亦能 濕破血

野南瓜



### 釘地黃

釘地黃生長沙嶽麓一名真檀兜一名降痰

王黑莖小樹葉似女貞葉而不光澤春開五瓣小白花

白鬚茸莖繁密如雪根長二尺餘赭黃堅勁俚醫以治

痰火清毒



釘地黃



釘地黃



美人嬌

美人嬌生長沙山阜叢生小木赭莖細勁參差生葉葉如榆葉深齒如鋸俚醫以為散淤血治無名種毒之藥其名不可究詰本草綱目九仙子亦名仙女嬌俗語固多如是

美人嬌



細米條

細米條江西撫建有之赭莖如荆橫生枝杈排生密葉葉微似地棠葉葉間開小黃花略似烏藥俚醫搗敷腫毒一名水麻

山草卷之十 美人嬌 細米條 山胡椒 千觔拔


山草卷之十 美人嬌 細米條 山胡椒 千劬拔



細米條

山胡椒

山胡椒長沙山坡有之高二三尺黑莖細勁



山胡椒

千劬拔

葉大如茉莉花葉而不光潤面青背白赭紋細碎九月間結實如椒

千劬拔產湖南嶽麓江西南安亦有之叢生高二尺許圓莖淡綠節間微紅附莖參差生小枝一枝三葉長幾二寸寬四五分面背淡綠皺紋極細夏間就莖發苞攢密如毳開紫花獨根外黃內白直韌無鬚長至尺餘俚醫以補氣血助陽道亦呼土黃雞南安呼金雞落地皆以其三葉下垂如雞距云

千劬拔



青莢葉

青莢葉一名陰證藥又名大部參產寶慶山  
阜高尺餘青莖有斑點短杈長葉粗紋細齒厚韌微澀  
每葉上結實二粒生青老黑頗爲詭異俚醫以治陰寒  
病



青莢葉

山豆根

山豆根生長沙山中矮科硬莖莖根黑褐根  
梢微白長葉光潤如木犀而韌柔微齒圓長有齒處邊  
厚如卷梢端結青實數粒如碧珠俚醫以治喉痛 按

山豆根



陰行草

形似與圖經不類根味亦淡含之有氣一縷入喉微苦  
又一種也秋深實紅如丹與小青無異又名地楊梅  
陰行草產南安叢生莖硬有節褐黑色有微  
刺細葉花苞似小罌上有歧瓣如金櫻子形而深綠開  
小黃花略似豆花氣味苦寒土人取治飽脹順氣化痰  
發諸毒湖南嶽麓亦有之土呼黃花茵陳其莖葉頗似  
蒿故名花浸水黃如槐花治證同南安陰行茵陳南言

山草卷之十 青莢葉 山豆根 陰行草 九頭獅子草 杜根藤

山草卷之十 青莢葉 山豆根 陰行草 九頭獅子草 杜根藤



陰行草

無別宋圖經謂茵陳有數種此又其一也滇南謂之金鐘茵陳既肖其實形亦聞名易曉主利小便療胃中濕痰熱發黃或眼仁發黃或周身黃腫與茵陳主療同其嫩葉綠脆似亦可茹

九頭獅子草 九頭獅子草產湖南嶽麓山坡間江西

廬山亦有之叢生數十本為族附莖對葉如鳳仙花葉稍闊色濃綠無齒莖有節如牛膝根細長鬚秋時梢頭



九頭獅子草


節間先發兩片綠苞宛如榆錢大如指甲攢簇極密旋從苞中吐出兩瓣粉紅花如秋海棠而長上小下大有細紅鬚一二縷花落苞存就結實摘其莖插之即活亦名接骨草俚醫以其根似細辛遂呼為土細辛用以發表

杜根藤 杜根藤產湖南寶慶府山坡間狀與九頭獅

子草極相類唯獨莖多鬚鬚亦綠色開花亦如九頭獅

子草而只一瓣色白無苞

杜根藤



省頭草

省頭草生湖南寶慶府山谷中圓梗厚葉柔


綠一色上有白粉頗似蕲根葉長二寸餘寬幾一寸本

末俱尖瘦有疎齒梢葉小不幾寸無齒緒根有短鬚甚

細俚醫用之寶慶近徠其草名多雜深放無由譯其省

頭之義

省頭草



葉下紅

葉下紅產建昌一名小活血一名紅花草鋪

地生頗似紫菀葉面青背紫碎紋粗澀如芥背微光滑


長莖長葉土人取根葉搗敷她頭指 按本草綱目葉

山草卷之十 省頭草 葉下紅 闔骨草 地麻風

山草卷之十 省頭草 葉下紅 闌骨草 地麻風

下紅主飛絲入目腫痛同鹽少許絹包滴汁入目仍以  
塞鼻左塞右右塞左不詳其形狀殆同名也

葉下紅



闌骨草

闌骨草產湖南寶慶山阜鋪地生葉如初生

芥菜葉而尖面青背白圓齒齊勻夏抽莖細莖開小白

笛子花下垂結角子尤細俚醫用之

闌骨草



地麻風

地麻風生寶慶山中鋪地長莖莖色青赤葉

似白菜面深綠背淡青葉有圓暈面凹背凸白脈數縷

俚醫用之

山草卷之十 赤脛散 落地梅 野百合 冬蟲夏草 野雞草

赤脛散



赤脛散

赤脛散生寶慶山中黃根黑鬚紫莖有節似



地麻風

落地梅



蓼有細白毛參差生葉葉形宛似箭鏃邊緣內紫黑色  
紋赤俚醫用之滇南生者尤長大開粉紅花如蓼土呼  
土竭力

落地梅

落地梅生湖南寶慶山阜叢生青莖紅節節

葉對生梢葉攢聚葉中發綠苞成簇細絲如鍼開碎白  
花花落苞黃經時不脫搓之有細黑子俚醫用之

山草卷之十 赤脛散 落地梅 野百合 冬蟲夏草 野雞草

野百合 野百合建昌長沙洲渚間有之高不盈尺圓

莖直韌葉如百合而細面青背微白枝梢開花先發長苞有黃毛蒙茸下垂苞坼花見似豆花而深紫俚醫以治肺風南昌西山亦有之或呼爲佛指甲



野百合

冬蟲夏草 本草從新冬蟲夏草甘平保肺益腎止血

化痰止勞嗽產雲貴冬在土中身如老蠶有毛能動至夏則毛出土上連身俱化爲草若不取至冬復化爲蟲

按此草兩廣多有之根如蠶葉似初生茅草羊城中採以饌云鮮美蓋與啖不蟲同

冬蟲夏草

野雞草 野雞草江西湖南坡阜多有之長莖細葉如

辟汗草秋時葉際開小黃花如豆花而極小與葉相間宛如雉尾湖南謂之白馬鞭治證與野辟汗草同蓋一種



野雞草





野辟汗草

野辟汗草產江西湖南山坡間一名趙公

鞭初生獨莖似辟汗草附莖生葉三葉攢生長五六分

亦能開合類雞眼草而大莖長尺許梢頭發一綠毬團

如彈子漸次黃黑終不脫落莖上始生小枝枝上葉小

如麥粒莖既柔弱毬復重欹附枝紛披宛欲低舞 按

本草拾遺無風獨搖草帶之令夫婦相愛生嶺南頭如



野辟汗草

彈子尾若烏尾兩片開合見人自動故曰獨搖草土醫

以祛邪熱形頗似之

茶條樹

茶條樹江西湖廣山坡極多叢生高尺許赭

莖近根有刺附莖對葉葉如郁李葉而短小梢端開五

瓣小笛子花似芫花而白未開時作赭色笛子一簇百

餘硬艸不甚鮮明夏開至秋深猶有之



茶條樹

山草卷之十

野辟汗草 茶條樹

無名二種

小丹參

山草卷之十 野辟汗草 茶條樹 無名二種 小丹參

無名二種

●長沙山坡有之莖對枝葉亦相當似繡毬花葉而小

秋時梢端結實長如小棗而扁生青熟紅


無名二種一



●生長沙嶽麓莖葉如麻葉粗澇柄細長枝梢結實如

算盤子淡綠有微毛一顆三粒相合

無名二種二



小丹參

小丹參江湘滇皆有之葉似丹參而小花亦

如丹參色淡紅一層五葩攢莖並翹唐錢起紫參歌序

紫參五葩連萼狀飛鳥羽舉俗名五鳳花按形即此而

本草注但謂青穗葱花亦有紅紫似水荳者無五葩之

說殆詩人誤以丹爲紫耶

小丹參



勁枝丹參

勁枝丹參與小丹參同而葉小排生花亦

勁枝丹參



五葩並翹

滇白前

白前別錄已載諸家皆以根似細辛而粗直

葉如柳如芫花陶隱居以用蔓生者為非是然按圖仍

不得其形滇產根如沙參輩初生直立漸長莖柔如蔓

對葉亦微似柳莖葉俱綠葉亦輒秋開花作長蒂似萬

壽菊蒂端開五瓣銀褐花細碎如翹又有一層小瓣內

吐長鬚數縷枝繁花濃鋪地如綺滇本草瓦草一名白

前味苦辛性寒開關竅清肺熱利小便治熱淋主治亦

相類



滇白前

山草卷之十

勁枝丹參 滇白前

滇龍膽草

甜遠志

滇銀柴胡

山草卷之十 勁枝丹參 滇白前 滇龍膽草 甜遠志 滇銀柴胡

滇龍膽草

滇龍膽生雲南山中叢根族莖葉似柳微寬又似橘葉而小葉中發苞開花花如鐘形一一上簞茄紫色頗似沙參花五尖瓣而不反捲白心數點葉既蒙密花亦繁聚逐層開舒經月未歇按形與圖經信陽襄州二種相類滇本草味苦性寒瀉肝經實火止喉痛治證俱同



滇龍膽草

甜遠志

甜遠志生雲南大華山獨根獨莖長葉疎齒馬志所謂似大青而小者蓋卽此根如蒿根色黃長及



甜遠志

一尺皆與圖經說符李時珍分大葉小葉滇本草分苦甜苦卽小葉甜卽大葉耳補心血定驚悸主治略同但本經只言味苦滇本草苦遠志治證悉如古方甜者僅云同雞煮食蓋苦能降甜惟滋補耳救荒本草圖亦是小葉者夷門所產自是小草

滇銀柴胡

滇銀柴胡綠莖疎葉葉如初生小竹葉開碎黃花根大如指赭黑色有微馨蓋卽本草所謂竹葉




滇銀柴胡

者前人謂銀柴胡以銀州得名滇以韭葉者為猴柴胡  
竹葉者為銀柴胡相承如此亦未可遽斥其妄

滇黃精

滇黃精根與湖南所產同而大重數斤俗以  
煨肉味如山預莖肥色紫六七葉攢生作層初生皆上  
抱花生葉際四面下垂如瓔珞色青白老則赭黃此種  
與鉤吻極相類滇人以其葉不反卷芽不斜出為辨按  
救荒本草鉤吻黃精莖不紫花不黃為異今北產莖綠  
滇產莖紫又惡可以此為別大抵北地少見鉤吻故皆

山草卷之十 滇黃精 蕲棍 面來刺 小二仙草 土升麻



滇黃精

言之不詳具見毒草類

蕲棍 蕲棍一名豆艾生建昌高不及尺圓莖長葉白毛

蕲棍



山草卷之十 漢黃精 蘄棍 面來刺 小二仙草 土升麻

如粉葉厚而柔兩兩下垂惟直紋兩三縷亦不甚露土醫以治腫毒去風熱

面來刺 面來刺贛州山坡有之叢生硬莖赭色葉似

榆葉三葉攢生中大旁小面濃綠黑紋背外綠內諸有刺如鍼或云可退煩熱通肢節

面來刺



小二仙草 小二仙草生廬山叢生赤莖高四五寸小

葉對生如初發榆葉細齒粗紋兩兩排生故名

小二仙草



土升麻 土升麻湖北武昌有之綠莖如竹高四五尺


土升麻



無葉無枝僅有小叉俚醫治痘疹用之以為升提之藥  
 故名 按李衍竹譜筍草出湖北田野間叢生亦有籜  
 葉一如竹筍漸長成竿高三五尺亦如竹但無枝葉至  
 秋乃死莊子所謂不筍者是也江淮之間亦有之核其  
 形狀卽此草也

### 鮎魚鬚

鮎魚鬚生建昌細莖如竹有節近根及梢皆  
 紫色葉聚頂巔四面錯生如扁豆葉而團面綠背本白  
 末淡綠赭根攢簇細長如魚鬚土醫以根治勞傷酒煎



鮎魚鬚

山草卷之十

鮎魚鬚

抱雞母

一掃光

大二仙草


元寶草

海風絲

服

### 抱雞母

抱雞母生廣信一名石竹根一名一洞仙柔  
 莖下紫上綠莖上發苞如玉簪花苞中抽莖葉生莖端  
 如竹葉而寬有直紋三縷面青背綠背紋稍多柄弱下  
 垂薄葉偏反赭根圓長俚醫以治跌打及番疔痔




抱雞母

### 一掃光

一掃光生廣信獨莖高尺餘紅莖梢葉密攢  
 葉如木樨葉而薄柔面青背淡邊有軟刺土醫以治楊  
 梅瘡毒

山草卷之十 鮎魚鬚 抱雞母 一掃光 大二仙草 元寶草 海風絲



一掃光

大二仙草

大二仙草生廬山紫莖圓潤對節生枝長



大二仙草

元寶草

元寶草產建昌緒莖有節對葉附莖四面攢

生如枸杞葉而圓梢端開小黃花如槐米土人採治熱

證



元寶草

海風絲


海風絲生廣信一名草蓮叢生橫根綠莖細

如小竹初生葉如青蒿漸長細如尚香葉俚醫以治頭

風利大小便



山草卷之十 還魂丹 四方麻



還魂丹

還魂丹 還魂丹生四川山中根如大蒜黑褐色葉似  
勃臍而更細密土醫云治跌打有起死之功亦極難得



海風絲



四方麻

四方麻 四方麻產衡山方葦叢生長葉如劉寄奴葉  
秋發長穗苞如粟粒開尖瓣小花色深紫黃鬚甚密盈  
條滿枝衡山俚醫用之

# 植物名實圖考卷之十一

固始吳其濬著

蒙自陸應穀校刊

## 隰草類

菊二圖

菴蒿

著

白蒿

地黃二圖

麥門冬

藍二圖

天名精

豨薟

牛膝二圖

茵陳蒿

羌蔚

蒺藜

車前

決明

地膚

續斷

景天

漏蘆

飛廉

石龍芻

馬先蒿

蠶實

款冬花

蜀羊泉

敗醬

酸漿

葇耳

麻黃

紫菀

女菀

瞿麥

蓼

馬蓼

薇銜

連翹

湖雲南連翹

葶蘆

蛇含

夏枯草

旋覆花

青葙子

蓋草

蕭蓄

陸英

王不留行 又一種

艾二圖

惡實

小薊

大薊二圖

大青

虎杖

青蒿

葑草

黃花蒿


菊

菊本經上品爾雅鞠治臍服食延齡舊以生南陽者  
 良其小而氣香者為野菊陳藏器以為苦薏菊甘而薏  
 苦有小毒傷胃氣俚醫以治癰腫疔毒與甘菊花主治  
 懸殊



菊一

菊二



零婁農曰菊種至繁而或者為真菊之說獨以黃華為  
 正色夫三代以還文質遞尚夏元商白周赤孰非正耶  
 菊譜多矣蒔也若子得一佳種咳而名之尊酒燕賞亦  
 謂與人無患無爭矣而褊者甚於鑽核抑何吝耶護其  
 葉逾於護花非霜殘綠瘁不忍翦折視萬花會之暴殄  
 獨為厚幸議者以為古人東籬與後世批黃判白異然  
 具忘言之妙興晚節之思今之菊猶古之菊柳下見飴  
 可以養老盜跖見飴可以黏牡飴一也而見者異也玉  
 樹朝新金谷園滿人則累物物豈能累人

菴藺 菴藺本經上品詳圖經李時珍以為葉如菊葉者

是

雲婁農曰別錄駉驢食菴藺神仙世不知駉驢安知其神仙比肩獸其名曰歷為駉驢嚙甘草駉驢待歷而食坐獲遐齡宜乎求長生者覓方士遊五嶽而採靈藥矣圖經謂菴藺惟入諸雜治藥中治踈折瘀血大抵蒿艾之類供薪蒸者不知世復有用者否本經上藥皆非奇異之品詩人所採觸目即是而古今用舍渺若霄壤豈

菴藺



亦如鄉舉里選經明行修詩賦策論因時遞變有莫知其然而然耶方其盛也貴如麟角及其衰也賤如鼠璞不與世推移而為貴賤其藥籠中之參朮乎朝為芙蓉花暮作斷腸草誰甘為草木之無知

著

著本經上品白虎通謂天子著長九尺史記謂長丈者百莖不可得六尺者六十莖用之此神物也八尺以上之著誠不可得而家語有婦人刈著薪而亡著者老子以著艾為席下泉之詩浸著與蕭稂同則著亦非奇卉矣唐本草注亦云處處有之宋圖經始云出上蔡明楊埧著草臺記臺畔二十頃皆產著洪武中禁民樵採厥後臺荒地侵汝太守重修之上蔡縣志舊時生著草臺廟圉廢今生曠野唯陳州志物產著義陵者佳余豫人也一舟過陳州再驅上蔡皆未得登故墟而攬靈莽陳之人斷著尺餘以通饋問而曲阜之著時時見於策者此外蓋無聞焉天地靈秀之氣今古如一古今人不相及此亦不然之論何獨至於物而恡之風風

麒麟在郊藪龜龍在宮沼漢儒以爲大順之世風鳥不至河不出圖聖人憂之議者謂繪織密機械深則德禽仁獸見機而遠徙是誠然矣然吾謂三代後疆場日闢山林日薙城郭日盈民生日擠毒螫猛鷲者匿其爪牙而不敢以攫噬蓬莠藜蒿化爲腴田雖有不世出之物覽德輝而下之將盡巢於阿閣而游於苑囿乎余觀黔

著



滇之山以風至而名者有之矣九苞之羽歸昌之音其是非不得知而百鳥伏而萬民聳其不爲山人習見無疑矣荒微之池有象龍焉逃而獲之滇之湫金鱗游漾時復一見可致之祥何獨遇於遐陬毋亦林菁深渺種人不至飛者走者游者得爲藏身之固耶滇東楊林驛

有啞泉碑禁人渴不得飲謂孔鶴之所翔集今過之無有矣城西有陸山滇本草謂是生不死之藥斧斤所瘡瘦牛羊所踐履孟夏之月草木不長然則善之不多見者其野火殄燔蕭艾同燼耶平原豐草廁彼菅茅世無知者老棄榛蕪耶十室之邑必有忠信五步之內必有芳草余故不能已於披採

白蒿

白蒿本經上品陸璣詩疏以繫爲白蒿唐本草以爲大蓬蒿葉上有白毛錯認者是李時珍以萑蒿爲卽

白蒿



白蒿不知詩疏言刈其萁釋狀甚詳分明兩種圖經亦辨之

**地黃** 地黃本經上品爾雅謂之芣羊芣豕微古以為茹今產懷慶以沃土植之根肥大多汁野生者根細如指味極苦救荒本草俗名婆婆爛北地謂之狗爛子葉味苦回甘如枸杞芽今懷慶以為羹臠  
雲婁農曰地黃舊時生咸陽歷城金陵同州其為懷慶之產自明始今則以一邑供天下矣懷之人以地黃故

地黃一



地黃二

遂多業宋清之業而善賈軼於洛陽然植地黃者必以上田其用力勤而慮水旱尤甚千畝地黃其人與千戶侯等懷之穀亦以此滅於他郡余嘗寓直澄懷園階前池上皆地黃苗小兒摘花食之詫曰蜜罐輒擬買一弓地尋能植地黃者移而沃之以為服餌屬藝花之農空一二區以種此為業既得善價而浩穰中時癘將作得鮮地黃以除寒熱溫斑其視大黃之峻利苦寒一誤而不可救當何如也

麥門冬

麥門冬本經上品處處有之蜀中種以為業本草拾遺云大小三四種今所用有大小二種其餘似

麥冬者尚有數種醫書不具其狀皆入草藥

雲婁農曰吾觀蘇長公聞米元章冒熱到東園送麥門冬飲子而知古人篤友朋之誼而善藥不離手也清風萬錢北窗買眠以己畏熱之心而推人觸熱之苦手煎飲子既無未達不嘗之嫌而諷其無故奔馳情寓於詞

麥門冬



隰草卷之十一 麥門冬 藍

可謂愛人以德矣潛夫論曰治世不得真賢譬如治病不得良醫當得麥門冬反得蒸穢麥合而服之疾以浸劇乃反謂方不誠而藥皆無益於病因棄後藥而弗敢飲夫麥門冬非難識之物也求而得之一舉手一投足之勞也欺以穢麥不惜生死而試之何其艱於用心而易於糜軀也溟有小園護階除者皆麥門冬也詢之守園者茫然莫知然則有疾而求麥門冬必至欺以穢麥而後已

藍

藍本經上品李時珍分別五種極確晰為澱則一而花葉全別今俗所種多是蓼藍蔞藍馬藍即板藍其異地種之木藍俗謂之槐葉藍亦間種之漢官儀蓼園供染綠紋綬小藍曰蓼羣芳譜小藍莖赤葉綠而小秋月素熟染衣止用小藍是也大藍爾雅葳馬藍注今大葉冬藍則馬藍之為大藍宜矣救荒本草大藍葉類白菜則苾藍亦可名大藍本草衍義藍實即大藍實謂之蓼藍非是爾雅所說則蓼藍亦得為大藍矣宋圖經馬藍

隰草卷之十一 麥門冬 藍

謂卽菘藍惟李時珍以葉如苦蕒爲馬藍圖經明云福  
 州又有一種馬藍葉似苦蕒恐非爾雅之冬藍也月令  
 仲夏之月令民毋艾藍以染說者皆以爲傷生氣爾雅  
 翼諄諄言之按季夏之月婦官染采黑黃蒼赤無敢詐  
 僞三代改易服色嚴於所尙故染人列於天官誠重之  
 也仲夏當獻絲供服之時用藍尤亟禁民染青豈得爲  
 便崔寔四民月令亦云五月可刈藍藍至五月適可供  
 染聖人慮民之盡刈取給目前而不俟大利也故令之  
 使毋芟刈而已非禁其染也夏小正五月啓灌藍蓼藍  
 之叢生者啓之則易滋茂而啟之有餘科足以染矣如  
 種菜然拔其密者以供食季夏藍益盛可供婦官齊民  
 要術七月作坑刈藍則幽風鳴鳴載黃我朱矣藍之灌  
 當別移可採取不可刈詩云終朝采藍不盈一襜五日  
 爲期六日不詹賤五日五月之日也期至五月而歸此  
 亦五月采藍之證一襜一菊其非捆載而歸明矣藍至  
 五月可染至七月則成用普而利大聖人授時先後皆

藍一



有禁蓋深燭後世爭先貴早之弊天物之生滅物之利  
 故樹木以時伐焉禽獸以時殺焉一物不遂其生成卽  
 拂造物長養之德五月糶新絲六月糶新穀窮民急於  
 有獲剝肉補瘡不暇計利使絲成而俟織穀成而俟舂  
 其利豈止倍蓰哉求利而急民將青苗而糶官將青苗  
 而租豈復有上農之糞一鍾之收哉其後時者禽饗草  
 宅惰農自甘里布屋粟罰宜同之李時珍又謂麥藍可  
 三刈故禁之夫再蠶有禁掌於馬質不掌於典絲馬蠶



藍二



同物故蠶神曰馬頭原蠶則害馬故禁之若藍之三刈有益於民而何損於物葵之屢摘韭之屢剪麻之屢割稻且有再熟三熟者聖人烏能禁之趙邪卿經陳留見人以種藍染紵爲業慨其遺本民間逐利不顧饑饉其患匪細近時江西廣饒不可耕之山皆種藍而黔中苗崗焚萊作澱遠販江漢負戴者頂趾接於蠶叢裝載者縹舫銜於灘渦蓋皆澗溪榮確之毛也志謂利二倍於穀而費人力故不全植噫盡黔壤而爲藍焉民將安所

得食許渾詩藍塢寒先燒藍喜暖黔志亦云刀耕火耨寒則不生上海縣五月黃梅時刈凡五六刈  
 雲婁農曰余見憔悴之民春無所得食按麥穗并其麩與汁而炙食之比熟所獲者無幾矣三代之時戶有蓋藏故令之而行禁之而止否則苟有可獲將糶之以蘇喘息豈能拭淚忍飢而聽命哉詩云握粟出卜其何能穀

### 天名精

天名精本經上品異苑載劉愷活鹿事故有活鹿草劉愷草諸名爾雅蓬麥注麥句蓋本草拾遺非之又列藪豕首注本草曰藪豕陶隱居以爲卽豨豨夢溪筆談以鶴蝨地菘皆天名精而蜀本草云地菘抽條如薄荷與宋圖經鶴蝨小異今天名精形狀俱如宋圖經所述

雲婁農曰天名精子極臭而刺人衣南方冬不落盡而新荖生矣園丁惡之諸家皆云子名鶴蝨湘中土醫有用鶴蝨者余取視之乃野胡蘿蔔子蓋其花白如鶴羽而子如蝨故有是名天名精子名此則所未解救荒本

天名精



草僅以野胡蘿蔔根可救饑而湘南以入藥寒然則即以鶴蝨名之亦宜

**豨莩** 豨莩陶隱居釋天名精以為即豨莩唐本草始著錄成訥張詠皆有進豨莩表救荒本草謂之黏糊菜葉可燥食李時珍辨別二種極細今取以對校良是蓋一類二種皆長於去濕今俗醫亦不甚別故陶隱居合為一也

雲婁農曰李時珍以豨莩天名精互校可謂詳矣但二物形狀都不甚類豨莩花時莖跗有膩黏人手故有猪

豨莩



膏母之名救荒本草謂之黏糊菜亦以此氣亦不如天名精之臭金棧銀線素根紫莖極力形繪山谷有一夕風雨花藥都盡惟有豨莩一叢濯濯得意戲題殆種之以此備藥掘根也成張二表此藥始著然宋以來言服食者不多及之豈信者少歟

**牛膝** 牛膝本經上品處處有之以產懷慶四川者入湯

劑餘皆謂之杜牛膝救荒本草謂之山莧菜苗葉可燥食有紅白二種擠汁和鹽治喉蛾嚼爛罌竹木刺俱神



牛膝二



牛膝一

效江西俚醫有用以打胎者孕婦立斃其下行猛峻如此廣西通志謂之接骨草治跌傷有速效云

**茵陳蒿** 茵陳蒿本經上品宋圖經列叙數種訖無定

論今以蜀本草注葉似青蒿而背白中州俗呼茵陳者當之江南所用或石香薷或大葉薄荷皆非蒿類

雲婁農曰因陳昔醫皆謂因陳根而生故名曰南多暑冬草不死北地之蒿凍塗如滌其陳根不拔者唯此耳

循名責實何庸聚訟杜詩茵陳春藕香吾鄉亦摘其嫩芽食之諺曰四月茵陳五月蒿言至五月則老不中噉

爾雅繫之魄秋為蒿此草春為茵陳盛夏則蒿矣其功著於去濕而醫者無的識河魚腹疾奈何夫百草以蒿

類最繁而為用亦衆嘗之為藥茹之為蔬其臭也焚以為薰其明也燎以為燭蓋天之生物必隨處而各足聖

人制物必盡材而無遺居陸者取給於陸居澤者取給於澤居山者取給於山民生不見難得之貨俯仰有資

不待他求故民氣樸儻重地著而賤遷移其懋遷者不

隔草卷之十一 茵陳蒿 芫蔚

過山人足魚水人足木而已雖有大賈駟僮不敢以奇異剝民衣食之資先王重本抑末其制如此非待重租稅以困之也後世貴野鶩而賤家雞凡日用之具來愈遠則愈貴乳酪之俗而嗜越醞醞之鄉而服吳綿其桑麻魚稻之區則又反之一閩之市必備南北之珍萬家之邑必具蕃舶之貨商賈僦五致一而取贏十倍由此觀之民安得不靡而戶安得不貧哉夫取蕭祭脂非不為誠也今則旃檀沈速矣束縑請火非不為明也今



茵陳蒿


則川蠟胡麻矣所有者視如糞土所無者視如金玉何其輕重倒置耶雖然管子之言輕重也官山府海重其國之所輕以輕隣國之所重其富強亦一時計耳厥後山之林木衡鹿守之藪之薪蒸虞候守之澤之萑蒲舟蛟守之海之鹽蜃祈望守之擅百姓之利以為利而民利失又糜其國之所利以易隣國之利而其國之利亦失一輕一重衡適為動一重一輕衡適為平聖人以耕稼治天下霸者以商賈治其國孟子尊王賤霸其以此歟

**芫蔚** 芫蔚本經上品詩經中谷有穠陸疏益母也有白

花紅花李時珍考辨甚晰今南方濕地春時生一種野脂麻其葉與紅花益母葉如艾葉有杈歧者不類俗名謂之白益母草殆卽爾雅注所謂葉如荏白華華生節間本草拾遺繁榮生陰地似益母者耶

雲婁農曰益母草鄉人皆識之而諸書乃多異同紫花白花陸生澤生夏枯夏花彼此是非各執其說按中谷

荒蔚



有推舊說以為菴闔陸元恪宗劉歆說以為荒蔚郭注爾雅主之但崔推注云白華注藺牛藺云華紫縹色李時珍即以此為益母紫花者不知詩言采其蓬鄭注以為即牛藺陸疏以為羊蹄殊無荒蔚之說然則以白華為益母者其來久矣紫花者為野天麻固非有本之言而返魂丹以紫花為益母其方實出近世余至滇南時已歲暮滿圃星星則白花益母也土人皆呼為夏枯草其別一種夏枯草則曰麥穗夏枯然白花益母高僅尺

餘葉葉俱瘦至夏果枯其紫花者高大葉肥湘中夏花滇南則冬亦不枯二物形狀雖近然枯榮肥瘠迥不相同前人各執其說未可全非本草以為生池澤毛傳云陸草生谷中余所見陸澤皆饒未可執本草以駁毛傳此草雖生池澤然不生於水傷水之說乃格物之至者也故知鬱臭夏枯諸名洵非誤載近時益母膏以京師天壇為著其神妙活人蓋時有之而羊城之益母丸救危婦而肉白骨者功亦大矣北方生者紫花尤壯亦有橫枝救荒本草葉似佳又似艾葉而薄小開小白花乃舊說之益母也藥物興廢莫測由來今日而執白花之夏枯者以為婦人胎產良劑是幾悞醫師以昌羊引年而進豨苓矣事有從俗不可泥古故曰禮時為大

蒺藜

蒺藜本經上品爾雅茨蒺藜有刺蒺藜沙苑蒺藜

形狀既殊主治亦異北方至多車轍中皆有之陶隱居云長安最饒人行多著木履晉書蜀諸將燒營遁走出兵追之關中多蒺藜軍士著軟材平底木屐前行蒺藜

蒺藜



悉著屐然後馬步得進則此物盛於西北今南方間有之亦不甚茂近時臨證指南一書用以開鬱凡脅上乳間橫悶滯氣痛脹難忍者炒香入氣藥服之極效余屢試之兼以治人皆愈蓋其氣香可以通鬱而體有刺橫生故能橫行排盪非他藥直達不留者可比

**車前** 車前本經上品爾雅芣苢馬鳥馬鳥車前釋詩者

或以爲去惡疾或以爲宜子皆傳聞師說未可非也逸周書作桴苢韓詩謂是木似李可食其說本此古今草

車前



木同名異物同物異名何可悉數郭注爾雅多存舊說是可師矣救荒本草謂之車輪菜

芣苢農曰爾雅芣苢馬鳥馬鳥車前車前非難識者韓詩說乃以爲澤鳥何耶蓋漢承秦絕學之後書缺有間學者力守師說口耳相承雖有他解不敢輒易謹之至也王安石出己意爲新學不能通輒卽易一說以解之而獨於新法以爲終不可廢其視治國乃不如治經車前之名三尺童子知之滇南謂之蝦蟆葉卽蝦蟆衣之

轉音也絕域方言其名猶古

### 決明

決明本經上品爾雅薺葶莢光注莢明也有苳芒馬蹄二種苳芒決明救荒本草謂之山扁豆角豆可食馬蹄決明救荒本草謂之望江南葉可食今京師花圃猶呼爲望江南栽蒔盆中也杜老秋雨嘆一詩而決明入詩筒矣東坡云蜀人但食其花潁州并食其葉山谷亦云縹葉資茱萸則當列蔬譜而北地少茶多摘以爲飲山居錄謂久食無不中風者李時珍以爲不可信余謂農皇定穀蔬品皆取人可常食者華實之毛充腹者

決明



隰草卷之十一 決明 地膚 續斷 景天

多矣久則爲患故不植也決明味苦寒調以五味尚可

相劑若以泡茶則祛風者即能引風觀其同水銀輕粉

能治癰瘡蔓延則其力亦勁 廣雅謂之羊躑躅恐有脫簡不應有此誤也

### 地膚

地膚本經上品爾雅薺王萐注王帝也江東呼之曰落蒂今河南北通呼掃蒂菜救荒本草謂之獨蒂可爲恒蔬莖老則以爲掃蒂

地膚



### 續斷

續斷本經上品詳唐本草注及宋圖經今所用皆川中產范汪以爲卽大薊根恐誤但大薊亦無馬薊之

續斷



名或別一種諸說既異圖列兩種又無蔓生似葶兩葉相當者此藥習用並非珍品不識前人何以未能的識川中所產往往與本草刺戾今滇中生一種續斷極似芥菜亦多刺與大薊微類梢端夏出一苞黑刺如毬大如千日紅花苞開花白宛如葱花莖勁經冬不折土醫習用滇蜀密邇疑川中販者即此種繪之備考原圖俱別存大薊既習見有圖原圖亦不甚肖大薊也

景天 景天本經上品宋圖經敘述極詳今俗呼火燄草

京師謂之八寶亦名佛指甲益盛養於屋上南方秋深始開花李時珍以救荒本草佛指甲為景天今景天花淡紅繁碎亦無白汁非一種也

雲婁農曰景天名甚麗如蘇頌言即八寶草南北種於屋上以辟火此不待訪詢而知也李時珍乃謂莖有汁開小白花並云葉可煤食抑異矣廣州慎火火三四圍傳聞過甚耳近時嶺南皆種仙人掌金剛纂以阻斷折兼辟火亦有甚巨者疑慎火之名不止一草有星孛於大辰西及漢讖者以為有火災而請灌學玉瓚子產以

景天





爲天道遠人道邇厭勝之術古有之矣南中多火皆天  
 道耶抑人道耶火政不修特區區之小草與鷓尾爭逐  
 畢方王梅溪詩禁殿安鷓尾騷人逐畢方豈能勝於帶瓊乎珠足以禦  
 火災則寶之火炎崑岡將奈何唯善以爲寶如宋鄭之  
 卿可矣

漏蘆 漏蘆本經上品宋圖經有數種今從救荒本草

漏蘆



飛廉 飛廉本經上品夢溪筆談以爲方家所用漏蘆卽

飛廉本草綱目以圖經漏蘆花萼下及根旁有白茸爲

飛廉二物蓋一種云

雲婁農曰今醫家罕用飛廉者不能的識宋圖經已云  
 然然則後之醫者並其名而不知宜矣余至滇見土人  
 習用治寒熱毒瘡以臭靈丹爲要藥園圃中多有之就  
 而審視乃飛廉也陶隱居云極似苦芙多刻缺葉下附  
 莖輕有皮起似箭羽其花紫色蜀本草葉似苦芙莖似  
 軟羽花紫子毛白所在皆有今滇中所產獨莖高三四  
 尺葉似商陸叢粗糙多齒齒長如針莖旁生羽宛如古  
 方鼎稜角所鑄翅羽形飛廉獸有羽善走鑄鼎多肖其  
 形此草有軟羽刻缺齟齬似飛廉故名稍端葉際開花  
 正如小薊色深紫而柔刺不甚放展按之陶韓諸說無  
 不畢肖卽圖經謂秦州漏蘆花似單葉寒菊紫色五七  
 枝同一幹亦彷彿似之其蘇恭云生山岡者葉相似而  
 無缺多毛莖赤無羽自又一種若圖經海州漏蘆如單  
 葉蓮花紫碧色殆卽救荒本草所圖漏蘆滇本草雖別  
 名臭靈丹而主治與本草別錄同而加詳又別出漏蘆



飛廉

一物大理昆明皆產主治與本草亦相表裏而形狀與圖經各種微異亦別圖之余既喜見諸醫所未見又以此草本生河內乃中原棄而不用邊陲種人藉手祛患物固有屈於彼而伸於此者與士之知己不知己何異特著其本名而附滇本草於注以資探訂他時持以還吾里按圖索之必有得焉嗚呼嘗草之功聖愚同性夫婦所知聖人有所不知道大無遺無謂言小

石龍芻 石龍芻本經上品今龍鬚草湖南廣西植之

田中織席上供山海經曰龍薈別錄龍常草有名未用

李時珍以為即鼠茺似龍鬚之小者俗呼粽心草云  
 雲婁農曰龍鬚草生永州或云廣西富川尤佳其草長而無節清而不寒故為任土之貢醜臣歲命席人審尙方制度作之不過六領物既少而直亦輕非唯百姓無擾即牧令亦無所預豈比宏農得寶之歌樂天賣炭之什耗國儲而廣民力哉竊疑禹貢厥篚厥貢多郊祀武備之用曰浮曰逾計其水陸至詳至賅獨於鉛松怪石僅為器飾以登天府致為後世石花所籍口豈聖人獨不料其厲民哉夫處黃屋作髹器為神農黃帝之言者猶或非之若湯之獻令周之交閭王會貢圖垂耀奕禩召康公乃作旅獒之誡蓋已默燭白狼白鹿觀兵生玩荒服不至之漸故曰不寶遠物則遠人格其言深切著明矣然聖人不盡斥貢珍卻地圖何也天生一物必畀一物之用用其材而不時與知其材而不用皆曰暴天物考工記曰智者創物巧者述之百工之事皆聖人所作是以攻木攻金攻皮設色刮磨埴埴無不曲盡其功

石龍芻



致而別其良苦如是則天下無棄物無棄物則無棄財  
 聖人盡物之性即以足財之源非不知玉杯象箸日即  
 於侈然以天下之大利即天下之大弊其始也利勝於  
 弊其末也弊勝於利利不遠則弊不深蓋百工者治世  
 不竭之府而亂世之大蠹也聖人知後世必有以峻宇  
 雕牆亡者而不能不為上棟下宇知後世必有以甘酒  
 嗜音亡者而不能不為醴酪笙簧以為後有聖君良相  
 必能推吾制作之精黜奢崇儉為疾用舒而縱欲者必  
 貴異物賤用物故明著其禁曰無為淫巧以蕩上心與

其源而杜其流法如是足矣否則上有茅茨土階而下  
 有罔水行舟聖人其如之何

馬先蒿

即角蒿

馬先蒿本經中品陸璣詩疏蔚牡蒿

三月始生七月華華似胡麻華而紫赤八月為角角似  
 小豆角銳而長一名馬新蒿據此則馬新蒿即角蒿唐  
 本草角蒿係重出李時珍但以陸釋牡蒿為非而不知  
 所述形狀即是角蒿則亦未細審今以馬先蒿為正而  
 附角蒿諸說於後



馬先蒿


蠡實

蠡實本經中品宋圖經以為即馬蘭北人呼為馬

隰草卷之十一 馬先蒿 蠶實 款冬花

棟子又據顏氏家訓荔挺鄭注馬薤也說文荔似蒲而小根可爲刷其說甚核余曾以葉實治喉痺良驗北地人今猶以其根爲刷柔韌細潔用久不敝凡裹角黍縛花接木皆用其葉亦便

零婁農曰馬蘭賤草而月令記之豈非以西北苦寒冒土最先歟三之日積雪欲消青青叢芽於輪蹄間者非是物耶其葉可繩其實可藥其根可刷明吳寬詩爲箒



蠶實


或爲拂用之材亦良根長者任之矣又高岸崩時合用栽則此草乃堪護隄捍水耶詩有之雖有絲麻無棄菅蒯

款冬花

款冬花本經中品爾雅菟葵類凍注款冬也

圖經列數種救荒本草款冬葉似葵而大開黃花嫩葉可食今江西湖南亦有此草俗呼八角鳥與救荒本草圖符從之

零婁農曰款冬無實而華于冬傳咸賦序云冰凌盈谷積雪被岸顧見款冬煒然始敷述征記云洛水凝厲款冬茂悅余走炎鄉久噴墳裂憶昔燕郊風饕雪饕曾未睹植堅冰爲膏壤而吸霜雪以自豪者章江歲除始睹其蘆而詠物之作輒以傲寒爲諛郭景純云吹萬不同陽煦陰蒸物體所安焉知渙凝款冬耀穎信有徵矣火邱之谷有鼠與木雪山之淵有蛆與蓮陽以陰育陰以陽全陰極陽極其氣則偏偏而不返所生乃反曝之不殘其性必寒斂之不卷其性必暖暖者陽和寒者陰賊



款冬花


閉雪窩留陰出而全節者陽和之外溢也視太陽服硫磺而能敵者陰賊之內熾也麗江小雪山有蛆焉大者如兔味如乳酥多食鼻衄而口瘡其奔子闌粟地坪有珠蓂焉實產雪彊苦燥而強純陰之地所誕乃陽永昌南直緬甸黑壤如灰得火而煤是有火把花毒於蜴虺束而燎之其藥不煨又有相思草焉是能為祟遇婦則低饋夫則制陰勝於陽故居陽地無陰不生所生乃陰無陽不化所化乃陽宜化而化宜生而生道之至中不

隲草卷之十一 蜀羊泉 敗醬 酸漿

生而不化而化道之至大物不窮極不見道大極而不極復見道中萬物迴薄振蕩相轉忽然為人何足控搏百卉困蠢烏知其然順四時而各有宜毋輒惑其所偏

蜀羊泉 蜀羊泉本經中品救荒本草謂之青杞葉可


樛食今從之



蜀羊泉

敗醬 敗醬本經中品李時珍以為即苦菜今江西所謂野苦菜也秋開花如芹菜蛇床子花

敗醬



**酸漿** 酸漿本經中品爾雅咸寒漿注今之酸漿草夢溪筆談以為卽苦耽今之燈籠草也北地謂之紅姑娘教荒本草謂之姑嬢菜葉子可食此草有王母珠皮弁草諸名皆象其實元內庭亦植之夢溪筆談河西番界中有盈丈者庚辛玉册云川陝燈籠草最大葉似龍葵嫩時可食滇產高不及丈而葉肥綠有圭稜異於北地俗呼九古牛亦紅姑娘之訛也又有一種微矮小卽苦耽其根橫長蔓延數十莖叢苗花如瓊而五角色白與蜀

酸漿



本草王不留行同但彼經秋子綠不紅以此爲別

雲萋農曰元故宮記云櫻殿前有紅姑娘草絳囊朱實頗形詠歎不知此田腔間物耳偶然得地遂與玉樹琪花俱稱懸圃靈卉抑何幸耶燕趙彼姝披其囊鄂以簪於髻渥丹的儼然與火齊木難比麗元邁賢詩忽見一枝常十八摘來插在帽簷前甞廬板屋細馬明駝固非翠羽明璫所宜况乃檀槽牙撥鴟弦霜勁歌轉玉圓鬢嬌珠顫得不翩翩其若仙耶是知廁檣釵於南威不損其明艷飾步搖於宿瘤益增其支離苞茅納醜百神

可以來鵝蘭萑漸滂君子爲之不佩物無常貴士無常賤會逢其時取舍乃判

**藁耳** 藁耳本經中品詩經卷耳陸疏一名蒼耳一名藁

耳今通呼爲蒼耳救荒本草子可爲麪作餅熬油葉可燻食王逸注離騷以施爲藁耳酒經謂之道人頭以爲藥北地今尙熬子爲油氣清色綠點燈宜目



藁耳

**麻黃** 麻黃本經中品肺經專藥根節能止汗有一醫至


蒙古氈廬見有病寒者煎麻黃一握服之卽愈蓋連根

節並用也醫家去其根節以數分與服幾委頓不起今江西南安亦有之土人皆以爲木賊與麻黃同形同性故亦能發汗解肌俚醫用木賊皆不去節故誤用麻黃亦不至亡陽耳

雲婁農曰麻黃莖發汗節止汗一物而相反或者疑之此蓋未觀造物之大也萬物美惡皆歸於根由根而幹而枝葉而華萼而實核其去本也漸遠則其氣越於外其性亦漓於內况自根及實其形其色其味無同者形色味不同則性之不同宜矣非獨物也黃帝之子二十五人其得姓者十四人同德則同姓異德則異姓以石磻爲之父而有石厚以桓魋爲之兄而有司馬牛傳曰父不父子不子兄不友弟不恭不相及也且天之生物無不自相制也果蘊蟲而生蠱豆同根而相煎木伐薪爲炭而植根乃畏炭人食物爲積而燒灰乃治積五行之生也子盛而母衰生者剋之機也五行之剋也貪合而忘讎剋者生之端也人之於聲色臭味性也君子不

隰草卷之十一 藁耳 麻黃 紫苑 女苑

麻黃



任性之自然而知命以節性其於父子君臣賓主賢者  
天道命也君子不聽命之適然而盡性以立命荀子云  
孰知夫士出死要節之所以養生輕費用之所以養財  
恭敬辭讓之所以養安禮義文理之所以養情以自制  
為自養則陰陽舒慘必無過不及而存之為中發之為  
和天地萬物可以一理貫之矣

紫苑

紫苑本經中品江西建昌謂之關公鬚肖其根形  
初生鋪地秋抽方紫莖開紫花微似丹參俚醫治嗽猶

用之

紫苑



女苑

女苑本經中品唐本草注以為即白苑功用與紫

苑相似今湖南嶽麓多有之

女苑





瞿麥

瞿麥本經中品爾雅大菊遷麥注謂爲麥句薑釋

本草者皆以爲卽瞿麥救荒本草謂之石竹子苗葉可

食今南北多呼洛陽花

雲婁農曰余讀賈誼諸賦而慨其以文勝也方漢文邳

隆之世而誼之策乃至痛哭太息豈非循戰國賓客著

書之習縱橫馳騁而忘其過激哉觀其論諸侯之強卒

有七國之禍而後行其衆建之法論大臣之體其後卒

有劉屈氂公孫賀之族誅論大賈之侈富其後卒有告

緡算詔之破產數十年後之利害如燭照數計而龜卜

也其亦非托諸空言矣乃取忌大臣無一施用南遷汨

羅悲弔湘纍惜哉向使誼非筆舌之士樸訥無華信而

後諫以漢文聽言若渴之主必能見用而絳灌武夫之

屬亦不疑其貶刺而心害其能言行而身顯謂非誼之

至幸歟非漢文之不能用生之不能用漢文蘇氏之

論責備當矣後世以誼早卒不信誼之能致治安輒以

文章稱曰賈馬夫司馬相如以詞賦著可已誼豈其儔



瞿麥

而同爲詞人之諫一而勸百哉樂中有瞿麥其花絕纖  
麗人第玩其裝翠翦霞摹之丹青詠之雕鏤至其通癘  
結決癘疽出刺去醫下難產止九竅血灼然有殊效者  
雖學士大夫亦罕言之其與士之以文掩其實者何異  
賈生洛陽年少瞿麥尤艷者曰洛陽花洛陽古帝都固  
極偉麗哉

蓼

蓼本經中品古以爲味卽今之家蓼也葉背白有紅  
白二種俗以其葉裹肉煨食之香烈蓼種有七本經唯

隰草卷之十一 瞿麥 蓼 馬蓼 薇銜



別出馬蓼一種

雲婁農曰內則有蓼無蓼分別不苟齊民要術有種蓼法故云家蓼矣魏晉前皆爲茹本草拾遺亦云作菜食能入腰脚不知何時積於食單近時供吟詠飾澤國秋容而已元郝文忠公詩嗟嗟好花草焉用生此處祇因爲詩人故故獨不去膏膈如啖蔗食蓼猶膳御蘇武嚙雪志豈在味哉今皆野生而俗稱猶有家蓼古語尙未

潭也千金方屢著食蓼之害或以此不登鼎鼐歟

馬蓼 馬蓼本經中品葉有黑點本草綱目以爲墨記草

馬蓼



薇銜 薇銜本經上品唐本草注謂之鹿銜草言鹿有疾

銜此草卽獐今鹿銜草安徽志載之治血病有殊功而形狀與叢生似芫蔚者迥別本草拾遺一名無心草今無心草平野春時多有形狀既與唐本草不符與圖經無心草亦異皆別圖繪之未敢合併蓋諸家圖說不斲方藥少用姑存其名而已

薇街

連翹

連翹本經下品爾雅連異翹本經又有翹根有名  
未用李時珍以為即連翹根也湖北通志黃州出連翹



湖南連翹

雲南連翹

湖南連翹生山坡獨莖

連翹



方棱長葉對生極似劉寄奴梢端葉際開五瓣黃花大  
如盃長鬚迸露中有綠心如壺盧形一枝三花亦有一  
花者土人即呼為黃花劉寄奴以治損傷敗毒雲南連  
翹俗呼芒種花赭莖如樹葉短如柳葉而柔厚花與湘  
中無異按宋圖經大翹青葉狹長如榆葉水蘇輩湖南  
生者同水蘇雲南生者如榆滇黔紀遊所謂洱海連翹  
遍於籬落黃色可觀是也滇湖皆取莖根用之蓋此藥  
以蜀中如椿實者為勝他處力薄故不能僅用其實耳

雲南連翹



隰草卷之十一

連翹

湖南連翹

雲南連翹

葶麻

蛇含

隰草卷之十一 連翹 湖南連翹 雲南連翹 葶藶 蛇含

葶藶

葶藶本經下品鄭注月令藤草葶藶之屬爾雅  
葶藶注一名狗薺今江西猶謂之狗薺李時珍謂有  
甜苦二種此似因炮炙論赤鬚子味甘而云然也

零婁農曰滇本草葶藶一名麥藍菜生麥地余探得視  
之正如薺高幾二尺葉大無花杖醜為蔬脆而不甘與  
薺味殊別其花實亦似薺蓋即甜葶藶也爾雅葶藶郭  
注實葉皆似芥此草正如初生白芥菜其狗薺一種南  
方至多花黃葉深綠不堪入饌圖經極詳晰殆苦葶藶

葶藶




耳陳藏器謂大薺即葶藶然爾雅本分三種以余考之

葶藶實蓋今薺菜葉長圓味美作葶藶皆佳葶藶大薺  
即今花葉薺一名水薺葉細碎味淡韃為舍人云薺有  
小故言大此種科葉易肥大唐本草注驗其味甘而不  
辛蜀本草似薺菜而葉細俗呼老薺皆此物也葶藶一  
名草而又有苦甘二種陶隱居云薺類甚多野菜譜亦  
列數種正恐併葶藶為一類耳

蛇含 蛇含本經下品李時珍以為即紫背龍牙又女青

蛇含



本經下品別錄以為卽蛇含根唐本草非之宋圖經蛇含一莖或五葉或七葉有兩種當用細葉黃花者卽卽救荒本草之龍牙草未能決定

### 夏枯草

夏枯草本經下品救荒本草葉可煤食今鄉人皆識之

雲婁農曰月令孟夏靡草死薺葶藶之屬誠靡矣夏枯草枝葉花實攢聳自立乃當長羸而早成以擘獨名夏枯其以此歟本草一名夕句前人多未釋其義按物之西者皆爲夕日東則曰景夕屋傾則曰室夕而最晚者亦爲夕非時之謁曰夕直宿之郎曰夕皆此謂也草之屈生者謂之句月令曰句者畢出是也此草得西方之氣而晚出經歷雪霜不能直達其勁挺之姿故曰句耳余偉茲草不與衆卉俱生不與衆卉俱死有特立之概枯於暑而能祛暑得嚴重之氣乃爲賦曰苔黃籜零乃蕃滋兮苦霧悲泉甘以怡兮凍菱温蕝貫四時兮與麥爲秋避恢台兮百英煒煌獨沉寂兮喜肅畏羸自忻戚

隰草卷之十一 夏枯草 旋覆花

夏枯草



今離景風而就周其不爲詭激兮非無懼無悶之儻孰能敵兮

### 旋覆花

旋覆花本經下品爾雅覆盜庚注旋覆似菊

救荒本草葉可煤食俗呼滴滴金

雲婁農曰覆盜庚釋者以爲未秋有黃華爲盜金氣列子有言人之於天地四時孰非盜而况於小草雖然造物者亦何嘗不時露其所藏以待人之善盜哉水方盛而麋角解也衆草芳而鷓鴣鳴也月暈而礎潤也霜降

隰草卷之十一 夏枯草 旋覆花

而鶴警也驚鷺來而周興也白蛇死而漢代也刳羊无血而亡於高梁也投龜大詬而辱於乾谿也肥遺見而兵也畢方至而火也海鳧爲東晉之徵也鷓鴣爲南宋之漸也燈花之集行人也目矚之得酒食也大之見於天地山川細之見於蚊行喙息造物者亦何時不示人以知所盜哉然而庸人之情未饑則思食未寒則思衣菽水則慕列鼎布帛則願文繡蓬戶甕牖則祈廣厦洞房下澤欸段則羨駟馬八騶子孫足則冀錫爵瘡圭富貴極則求方丈蓬萊蓋無時而不斬爲盜而造物乃或慨而使之盜或者而拒之盜其或使或拒者非造物之有異於盜而盜者之不能窺造物也善爲盜者智察於未然明燭於無形商之善盜也人棄而我取農之善盜也脩防而瀦水工之善盜也入山而度木士之善盜也謀道而獲祿方其盜也無知其爲盜也知其爲盜則不足以及言盜蟻未雨而爲垤鳥未陰而徹土豹未霧而惜其毛駝未風而埋其鼻鷲爲將搏必匿其影文狸將捕



旋覆花

必伏其身無形之盜雖天地萬物局鑄固閉不能防善視者之伺其隙大力者之負而趨而不然者則清晝攫金之土耳其古之爲政者星隕日珥以伺於天河榮石移以伺於地童謠市言以伺於人多廩有蟻以伺於物競兢業業惟恐造物諄諄命之而忽焉無以應也於是金穰木康盜於天而可富矣土宜物生盜於地而可富矣足晝足夜盜於人而可富矣不胎不夭盜於物而可富矣是故欲取姑與者使人不覺其爲盜多與少取者使

人樂於其為盜與與取均者使人不敢不聽其為盜有  
 取而無與者將悖入悖出使人不能聽其終於為盜使  
 人不覺其為盜者老莊之學是也使人樂於其為盜者  
 官禮之法是也使人不敢不聽其盜者輕重之法是也  
 使人不能聽其終盜者孔僅桑宏羊之屬是也若乃置  
 天變人言於不顧者是猶未嘗問計於盜而掩目塞耳  
 匍匐而入五都之市貿貿然遇物而摸索之雖遺簪墮  
 珥尚未可得况能探囊胠篋乎昔有受欺以隱身草者  
 持以為盜吏執而紡之盡褫其衣既無所盜而卒以予  
 盜若而人者即造物亦無如其不善盜何

青箱子

青箱子本經下品即野雞冠有赤白各種葉  
 可作茹勝於家雞冠葉一名草決明鄉人皆知以治目  
 疾

臨草卷之十一 青箱子 蓋草 蕭菴 陸英

青箱子

蓋草

蓋草本經下品唐本草以為即爾雅葇王芻注葇  
 葇也此即水中草之似竹者醫者罕用

蓋草



隰草卷之十一 青葙子 藎草 蕭蓄 陸英

**蕭蓄** 蕭蓄本經下品爾雅竹蕭蓄救荒本草亦名扁竹

苗葉可煤食今直隸謂之竹葉菜

零婁農曰淇澳之竹古訓以為蕭蓄此草喜鋪生陰濕

地美白如簣誠善體物矣救荒本草曰扁竹猶中州古

語也江以南皆饒而識者蓋寡滇本草獨著其功用按

名而求果得之滇之草木名多始於楊慎此語或有所

承昔蘇軾謫儋耳瓊之人至今奉之惟謹楊慎謫居滇

最久三迤之人奉之無異瓊之奉髯蘇顧其流離顛沛

篋中無書可質所箋釋大半得之強記不能無訛誤而

蕭蓄



滇之人無敢輕嘗之者彼生長先儒先賢之鄉務求摘

前人一語半字之瑕疵詬厲抨擊斷斷然不稍貸不亦

異於瓊滇之奉二子耶

**陸英** 陸英本經下品別錄謂之蒴藿以為即爾雅葍董

草與郭注烏頭苗異詳考各說蓋即今之接骨草俚醫

以為治跌傷要藥謂之排風草固始謂之珊瑚花象其

實亦曰珍珠花象其花也俗名甚夥不可殫舉唐本草

注及圖經皆以陸英為蒴藿而本草衍義所述形狀尤

陸英





詳今從之

### 王不留行

●王不留行別錄上品宋圖經謂之翦金花救荒本草葉可煨食子可爲麪食今從之蜀本草所述乃俗呼天泡果又名燈籠科囊似酸漿而短實青白不紅南方極多又一種附於後

雩婁農曰王不留行性峻利而別錄以爲上品疑其名蓋古諺也席不煖突不黔聖賢遇焉有觸昔人遠舉高蹈之義輒爲賦之其詞曰

伊大造之旭卉兮搏人物其均賦苟臭味之叶洽兮胡  
 眵畦夫新故社粉櫟以祈報兮尸祝之其敢忘夫歆慕  
 召跋涉而蔽芾兮勿翦伐而封殖其嘉樹彼楊柳依依  
 而繫馬兮小山叢桂醜馥以留人樾蔭喝而扇武兮松  
 風雨以庇秦旣宿桑其難忍置兮或班荆而情親繫維  
 白駒而食藿苗兮聊永今夕以逡巡遽辭條而棄溝水  
 兮何隕籜泛梗之不仁芻糶輒以促駕兮絮漫漫而失

蹤縱迷陽而傷足兮棘榛萃毒以蒙茸竭車乘而率曠  
 野兮齋菑賣以爲宿春昔芙蓉之姣好兮今祇轉此秋  
 蓬臣攬茝以行吟兮姬采靡而相逢期椒桂之結隣兮  
 胡蕭艾捷徑以先容莖不察此衷曲兮鸚鵡簧鼓以詢  
 詢緬秕莠於鳴條兮哀暴羸逐客之不公羌旣扈夫離  
 芷兮豈終萎絕乎不周之風望懸圃其未達兮琪葩琳  
 樹難還乎雲中折瓊茅而召彭咸兮筮簞訊諱以所從  
 神汜泥而未繇兮巫振振其有辭謂彙茹其必有選兮  
 明良慶而功巍揚側陋而舉二八兮曰俞哉而桑陰未  
 移濟舟楫而樂暝眩兮置左右而阿衡焉依漁坐茅而

王不留行一



## 隰草卷之十一 王不留行

占熊鬢兮髮垂白而佐姬戚瓜苦與栗薪兮勿稔卜而  
 誦鳴鴉之詩脫堂阜而薰釁兮管夷吾治於高俎戈雖  
 逐而誓舅氏兮投白璧於河塵蕭翊赤以謀將兮淮陰  
 亡而身追留辟穀而遊赤松兮強加飯以輔持讖帝秀  
 以奉赤伏兮許借寇而雄河內之師隱草廬而三顧兮  
 乃遂許以驅馳相直臣而攬鏡兮勉爲瘠而猶羈信石  
 水之相投兮豈纖芥之能疑樹桐梧於東廂兮苗指佞  
 於階墀苟方鑿而枘圓兮薰與猶其差池強指杙以爲  
 楹兮終斧柯其無資策兩馬而接浙兮又伐柯而跼危  
 晝三宿而側無人兮雖濡滯其奚爲宮族行而虞無臘  
 兮炊屢屨而西歸慘焚林綿上而寒食兮何從行之不  
 及子推也問宣室而前席兮絳灌害之而南弔湘紫有  
 頗牧而莫能用兮律不應而坐之青蠅弔於瘴鄉兮意  
 苜肆其悽誹懷鷺鷥而見畏兮終猶仇其豐碑陸扶危  
 而尼忠州兮望贊皇於海涯親煨芋而賦黃臺兮避浙  
 東而畏譏元祐賢而致政兮麥飯熟而相啼寇南遷而

遂不返兮楮掛竹以生枝相鳥喙其不可共安樂兮種  
 受辱而金鑄蠶楚醜廢而猖披兮稷遠蹈而申胥靡物  
 萌芽其兆朕兮竟陸夫而枯楊稊奚荆棘之能刺兮貴  
 履垤而見機布皞墟之靈著兮再扞卦而咨之曰將起  
 夫葛陂之龍竹兮駕言秣脂而遊乎八荒翹蓬萊之金  
 闕兮攬若木於東皇陪王公而投逆驍兮吻欲笑而掣  
 電光種芝玉以爲田兮俟蟠桃以徜徉神茶鬱壘方執  
 索搏鬼而供晨殮兮著告余以不祥夕轡崦嵫而經細  
 柳兮曖曖乎桑榆之跌陽挹穴居之戴勝兮將俯崑崙  
 而行觴掃白雲之間隔兮探聚窟返魂之秘香拒格之  
 松踐烏所入兮聲隆隆驚人煮羊脾未熟而天已明壽  
 收白毛虎爪執鉞以辟人兮流沙落木蕭蕭而增涼翦  
 鶉首而奏鈞天兮藉帝醉而復下方察蕭邱千里之烈  
 燄兮林鬱鬱而騰輝煌遇丈人於丙丁兮乞靈藥以長  
 生尋自然之穀於峒嶼石困兮執箕舌以簸揚乘六螭  
 而極南溟兮瞰鵬圖擊水以迴翔雄虺封狐往來儵忽

兮黃茅治葛填巨壑以莽蒼曰瘴癘其難久滯兮躡迴  
雁而北征眺委羽於孤竹兮會冰體體崩摧以雷礪木  
皮三寸墮於天山兮白草炎暑而戴霜探趙符於樹下  
兮捷率然使亘橫燭龍銜景炯彼幽都兮望斗車作  
其有芒謂暗曖其不可留兮駟玉虬而上躡冀帝閣之  
開關兮倚闔闔而相望陶白虎以先導兮傳乘箕而來  
迎媒匏瓜使擇匹兮結柳宿以為營挹木精而游戲兮  
張天廚而飲酒漿謁神農而勅醫星兮絕惡草使不昌  
攜棊機以翦薙兮鞫蓬藿之礙行掃茨藜而釋屣兮鋪  
輕蕘以走鸞衝拭銅駝而叩靈璫兮覽天苑草木之欣  
榮榆歷歷而成列兮枝葉紛拏夫喬卿傾寶壺於露壇  
兮將以浸沐夫芸生靈氛為余占以迪吉兮信爰辭其  
必當盍孟晉以勿疑兮奚獨遲乎衆芳

●王不留行蜀本草所述形狀乃俗呼天泡果本草綱目從之

隰草卷之十一 艾 惡實

王不留行二




艾 艾別錄中品爾雅艾冰臺古人以灸百病其治滯下  
諸證亦入煎用之今以蘄州產者良

雲婁農曰民非水火不生活非獨饕殮也人秉五常之  
性水內景而發於液火外景而聚於目世徒知水泛則  
燥之火揚則潤之而不思涌溢者其源必塞發者其  
根必虛聖人以疏防命水官以出入均火政後世鑽燧  
之法湮而掌火無官醫者治病以湯而習砭灸者亦渺  
素問曰北方者天地所閉藏之域也藏寒生滿病宜艾  
炳注謂北方陰寒獨盛陽氣閉藏灸之能連接元陽於

至陰之下經曰陷下則灸之蓋火鬱而不能發則必達其炎上之性物以類聚用外火引內火故陷者能升子罕之救火徹小屋表火道亦慮其遏而熾猶之壅而潰也凡發背及諸熱腫諸風冷痰皆可灸風冷者溫以驅之毒熱者暖而導之故治民及治病務求其通而不可稍迫其理一也孟子曰凡有四端於我者若火之始然泉之始達雖設譬之辭而人之性情心術實則本諸水

火五事以配五行則貌言專與水火為儷然木者水之

艾一



艾二



子而火之母金者水所生而火所制土者火所洩而水所恃水火得其宜則性情和平百病不生而天機活潑曰恭曰從曰明曰聰曰睿無乖戾之拂其本性矣易之書廣大悉備而終以既濟未濟然則天地萬物水火得則為和甘時節水火不相得則為災害瘡癘醫者知用水而不知用火非所見之偏耶


惡實

惡實別錄中品即牛蒡子救荒本草謂之牛菜俗呼夜叉頭根葉皆可煮食今為斑痧要藥蓋除風傷之

功

霧婁農曰牛蒡子多刺而獨以惡名何也初生葉大如芋形固可駭莖尤肥宜能果腹醫者蓄其實為良藥竟體皆有功於人而蒙不韙之名名顧可憑乎牛之名誠不得與驪虞騏驥伍而為用亦大矣劉表帳下牛重八百斤殺而享士無異常牛龐其形而枵其實為人所輕得名亦倖矣哉

惡實



小薊

小薊別錄中品救荒本草謂之刺薊菜北人謂之

隰草卷之十一 小薊 大薊 大青



小薊

千鍼草與紅藍花相類而青紫色葉為茹甚美


大薊 大薊別錄中品性與小薊同葉大多皺救荒本草

葉可煤食根有毒醫書相承多以續斷為即大薊根今江西南贛產者根較肥土醫呼為土人參或以欺人其即鄭樵所云南續斷耶

霧婁農曰薊以氏州其山原皆薊也刺森森踐之則迷陽觸之則蜂螫顧其嫩葉洵食之甚美老則揉為茸以引火夜行之車繩之星星列於途也性去濕宜血劑滇南生者高出人上療瘡者餌根比參耆焉貌猙獰而質



大薊一



大薊二

和淑下堂執手射雉始笑不聆其言觀其技惡乎知之



大青

大青 大青別錄中品今江西湖南山坡多有之葉長四五寸開五瓣圓紫花結實生青熟黑唯實成時花瓣尚在宛似托盤土人皆識之暑月爲飲以解渴湘人有三指禪一書以淡婆婆根治偏頭風有奇效余詢而採之則大青也鄉音轉訛耳按別錄主治時氣頭痛其功素著而古方治傷寒黃疸時疾溫疫皆云能回困篤今醫者多不知而俚醫用之又不知其本名國士在門而不以國士遇之欲其相報之速也難矣柯亭之竹爨下之

桐得一知音即為千古佳話安得多識之士遇物能名  
如郭林宗之藻鑿羣倫使山中小草皆得揚眉吐氣於  
階前咫尺之地哉

**葶草** 葶草別錄中品爾雅葶藶古陸璣詩疏游龍一名

馬藜高丈餘圖經即水葶也今北方亦呼為水葶音訛  
為蓬救荒本草嫩葉可煤食陳藏器以為即別錄有名  
未用之天蓼

葶草



隰草卷之十一 葶草 虎杖 黃花蒿 青蒿

雲婁農曰水葶至梅聖俞始入吟詠劉克壯亦有分紅  
間白拜雨揖風之句其餘詠藜蓋不分別放翁詩數枝  
紅藜醉清秋非此花不能當也

**虎杖** 虎杖別錄中品爾雅漆虎杖注似葶草而麓大本

草綱目云莖似紅藜葉圓似杏枝黃似柳花狀如菊色  
如桃

虎杖



**黃花蒿** 黃花蒿俗呼臭蒿以覆醬豉本草綱目始收

入藥

隰草卷之十一 葑草 虎杖 黃花蒿 青蒿



黃花蒿

青蒿 青蒿本經下品與黃花蒿無異夢溪筆談以色深

青爲別李時珍云青蒿結實大如麻子中有細子湖南園圃中極多結實如芡實大北地頗少



青蒿



植物名實圖考卷之十二

固始吳其濬著

蒙自陸應穀校刊

隰草類

- |       |       |
|-------|-------|
| 翻白草   | 雁來紅   |
| 金盞草   | 莠     |
| 地錦苗   | 萋蒿    |
| 白蒿    | 紫香蒿   |
| 董董菜   | 犁頭草三圖 |
| 毛白菜二圖 | 小蟲兒臥單 |
| 地耳草   | 野艾蒿二圖 |
| 野同蒿二圖 | 大蓬蒿   |
| 牛尾蒿二圖 | 柳葉蒿   |
| 扯根菜   | 矮桃    |

- |      |      |
|------|------|
| 龍芽草  | 滿天星  |
| 水蓑衣  | 地角兒苗 |
| 雞眼草  | 狗蹄兒  |
| 米布袋  | 雞兒頭苗 |
| 雞兒腸  | 蘇蓬   |
| 牻牛兒苗 | 沙蓬   |
| 沙消   | 水棘針  |
| 鐵掃箒  | 刀尖兒苗 |
| 山蓼   | 六月菊  |
| 佛指甲  | 鯽魚鱗  |
| 婆婆納  | 野粉團兒 |
| 狗掉尾苗 | 豬尾把苗 |
| 螺麩兒  | 兔兒酸  |
| 米蒿   | 鐵桿蒿  |
| 花蒿   | 兔兒尾苗 |

虎尾草

兔兒傘

柳葉菜

菽蓿根

綿棗兒

土園兒

大蓼

金瓜兒

牛耳朶

拖白練

胡蒼耳

野蜀葵

透骨草

酸桶筍

地參

野西瓜苗

婆婆指甲菜

翻白草

翻白草救荒本草錄入云卽雞腿兒根白可

食本草綱目收入菜部考此草僅可充飢不任烹醃宜

入隰草

翻白草



雁來紅

救荒本草後庭花一名雁來紅人家園圃多種之葉似人萹葉其葉中心紅色又有黃色相間亦有

雁來紅



通身紅色者亦有紫色者莖葉間結實比莧實差大其  
 葉衆葉攢聚狀如花朵其色嬌紅可愛故以名之味甜  
 微澀性涼採苗葉燻熱水浸淘淨油鹽調食曬乾燥食  
 尤佳

金盞草

救荒本草金盞兒花人家園圃中多種苗高

四五寸葉似初生萵苣葉比萵苣葉狹窄而厚插莖生  
 葉莖端開金黃色盞子樣花其葉味酸採苗葉燻熱水  
 浸去酸味淘淨油鹽調食 按宋圖經杏葉草一名金

金盞草



隰草卷之十二 金盞草 莠 地錦苗 萋蒿

盞草生常州蔓延籬下葉葉相對秋後有子如雞頭實  
 其中變生一小蟲脫而能行中夏採花李時珍以爲卽  
 金盞花夏月結實在萼內宛如尺蠖蟲數枚蟠屈之狀  
 故蘇氏言其化蟲實非蟲云但此草之實不似雞頭其  
 葉如萵苣不應有杏葉之名未敢併入

莠

莠俗呼狗尾草救荒本草收之今北地饑年亦碾其

實作飯充腹亦呼曰莠草子其莖可去贅瘤具本草綱  
 目按說文繫傳萋草也臣鐫按字書云狗尾草也又莠

莠



禾粟下揚生莠臣鑑曰粟下揚謂禾粟實下播揚而生  
出於粟秕以莠爲狗尾草不審出何字書其說莠乃與  
稂皇同類則非似苗之草矣

**地錦苗** 地錦苗江西園圃平野多有春初發生莖葉

似胡荽而葉末稍圓梢杈開紫花如小魚形參差偃仰  
跗當花中尾尖首碩有兩小瓣開合如唇花罷結角入  
夏漸枯 按救荒本草地錦苗生田野中小科苗高五  
七寸莖葉似園荽葉間開紫花結小角豆兒苗葉味苦



地錦苗

燥熟浸淨油鹽調食卽此滇南謂之金鈎如意草一名  
五味草滇本草味有五故名五味性微寒祛風明目退  
翳消散一切風熱肺癆咳嗽發熱肝勞發熱怕冷走筋  
絡治筋骨疼痛痰火等症昔太華山趙道人服此藥輕身  
延年聰耳明目云

**萋蒿** 詩經言刈其萋陸璣疏萋萋蒿也其葉似艾白

色長數寸高丈餘好生水邊及澤中正月根芽生旁莖  
正白生食之香而脆美其葉又可蒸爲茹 按萋蒿古



萋蒿

今皆食之。水陸俱生。俗傳能解河豚毒。救荒本草謂之  
 藺蒿。洞庭湖瀕根長尺餘。居民掘而煮食之。儉歲恃以  
 爲糧。與萑蒿滿地。河豚欲上。風景同而滋味異矣。

### 白蒿

救荒本草白蒿生荒野中。苗高二三尺。葉如細  
 絲。似初生松。鍼色微青。白稍似艾。香味微辣。採嫩苗。葉  
 燂熟。換水浸淘淨。油鹽調食。按此白蒿是細葉者。與  
 野同蒿相類。而莖黑褐色。葉如絲青。白相間。稍長則軟  
 弱。紛披。蓋初發則青。老則白。因陳根而生。不至秋即枯  
 或即以爲山茵陳。宋圖經云。階州以白蒿當茵陳。其所




白蒿

謂白蒿乃唐本草大蓬蒿非此蒿也

### 紫香蒿

救荒本草紫香蒿生中牟縣平野中。苗高一  
 二尺。莖方紫色。葉似邪蒿。葉而背白。又似野胡蘿蔔。葉  
 微短。莖葉梢間結小青子。比灰菜子又小。其葉味苦。採  
 葉燂熟。水浸去苦味。油鹽調食。按此蒿江西平隰亦  
 間有之。紫莖亭亭。凡蒿初發。莖青漸老則紫。此蒿初生  
 莖即紫。與他蒿不類。其葉亦似青蒿。宋圖經陰地厥生  
 鄧州順陽縣內。鄉山谷味甘苦。微寒無毒。主療腫毒。風  
 熱。葉似青蒿。莖青紫色。花作小穗。微黃。根似細辛。七月



紫香蒿

採根苗用核其形狀正合

董董菜

救荒本草董董菜一名箭頭草生田野中苗

初場地生葉似鉞箭頭樣而葉蒂甚長其後葉間攏葶開紫花結三瓣蒴兒中有子如芥子大茶褐色味甘採苗葉燻熱水浸淘淨油鹽調食根葉搗傳諸腫毒按此草江西湖南平隰多有之或呼為紫金鎖又呼為紫花地丁其結實頗似小白茄北人又呼為小甜水茄其葉和麪切食甚滑實老裂為三叉子黃如粟黏於殼上

董董菜



漸次黑落俚醫用根治火症功同地丁

犁頭草

犁頭草即董董菜南北所產葉長圓尖缺各

異花亦有白紫之別又有寶劍草半邊蓮諸名而結實則同滇南謂之地草果以治目疾乳腫滇南本草地草果味辛酸性微溫入肝經走陽明破血氣舒鬱結風火眼暴赤疼痛眩風退翳蓋肝氣結而翳成散結則雲翳自退但肝實可用肝虛忌之紫花者治奶頭疼痛或小兒吹著或身體壓注乳汁不通頭痛怕冷發熱口乾身體困倦乳頭乳傍紅腫服硬地草果二錢天花粉一錢川芎錢半青皮五分北柴胡一錢白芷一錢金銀花一錢甘草節五分

犁頭草




隰草卷之十二 毛白菜 小蟲兒臥單

水酒煎服治日疾亦腫用白花綠花地草果一錢川芎  
一錢白葵藜一錢木賊五分穀精草一錢白菊一錢  
引子一錢肝一片 錢

寶劍草



如意草




山西通志如意草一名箭頭草象葉形也夏開紫花  
似指甲草而小有香土人嘗採蒸麥飯結實三稜似  
瓜形如豆大熟則殼分三角中各含子十餘粒如粟  
大色蒼黃根似遠志味苦辛近醫多採葉陰乾以末  
塗惡瘡效

毛白菜 毛白菜江西南湖多有之初生鋪地如芥菜

長葉深齒白毛茸茸夏間抽莖抱莖生葉攢附而上梢  
間發小枝開淡紫花全似馬蘭稍大俚醫以根葉同肉  
煮服治吐血 按救荒本草毛連菜一名常十八生田

毛白菜一



毛白菜二




野中苗初塌地生後攢莖又高二尺許葉似刺薊葉而長大稍尖其葉邊極曲皺上有澀毛梢間開銀褐花味微苦採葉煤熱水浸淘洗油鹽調食形狀極肖又天祿識餘草花中有名長十八者元葛邕祿迺賢塞上曲云雙鬢小女王娟娟自捲瓊簾出帳前忽見一枝長十八折來簪在帽簷邊下註曰長十八草花名余至塞外果有是花未知卽此否

小蟲兒臥單

救荒本草小蟲兒臥單一名鐵線草

苗塌地生葉似星宿葉而極小又似雞眼草葉亦小其

小蟲兒臥單



莖色紅開小紅花苗味甜採苗葉煤熱水浸淘淨油鹽調食 按小蟲兒臥單固始呼爲小蟲兒蓋直隸呼爲雀兒頭李時珍本草綱目入嘉祐本草地錦下併入有名未用別錄地朕援據本草拾遺地朕一名地錦一名地噤蔓延著地葉光淨露下有光又引掌禹錫曰地錦草生近道田野出滁州者尤佳葉細弱蔓延於地莖赤葉青紫色夏中茂盛開紅花結細實取苗子用之狀極相類而李時珍所說則是奶花草二種皆布地生小蟲兒臥單莖細葉稀無白汁花不黃非一草也形狀未符



主治俱不載以俟考山西通志地錦一名草血竭一名雀兒單潞人稱爲小蟲兒臥單此草既有草血竭之名則治血症應效

地耳草

地耳草一名斑鳩窩一名雀舌草生江西田

野中高三四寸叢生葉如小蟲兒臥單葉初生甚紅葉皆抱莖上蒼老則變綠梢端春開小黃花按野菜譜有雀舌草狀亦相類或卽此


地耳草

野艾蒿

救荒本草野艾蒿生田野中苗葉類艾而細

又多花又葉有艾香味苦採葉燥熟水淘去苦味油鹽

調食 按此蒿與大蓬蒿相類而莖葉白似艾



野艾蒿二



野艾蒿一



隰草卷之十二 地耳草 野艾蒿 野同蒿 大蓬蒿

野同蒿

救荒本草野同蒿生荒野中苗高二三尺莖紫赤色葉似白蒿色微青黃又似初生松針而茸細味苦採嫩苗葉燻熟換水浸淘淨油鹽調食 按野同蒿即蓬蒿陸璣詩疏藻一種莖大如釵股葉如蓬蒿謂之聚藻此蒿莖葉青綠一色而葉細如絲正與水藻相似湖南亦謂之青蒿云功用勝於似黃蒿之青蒿李時珍以同蒿菜為蓬蒿殊誤



野同蒿一

野同蒿二



大蓬蒿

救荒本草大蓬蒿生密縣山野中莖似黃蒿莖色微帶紫葉似山芥葉而長大極多花又似風

大蓬蒿



花葉又亦多又似漏蘆葉卻微短開碎瓣黃花苗葉味苦採葉燂熱水浸淘去苦味油鹽調食

### 牛尾蒿

牛尾蒿詩經取蕭祭脂陸璣疏蕭荻今人所謂荻蒿者是也或云牛尾蒿似白蒿白葉莖筴科生多者數十莖可作燭有香氣故祭祀以脂薰之為香許慎以為艾蒿非也郊特牲云既奠然後蕤蕭合馨香是也

按爾雅蕭荻郭注即蒿蓋牛尾蒿初生時與蕤蒿同

唯一莖旁生橫枝秋時枝上發短葉橫斜欹舞如短尾隨風故俗呼以狀名之其莖直硬與蕤蒿同為燭桿之用李時珍以陸疏荻為牛尾蒿與今本不同鄭漁仲以牛尾蒿為青稍子大誤

爾雅正義荻蕭注今蕤蒿也初生亦可食正義此別蒿之類也荻一名蕭蕭小雅云呦呦鹿鳴食野之荻鄭箋以為蕭蕭疏引陸璣疏云葉青白色莖似荻而輕脆始生時可生食又可蒸食按蕭為蒿之別種俗呼為牛尾蒿或以為即今白蒿非也又蕭荻注即蒿正義詩

隰草卷之十二 牛尾蒿 柳葉蒿

牛尾蒿一



疏引李巡云荻一名蕭天官甸師云祭祀共蕭茅杜子春以為蕭香蒿也後鄭謂詩所云取蕭祭脂郊特牲云蕭合黍稷臬陽達於牆屋故既薦然後炳蕭為馨香者是蕭之謂也又鄭注郊特牲云蕭蕤蒿也染以脂合黍稷燒之生民詩疏云宗廟之祭以香蒿合黍稷燒此香蒿以合其馨香之氣是蕭為蒿之香者也荻監本誤作荻唐石經作荻釋文荻音秋今改正案春官鬱人疏引王度記云士以蕭庶人以艾白虎通義亦引之是蕭與

隰草卷之十二 牛尾蒿 柳葉蒿

艾定爲二物也蕭艾皆香草而離騷云何昔日之芳草今直爲此蕭艾也蓋蕭可以爇艾可以灸古之長育羣材者芳草各有其用而采蕭采艾亦各以其時今不辨其爲芳草而與蕭艾並見燒雜故騷人歎之說楚辭者不達其意以蕭艾爲惡草誤矣管子地員篇云葍下於蕭蕭下於葍辨庶草者固各有其等差也

牛尾蒿二




說文解字注蕭艾蒿也大雅取蕭祭脂郊特牲燔蕭合馨香故毛公曰蕭所以共祭祀鄭君曰蕭蕪蒿也陸璣曰今人所謂菘蒿也或曰牛尾蒿許慎以爲艾蒿非也

按陸語非是此物蒿類而似艾一名艾蒿許非謂艾爲蕭也齊高帝云蕭卽艾也乃爲誤耳又按曹風傳曰蕭蒿也此統言之諸家云蕪蒿艾蒿者析言之從草蕭聲蘇彫切古音在三部音脩亦與蕭同音通用旬師共蕭茅杜子春讀蕭爲蕭蕭牆蕭斧皆訓蕭菘蕭也從草秋聲七由切三部古多以菘爲楸如左氏傳伐雍門之萩史漢河濟之間千樹萩是也

柳葉蒿 柳葉蒿莖長二尺許色青心實不類蒿葉面

柳葉蒿



青背白長而狹有尖齒頂端葉單似柳以下葉漸分三歧或四歧味清香似艾生嶽麓山秋開花如粟與他蒿同

### 扯根菜

救荒本草扯根菜生田野中苗高一尺許莖赤紅色葉似小桃紅葉微窄小色頗綠又似小柳葉亦短而厚窄其葉週圍攢莖而生開碎瓣小青白花結小花蒴似蒺藜樣葉苗味甘採苗葉燻熟水浸淘淨油鹽調食 按此草湖南坡隴上多有之俗名矮桃以其葉

扯根菜



隰草卷之十二

扯根菜 矮桃

龍芽草

滿天星

水蓑衣

似桃葉高不過二三尺故名俚醫以為散血之藥  
矮桃 又一種 矮桃生湖南頗似扯根菜三葉攢生柔

厚尖長梢開青白小五瓣花成穗土人以為即扯根菜一類故俱呼矮桃

矮桃



### 龍芽草

救荒本草龍芽草一名瓜香草生輝縣鴨子口山野間苗高尺餘莖多澀毛葉如地棠葉而寬大葉頭齊圍每五葉或七葉作一莖排生葉莖腳上又有小芽葉兩兩對生梢間出穗開五瓣小圓黃花結青毛葇

隰草卷之十二 扯根菜 矮桃 龍芽草 滿天星 水蓼衣

萎有子大如黍粒味甜收子或搗或磨作麪食之 按此草建昌呼爲老鸛嘴廣信呼爲子母草湖南呼爲毛脚茵以治風痰腰痛考本經蛇含陶隱居云用有黃花者李時珍以爲卽小龍芽或卽此草但圖經未甚詳晰方藥久不採用仍入草藥以見禮失求野之義滇南本草謂之黃龍尼味苦性温治婦人月經前後紅崩白帶面寒腹痛赤白痢疾 杭芍二錢川芍一錢五分香附一錢紅花二錢黃龍尼三錢行經紫黑加蘇木黃芩腸痛加延胡小茴白帶加白芷木瓜亦帶加土茯苓亦木通蛇果草八仙草甘草

龍芽草



滿天星 滿天星生水濱處處有之綠莖鋪地花葉俱

類旱蓮草葉小而花密爲異俚醫以洗無名腫毒按救荒本草耐驚菜一名蓮子草以其花之萼莢狀似小蓮蓬樣故名生下濕地中苗高一尺餘莖紫赤色對生莖叉葉似小桃紅葉而長梢間開細瓣白花而淡黃心葉味苦採苗葉煤熟油鹽調食核其形味卽此

滿天星



水蓼衣 救荒本草水蓼衣生水泊邊葉似地梢瓜葉

而窄每葉間皆結小青膏莢其葉味苦採苗葉煤熟水

浸淘去苦味油鹽調食 按此草江西沙洲多有之唯  
 葉間青蔞莖帶淡紅色余取破之其中皆有一小蟲  
 踰伏其中南方濕熱草木蘊結化生蟲蛾不可細詰故  
 挑野菜者絕少不似北地黃壤幾於草根樹皮皆成野  
 蔬也又小說家謂有仙桃草四五月麥田中蔓生葉綠  
 莖紅實大如椒形如桃中有一小蟲宜在小暑節十五  
 日內取之先期則無蟲後時則蟲飛出趁未坼採之烘  
 乾研末藏以待用一切跌打損傷服一二錢可以起死  
 回生或云其葉煎水浴之亦妙按狀與此草殊肖

水煎服



地角兒苗 救荒本草地角兒苗一名地牛兒苗生田

野中塌地生一根就分數十莖其莖甚稠葉似胡豆葉  
 微小葉生莖面每攢四葉對生作一處莖旁另又生莖  
 梢頭開淡紫花結角似連翹角而小中有子狀似豇豆  
 顆味甘採嫩角生食硬角熟食 按此草江西平野亦  
 有之士人無識之者

地角兒苗



雞眼草 救荒本草雞眼草又名招不齊以其葉用指

甲掐之作齧不齊故名生荒野中塌地生葉如雞眼大

黑草卷之十二 地角兒苗 雞眼草 狗蹄兒 米布袋

隰草卷之十二 地角兒苗 雞眼草 狗蹄兒 米布袋

似三葉酸漿葉而圓又似小蟲兒臥單葉而大結子小如粟粒黑茶褐色味微苦氣與槐相類性溫採子搗取米其米青色先用冷水淘淨卻以滾水泡三五次去水下鍋或煮粥或作炊飯食之或磨麪作餅食亦可 按江西田野中有之土人呼爲公母草其葉皆斜紋掐之輒復相勾連或云中暑搗取汁涼水飲之即愈

雞眼草




狗蹄兒

狗蹄兒處處平隰有之初生小葉鋪地圓如狗腳跡故名漸長葉如長柄小匙春抽細莖開五瓣小

藍花與小葉相間鄉人摘其嫩葉茹之王磐以入野菜

狗蹄兒



米布袋

救荒本草米布袋生田野中苗塌地生葉似

米布袋





澤漆葉而窄其葉順莖排生梢頭攢結三四角中有子如黍粒大微匾味甘採角取水淘洗淨下鍋煮食苗葉煤熱油鹽調食亦可

雞兒頭苗

救荒本草雞兒頭苗生祥符西田野中就地拖秧生葉甚疎稀每五葉攢生狀如一葉其葉花又有小鋸齒葉間生蔓開五瓣黃花根又甚多其根形如香附子而鬚長皮黑肉白味甜採根換水煮熟食




雞兒頭苗

雞兒腸

救荒本草雞兒腸生中牟田野中苗高一二尺莖黑紫色葉似薄荷葉微小邊有稀鋸齒又似六月

雞兒腸



菊梢葉間開細瓣淡粉紫花黃心葉味微辣採葉煤熱換水淘去辣味油鹽調食

蘇蓬

救荒本草蘇蓬一名鹽蓬生水傍下濕地莖似

蘇蓬



隔草卷之十二 雞兒頭苗 雞兒腸 蘇蓬 牻牛兒苗 沙蓬 沙消

隰草卷之十一 雞兒頭苗 雞兒腸 蘇蓬 牻牛兒苗 沙蓬 沙消

落藜亦有線楞葉似蓬而肥壯比蓬葉亦稀疎莖葉間結青子極細小其葉味微鹹性微寒採苗葉燂熟水浸去鹹味淘洗淨油鹽調食山西隰地多有之

**牻牛兒苗** 救荒本草牻牛兒苗又名鬪牛兒苗生田野中就地拖秧而生莖蔓細弱其莖紅紫色葉似荳萎

葉瘦細而稀疎開五瓣小紫花結青莢兒上有一嘴甚尖銳如細錐子狀小兒取以爲鬪戲葉味微苦採葉燂熟水浸去苦味淘淨油鹽調食按汜水俗呼牽巴巴



牻牛兒苗

牽巴巴者俗謂啄木鳥也其角極似鳥嘴因以名焉直隸謂之湯湯青言其葉焯以水則逾青云山西圃中極多與苦菜莛蕒同秀葉味不甚苦微澀

**沙蓬** 救荒本草沙蓬又名雞爪菜生田野中苗高一

尺餘初就地上蔓生後分莖又其莖有細線楞葉似獨掃葉狹窄而厚又似石竹子葉亦窄莖葉梢間結小青子小如粟粒其葉味甘性溫採苗葉燂熟水浸淘淨油鹽調食


沙蓬



**沙消** 沙消江西沙上多有之紫莖葉如石竹子葉而

密土人以利水道其形與沙蓬相類

沙消




水棘針

救荒本草水棘針苗又名山油子生田野中

苗高一二尺莖方四楞對分莖又葉亦對生其葉似荆葉而軟鋸齒尖葉莖葉紫綠開小紫碧花葉味辛辣微甜採苗葉煤熟水淘洗淨油鹽調食

水棘針



鐵掃帚

救荒本草鐵掃帚生荒野中就地叢生一本

二三十莖苗高三四尺葉似苜蓿葉而細長又似細葉胡枝子葉亦短小開小白花其葉味苦採嫩苗葉煤熟換水浸去苦味油鹽調食爾雅正義苜蓿馬帚註似苜蓿以為掃帚正義苜蓿一名馬帚夏小正云七月苜蓿秀也者馬帚也廣雅云馬帚屈馬第也管子地員篇云蓂下於苜蓿註似苜蓿至掃帚正義說文云著蒿屬生千歲三百莖按苜蓿似苜蓿則亦蒿屬也李時珍云此即蒿草謂其可為馬刷故名馬帚今河南人謂之鐵掃帚李以苜蓿為鐵掃帚

鐵掃帚



隰草卷之十二

水棘針 鐵掃帚

刀尖兒苗

山葵

六月菊

隰草卷之十二 水棘針 鐵掃帚 刀尖兒苗 山蓼 六月菊

宵又云卽荔也殊  
誤無蒿草之說

### 刀尖兒苗

救荒本草刀尖兒苗生密縣梁家衝山野

中苗高二三尺葉似細柳葉硬而細長而尖葉皆兩兩  
排莖對生葉間開淡黃花結尖角兒長二寸許籠如蘿  
蔔角中有白穰及小區黑子其葉味甘採葉燂熟水淘  
洗淨油鹽調食

刀尖兒苗




### 山蓼

救荒本草山蓼生密縣山野間苗高一二尺葉似

芍藥葉而長細窄又似野菊花葉而硬厚又似水胡椒  
葉亦硬開碎瓣白花其葉味微辣採嫩葉燂熟換水浸  
去辣氣作成黃色淘洗淨油鹽調食


山蓼



### 六月菊

救荒本草六月菊生祥符西田野中苗高一

二尺莖似鐵桿蒿莖葉似雞兒腸葉但長而澀又似馬  
蘭頭葉而硬短梢葉間開淡紫花葉味微酸澀採葉燂  
六月菊



熟水浸去澀味油鹽調食

佛指甲

救荒本草佛指甲科苗高一二尺莖微帶赤

黃色其葉淡綠背皆微帶白色葉如長匙頭樣似黑豆葉而微寬又似鵝兒腸葉甚大皆兩葉對生開黃花結實形如連翹微小中有黑子如小粟粒其葉甜可食按本草綱目誤以爲即景天其花實絕不相類

佛指甲




鯽魚鱗

救荒本草鯽魚鱗生密縣韶華山山野中苗

高一二尺莖方而茶褐色對分莖又葉亦對生葉似雞腸菜葉頗大又似桔梗葉而微軟薄葉面卻微絞皺稍

隔草卷之十二 佛指甲 鯽魚鱗

鯽魚鱗



間開粉紅花結子如小粟粒而茶褐色其葉味甜採葉  
燥熟水浸淘淨油鹽調食

婆婆納

救荒本草婆婆納生田野中苗塌地生葉最

小如小面花顰兒狀類初生菊花芽葉又團邊微花如

婆婆納



婆婆納 野粉團兒 狗掉尾苗 猪尾把苗

隰草卷之十二 佛指甲 鯽魚鱗 婆婆納 野粉團兒 狗掉尾苗 猪尾把苗

雲頭樣味甜採苗葉燂熱水浸淘淨油鹽調食

野粉團兒 救荒本草野粉團兒生田野中苗高一二

尺莖似鐵桿蒿莖葉似獨掃葉而小上下稀疎枝頭分  
叉開淡白花黃心味甜辣採嫩苗葉燂熱水浸淘淨油

鹽調食

野粉團兒



狗掉尾苗 救荒本草狗掉尾苗生南陽府馬鞍山中

苗高二三尺拖蔓而生莖方色青其葉似歪頭菜葉稍  
大而尖鞘色深綠紋脈微多又似狗筋蔓葉梢間開五  
瓣小白花黃心衆花攢開其狀如穗葉味微酸採嫩葉

燂熱水浸去酸味淘淨油鹽調食

猪尾把苗 救荒本草猪尾把苗一名狗腳菜生荒野

中苗長尺餘葉似甘露兒葉而甚短小其頭頗齊莖葉

猪尾把苗



狗掉尾苗



皆有細毛每葉間順條開小白花結小蒴兒中有子小  
 如粟粒黑色苗葉味甜採嫩葉焯熟換水浸淘淨油鹽  
 調食子可搗爲麪食

### 螺鱉兒

救荒本草螺鱉兒一名地桑又名痢見草生

荒野中莖微紅葉似野人萹葉微長窄而尖開花作赤  
 色小細穗兒其葉味甘採苗葉焯熟水浸淘去邪味油

鹽調食

螺鱉兒



### 兔兒酸

救荒本草兔兒酸一名兔兒漿所在田野中

皆有之苗比水葒矮短莖葉皆類水葒其莖節密其葉

兔兒酸



亦稠比水葒葉稍薄小味酸性寒無毒採苗葉焯熟以  
 新汲水浸去酸味淘淨油鹽調食

### 米蒿

救荒本草米蒿生田野中所在處處有之苗高尺

米蒿



隰草卷之十二

螺鱉兒 兔兒酸

米蒿

鐵桿蒿

花蒿

兔兒尾苗

隰草卷之十二 螺螄兒 兔兒酸 米蒿 鐵桿蒿 花蒿 兔兒尾苗

許葉似園葵葉微細葉叢間分生莖又梢上開小青黃  
花結小細角似葶蘆角兒葉味微苦採嫩苗葉煤熟水  
浸過淘淨油鹽調食

**鐵桿蒿** 救荒本草鐵桿蒿生田野中苗莖高二三尺

葉似獨掃葉微肥短又似扁蓄葉而短小分生莖又梢  
間開淡紫花黃心葉味苦採葉煤熟淘去苦味油鹽調  
食

鐵桿蒿



**花蒿** 救荒本草花蒿生荒野中花葉就地叢生葉長三

四寸四分垂葉似獨掃葉而長硬其頭頗齊微有毛  
澀味微辛採葉煤熟水浸過淘淨油鹽調食

花蒿

**兔兒尾苗** 救荒本草兔兒尾苗生田野中苗高一二

尺葉似水蓼葉而短其目大其葉微酸採嫩苗葉煤熟  
水浸過淘淨油鹽調食

兔兒尾苗






虎尾草

救荒本草虎尾草生密縣山谷中科苗高二三尺莖圓葉頗似柳葉而瘦短又似兔兒尾葉亦瘦窄又似黃精葉頗軟插莖攢生味甜微澀採苗葉煤熟換水淘去澀味油鹽調食


虎尾草



兔兒傘

救荒本草兔兒傘生榮陽塔兒山荒野中其苗高二三尺許每科初生一莖莖端生葉一層有七八葉每葉分作四叉排生如傘蓋狀故以為名後於葉間擡生莖又上開淡紅白花根似牛膝而疎短味苦微辛採嫩葉煤熟換水浸淘去苦味油鹽調食

兔兒傘



柳葉菜

救荒本草柳葉菜生中牟荒野中科苗高二尺餘莖似蒿莖葉似柳葉而短插莖而生開小白花銀褐心其葉味微辛採嫩葉煤熟水浸淘淨油鹽調食

柳葉菜



菽蓎根

救荒本草菽蓎根俗名麪碌礮生水邊下濕地其葉就地叢生葉似蒲葉而肥短葉背如劍脊樣葉

隰草卷之十二 虎尾草 兔兒傘

柳葉菜 菽蓎根 綿棗兒 土園兒

隰草卷之十二 虎尾草 兔兒傘 柳葉菜 菽蓿根 綿棗兒 土園兒

叢中間攢葶上開淡粉紅花俱皆六瓣花頭攢開如傘  
蓋狀結子如韭花萼莢其根如鷹爪黃連樣色如墜泥  
色味甘採根搯去皺及毛用水淘淨蒸熟食或曬乾炒  
熟食或磨作麪蒸食皆可

菽蓿根




綿棗兒

救荒本草綿棗兒一名石棗兒出密縣山谷

中生石間苗高三五寸葉似韭葉而闊瓦隴樣葉中攢  
葶出穗似雞冠寬穗而細小開淡紅花微帶紫色結小  
蒴兒其子似大藍子而小黑色根類獨顆蒜又似棗形

綿棗兒



而白甜味寒採取根添水久煮極熟食之不換水煮  
食後腹中鳴有下氣

土園兒

救荒本草土園兒一名地栗子出新鄭山野

土園兒



中細莖延蔓而生葉似菘豆葉微尖觔每三葉攢生一處根似土瓜兒根微團味甜採根煮熟食之

### 大蓼

救荒本草大蓼生密縣梁家衝山谷中拖藤而生莖有線楞而頗硬對節分生莖又葉亦對生葉似山蓼葉微短拳曲節間開白花其葉味苦微辣採葉燂熟換水浸去辣味作成黃色淘洗淨油鹽調食花亦可燂食



大蓼

### 金瓜兒

救荒本草金瓜兒生鄒山田野中苗初生似小葫蘆葉而微小又似赤雹兒葉莖方莖葉俱有毛刺

金瓜兒



每葉間出一細藤延蔓而生開五瓣尖碗子黃花結子如馬陵大生青熟紅根形如雞彈微小其皮土黃色內則青白色味微苦性寒與酒相反掘取根換水煮浸去苦味再以水煮熟熟食之

### 牛耳朵

救荒本草牛耳朵一名野芥菜生田野中苗高一二尺苗莖似蒿莖葉似牛耳朵形而小葉間分攢葶又開白花結子如棗粒大葉味微苦辣採苗葉淘洗淨燂熟油鹽調食

隰草卷之十二 大蓼 金瓜兒 牛耳朵 拖白練 胡蒼耳 野蜀葵

隰草卷之十二 大蓼 金瓜兒 牛耳朶 拖白練 胡蒼耳 野蜀葵

牛耳朶



拖白練

救荒本草拖白練苗生田野中苗塌地生葉

似垂盆草葉而又小葉間開小白花結細黃子其葉味

甜採苗葉燥熟油鹽調食

拖白練



胡蒼耳

救荒本草胡蒼耳又名回回蒼耳生田野中

葉似阜莢葉微長大又似望江南葉而小頗硬色微淡  
綠莖有線楞結實如蒼耳實但長艸味微苦採嫩苗葉  
燥熟水浸去苦味淘淨油鹽調食今人傳說治諸般瘡  
採葉用好酒熬喫消腫

胡蒼耳




野蜀葵

救荒本草野蜀葵生荒野中就地叢生苗高

五寸許葉似葛勒子秧葉而厚大又似地牡丹葉味辣  
採嫩葉燥熟水浸淘淨油鹽調食

野蜀葵




透骨草

救荒本草透骨草一名天芝蔴生中牟荒野

中苗高三四尺莖方窠面四楞其莖脚紫對節分生莖  
又葉似蒟蒻葉而多花又葉皆對生莖節間攢開粉紅  
花結子似胡麻子葉味苦採嫩苗葉燂熟水浸去苦味  
淘淨油鹽調食今人傳說採苗搗傳腫毒本草綱目透  
骨草治筋骨一切風濕疼痛攣縮寒濕腳氣孫氏集效  
方治癘風遍身瘡癬用透骨草苦參大黃雄黃各五錢  
研末煎湯於密室中席圍先熏至汗出如雨淋洗之普

透骨草



酸桶筍

救荒本草酸桶筍生密縣韶華山山澗邊初

濟方治反胃吐食透骨草獨科蒼耳生牡蠣各一錢薑  
三片水煎服楊誠經驗方治一切腫毒初起用透骨草  
漏蘆防風地榆等分煎湯綿蘸乘熱不住盪之二三日  
即愈  
發筍葉其後分生莖又科苗高四五尺莖桿似水荳莖  
而紅赤色其葉似白樺葉而澀又似山格刺菜葉亦澀  
紋脈亦筍味甘微酸採嫩筍葉燂熟水浸去邪味淘淨  
油鹽調食

隔草卷之十二 透骨草 酸桶笋 地參 野西瓜苗 婆婆指甲菜


酸桶笋



地參

救荒本草地參又名山蔓菁生鄭州沙崗間苗高一二尺葉似初生桑科小葉微短又似桔梗葉微長開花似鈴鐸樣淡紅紫花根如拇指大皮色蒼內豔白色味甜採根煮食

地參



野西瓜苗



婆婆指甲菜

婆婆指甲菜救荒本草生田野中作地那科生莖細弱葉像女人指甲又似初生棗葉微薄梢間結小花蒴苗葉味甘採嫩苗葉燂熟油鹽調食江西俗呼瓜子草或云可清小便秘症

婆婆指甲菜



# 植物名實圖考卷之十三

固始吳其溶著

蒙自陸應穀校刊

## 隰草類

還亮草

天葵

天奎草

黃花地錦苗

紫花地丁

活血丹

七葉荆

水楊梅

消風草

寶蓋草

地錦

過路黃 又一種

翦草

金瓜草

馬鞭花

尋骨風

附地菜

又一種

雞腸菜

鴨舌草

老鴉瓣

雷公鑿

水芥菜

野苦麻

野麻菜

狼尾草

淮草

水稗

葶草

魚腥草

千年矮 又一種

無心菜

小無心菜

湖瓜草

喇叭草

臭草

紐角草

小蓼花

無名六種

紅絲毛根

沙消

竹葉青

## 還亮草

還亮草臨江廣信山圃中皆有之春初即生

方莖五稜中凹成溝高一二尺本紫梢青葉似前胡葉而薄梢間發小細莖橫擎紫花長柄五瓣柄蟲花歇宛

隰草卷之十三 目錄 還亮草 天葵 天奎草

如蝴蝶中翹碎瓣尤紫豔微露黃藥花罷結角翻尖向外一花三角間有四角一名還魂草一名對叉草一名蝴蝶菊取莖煎水可洗腫毒 按本草拾遺桃朱術生園中細如芹花紫子作角以鏡向旁敲之則子自發五月五日乃收子帶之令婦人爲夫所愛其形極肖

還亮草



天葵 天葵一名夏無蹤初生一莖一葉大如錢頗似三葉酸微大面綠背紫莖細如絲根似半夏而小春時抽生分枝極柔一枝三葉一葉三叉翻反下垂梢間開小

天葵

白花立夏即枯 按南城縣志夏無蹤子名天葵此草江西撫州九江近山處有之即鄭樵所謂菟葵即紫背天葵者春時抽莖開花立夏即枯質既柔弱根亦微細尋覓極難秋時復茁凌冬不萎土醫皆呼爲天葵南城與閩接壤故漁仲稔知之此草既小不盈尺又生於石罅砌陰下安能與燕麥動搖春風耶建昌俚醫以敷乳毒極效

天葵



天奎草

天奎草生九江饒州園圃陰濕地一名千年老鼠矢一名爆竹花春時發細莖一莖三葉一葉三叉色如石綠梢頭橫開小紫花兩瓣雙合一瓣上揭長柄



飛翹莖當花中緒根頗硬上綴短鬚入夏即枯俚醫以  
治積年勞傷酒煎服  
天 奎 草

黃花地錦苗

黃花地錦苗江西湖南多有之與紫花

黃花田錦苗



紫花地丁

紫花地丁生田腔中緒莖對葉葉似薄荷

者相類而葉莖瘦弱莖微赤葉尖細花有跗亦結小角  
而圓梢開長紫花微似丹參花而色紫不白與本草綱  
目地丁異

紫花地丁



活血丹

活血丹產九江饒州園圃階角牆陰下皆有

之春時極繁高六七寸綠莖柔弱對節生葉葉似葵菜  
初生小葉細齒深紋柄長而柔開淡紅花微似丹參花  
如蛾下垂取莖葉根煎飲治吐血下血有驗入夏後即  
枯不易尋矣

隰草卷之十三

黃花地錦苗

紫花地丁

活血丹

七葉荊

水楊梅

消風草

隰草卷之十三 黃花地錦苗 紫花地丁 活血丹 七葉荆 水楊梅 消風草

活血丹



七葉荆

七葉荆生江西南昌田野中高二尺餘葉莖俱微綠葉如荆葉有齒近根三葉攢生上一層四葉又

七葉荆



水楊梅

上一層五葉梢頭至七葉而止土人以七葉者極難得云爲鬼所畏語極誕但南方草木狀已有指病之說陶氏真隱訣亦有通神之語民間傳訛固非無本

梅 按此草江西池澤邊甚多花老爲絮土人呼爲水楊柳與所引庚辛玉册地椒開黃花不類

水楊梅



消風草

消風草南安長沙平野多有之綠莖有白毛葉似麻葉有歧紋極碎亂而濃綠背白有毛葉間開長

帶小粉紅花結圓實五瓣有點紋微似麻子  
滑風草



寶蓋草

寶蓋草生江西南昌陰濕地一名珍珠蓮春

寶蓋草



初卽生方莖色紫葉如婆婆納葉微大對生抱莖圓齒  
深紋逐層生長就葉中團團開小粉紫花土人採取煎  
酒養筋活血止遍身疼痛

地錦 地錦陰濕處有之紫莖塌地生葉如初生菊葉而

短深齒有光開小粉紫花大如粟結實作毬味微辛湖  
南亦呼爲半邊蓮可治跌損疑陳藏器所謂露下有光  
者是此草

地錦

過路黃

●過路黃處處有之生陰濕牆砌下拖蔓鋪地細莖葉  
似薄荷大如指頂二葉對生生葉際淡紅亦似薄荷



隰草卷之十三 寶蓋草 地錦 過路黃 翦草 金瓜草

隔草卷之十三 寶蓋草 地錦 過路黃 翦草 金瓜草

而小逐節開放歷夏踰秋蔓長幾二尺餘與石香菜符

過路黃一



過路黃二



牀相雜殊無氣味

●過路黃江西坡膝多有之鋪地拖蔓葉如豆葉對生附莖葉間春開五尖瓣黃花綠跗尖長與葉並茁

翦草

翦草生江西九饒山坡似相思草而葉對生不連紫莖拖地俚呼翦草亦曰劉寄奴治跌損 按本事方翦草似蒿治血症有殊功未知即此草否

翦草




金瓜草

金瓜草南昌平隰有之鋪地抱葉似初生車前糙澀無紋 按唐本草狗舌草生渠塹濕地似車前

而無文理抽莖開花黃白色疑卽此圖經不具故不併入

金瓜草



馬鞭花

馬鞭花廣饒平野有之叢生緒莖對節生枝

馬鞭花



隰草卷之十三

馬鞭花 尋骨風

葉如初生柳葉枝梢葉際發小枝開小黃花大如粟米頗似山桂而更小

尋骨風

尋骨風贛南沙田中有之叢生青黑莖葉前

尖後團疎紋面青背白結實如粟穗綠苞白茸或呼爲

尋骨風未知所用

尋骨風



附地菜

●附地菜生廣饒田野湖南園圃亦有之叢生軟莖葉如枸杞梢頭夏間開小碧花瓣如粟米小葉綠苞相間

附地菜 雞腸菜

隰草卷之十三 馬鞭花 尋骨風 附地菜 雞腸菜

開放或云北地呼爲野苜蓿

附地菜一



●附地菜生田野比前一種葉長大有星莖有微毛亦勁開五圓瓣小碧花結小蒴如鈴雲南生者葉柔厚多附地菜二



附地菜 雞腸菜

雞腸菜 雞腸菜生陰濕處初生鋪地葉柄長半寸許

毛茸茸如鼠耳俗呼牛舌頭花又名狗屎花土醫用之  
滇南本草狗屎花一名倒提壺一名一把抓味苦性寒  
入肝腎二經升降肝氣利小便消水腫瀉胃中濕熱治  
黃疸眼珠發黃周身黃如金止肝氣疼治七種  
疝氣白花者治白帶紅花者治赤帶瀉膀胱熱

雞腸菜



鴨舌草

鴨舌草處處有之固始呼為鴨兒胥生稻田

中高五六寸微似茨菇葉末尖後圓無歧一葉一莖中

空從莖中抽葶破莖而出開小藍紫花六瓣小大相錯

黃蕊數點鼻裊下垂質極柔脆去田者惡之湘陰縣志

云可煮食

鴨舌草



老鴉瓣

老鴉瓣生田野中湖北謂之棉花包固始呼

為老鴉頭春初即生長葉鋪地如萱草葉而屈曲縈結


隰草卷之十三 鴨舌草 老鴉瓣

長至尺餘抽葶開五瓣尖白花似海梔子而狹背淡紫

綠心黃蕊入夏即枯根如獨顆蒜鄉人掘食之味甘性

溫補

老鴉瓣



雷公鑿

雷公鑿江西平野有之土人不識其名固始

呼為雷公鑿狀如水仙葉長而弱出地平鋪不能挺立

本白末綠有黑皮極類水仙根而無涎滑 按李時珍

以老鴉蒜為即石蒜引及救荒本草而湖南志中或謂

荒年食之有因吐致死者余謂救荒本草斷不至以毒

雷公鑿 水芥菜 野苦麻

隰草卷之十三 鴨舌草 老鴉瓣 雷公鑿 水芥菜 野苦麻

草濟人此是綱目誤引之過考救荒本草並無花葉不相見之語其圖亦無花實此草根葉與老鴉蒜圖符而生麥田中鄉人取以飼畜其性無毒余嘗之味亦淡荒年掘食嘗即是此斷非石蒜

雷公鑿



水芥菜

水芥菜江西瀨湖多有之初生葉如菠菜葉微帶紫色抽莖開小黃花如穗 按救荒本草水芥葉

多花又與此微異或開花後葉老多叉耳

水芥菜



野苦麻

野苦麻處處有之多生麥田陂澤中莖葉俱似苦蕒花如小薊而鉞細軟花罷成絮固始呼爲禿女

野苦麻





頭江西田中多蓄之以爲肥儉歲亦摘食 按宋圖經

水苦蕒生宜州葉如苦蕒而厚根似蒼朮不著其花此

草柔莖花葉似蕒而根似朮或卽水苦蕒耶

### 野麻菜

野麻菜生廣饒田澤長葉布地花又如芥近

根微紅根如白菜根或云可食

野麻菜



### 狼尾草

狼尾草爾雅孟狼尾本草拾遺始著錄葉如

茅而莖紫穗如黍而極細長柔紛披粒芒亦紫湖南謂

之細絲茅河南亦謂之藎草葉可覆屋其粒極細救荒

本草所不載拾遺云作飯食之令人不飢未敢深信



狼尾草

### 淮草


淮草生山岡田家亦種之葉如茅而莖梢開短穗

數十莖結實如粟而小其葉以覆屋可廿年不易

隰草卷之十三 野麻菜 狼尾草 淮草 水稗 葶草 魚腥草

隱草卷之十三 野麻菜 狼尾草 淮草 水稗 葶草 魚腥草

淮草



水稗

水稗田野陂澤極多鋪地生葉扁莖如韭秋抽梢


水稗



發義三四五枝扁齊結實如稗經潦不枯以為牲芻  
葶草 葶草湘陰志生湖地色淡白可蓋屋今平野亦多

有之莖似初生小蘆秋結實作穗如水稗有鹹色青白  
固始謂之葶草

葶草




魚腥草

魚腥草生陰濕地細莖短葉秋作細穗如綫

三义天陰則氣腥馬不食之實極小歉歲則茂北地謂  
之熱草亦採以充飢

魚腥草



千年矮

① 千年矮生田野中與水蓼相類而脚葉無齒大小葉

千年矮一



攢生一處葉間結小青子或云浸酒服之有益

② 千年矮生九江橫根叢生高四五寸紫莖柔脆四葉

攢生面青背淡土醫以治牙痛

千年矮二



無心菜

無心菜江西湖廣平野多有之春初就地鋪

生細莖似三葉酸漿葉大如小指而頂有缺密排莖上


湖北人多摘以為茹亦呼為豆瓣菜

隰草卷之十三 千年矮 無心菜 小無心菜 湖瓜草 喇叭草

隔草卷之十三 千年矮 無心菜

小無心菜 湖瓜草 喇叭草

無心菜



小無心菜 小無心菜比無心菜莖更細葉如亂絲葉  
圓有尖春初有之

小無心菜



湖瓜草

湖瓜草生沙洲上高三四寸如初生麥苗而

細抽莖結青實三四粒實下有小葉一二片如三稜草  
牲畜食之 按救荒本草磚子苗根子味俱甜子磨麪  
食根晒乾亦可為麪形狀相同但此瘦而彼肥此係初  
生而彼係老根故大小不類耳

湖瓜草



喇叭草

喇叭草產撫建荒田中高三四寸長根赭莖

葉如榆葉秋時附莖結實長筩有三叉外向鄉人呼為  
喇叭草肖形也

喇叭草



臭草


臭草撫州平野有之紫莖亭亭細枝如蔓一枝三

葉大如指甲秋開五瓣小黃花枝弱花疎偃仰有致

臭草

紐角草

紐角草撫州田野中有之叢生似獨帚莖結



有節葉亦似獨帚而稀秋結小紫角似綠莖而細彎翹極繁

紐角草



小蓼花

小蓼花生溝腔淺水中莖葉皆似水蓼而花

小蓼花



隰草卷之十三 臭草 紐角草 小蓼花 無名六種

隰草卷之十三 臭草 紐角草 小蓼花 無名六種

作團穗上擎如覆盆子色尤嬌嫩

無名六種

①生饒州田野綠莖類蔓尖葉似蕭蓄而色淡綠又似鵝兒腸葉而瘦長開五尖瓣淡黃花蕊色亦淡

無名一



②生饒州田野綠莖直紋細枝極柔葉似地錦苗而小亦繁梢開四出小白花綠萼纖絲平頭繁攢亦復有致

無名二



③產廣饒田野中叢生長條葉如初生柳葉微圓楮莖莖端夏開長柄絲萼白花層層開放長至數尺下葉上花亦殊有致土人不識

無名三



④產廣饒河壩硬莖盤屈如梅葉亦如梅葉而無齒有  
細毛附莖發長條謝小白花如米粒土人不識

無名四



⑤生建昌田野叢生楮葉似枸杞本細末團面綠背

無名五



淡梢端葉間開碎白花如蓼逐節發小橫枝攢簇開放  
極密土人不識

⑥生廣饒田野獨莖青楮色葉如長柄小匙而瘦面綠  
背青白有直縷無細紋梢端結苞如葱韭開五瓣長筩  
子小白花葉間亦抽小莖發小葉開花不作苞

無名六



紅絲毛根

紅絲毛根產饒州平野褐莖高尺餘就莖

生枝葉如薄荷葉淡青無齒枝端開花成穗細如粟米  
青白色長三四寸鼻鼻下垂

隰草卷之十三 紅絲毛根 沙消 竹葉青

紅絲毛根



沙消 沙消產九江沙洲上叢生高不盈尺紫莖微節抱

莖生葉四五葉攢生一處頗似獨掃葉小根赭色九江  
俚醫以根煎酒治腰痛亦名鐵掃帚 按救荒本草沙

沙消



竹葉青

蓬又名雞爪菜生田野苗高一尺餘初就地蔓生後分  
莖又其莖有細線楞葉似獨掃葉狹窄而厚又似石竹  
子葉亦窄莖葉梢間結青子小如粟粒其葉味甘性溫  
採苗葉燂熱水浸淘淨油鹽調食疑卽此

竹葉青 竹葉青生江西瑞州初生如葦芽漸發長葉  
似茅而闊面青背微白紋如竹葉有間道而澀性涼土  
人亦以淡竹葉用之

竹葉青





# 植物名實圖考卷之十四

固始吳其濬著

蒙自陸應穀校刊

## 隰草類

苧麻二圖

苦苣

甘蔗

馬鞭草

牡蒿

蘆

鼠尾草

龍常草

苘麻

蒲公英

鱧腸

三白草

水蓼

劉寄奴 又一種

龍葵

狗舌草

莪蒿

鼠麴草

槌胡根

鴨跖草

鬼鍼草

毛蓼

地楊梅

鑿菜

茜

紅花

燈心草 二圖

穀精草

狼把草

木賊

黃蜀葵

萱草

海金沙

雞冠

胡盧巴

火炭母草

小青

地蜈蚣草

攀倒甌

秦州無心草

麗春草

水英

見腫消

九牛草

曲節草

陰地厥

水甘草

竹頭草

莠竹

迎春花

千年艾

翦春羅

箬

淡竹葉

半邊蓮

鹿蹄草

水楊梅

紫花地丁

菩薩草

胡堇草

石道遙草

苦芥子

剪刀草

田母草

布里草

地芙蓉

黃花了

田麻

苧麻

苧麻別錄下品陸璣詩疏紵亦麻也農政全書謂

紵從絲非苧北地寒不宜考救荒本草苧根味甘煮食

甜美許州田園亦有種者蓋自淮而北近時皆致力於

棉花禦寒時久而禦暑時暫絺綌之用唯城市為殷故

種蒔者少耳野苧極繁芟除為難不任績山苧稍勁花  
作長穗翹出稍異

雲婁農曰徐元扈謂北方無苧詩可以漚紵紵為絲此  
誤也苧麻屬故言漚絲不可漚苧苧皆草絲則非其  
類江南安慶寧國池州山地多有苧要以江西湖南及  
閩粵為盛江西之撫州建昌寧都廣信贛州南安袁州  
苧最饒緝繅織線猶嘉湖之治絲宜黃之機上白市者  
驚其名然非佳品寧都州俗無不緝麻之家敏者一日  
可績三四兩鈍者亦兩以上請織匠織成布一機長者  
十餘丈短者亦十丈以上四五兩織成一丈布者為最  
細次六七兩次八九兩則粗矣夏布墟則安福鄉之會  
同集仁義鄉之固厚集懷德鄉之璜溪集在城則軍山  
集每月集期土人商賈雜還如雲計城鄉所產歲鬻數  
十萬緡女紅之利普矣石城縣志亦曰石邑夏布歲出  
數十萬疋外貿吳越燕毫間贛州各邑皆業苧閩賈於  
二月時放苧錢夏秋收苧歸而造布然不如寧都布潔

白細密苧以瘦韌潔白爲上其黃者曰糙麻婦功間日緝濯柔細經時累月織成一衣曰女兒布苧之精者無逾此居人服之商賈不可得也湖南則瀏陽湘鄉攸縣茶陵醴陵皆麻鄉往時巴陵道州武陵郴州皆貢練紵今則並瀏陽上供亦裁肥地苧深四五尺剝至三四次擇避風處蒔之夏有苧市捆載以售溪蠻叢笑云漢傳載闌干闌干獠言紵巾有績治細白苧麻以旬月而成名娘子布則亦女兒布之類非僅獠俗也苗人據矮機席地而織設虛場以麻布易所無也寰宇記宜州有都洛麻狹幅布今語曰多羅麻廣西志梧州出絡布以絡麻織成因名並苧類也桂海虞衡志練子出兩江川崗大略似苧布有花紋者謂之花練彼人亦自貴重嶺外代答邕州左右江溪崗產苧麻土人擇其細長者爲練子暑衣之輕涼離汗者也花練一端長四丈重數十錢卷入之小竹筒尙有餘地以染真紅尤易著色厥價不廉稍細者一匹數十緡也粵之新會有細苧蓋左思所

謂筒中黃潤者凡疊布必成筩一筩十端而葛之大者率以兩端爲一連苧則一端爲一連他布則以六丈爲端四丈爲疋此其別也禹貢曰島夷卉服傳曰島夷南海島上夷也卉草也卉服葛越也葛越南方之布以葛爲之以其產於越故曰葛越也左思曰蕉葛升越弱於羅紉正義曰卉服葛越蕉竹之屬越卽苧麻也漢徐氏女贈其夫以越布鄧后賜諸貴人白越是也漢書云粵地多果布之湊韋昭曰布葛布也顏師古曰布謂諸雜細布皆是也其黃潤者生苧也細者爲絳粗者爲苧苧一作紵禹貢曰厥匪織貝傳曰織細紵也疏曰細紵布也其曰花練曰穀縵曰細都曰弱析皆其類志稱蠻布織蕉竹苧麻都落等麻有青黃白絡火五種黃白曰苧亦曰白絡青絡曰麻火曰火麻都落卽絡也馬援在交趾嘗衣都布單衣都布者絡布也絡者言麻之可經可絡者也其細者當暑服之涼爽無油汗氣練之柔熟如椿椒繭綢可以禦冬新興縣最盛估人率以綿布易之

苧麻一




苧麻二



其女紅治絡麻者十之九治苧者十之三治蕉十之一  
紡蠶作繭者千之一而已又有魚凍布莞中女子以絲  
兼紵爲之柔滑而白若魚凍謂紗羅多浣則黃此布愈  
浣則愈白云

苦芙 苦芙別錄下品李時珍以爲爾雅鉤芙卽此今江  
西有一種野苦菜南安謂之地膽草與李說符

苦芙



甘蕉 甘蕉別錄下品生嶺北者開花花苞有露極甘通  
呼甘露生嶺南者有實通呼蕉子種類不一具詳桂海

虞衡志諸書李時珍以甘露為萇荷說本楊慎殊不確



甘露

馬鞭草

馬鞭草別錄下品李時珍以為即圖經龍牙



馬鞭草

草處處有之人皆知煎水以洗瘡毒

牡蒿

牡蒿別錄下品爾雅蔚牡蒿陸璣詩疏以為即馬

新蒿本經別錄分為二物唐本草注以為齊頭蒿李時珍所述形狀正似救荒本草之水辣菜今澤瀨亦有之微作蒿氣姑存之

牡蒿



蘆

蘆別錄下品夢溪筆談以為蘆葦是一物藥中宜用

蘆無用荻理然今江南之荻通呼為蘆俗方殆無別也毛晉詩疏廣要引證頗核附以備考

雲婁農曰強脆而心實者為荻柔纖而中虛者為葦澤

隰草卷之十四 馬鞭草 牡蒿 蘆 鼠尾草 龍常草

隰草卷之十四 馬鞭草 牡蒿 蘆 鼠尾草 龍常草



蘆

國婦儒瞭如菽麥但南多荻北多葦北人植葦於汚田曰葦泊掘其芽爲蔬曰葦笋織其花爲履曰葦絮緯之爲簾曰葦簿縷之爲藉曰蘆席以藩院曰花障以幕屋曰仰棚朽莖則以燭栗新葉則以裹糶提之爲籠圍之爲圍覆牆以禦雨築基以避城皆蘆之功也大江之南是多荻洲爲柴爲炭則窳窳所恃也其灰可煨可烘爲防爲築則隄岸所亟也其芽可食可飼幽燕以葦代竹

鼠尾草

鼠尾草別錄下品爾雅勁鼠尾注可以染阜

江湖以荻代薪故北宜葦而南宜蘆又葦喜止水荻喜急流弱強異性固自不同

草也救荒本草謂之鼠菊葉可煤食細核所繪形狀與馬鞭草相彷彿

鼠尾草




龍常草

龍常草別錄有名未用李時珍以爲卽粽心

草龍鬚之小者

龍常草



苧麻 苧麻唐本草始著錄今作縶麻作繩索者北地種

之爲菜

雲婁農曰說文縶菜屬周禮典菜掌布縶縷紵麻草之物注麻菜苴草葛藟今菜苴已不列於穀食衣棉花而縶葛芋麻之爲用賤矣獨縶以捆縛取用多河濱數百里廣種之以備隄工之購與蜀黍之積並亟考瓠子之歌曰寧長麥宋史河渠志曰瓣竹糾芟大要皆索草爲絢耳縶之直既逾於草而經久豈止相什百然昏墊之患不息漢武有曰爲我謂河伯兮何不仁今齊豫揚州

苧麻



間其閭殫爲河可勝紀哉或謂隄防始於緜而舊說皆以爲緜竊帝之息壤以堙洪水息壤在荊州羅泌路史臚攷甚詳今荊州志亦載之云非金非石有篆不可識昔歲大旱邑人掘之甫露其石屋大風雨江水驟漲州幾爲魚亟封之水乃退其事甚恠然則羣山萬壑下彝陵逾荆門而不橫決郊野蓬瀛與蟠冢滄浪爭道者其息壤之爲之耶嗚呼世無神禹不能斲二渠以導九河還之高地儻復有息壤可竊用塞衝決之口其視以稽

隔草卷之十四 尚麻 蒲公英 鱧腸 三白草

蔡區區投黃金於虛牝者其可同日語哉

蒲公英 蒲公英唐本草始著錄卽蒲公英也野菜譜

謂之白鼓釘又有孛孛丁黃花郎黃狗頭諸名俚醫以爲治腫毒要藥淮江以南四時皆有取採良使

蒲公英



鱧腸 鱧腸唐本草始著錄卽旱蓮草李時珍謂有兩種

白花者爲鱧腸黃紫花而結房如蓮房者爲小連翹救

荒本草蓮子草結實如蓮房卽此

鱧腸



三白草 三白草唐本草始著錄西陽雜俎亦載之形

三白草





狀詳本草綱目湖南俚醫治筋骨及婦人調經多用之  
 雲婁農曰三白草江南農候也余驗之其葉白不愆於  
 素移植過時乃不復白不似他草木花可遲早也望杏  
 瞻蒲此爲的矣陶蘇皆未識蘇所說乃馬蓼有黑點者  
 此草喜近水濱江右湖南土醫習用其方多於本草綱  
 目所載大約江南諸藥惟陳藏器搜羅最博核惜不盡  
 得其圖嘉祐本草引列而未能詳釋半爲有名未用可  
 謂遺憾

水蓼 水蓼爾雅蓄虞蓼注澤蓼唐本草始別出與陸生

水蓼




者同唯隨水深淺有大小耳俚醫以陸生者爲糲蓼不  
 入藥生水中之者爲地蓼能治跌打損傷通筋骨方書不  
 載

劉寄奴

●劉寄奴南史載宋高祖射蛇事故名劉寄奴唐本草  
 始著錄所述形狀與本草綱目微相類今江西湖南人  
 皆識之蜀本草葉似菊花白色與救荒本草野生薑一

劉寄奴一



隰草卷之十四 水蓼 劉寄奴 龍葵 狗舌草

名劉寄奴相類蓋別一種即菊葉蒿也南方草藥治損傷有效者多呼劉寄奴別無他名皆附於後

●劉寄奴即野生蒿蜀本草以為劉寄奴葉如菊排生莖花俱如蒿而花色白結黃白小蒴俗呼菊葉蒿

劉寄奴二



龍葵 龍葵唐本草始著錄李時珍以為圖經老鴉眼睛

草俚醫亦曰天泡果其赤者為龍珠處處有之

龍葵



狗舌草 狗舌草唐本草始著錄有小毒塗瘡殺蟲按


圖多相肖而無的識存原圖以備考

狗舌草



### 莪蒿

莪蒿詩經菁菁者莪陸疏莪蒿也爾雅莪維郭注  
 廣蒿本草拾遺始著錄本草綱目以爲卽抱娘蒿救荒  
 本草作抱娘蒿葉碎茸細如鍼色黃綠嫩則可食與陸  
 疏符合埤雅以角蒿爲慶蒿殊爲臆說



莪蒿

### 鼠麴草

鼠麴草本草拾遺始著錄李時珍以爲卽別  
 錄鼠耳藥對佛耳草酉陽雜俎蚍蜉酒鼠耳也卽此今  
 江西湖南皆呼爲水蟻草或卽蚍蜉酒之意煎餅猶用  
 之

隰草卷之十四 莪蒿 鼠麴草 槌胡根 鴨跖草 鬼鍼草 毛蓼


鼠麴草



雲婁農曰鼠麴染糯作饘色深綠湘中春時粥於市五  
 溪崗中尤重之清明時必採製以祀其先名之曰青其  
 意以爲親沒後又復見春草青青矣嗚呼雨露既濡君  
 子履之必有怵惕之心彼雖蠻獠其報本追遠有異性  
 乎宋徽宗有詩曰鼠耳初生認禁煙寒食賜火戚里尋  
 春清明上河圖中一段美景不知南渡後遙憶帝京景  
 物猶有廟貌如故鍾簾不移之念否

**槌胡根** 槌胡根本草拾遺始著錄今江西湖南亦有  
 之俗皆謂之土當歸根似麥門冬而微黃亦甜


隱草卷之十四 莪蒿 鼠麴草 槌胡根 鴨跖草 鬼鍼草 毛蓼



槌胡根

鴨跖草 鴨跖草本草拾遺始著錄救荒本草謂之竹

節菜一名翠蝴蝶又名竹葉可食今皆呼為淡竹無



鴨跖草

竹處亦用之

鬼鍼草 鬼鍼草本草拾遺始著錄秋時莖端有鍼四

出刺人衣今北地猶謂之鬼鍼

鬼鍼草



毛蓼 毛蓼本草拾遺始著錄王治癰腫疽瘻引膿生肌


今俚醫亦用之其穗細長花紅冬初尚開葉厚有毛俗

呼為白馬鞭

地楊梅

地楊梅本草拾遺始著錄云如莎草有子似楊梅今小草中有之治痢亦同按圖似卽水濱水楊柳

地楊梅



毛鬚



隰草卷之十四 地楊梅 鑿菜 茜 紅花 燈心草

與原說不肖姑存之以備考

鑿菜

鑿菜本草拾遺始著錄李時珍以其似益母草白花遂以爲白花益母草然原書謂味甜有汁則非益母一類存原圖俟考

鑿菜



茜

茜爾雅茜蔓于注多生水中一名軒于本草拾遺生水田中狀如結縷草而長馬食之李時珍併入別錄有名未用之馬唐又以爲卽薰薺之薺恐未確江西水茜草極多作志者多以爲卽蔓草按蔓亦非草名

雩婁農曰子產曰吾臭味也而敢有差池大學曰如惡惡臭臭必惡而後屏非與香對稱周人尙臭臭陰臭陽灌用鬯臭皆芳氣也薰薺有臭後人以薺爲穢草然則薰之臭亦穢耶寇宗奭以拾遺之水薺釋薰薺孫公談

茜



圃以香薷爲茜二說皆未知所本然談圃說長李時珍宗衍義而駁之蓋未深考

紅花 紅花漢書作紅藍花種以爲業開寶本草始著錄

今爲治血要藥救荒本草葉可煨食出西藏者爲藏紅花卽本草綱目番紅花

雲婁農曰紅藍湖南多藝之洛陽賈販於吳越歲獲數十萬緡其利與棉花侷故俗諺有紅白花以染物其直同於所染然歷久不渝紅旣正色又不爲燥濕寒暑變節有士君子之行顧價必善或歲不登則益貴江以南煮蘇方木浸之以爲靛而潤色以紅藍色近紫有耀價賤易售其殆士之乏其實而驚其名以自衒者然風日炎曝雨澂沾濕輒斑駁點澆失其所耀婦稚皆賤之有



紅花

其始不能要其終求與黑黃蒼藍爲伍而不可得非所謂然而日亡者歟故君子著誠而祛僞

燈心草 燈心草開寶本草始著錄草以爲席瓢以爲


燈炷江西澤畔極多細莖綠潤夏從莖傍開花如穗長不及寸微似莎草花俚醫謂之水燈心蓋野生者性尤

清涼

穀精草

穀精草開寶本草始著錄本草綱目述狀頗

穀精草



燈心草

狼把草

確今以為治目疾要藥


狼把草宋開寶始著錄療血痢至精爾雅櫻

烏階注烏把也子連著狀如把可以染阜疏今俗謂之

狼把是也李時珍併入拾遺郎耶亦可但櫻把注釋甚

晰改把為罷出於臆斷亦近輕侮

狼把草



木賊

木賊嘉祐本草始著錄今惟治目醫用之物類相

感志木賊軟牙蓋治木角之工所特以為光滑者通呼

為節節草亦肖其形

臨草卷之十四 穀精草 狼把草 木賊 黃蜀葵 萱草

隰草卷之十四 穀精草 狼把草 木賊 黃蜀葵 萱草

黃蜀葵

木賊

黃蜀葵嘉祐本草始著錄與蜀葵絕不類俗




黃蜀葵



通呼爲棉花葵以其色似木棉花也花浸油塗湯火傷效亦爲瘡家要藥

萱草

萱草詩經作諫嘉祐本草始著錄有單瓣重瓣兗州亳州種以爲榮皋蘇獨忿萱草忘憂爾雅翼以焉得諫草謂安得善忘之草世豈有此物哉萱諫同音遂以命名但說文蓋令人忘憂草引詩作蕝又作蕝則忘憂之名其來已古南方草木狀水葱花葉皆如鹿葱出始



萱草



興婦人佩其花生男非鹿葱也則所謂宜男者又他屬  
 矣蒼與鹿葱一類晏文獻云鹿葱花中有鹿斑又與蒼  
 小同大異則是以層多有點者為鹿葱單瓣者為蒼  
 芳譜有黃白紅紫麝香數種然皆以黃色分淺深蜜  
 色如蜜淺黃色黃紫則深黃而近赤至謂鹿葱葉枯而  
 後花花五六朵並開於頂得毋以石蒜之黃花者為鹿  
 葱耶忘憂宜男鄉曲托興何容刻舟膠柱世但知呼  
 草摘花作蔬惟滇南婦稚皆指多層者為鹿葱邊地人  
 質其名宜有所自

雲婁農曰宋林洪葑草贊序何處順宰六合時常食此  
 無亦邊事未平憂心不忘耶余觀丁謂之南竄也其詩  
 曰草解忘憂憂底事丁蓋不知憂底事

### 海金沙

海金沙嘉祐本草始著錄江西湖南多有之

俚醫習用如本草綱目主治

海金沙



### 鷄冠

鷄冠嘉祐本草始著錄俚醫亦多以治紅白痢崩

鷄冠



隰草卷之十四 海金沙 鷄冠 胡蘆巴 火炭母草 小青

隰草卷之十四 海金沙 鷄冠 胡盧巴 火炭母草 小青

帶血症其性極峻虛弱者慎之

### 胡盧巴

胡盧巴嘉祐本草始著錄圖經云生廣州蓋

番蘆葷子種之而生不具形狀

胡盧巴



### 火炭母草

火炭母草宋圖經始著錄今南安平野有

之形狀與圖極符俗呼烏炭子以其子青黑如炭小兒

食之冬初尚茂俚醫亦用以洗毒消腫

火炭母草



### 小青

小青宋圖經始著錄亦無形狀今江西南湖多

之生沙壤地高不盈尺開小粉紅花尖瓣下垂冬結紅

實俗呼矮茶性寒俚醫用治腫毒血痢解蛇毒救中暑

皆效

雲婁農曰此草短而凌冬命曰小青微之也然粉花丹

實彌滿阡谷而移植輒不茂百尺之松盈握之梅斷而

揉之盤屈於尊在間以供世俗之狎玩彼于霄傲雪之

概亦安在哉此小草乃有介然不可易者因為詩曰猗

彼寸莖被於陵阿根髮如寄葉棧不柯生機斯淺渺此  
 么麼從其么麼霜霰若何彼爾者華其實則亦在瘠而  
 豐處沃而腊亦既封之其葉有澤雖則有澤終不我憚  
 不憚奈何亦返其初巖巖苦霧萋萋紫蕪如鷓懸蒼如  
 鳩拾榆以生以蕃何寧何敦



小百

### 地蜈蚣草

本草綱目地蜈蚣草生村落墜野間左蔓  
 延右右蔓延左其葉密而對生如蜈蚣形其穗亦長俗  
 呼過路蜈蚣其延上樹者呼飛天蜈蚣根苗皆可用氣  
 味苦寒無毒主治解諸毒及大便不通搗汁療癰腫搗

地蜈蚣草

塗并未服能消毒排膿蜈蚣傷者入鹽少許搗塗或末  
 傅之 按此草湖南田野多有之俚醫以為通經行血  
 之藥宋嗣經地蜈蚣生江寧州村落間鄉人云水磨塗  
 腫毒醫方鮮用即此草也李時珍遺未引及

### 攀倒甌

嗣經攀倒甌生宜州郊野味苦辛寒主解利  
 風壅熱盛煩渴狂語春夏採葉研搗冷水浸絞汁服之  
 甚效其莖葉如薄荷一名接骨草一名斑杖莖 按攀  
 倒甌湖南土呼攀刀峻聲之轉也形正似大葉薄荷莖  
 圓枝微紫對生葉梢頭開小黃白花如粟米俚醫云



攀倒甌



性涼能除療與圖經主治亦同新化縣志作斑刀箭飼  
牛易肥諺云要牛健斑刀箭

秦州無心草 宋圖經無心草生商州及秦州性溫無

秦州無心草



麗春草

毒主積血逐氣塊益筋節補虛損潤顏色療澀洩腹痛  
三月開花五月結實六七月採根苗陰乾用之

圖經麗春草味甘微溫無毒出檀嶠山川谷  
檀嶠山在高密界河南淮陽郡潁川及譙郡汝南郡等  
並呼爲龍羊草河北近山鄴郡汲郡名蓂蘭艾上黨紫  
團山亦有名定參草一名仙女蒿今所在有甚療癘黃  
人莫能知唐天寶中因潁川楊正進名醫嘗用有效單  
服之主療黃疸等其方云麗春草療因時患傷熱變成  
癘黃遍身壯熱小便黃赤眼如金色而又青黑心頭氣  
痛遠心如刺頭旋欲倒兼脇下有瘕氣及黃疸等經用  
有驗其藥春三月採花陰乾有前病者取花一升搗爲  
散每平明空腹取三方寸匕和生麻油一盞頓服之日  
惟一服隔五日再進以知爲度其根療黃疸患黃疸者  
搗根取汁一盞空腹頓服之服訖須臾卽利三兩行其  
疾立已一劑不能全愈隔七日更一劑永瘥忌酒麪猪  
魚蒜粉酪等

麗春草



游默齋花譜麗春紫二品深者鬚青淡者鬚黃白亦二品葉大者微碧葉細者竊黃而竊黃尤奇素衣黃裏芳秀茸若新鵝之毳竊紅似芍藥中粉紅樓特差小視凡花之粉紅十倍

本草綱目李時珍曰此草有殊功而不著其形狀今罌粟亦名麗春草九仙子亦名仙女嬌與此同名恐非一物也當俟博訪

水英

圖經水英味苦性寒無毒元生永陽池澤及河海邊臨汝人呼爲牛薺草河北信都人名水節河內連內黃呼爲水棘劍南遂寧等郡名龍移草蜀郡人採其花

水英



合面藥淮南諸郡名海在嶺南亦有土地尤宜莖葉肥大名海精木亦名魚精草所在皆有單服之療剝痛等其方云水英主丈夫婦人無故兩脚腫滿連腳脛中痛屈伸急強者名骨風其疾不宜針刺及灸亦不宜服藥惟單煮此藥浸之不經五日卽差數用神驗其藥春取苗夏採莖葉及花秋冬用根患前病者每日取五六斤以水一石煮取三斗及熱浸腳兼淋膝上日夜三四頻日用之以差爲度若腫甚者卽於前方加生椒目三升加水二大斗依前煮取汁將淋瘡腫隨湯消散候腫消卽摩粉避風乃良忌油膩蒜生菜豬魚肉等  
按水英當對陸英而言滇南有草絕類蒟醬而實黑

隰草卷之十四 水英 見腫消 九牛草 曲節草

隰草卷之十四 水英 見腫消 九牛草 曲節草


莖中有紅汁俗名血滿草浸腳氣濕腫甚效或即此  
別入草藥按圖形不類也

見腫消

圖經見腫消生筠州味酸澀有微毒治狗咬

瘡消癰腫春生苗葉莖紫色高一二尺葉似桑而光面  
青紫赤色採無時土人多以生苗葉爛搗貼瘡

見腫消



九牛草

圖經九牛草生筠州山岡上味微苦有小毒

解風勞治身體痛二月生苗獨莖高一尺葉似艾葉圓  
而長背有白毛面青五月採與甘草同煎服不入衆藥  
用李時珍斥蒙筌以爲蘄艾之誤甚確余至瑞州訪之  
未得滇本草有九古牛草味苦性寒走肝經筋骨疼通

九牛草

經絡破血散癩癰攻癰疽紅腫又治跌打損傷治症相  
類未知即此草否也仍分圖之

曲節草

圖經曲節草生均州味甘平無毒治發背瘡

消癰腫拔毒四月生苗莖方色青有節七月八月著花

曲節草




似薄荷結子無用葉似劉寄奴而青軟一名蛇藍一名綠豆青一名六月凌五月六月採莖葉陰乾與甘草作末米汁調服李時珍以為六月霜不知何草按鬼箭羽湖南呼為六月冷亦結青實或恐一物原圖不晰存以備考

### 陰地厥

陰地厥宋圖經收之云生鄧川內鄉山谷葉似

青蒿莖青紫色花作小穗微黃按圖不作穗形李時珍云江浙有之引聖濟總錄治男婦後習膈虛熱吐血依原圖繪以俟訪

陰地厥



隰草卷之十四

陰地厥

水甘草

竹頭草

莠竹


迎春花

### 水甘草

圖經水甘草生筠州味甘無毒治小兒風熱

丹毒瘡與甘草同煎飲服春生苗莖青色葉如楊柳多生水際無花十月八月採彼土人多單服不入衆藥

水甘草




### 竹頭草

李衍竹譜竹頭草在處有之枝如莠葉長五

七寸寬一寸許有細勒道望之如筴竹叢叢秋生白花如菰蔣狀或云無竹處卒欲煮藥取此藥以代之其性與澹竹同今東陽酒匠真呼此為澹竹葉每歲夏伏採之按陸疏荅草莖如釵股葉如竹蔓生澤中下地鹹處

隰草卷之十四 陰地厥 水甘草 竹頭草 莠竹 迎春花



竹頭草

爲草真實牛馬皆喜食之按其形狀與此正合牛馬皆喜食信然此草本草諸書不載故注詩者皆無引據毛晉云藥中黃芩與陸疏不同種又按葢菜亦名芩草其葉亦不似竹

莠竹 李衍竹譜莠竹喜生池塘及路傍莖細節高近下

曲屈狀若狗脚南土多茅少草馬見此物必欲食之



莠竹

迎春花 本草綱目迎春花處處人家栽插之叢生高



迎春花



者二三尺方莖厚葉葉如初生小椒葉而無齒面青背淡對節生小枝一枝三葉正月初開小花狀如瑞香花黃色不結實葉氣味苦澀平無毒主治腫毒惡瘡陰乾研末酒服二三錢出汗便瘥溟志云花黃色與梅同時故名金梅

**千年艾** 本草綱目千年艾出武當太和山中小莖高尺許其根如蓬蒿其葉長寸餘無尖極面青背白秋開黃花如野菊而小結實如青珠丹顆之狀三伏日采葉

千年艾



陽草卷之十四 千年艾 翦春羅 箬

暴乾葉不似艾而作艾香搓之即碎不似艾葉成茸也羽流以充方物業氣味辛微苦溫無毒主治男子虛寒婦人血氣諸痛水煎服之 按南越筆記洋艾本不其高宜種益益綠葉茸如車蓋可療疾兼卻火災當即此草而俗間以廣中所植皆呼為洋作記者仍其陋習殆未深考今京師多蓄於煖室經冬不凋尚呼為蕪艾


**翦春羅** 證治要訣火帶瘡遠腰生者採翦春羅花葉

搗爛蜜調塗之為末亦可

本草綱目李時珍曰翦春羅二月生苗高尺餘柔莖綠葉葉對生抱莖入夏開花深紅色花大如錢凡六出周迴如翦成可愛結實大如豆內有細子人家多種之為玩又有翦紅紗花莖高三尺夏秋開花狀如石竹花而稍大四圍如翦鮮紅可愛結穗亦如石竹穗中有細子方書不見用者其功亦應利小便主癰腫也

李衍竹譜筍竹生江浙廣右永湘間甚多枝間有節有葉似桃其花如石竹差大丹紅一色人家盆檻內亦有

翦春羅



種者俗名翦春羅 按江西湖南多呼為翦金花又雄黃花以其色名之

箬 箬古今以為笠蓬亦呼為寮禦濕所亟本草綱目始

著錄棄物有殊功故備載諸方以著無棄菅蒯之義

雲叟農曰箬之用廣矣笠以禦雨蓬以行舟裹以避濕


摘以習書 南史徐伯珍少孤貧學書無紙常以竹筒箬葉甘魚學書 葉如竹與蘆

而用勝於竹蘆乃字書皆未詳及說文若訓擇菜餘皆

以箬訓竹箬訓筍唯詩家間有詠及其耳夫杜若既無定

箬

箬



話若木乃涉荒渺文人撫摺如數家珍而民間日用之物忽焉不察非所謂畫家喜畫鬼神而不畫犬耶李時珍採以入藥品其氣味臚其治療拔真才於灌莽祇濯而薰盟之脫堂阜於繹綫握醜蔑於庭階得一知己沉淪者亦良幸矣吾前過章貢山中持之擷之於蕪穢蒙密間始識其全體上人皆呼為遼葉李時珍謂其葉疎遼故名按字書遼樹葉疎也則亦可作遼吾謂凡物之遼遠者皆曰遼火燎於原其光遠也窗疎曰寮目朗曰


瞭其見遠也山民曰獠外之至矣此草不生平原而遠依山澤謂之曰遠亦外之而已夫物爲人所外而有殊功古所云破天荒者非此類耶華門宰竇之人而皆陵其上其難爲上矣春秋世祿恃以爲獄烏可爲訓

### 淡竹葉

淡竹葉詳本草綱目今江西湖南原野多有

之考古方淡竹葉夢溪筆談謂對苦竹而言或又謂自有一種淡竹唯李時珍以此草定爲淡竹葉又有竹頭草與此相類竹譜亦謂可代淡竹葉

淡竹葉



隰草卷之十四

淡竹葉 半邊蓮

鹿蹄草

水楊梅

紫花地丁

菩薩草

### 半邊蓮

半邊蓮詳本草綱目其花如馬蘭只有半邊

俚醫亦用之

半邊蓮



### 鹿蹄草

鹿蹄草本草綱目本軒轅述寶藏論收入隰

草闕氣味蓋亦未經嘗也主治金瘡蛇犬咬毒有圖存之

鹿蹄草



隰草卷之十四 淡竹葉 半邊蓮 鹿蹄草 水楊梅 紫花地丁 菩薩草

水楊梅

水楊梅本草綱目始著錄按圖亦與水濱水楊相類生子微似楊梅老則飛絮俗無水楊梅之名恐卽一物而兩存圖之

水楊梅



紫花地丁

本草綱目紫花地丁處處有之其葉似柳而微細夏開紫花結角平地生者起莖溝壑邊生者起蔓普濟方云鄉村籬落生者夏秋開小白花如鈴兒倒垂葉微似木香花之葉此與紫花者相戾恐別一種也氣味苦辛寒無毒主治一切癰疽發背疔腫癩癰無名腫毒惡瘡

按各處所產紫花地丁皆不同此又一種依原圖繪

之

紫花地丁

常州菩薩草

宋圖經菩薩草生江浙州郡近京亦有之味苦無毒中諸藥食毒者酒研服之又治諸蟲蛇傷飲其汁及研傅之良亦名天主婦人妊娠咳嗽搗蜜丸服之立效此草凌冬不凋秋中有花直出赤子似翳頭冬月採根用

菩薩草



密州胡葦草

宋圖經胡葦草生密州東武山田中味

辛滑無毒主五臟榮衛肌肉皮膚中瘀血止疼痛散血  
絞汁塗金瘡科葉似小葦菜花紫色似翹軛花一枝七  
葉花出三兩莖春採苗使時搗篩與松枝乳香花桑柴  
炭亂髮灰同熬如彈丸大如有打撲損筋骨折傷及惡  
癰腫腫破以熱酒摩一彈丸服之其疼痛立止

胡葦草



常州石道遙草

宋圖經石道遙草生常州味苦微寒

無毒療癱瘓諸風手足不遂其草冬夏常有無花實生  
亦不多採無時俗用搗爲末煉蜜丸如梧桐子大洒服  
二十粒日三服百日差久服益血輕身初服微有頭疼

無害

石道遙草

秦州苦芥子

宋圖經苦芥子生秦州苗長一尺已來

枝莖青色葉如柳開白花似榆莢其子黑色味苦大寒  
無毒明眼目治血風煩躁

苦芥子



密州剪刀草

宋圖經剪刀草生江湖及京東近水河

溝沙磧中味甘微苦寒無毒葉如剪刀形莖葍似嫩蒲



隰草卷之十四 胡葦草 石道遙草 苦芥子 剪刀草 田母草 布里草 地芙蓉

隰草卷之十四 胡葦草 石道遙草 苦芥子 翦刀草 田母草 布里草 地芙蓉

翦刀草



又似三棱苗甚軟其色深青綠每叢十餘莖內抽出一兩莖上分枝開小白花四瓣瓣深黃色根大者如杏小者如杏核色白而瑩滑五月六月七月採葉正月二月採根一名慈菴一名白地栗一名河鳧茨土人爛擣其莖葉如泥塗傅諸惡瘡腫及小兒遊瘤丹毒以冷水調此草膏化如糊以雞羽掃上腫便消退其效殊佳根煮熟味甚甘甜時人作果子常食無毒福州別有一種小異三月生花四時採根葉亦治癰腫

臨江軍田母草

宋圖經田母草生臨江軍性涼無花

實二月採根用主煩熱及小兒風熱用之尤效

田母草



南恩州布里草

宋圖經布里草生南恩州原野中味

苦寒有小毒治皮膚瘡疥莖高三四尺葉似李而大至夏不花而實食之令人瀉不拘時採根割取皮焙乾爲末油和塗瘡疥殺蟲

布里草

鼎州地芙蓉

宋圖經地芙蓉生鼎州味辛平無毒花

主惡瘡葉以傅貼腫毒九月採



地芙蓉



信州黃花了

宋圖經黃花了生信州春生青葉至三

月而有花似辣菜花黃色至秋中結實採無時療咽喉

口齒

黃花了



信州田麻

宋圖經田麻生信州田野及溝澗傍春夏

生青葉七月八月中生小莢子冬三月採葉療癰腫

毒

田麻



# 植物名實圖考卷之十五

固始吳其濬著

蒙自陸應穀校刊

## 隰草類

竹葉麥冬草

瓜子金

蝦鬚草

奶花草

公草母草 二圖

八字草

夏無踪

天蓬草 又一種

粟米草

瓜槌草

飄拂草

水線草

畫眉草

絆根草

水蜈蚣

無名四種

仙人掌

萬年青 二圖

牛黃繖

金不換

筋骨草

見血青

見腫消

魚公草

野白菊花

野芝麻

鶴草

劉海節菊

白頭婆

天水蟻草

黃花龍芽 又一種

金竈耳

土稀姦

田阜角

七籬笆

水麻芎

釣魚竿

臭牡丹

班珠科

鐵馬鞭

葉下珠

臭節草

臨時救

救命玉

鹿角草

天草萍

盤龍參

蛇包五披風



竹葉麥冬草

竹葉麥冬草生贛州吉安荒田中細莖

拖地短節小葉似秋時小竹梢開小紅白花成簇余以十月後船行章江霜草就枯場圃濯濯荒草中見有紅萼新嬌取視得此後詢之建昌土醫云可瀉心火功同麥冬東海之棗妄言妄對姑存其說但小草凌冬得霜而葩或與秋菊同其喜涼畏炎之性



竹葉麥冬草

瓜子金

瓜子金江西湖南多有之一名金鎖匙一名

神砂草一名地藤草高四五寸長根短莖數莖爲叢葉

隰草卷之十五 竹葉麥冬草 瓜子金

蝦鬚草 奶花草 公草母草

如瓜子而長唯有直紋一綫葉間開小圓紫花中有紫

蕊氣味甘俚醫以爲破血起傷通關止痛之藥多蓄之

雲南名紫花地丁滇南本草紫花地丁味苦性寒破血

小兒走馬牙疳潰爛用紫花地丁新瓦焙爲末搽患處效

瓜子金



蝦鬚草

蝦鬚草生陰濕地處處有之細莖淡赭色柔

弱不能植立葉似蕹蓄而薄色亦淡綠梢葉更細葉間

莖端出小枝開三瓣淡粉紅花瓣大如粟性涼

隔草卷之十五 竹葉麥冬草 瓜子金 蝦鬚草 奶花草 公草母草



蝦鬚草

奶花草

奶花草

奶花草田陰濕處皆有之形狀似小蟲兒



臥單而莖赤葉稍大斷之有白汁同鱧魚煮服通乳有效 按嘉祐本草地錦莖赤葉青紫紅花細實當即此草李時珍誤以小蟲兒臥單併爲一條乃云黃花黑實與圖經相戾今俗方治血病不甚採用而通乳則里嫗皆識故標奶花之名以著其功用云

公草母草

公草母草產湖南田野間高五六寸綠莖

細弱似鵝兒腸而不引蔓公草葉尖長半寸許附莖三葉攢生葉間梢頭復發細長莖開小綠黃花大如黍米落落清疎母草葉短微寬兩葉對生葉間抽短莖一莖

公草母草一



一花俚醫以治跌打竝入婦科通經絡二草齊用單用  
不驗

公草母草二



### 八字草

八字草產建昌小草蔓生莖細如髮本紅梢

綠微有毛一枝三葉似三葉酸而更小葉極稀疎土人

搗碎敷漆瘡按本草拾遺漆姑草如鼠跡大生堦墀

間陰處氣辛烈按敷漆瘡亦主溪毒主治既同形亦相

類而本草不圖其形未敢遽定

八字草

### 夏無踪

夏無踪產寧都小草也一莖一葉葉如葵多

缺有毛而小如錢高數寸長根多鬚生治手指毒又一

種紫背根如小麥冬者同名異類

夏無踪



隰草卷之十五

八字草 夏無踪

天蓬草 粟米草

隰草卷之十五 八字草 夏無踪 天蓬草 粟米草

天蓬草

●天蓬草一名涼帽草生建昌河壩鋪地細莖如亂髮  
百餘莖爲族莖端有葉三兩片如初生小柳葉黑根粗  
如指土人以洗腫毒

●天蓬草比前一種莖赤而靛附莖對葉梢開小白花  
如菊根細短

天蓬草一



天蓬草二



粟米草

粟米草江西田野中有之鋪地細莖似扁蓄

粟米草



而瘦有節三四葉攢生一處梢端葉間開小黃花如粟  
近根色淡紅根亦細韌

### 瓜槌草

瓜槌草一名牛毛黏生陰濕地及花盆中高

三四寸細如亂絲微似天門冬而小矮糾結成簇梢端  
葉際結小實如珠上擎纍纍瓜槌牛毛皆以形名或云

能利小便雲南謂之珍珠草俗方以治小兒乳積

滇南本草

珍珠草味辛性溫治面寒  
痛新瓦焙爲末熬燒酒服

瓜槌草



### 飄拂草

飄拂草南方牆陰砌下多有之如初發小茅

草高四五寸春時抽小莖結實圓如粟米生青老赭或

云煎水飲能利小便

飄拂草



### 水線草

水線草生水濱處處有之叢生細莖如線高

水線草



隰草卷之十五

瓜槌草

飄拂草

水線草

畫眉草

絆根草

水蜈蚣

隰草卷之十五 瓜槌草 飄拂草 水線草 畫眉草 絆根草 水蜈蚣

五六寸葉亦細長莖間結青實如菘豆大頗似牛毛黏而莖稍韌葉微大赭根有鬚俚醫以洗無名腫毒

畫眉草 畫眉草撫州山坡有之如初生茅草高三四

寸秋時抽葶發小穗數十條淡紫色似蓼而小殊有動搖之致或云可治跌打損傷亦名榧子草

畫眉草



絆根草 絆根草平野水澤皆有俚醫謂之塹頭草扁

者白根有鬚者味甜者可用圓者生水邊味淡者不可用治跌打損傷破皮止血寸節生根志書多以爲即蔓

草爾雅茜蔓于或即此本草衍義謂即薰薺之猶恐未的

絆根草



水蜈蚣 水蜈蚣生沙洲處處有之橫根赭色多鬚微

似蜈蚣形發青苗如茅芽高三四寸抽莖結青毬如指頂大莖上復生細葉三四片俚醫以爲殺蟲敗毒之藥按本草拾遺地楊梅苗如莎草四五月有子似楊梅形頗相肖唯主治赤白痢不同但濕地小草多利濕當

可通用

水蜈蚣

無名四種

- 生吉安田野中細莖高三四寸對葉如初生榆葉十月中開小粉紅花瓣大如米蓋春草冬暖而已開花
- 生贛州沙田中宛似小麥門冬高六七寸有橫根細鬚攢之抽葶冬結圓實亦如麥門冬而黑紫色
- 江西平野有之高四五寸綠莖細柔附莖生葉如初生小菊葉葉間開五圓瓣小白花如梅花而小



無名一

無名二



無名三



無名四

④生南康洲沿間小草鋪地細莖淡赭色葉大如指面

濃綠背淡青而尖微紅無紋理宛似小桃



仙人掌

嶺南雜記仙人掌人家種於田畔以止牛踐

種於牆頭亦辟火災無葉枝青嫩而扁厚有刺每層有數枝杈枒而生絕無可觀其汁入目使人失明南安府

志三國志載孫皓時有菜生工人吳平家高四尺厚三分如枇杷形上廣尺八寸下莖廣三寸兩邊生綠葉東

觀案圖作平慮草按此卽今仙人掌人呼爲老鴉舌郡中有高至八九尺及丈許者桂平縣志龍舌青色皮厚

有脂婦人取以澤髮種土牆上可以辟火通志附仙人掌下當是潯州土名南越筆記瓊州有仙人掌自下而

上一枝一掌無花葉可以辟火臣謹按南安志據吳志以仙人掌爲卽平露足稱該洽南越筆記云廣州種以

辟火殆卽昔所謂慎火樹者臣前在京師曾見之生葉成簇新綠深齒綴於掌邊道光乙未供奉內廷

上命內侍出此草示臣

勅臣詳考以補羣芳譜所未備惜彼時未檢及吳志深

慙疎陋又據內侍口述此草頃在




禁籛忽開花色如芙蓉大若月季禁中皆稱仙人掌  
玉芙蓉云向陽花木

雨露曲承舒葩獻媚物理常然固不足言異徵也越八  
年臣備員湘撫繪草木圖敬述斯事以見無知之物偶  
經

宸顧尚能効靈忝竊槐棘有慙葵藿亦恐草木笑人又  
三年臣移撫雲南檢滇志云仙人掌肥厚多刺相接成  
枝花名玉英色紅黃實如小瓜可食節署頗多大者高

仙人掌



及人肩春末夏初開花結實俱如志所述因俾畫手補  
繪廻憶持節嶺嶠依

光禁籛皆目觀斯卉萬里昆明與奇葩異萼晨夕染濡  
蓋是夙緣獨怪嶺南紀載殊不周詳豈秉筆者未及審  
核抑滇產異於他處耶臣謹識

萬年青 花鏡萬年青一名蕙闊葉叢生深綠色冬夏  
不萎吳中人家多種之以其盛衰占休咎造屋移居行  
聘治壙小兒初生一切喜事無不用之以為祥瑞口號  
至於結婚幣聘雖不取生者亦必剪造綾絹肖其形以  
代之又與吉祥草葱松四品並列盆中亦俗套也種法

萬年青一




隲草卷之十五 萬年青 牛黃繖

金不換

於春秋二分時分栽盆內置之背陰處俗云四月十四是神仙生日當刪剪舊葉擲之通衢令人踐踏則新葉發生必盛喜壅肥土澆用冷茶 按九江俚醫以治無名腫毒疔瘡牙痛隱其名爲開口劍或謂能治蛇傷亦呼爲斬蛇劍

萬年青二




牛黃繖

牛黃繖江西湖南有之一名千層喜長葉綠

脆紋脈潤層層抽長如抱焦心長者可三四尺斷之有

涎絲俚醫以治腫毒目爲難得之藥亦間有花卽廣中文殊蘭踰嶺經冬葉隕故少花其葉甚長仍兩圖之又滇南有佛手蘭葉亦相類

牛黃繖




金不換

金不換江西湖南皆有之葉似羊蹄菜而圓

無花實或呼爲土大黃性涼俚醫以治無名腫毒消血熱葉敷瘡根止吐血同猪肉煮服

金不換



筋骨草

筋骨草

筋骨草產南康平野春時鋪地生葉如芥菜



見血青

葉面綠背紫面上有白毛一縷茸茸如刺抽葶發小葉花生葉際相間開放葉紫花白花如益母遙望蓬蓬白如積灰亦呼爲石灰菜俚醫用之養筋和血散寒酒煎服鄉人亦掘以飼豕

見血青 見血青生江西建昌平野亦名白頭翁初生

鋪地葉如白菜長三四寸深齒柔嫩光潤無皺中抽數葶逐節開白花頗似益母草花蒂有毛茸茸又頂梢花白故有白頭翁之名俚醫搗敷瘡毒殆亦繁菜之類

見血青



隰草卷之十五 筋骨草 見血青

見腫消 魚公草 野白菊花

隱草卷之十五 筋骨草 見血青 見腫消 魚公草 野白菊花

見腫消

見腫消產南昌鋪地生葉如芥菜多皺而尖  
長又似初生天名精葉亦狹中有白脈一道根如初生  
小羅服直下無鬚赭褐色有橫紋南昌俚醫蓄之以治  
腫毒



見腫消

魚公草

魚公草江西湖南有之綠莖叢生莖有細毛  
附莖生葉長如芍藥葉有斜齒歷落如錦俚醫云性寒  
一名青魚膽能通肢節止痛行血

野白菊花

野白菊花

野白菊花處處平野有之綠莖圓細葉如



魚公草



風仙劉寄奴不對生梢端開花宛如野菊白瓣黃心大如五銖錢俚醫云性涼亦可煎洗無名腫毒

野芝麻 野芝麻臨江九江山圃中極多春時叢生方

莖四棱棱青莖微紫對節生葉深齒細紋略似麻葉本平末尖面青背淡微有澀毛繞節開花色白皆上蘆長幾半寸上瓣下覆如勺下瓣圓小雙歧兩旁短缺如禽

野芝麻



隰草卷之十五 野芝麻 鶴草 劉海節菊 白頭婆 天水蟻草 黃花龍芽

張口中森扁鬚隨上瓣垂垂如舌抵上鬚星黑點花萼尖絲如針攢簇葉莖味淡微辛作芝麻氣而更膩湖南圃中尤多芟夷不盡或即呼為白花益母草

鶴草 鶴草江西平野多有之一名灑線花或即呼為沙

參長根細白葉似枸杞而小秋開五瓣長白花下作細甯瓣梢有齒如剪 按救荒本草沙參有數種此砧細葉開白花者

鶴草



劉海節菊 劉海節菊似黃花劉寄奴而莖葉細瘦花

亦無長蕊建昌俚醫採根治風火

隰草卷之十五 野芝麻 鶴草 劉海節菊 白頭漣 天水蟻草 黃花龍芽


劉海節菊



白頭漣

白頭漣生長沙山坡間細莖直上高二三尺  
長葉對生疎紋微齒上下葉相距甚疎梢頭發莖開小

白頭漣



天水蟻草

長白花攢簇稠密一望如雪故有白頭之名性涼  
天水蟻草 天水蟻草生湖南平野荆湘間呼鼠麴草  
爲水蟻草蓋與西陽雜俎以鼠麴爲蚍蜉酒同義此草  
葉有白毛極似鼠麴而莖硬如蒿亦微作蒿氣高二尺  
許俚醫以爲補筋骨之藥

天水蟻草



黃花龍芽

●黃花龍芽湖南園圃中多有之高三四尺綠莖如蒿  
長葉花叉皺紋如馬鞭草而大色稍淡莖葉皆微有毛  
澀秋開五瓣黃花瓣小如粟長枝分叉點綴頗繁俚醫

黃花龍芽一



與龍芽草同用 按縣志中多云黃花龍芽勝於紫花

黃花龍芽二



者湖南謂救荒本草中龍芽草為毛脚茵則黃花當以毛脚茵為正而俚醫無別

●黃花龍芽生嶽麓比前一種莖矮而黃直硬有節亦有毛脚葉微瘦餘皆四五葉攢生一處細尖有歧如初生萋蒿稍開小黃花攢如黃粟米蓋一類而生於山陸故肥瘦不同

金窠耳 金窠耳產湖南長沙山坡高二尺餘獨莖褐

紫參差生葉葉如鳳仙花葉而青背白微齒秋開黃花如寒菊下垂旁莖弱欹故有是名俚醫云性涼能除瘴

金窠耳



隰草卷之十五 金窠耳 土豬鬃 田阜角 七雛色

隰草卷之十五 金空耳 土豨菘 田阜角 七籬笆

氣 按黔書有黃花根能除蠱瘴氣味或相近

土豨菘 土豨菘生南昌園圃中紅莖對葉葉如鳳仙


花葉而無齒梢端葉際發細莖柔嫩如絲開黃花如寒菊綠跗如蠅足抱之土人或即以代豨菘



土豨菘

田阜角 田阜角江西湖南坡阜多有之叢生綠莖葉


如夜合樹葉極小而密亦能開合夏開黃花如豆花秋結角如菜豆圓滿下垂土人以其形如阜角樹故名俚醫以爲去風殺蟲之藥



田阜角

七籬笆 七籬笆生建昌細莖翠綠近根微紅葉如小

七籬笆





竹枝梢三葉旁枝二葉對生共成七葉狀亦娉婷十醫以根治煩熱

### 水麻芎

水麻芎生建昌叢生莖如蓼淡紅色綠節葉

三叉前尖長後短面綠背淡有毛俚醫搗漿以新汲水冲服療痧症 按本草綱目有牛脂芎無形狀草藥多有以芎名者




水麻芎

### 釣魚竿

簡易草藥釣魚竿一名逍遙竹一名一枝箭

治跌打損傷筋骨痛疼要藥清明前後有之夏至後即難尋覓 按此草建昌俗呼了烏竹細莖亭亭對葉稀

釣魚竿



疏似竹而瘦中惟直紋一道土醫以治勞傷

### 臭牡丹

臭牡丹江西湖南田野廢圃皆有之一名臭

楓根一名大紅袍高可三四尺圓葉有尖如紫荊葉而薄又似油桐葉而小梢端葉頗紅就梢葉內開五瓣淡紫花成攢頗似繡毬而鬚長如聚針南安人取其根煎洗脚腫其氣近臭京師呼為臭八寶或偽為洋繡毬售之湖南俚醫云煮烏雞同食去頭昏亦治毒瘡消腫止痛

隰草卷之十五 水麻芎 釣魚竿

臭牡丹 斑珠科 鐵馬鞭 葉下珠

隔草卷之十五 水麻芎 釣魚竿 臭牡丹 斑珠科 鐵馬鞭 葉下珠

臭牡丹



斑珠科

斑珠科生長沙平野一叢數十莖高尺餘枝

枝繁密三葉攢生極似雞眼草俚醫以除火毒

斑珠科



鐵馬鞭

鐵馬鞭生長沙岡阜綠莖橫枝長弱如蔓三

葉攢生似落花生葉而小面青背白莖葉皆有微毛俚

醫以為散血之藥

鐵馬鞭



葉下珠

葉下珠 葉下珠江西湖南砌下牆陰多有之高四五

寸宛如初出夜合樹芽葉亦晝開夜合葉下順莖結子

如粟生黃熟紫俚醫云性涼能除瘴氣

### 臭節草

臭節草生建昌獨莖細綠葉長圓如瓜子形  
頂微缺而深綠背灰白三葉攢生中大旁小一莖之上



臭節草



葉下珠

隰草卷之十五 臭節草 臨時救

### 臨時救

小大葉相間頗繁碎土醫採根搗漿洗腫毒有效

莖就地平鋪厚葉綠軟尖圓微似杏葉而無齒莖端攢  
聚二四對生下大上小花生葉際黃瓣五出紅心頗似  
馨口臘梅中有黃白一縷吐出土醫以治跌損云傷重  
垂斃灌敷皆可活故名



臨時救

### 救命王

救命王湘南平隰廢圃多有之叢生十數莖  
爲族高五六寸一莖三葉初生時頗似蛇莓葉漸大長

救命王 鹿角草 天草萍

隰草卷之十五 臭節草 臨時救 救命王 鹿角草 天草萍

七八分深齒濃綠微似刺榆俚醫以治跌打全科搗碎用童便或回龍湯沖服雖年久重傷皆能有效



救命王

鹿角草 鹿角草產建昌或謂之草麥冬葉根俱似麥

門冬而柴硬與萱草根相類土人取根煎水亦可退熱

按本草綱目搥胡根與此草甚肖惟搥胡葉寬大如

萱草頗柔潤根味甘似天門冬又一種竹葉草根亦如

麥冬昔人謂麥冬有數種皆其同類



鹿角草

天草萍

天草萍

天草萍產建昌赭根橫短抽莖如萱草莖就



莖發葉亦如萱草而狹莖上開花作苞如蘭花膏莖建昌俚醫用之未及詢其所治何病

**盤龍參** 盤龍參袁州衡州山坡皆有之長葉如初生

萱草而脆肥春時抽葶發苞如瓣繩斜開小粉紅花太如小豆瓣有細齒上翹中吐白蕊根有黏汁衡州俚醫用之滇南以治陰虛之症其根似天門冬而微細色

黃

盤龍參



**蛇包五披風** 蛇包五披風江西湖南有之柔莖叢生

一莖五葉略似蛇莓而大葉莖俱有毛如刺抽葶生小葉發杈開小綠花尖瓣多少不勻中露黃蕊如粟黑根粗鬚似仙茅俚醫用治咳嗽

蛇包五披風



# 植 物 名 實 圖 考 卷 之 十 六

固始吳其濬著

蒙自陸應穀校刊

## 石 草 類

石斛二圖

卷柏

石 草

石長生

酢漿草

老蝸生

石胡荽

骨碎補

草石蠶

金星草 又一種

鵝掌金星草

石龍

劍丹

飛刀劍

金交翦

過壇龍

鐵角鳳尾草

紫背金牛

水龍骨

水石韋

鳳尾草

鳳了草

地膽

雙蝴蝶

紫背金盤

虎耳草

巖白菜

呆白菜

石弔蘭

七星蓮

石花蓮

牛耳草

千重塔

千層塔

風蘭

石蘭

石豆

瓜子金

地柏葉

萬年柏

萬年松

鹿茸草

石龍牙草

筋骨草

牛毛松

佛甲草 又一種

水仙

烏韭

馬勃

垣衣

昨葉何草

石藥

地衣

離隔草

仙人掌

螺髻草

列當

土馬駿

地柏

崖櫻

百乳草

紅茂草

紫背金盤草

石垂

石斛

石斛本經上品今山石上多有之開花如甌蘭

石斛一




而小其長者爲木斛又有一種扁莖有節如竹葉亦寬

石草卷之十六 目錄 石斛 卷柏 石韋 石長生 酢漿草 老蝸生

大高尺餘卽竹譜所謂懸竹衡山人呼爲千年竹置之  
筍中經時不乾得水卽活

石斛二



卷柏

卷柏本經上品詳宋圖經今山石間多有之

卷柏




石韋

石韋本經中品種類殊多今以面綠背有黃毛

石草卷之十六 目錄 石斛 卷柏 石韋 石長生 酢漿草 老蝸生

柔韌如韋者為石韋餘皆仍俗名以別之



石韋

石長生

石長生本經下品陶隱居云似蕨而細如龍

石長生



鬚草黑如光漆今蕨地多有之

酢漿草

酢漿草唐本草始著錄卽三葉酸漿生山石

間葉大如錢

酢漿草



老蝸生

老蝸生生長沙田膠鋪地細蔓似三葉酸漿

而蔓豬葉小根大如指微硬俚醫以治損傷



老 蝸 生



石胡荽

石胡荽四聲本草收之即鵝不食草詳本草綱目以治目醫研末嗅之簡易草藥有滿天星沙飛草地胡椒大救駕諸名亦治跌打損傷或云能治痧症蓋

石胡荽



石草卷之十六

石胡荽 骨碎補

草石蠹

金星草


鵝掌金星草

取其辛能開竅

骨碎補

骨碎補本草拾遺謂之猴薺開元時以其主傷折補骨碎命名凡古木陰地皆有之


骨碎補



草石蠹

草石蠹本草拾遺始著錄山石上多有之毛

草石蠹



石草卷之十六 石胡荽 骨碎補 草石蠶 金星草 鵝掌金星草

莖如蠶葉如卷柏乾瘁得濕則生俚醫呼爲返魂草本  
草綱目附注菜部石蠶下蓋未的識

### 金星草


●金星草嘉祐本草卽石草之有金星者石草結子大  
率相類卽貫衆等亦然凡俗名金星者皆以此

●金星草生山石間橫根多鬚抽莖生葉如貫衆而多  
齒似狗脊而齒尖葉背金星極多蓋狗脊之別種

金星草一



金星草二




### 鵝掌金星草

鵝掌金星草生建昌山石間橫根一莖

一葉葉如鵝掌有金星滇本草謂之七星草云此草形

鵝掌金星草



如鷄脚上有黃點貼石生味甘性寒無毒治五淋白濁

又包敷無名大瘡神效又熨臍治陰寒

石龍 石龍一名石茶橫根叢生一莖一葉高三四寸葉

如茶而厚如石韋重疊堆砌李時珍謂石韋有如杏葉

者殆卽此

石龍



劍丹 劍丹生贛州山石上叢生長葉如初生蒿莖面綠

背淡亦有金星如骨牌點治跌打損傷酒煎服

劍丹



飛刀劍 飛刀劍生南安卽石韋之瘦細者亦有金星

俚醫以治痰火同瘦猪肉蒸服

飛刀劍



石草卷之十六 石龍 劍丹 飛刀劍 金交翹 過壇龍 鐵角鳳尾草 紫背金牛

石草卷之十六 石龍 劍丹 飛刀劍 金交翦 過壇龍 鐵角鳳尾草 紫背金牛

金交翦 金交翦生建昌橫根生葉似石草而小亦有


金星功同石草



金交翦

過壇龍 過壇龍生南安似鐵角鳳尾草長莖分枝葉


過壇龍



鐵角鳳尾草 鐵角鳳尾草生建昌山石上高四五寸

稍大蓋一類治瘡毒研末傅之瘡破不可擦

叢生紫莖對葉排生生如指肚大而末作細齒背有細子小如粟治紅白痢連根葉酒煎服嶽麓亦多有之



鐵角鳳尾草

紫背金牛 紫背金牛生四川山石間似鐵角鳳尾草

而葉微團面綠背紫抽莖開小紫花微似薄荷花 按宋圖經有紫金牛似小青與此異


紫背金牛



水龍骨

水龍骨生山石間圓根橫出分枝藍白色多  
斑破之有絲疎鬚數莖抽莖紅紫一莖一葉葉長厚如

水龍骨




水石草

石草分破如猴薑而圓有紫紋主治腰痛酒煎服

水石草生山石間橫根赭色一莖一葉長如

石草而葉薄軟面綠背淡一名銀茶匙一名牌坊草主

治咳嗽敷手指蛇頭



水石草

鳳尾草

鳳尾草生山石及陰濕處有綠莖紫莖者一

名井闌草或謂之石長生治五淋止小便痛

石草卷之十六

水龍骨

水石草

鳳尾草

鳳了草

地膽


雙蝴蝶

石草卷之十六 水龍骨 水石韋 鳳尾草 鳳了草 地膽 雙蝴蝶

鳳了草

鳳了草生廬山橫根黑圓多鬚紫莖似蕨而

鳳了草



鳳尾草



葉長大對生蓋即大蕨之類  
地膽 地膽產大庾嶺或呼為錄段草高三寸許葉如水

竹子葉而寬厚面綠有直紋紫白頂點相間背紫光滑  
可愛或云治婦科五心熱症 按南越筆記有還魂草  
一名地膽葉如芥花如地茶以蛤試之能取死回生產  
陽江山中未知即此否

地膽




雙蝴蝶

雙蝴蝶建昌山石向陰處有之葉長圓二寸

餘有尖二四對生兩大兩小面青藍有碎斜紋背紅紫  
有金線四五縷兩長葉鋪地如蝶翅兩小葉橫出如蝶  
腹及首尾短根數縷如足極為奇詭搗敷諸毒見日即  
萎

雙蝴蝶



紫背金盤

宋圖經紫背金盤生施州苗高一尺以來  
葉背紫無花李時珍謂湖湘水石處有之今湖南所產

紫背金盤



石草卷之十六

紫背金盤

虎耳草

巖白菜

呆白菜

石吊蘭

七星蓮

引紫蔓長尺餘葉背紫面綠有圓齒土名破血丹與圖  
經主治婦人血氣痛能消胎氣相符李時珍所云蔓似  
黃絲恐非此種

虎耳草

虎耳草本草綱目始著錄栽種者多白紋自  
生山石間者淡綠色有白毛卻少細紋治聾耳過用或  
成聾閉喉閉無音用以代茶亦治吐血簡易草藥名為  
系系葉

虎耳草

巖白菜


巖白菜生山石有溜處鋪生如白菜面綠背



石草卷之十六 紫背金盤 虎耳草 巖白菜 呆白菜 石弔蘭 七星蓮

黃有毛茸治吐血有效


巖白菜



呆白菜

呆白菜生山石間鋪生不植立一名矮白菜

呆白菜



極似蒼蓬長根數寸主治吐血

石弔蘭

石弔蘭產廣信寶慶山石上橫根赭色高四

五寸就根發小莖生葉四五葉排生攢簇光潤厚勁有鋸齒大而疎面深綠背淡中唯直紋一縷葉下生長鬚數條就石上生根土人採治通肢節跌打酒病

石弔蘭



七星蓮

七星蓮生長沙山石上鋪地引蔓與石弔蘭

相似而葉濶薄有白脈本細末圍圓齒亂根如短髮又從葉下生蔓四面傍引從蔓上生葉葉下復生根鬚一



叢居中六叢環外根既別植蔓仍牽帶故有七星之名  
俚醫以治紅白痢

七星蓮



石花蓮

石花蓮生南安鋪地生短莖長葉似地黃葉

而尖面濃綠有直紋極細上浮白茸背青灰色濃赭紋  
亦有毛根不甚長極稠密黑赭相間氣味寒主治心氣  
疼痛湯火刀槍煎服

石花蓮



牛耳草

牛耳草生山石間鋪生葉如葵而不圓多深  
齒而有直紋隆起細根成簇夏抽葶開花治跌打損傷

牛耳草



石草卷之十六 石花蓮 牛耳草 千重塔 千層塔 風蘭

石草卷之十六 石花蓮 牛耳草 千重塔 千層塔 風蘭

湖南謂之翻魂草滇本草謂之石胆草云生石上貼石而生開花形似車前草味甘無毒同文蛤爲末烏鬚良藥搗爛敷瘡神效按此花作笛子內微白外紫下一瓣長旁兩瓣短上一瓣又短皆連而不圻如翦缺然葶高二三寸花朵下垂置之石盤拳石間殊有致

千重塔 千重塔江西山中近石處皆有之細莖密葉叢生高五六寸葉微似落蒂而短稍寬土人云同螺蚌肉煎水服能治咳嗽



千重塔

千層塔

千層塔生山石間蔓生綠莖小葉攢生四面

如刺間有長葉及梢頭葉俱如初生柳葉可煎洗腫毒跌打及鼻孔作痒

千層塔



風蘭 風蘭產閩粵江西贛南山中亦有之一名弔蘭根



風蘭

露石上莖葉向下倒卷而上高四五寸扁葉長二寸許  
 雙合不舒五月開花似石斛瓣與心均微似蘭而小以  
 竹筐懸之檐間得風露之氣自生自開或寄生老樹上  
**石蘭** 石蘭南安山石上有之橫根先作一蒂如麥門冬  
 色綠蒂上發兩小葉葉中抽小莖開花瓣如甌蘭而短  
 心紅瓣綠與甌蘭無異花罷結實仍如門冬累累相連  
 蓋卽石斛一種

石蘭



**石豆** 石豆生山石間似瓜子金硬莖初生一蒂大如豆  
 上發一葉如瓜子微長而圓厚分許一名石仙桃一名

石草卷之十六 石蘭 石豆 瓜子金 地柏葉 萬年柏 萬年松

魚鱗草性與瓜子金同

石豆



**瓜子金**

瓜子金山石上皆有之毛根如猴薑橫蔓細

瓜子金



石草卷之十六 石蘭 石豆 瓜子金 地柏葉 萬年柏 萬年松

莖葉如瓜子稍長厚一二分背有黃點治風損煎酒沖白糖服

地柏葉 地柏葉湖南山坡多有之高四五寸細莖花

葉似側柏而光色亦淡綠四五莖作小叢蓋與卷柏千年松同類而生於土不生於石俚醫用以去肺風

地柏葉



萬年柏 萬年柏生山石間高三四寸細莖光黑葉如

地柏葉而硬面綠背白如紙剪成可為盆玩

萬年柏

萬年松 萬年松產峨眉山置之篋中經年得水即生

彼處以充饋問其似柏葉為千年柏深山亦多有之李時珍以釋別錄玉柏但與紫花不符

萬年松



鹿茸草

鹿茸草生山石上高四五寸柔莖極嫩白茸

如粉四面生葉攢密上抱葉纖如小指甲春開四瓣桃


紅花三瓣似海棠花微尖下垂一瓣上翕兩邊交掩黃

心全露進賢縣志錄入藥類不著功用別錄玉柏生石

上如松高五六寸紫花用莖葉殆此類也又廬山志千

年艾觸油即萎此草色白如艾是矣

鹿茸草



石龍牙草

石龍牙草生山石上根如小半夏春無葉

有花細莖如絲參差開五瓣小白花花罷黃鬚下垂高

三四寸小草尤纖

石龍牙草



筋骨草

筋骨草生山溪間綠蔓茸毛就莖生杖長至

數尺著地生根頭緒繁絮如人筋絡俚醫以為調和筋

筋骨草



石草卷之十六

鹿茸草

石龍牙草

筋骨草

牛毛松

佛甲草

石草卷之十六 鹿茸草 石龍牙草 筋骨草 牛毛松 佛甲草

骨之藥名爲小伸筋秋時莖梢發白芽宛如小牙滇南謂之過山龍端午日羅羅採以入市鬻之云小兒是日煎水作浴湯不生瘡毒受濕痒

牛毛松 牛毛松生山石上高三四寸數十莖爲叢葉

細如毛而硬似刺松梢頭春開小黃花置之巾箱得雨可活俚醫以治跌損

牛毛松



### 佛甲草

佛甲草宋圖經始收之南方屋上牆頭至多北方罕見詳本草綱目今人亦以治湯火灼瘡

佛甲草一




佛甲草生山石上及瓦上莖葉淡綠高三四寸葉如小匙大若指頂微有白粉厚脆夏開黃花五瓣微尖與前一種以莖不紫葉不尖爲別根亦微香

佛甲草二



水仙 水仙花本草會編始收之俗謂其根有毒而衛生

易簡方療婦人五心發熱同乾荷葉赤芍等分爲末白湯服之恐未可信其花不藉土而活應入石草



水仙

烏韭 烏韭本經下品又名石髮生石上及木間陰處青

翠茸茸似苔而非苔也


石草卷之十六 水仙 烏韭 馬勃 垣衣 昨葉何草 石藜 地衣

烏韭

馬勃 馬勃別錄下品生濕地及腐木上紫色虛軟狀如

狗肝大如升斗爲清肺治咽痛要藥

馬勃



石草卷之十六 水仙 烏韭 馬勃 垣衣 昨葉何草 石藥 地衣

垣衣 垣衣別錄中品在瓦曰屋遊苔類主治大略相同


垣衣

昨葉何草 昨葉何草即瓦松唐本草始著錄惟此草

俗云有大毒未可輕服燒灰沐髮搗塗湯火傷皆常用之且南北老屋皆生而唐本草獨云生上黨屋上初生



昨葉何草



如蓬高尺餘遠望如松栽酸平無毒余至晉見此草果

與他處有翼秋時作粉紅花極繁五瓣白鬚黑藥數點

陽驕瓦灼益復郁茂蓋山西風烈屋上皆落土尺許草

生其上無異岡脊氣飽霜露味兼土木較之鱗次雨飄

僅藉濕潤而生其性狀固不得同耳

石藥 石藥本草拾遺始著錄李時珍以為即別錄石濡

生高山石上苔衣類也狀如花藥故名

石藥



地衣 地衣本草拾遺始著錄即陰濕地苔蘚經日曬起

皮者故名仰天皮治中暑陰瘡雀盲又主馬反花瘡生

油調傳



地 衣



### 離 鬲 草

離鬲草味辛寒有小毒主療癰丹毒小兒無辜寒熱大腹痞滿痰飲膈上熱生研絞汁服一合當吐出胸膈間宿物生人家階庭濕處高三二寸苗葉似蕞歷去瘡爲上江東有之北土無

離鬲草



石 草 卷 之 十 六

離 鬲 草 仙 人 草

螺 屨 草 列 當 土 馬 駿 地 柏

### 仙 人 草

仙人草主小兒酢瘡煮湯浴亦搗傅之酢瘡頭小而硬小兒此瘡或有不因藥而自差者當丹毒入腹必危可預飲冷藥以防之兼用此草洗瘡亦明目去膚腎接汁滴目中生階庭間高二三寸葉細有鴈齒似離鬲草北地不生也

仙 人 草




### 螺 屨 草

本草拾遺螺屨草蔓生石上葉狀似螺屨微帶赤色而光如鏡背有少毛小草也氣味辛主治癰腫風疹脚氣腫搗爛傅之亦煮湯洗腫處 按救荒本草有螺屨兒形狀不相類恐非一種

石草卷之十六 離高草 仙人草 螺曆草 列當 土馬驥 地柏


螺曆草



列當 列當開寶本草始著錄生原州秦州等州即草蓂

蓉治勞傷補腰腎代肉蓯蓉即此

列當



土馬驥 土馬驥嘉祐本草始著錄垣衣生於土牆頭

上者性能敗熱毒

土馬驥



河中府地柏 宋圖經地柏生蜀中山谷河中府亦有

之根黃狀如絲莖細上有黃點子無花葉三月生長四

地柏



五寸許四月採暴乾用蜀中九月藥市多有貨之主臟  
 毒下血神速其方與黃耆等分末之米飲服二錢蜀人  
 甚神此方誠有效也

### 施州崖樓

宋圖經崖樓生施州石崖上味甘辛性溫  
 無毒苗高一尺已來四季有葉無花彼土醫人採根與  
 半天廻雞翁藤野蘭根等四味淨洗焙乾去籠皮等分  
 搗羅溫酒調服二錢匕療婦人血氣并五勞七傷婦人  
 服忌雞魚濕麪丈夫服無所忌

崖樓

### 秦州百乳草

宋圖經百乳草生河中府秦州劍州根  
 黃白色形如瓦松莖葉俱青有如松葉無花三月生苗




四月長及五六寸許四時採其根晒乾用下乳亦通順  
 血脈調氣甚佳亦謂之百藥草

百乳草

### 施州紅茂草

宋圖經紅茂草生施州又名地沒藥又  
 名長生草四季枝葉繁盛故有長生之名大涼味苦春  
 採根葉焙乾搗羅爲末冷水調貼癰疽瘡腫

紅茂草



石草卷之十六 崖樓 百乳草 紅茂草 紫背金盤草 石垂

石草卷之十六 崖櫻 百乳草 紅茂草 紫背金盤草 石垂

施州紫背金盤草

宋圖經紫背金盤草生施州苗

高一尺已來葉背紫面青根味辛澀性熱無毒採無時  
土人單用此物洗淨去筴皮焙乾搗羅溫酒調服半錢  
匕婦人血氣能消胎氣孕婦不可服忌雞魚濕麪羊血

紫背金盤草



福州石垂

宋圖經石垂生福州山中三月有花四月

石垂



採子焙乾生搗羅蜜丸彼人用治蠱毒甚佳

# 植物名實圖考卷之十七

固始吳其濬著

蒙自陸應穀校刊

## 石草類

翠雲草

石盆草

石松

石蝴蝶

黑牛筋

石筋草

象鼻草

樹頭花

石交

草血竭

瓶爾小草

地盆草

金絲矮它它

碎補

蜈蚣草

紫背鹿銜草

對葉草

金蘭

豆瓣綠

郁松

鏡面草

一把傘

石龍尾

玉芙蓉

半把繖

骨碎補

石龍參

## 水草類

子午蓮

海菜

水毛花

水朝陽草

薺米

石風丹

地捲草

過山龍

獨牛

大風草

還陽草

小扁豆

馬尿花

滇海水仙花

水金鳳

水朝陽花

牙齒草

## 翠雲草

翠雲草生山石間綠莖小葉青翠可愛羣芳譜錄之人多種於石供及陰濕地爲玩江西土醫謂之

石草卷之十七 目錄 翠雲草 瓶爾小草 石盆草 地盆草

石草卷之十七 目錄 翠雲草 瓶爾小草 石盆草 地盆草

龍鬚滇南謂之劍柏皆云能舒筋絡


翠雲草



瓶爾小草 瓶爾小草生雲南山石間一莖一葉高二

三寸葉似馬蹄有尖光綠無紋就莖作小穗色綠微黃

瓶爾小草



貼葉如著

石盆草 石盆草生雲南山石間鋪地長葉禿歧拖蔓


色紫葉如馬齒莧微長頂有小缺綠蒂白花

石盆草



地盆草 地盆草生雲南山石間鋪地生葉粗澀如芥

地盆草



葉紫葶高四五寸開花如牛耳草而色更紫

石松 石松生雲南山石間矮草大根長葉攢簇似羅漢

松葉葉脫剩莖粗痕如錯

石松



金絲矮它它 金絲矮它它生雲南山石間莖葉皆如

蕨而高不逾尺橫根一莖一白白皆突起如節土醫以

治筋骨痰火

石草卷之十七 石松 金絲矮它它

石蝴蝶 碎補 黑牛筋 蜈蚣草

金絲矮它它



石蝴蝶 石蝴蝶生雲南山石間小草高三四寸如初

石蝴蝶




石草卷之十七 石松 金絲矮它它 石蝴蝶 碎補 黑牛筋 蜈蚣草

生車前草葉有圓齒細葶開五瓣茄色花瓣不分拆三

大兩小綴以紫心白蕊可植石盆爲玩

碎補 碎補生雲南山石間橫根叢莖極勁細葉如前

胡蘂本輩石草似此種者甚多而葉細碎無逾於此



碎補

黑牛筋 黑牛筋生雲南山石間粗莖鋪地逐節生枝

小葉木強大體類絡石開五瓣白花紅苞如珠

黑牛筋



蜈蚣草

蜈蚣草生雲南山石間赭根糾互硬枝橫鋪

蜈蚣草





密葉如鋸背有金星其性應與石韋相類

### 石筋草

石筋草生滇南山石間叢生易繁紫綠圓莖

葉似烏藥葉淡綠深紋勁脆有光葉間抽細紫莖開青

白花碎如黍米微帶紫色滇本草性微溫味辛酸主治

風寒濕痺筋骨疼痛痰火痿軟手足麻痺活筋舒絡方

中之良效

石筋草



### 紫背鹿銜草

紫背鹿銜草生昆明山石間如初生水

竹子葉細長莖紫微有毛初生葉背亦紫得濕即活人

石草卷之十七

石筋草

紫背鹿銜草

象鼻草

對葉草

樹頭花

家屋瓦上多種之夏秋間梢端葉際作扁苞如水竹子

中開三圓瓣碧藍花絨心一簇長三四分正如翦繪絹

爲之上綴黃點耐久不斂鮮花苔繡長伴階除秋雨蕭

條稍堪拈笑

紫背鹿銜草



### 象鼻草

象鼻草生雲南一名象鼻蓮初生如舌厚潤


有刺兩葉對生高可尺餘邊微內翕外葉冬瘁內葉即

生栽之盆玩喜陰畏曠蓋即與仙人掌相類雲南府志

石草卷之十七 石筋草 紫背鹿銜草 象鼻草 對葉草 樹頭花

可治丹毒產大理者夏發莖開小尖瓣黃花如穗性涼  
敷湯火傷良

象鼻草



對葉草 對葉草生雲南山石上根如麥門冬累綴成

簇下有短鬚甚硬根上生葉如指甲雙雙對生冬開小  
白花四瓣作穗長二三分與瓜子金相類而花異性亦  
應同石斛

對葉草

樹頭花

樹頭花雲南老屋木板上皆有之開三瓣紫  
花古今圖書集成順寧府產樹頭花年久枯樹上所生

樹頭花



狀似吉祥草而葉稍大開花如穗一莖有花十餘朵香  
遜幽蘭狀頗相類

**金蘭** 金蘭卽石斛之一種花如蘭而瓣肥短色金黃有

光灼灼開足則扁闊口哆中露紅紋尤艷凡斛花皆就  
莖生柄此花從梢端發枝一枝多至六七朵與他  
斛異滇南植之屋瓦上極繁且賣其花以插鬢滇有五  
色石斛此其一也

金蘭



**石交** 石交生雲南山坡高尺餘褐莖如木交互相糾初

石草卷之十七 金蘭 石交 豆瓣綠 草血竭 郁松

附莖生葉漸出嫩枝三葉一簇面綠背紫大者如豆小  
者如胡麻參差疏密自然成致滇本草性溫味苦辣有  
小毒走筋絡治膈氣痛冷寒攻心胃氣疼腹脹發散瘡  
毒

石交



**豆瓣綠** 豆瓣綠生雲南山石間小草高數寸莖葉綠

脆每四葉攢生一層大如豆瓣厚澤類佛指甲梢端發  
小穗長數分亦脆土醫云性寒治跌打順寧有製爲膏  
服之或有驗惟滇南凡草性滋養者皆曰鹿銜誕詞殊  
未可信姑存其方

六味鹿銜草膏

石草卷之十七 金蘭 石交 豆瓣綠 草血竭 郁松

六味鹿街草皆生順寧縣懸洞林岩板岩採取豆瓣  
鹿街草紫背鹿街草岩背鹿街草石斛鹿街草竹葉鹿  
街草龜背鹿街草六味加大茯苓用桑柴合煎去渣更  
加別藥熬一日夜冰髓融膏性平和男女老幼皆可服  
忌酸冷治痰火用葶根酒服年老虛弱頭暈眼花用福  
圓大棗湯服年幼先天不足五勞七傷火酒調服患病  
日久難以起欠福圓大棗茯苓姜湯  
服此膏長服益壽延年鬚髮轉黑

豆瓣綠



草血竭 草血竭一名回頭草生雲南山石間亂根細

如團髮色黑橫生長柄長葉微似石草而柔面綠背淡  
柄微紫春發葶開花成穗如小白蓼花滇本草味辛苦  
微瀉性溫寬中消食化痞治胃疼寒濕浮腫癥瘕淤血  
男婦痞塊癥積聚草血竭一錢焙末砂糖熱酒服氣  
盛者加檳榔台烏寒濕浮腫草血竭尚香根草果子共

爲細末煮鱈魚  
吃三四次效

草血竭

郁松 郁松生蒙自縣山中綠莖細葉蒙茸在柔一叢數

郁松




本經冬不萎故名爲松而枝葉俱扁土醫採治牙痛無論風火蟲蝕揉熟塞入患處卽止

### 鏡面草

鏡面草生雲南圃中根莖黑糙附莖附根發

葉極似蕁光滑厚脆故有鏡面之名雲南志錄之云可治丹毒此草性形大致同虎耳草

鏡面草



### 石風丹

石風丹生大理府似石草有莖梢開青花作

穗如狗尾草俚醫用之云性溫味苦無毒通行十二經絡養血舒肝益氣滋腎入筋祛風入骨除濕蓋亦草血

### 竭一類

石風丹



### 一把傘

一把傘生大理府石上似義眉萬年松而葉圓俚醫用之云味甘澁性溫入足少陰補腰腎壯元陽

一把傘



石草卷之十七 鏡面草 石風丹 一把傘 地捲草 石龍尾 過山龍 玉芙蓉

石草卷之十七 鏡面草 石風丹 一把傘 地捲草 石龍尾 過山龍 玉芙蓉

地捲草

地捲草即石上青苔濕氣凝結成片與仰天皮相似面青黑背白蓋即石耳之類滇本草味甘性溫無毒生石上或貼地上綠色細葉自捲成蟲形一名蟲草一名抓地松採取治一切跌打損傷筋骨如神不可生用生則破血夷人呼為石青苔治鼻血效

地捲草

石龍尾

石龍尾生雲南山石上獨莖細葉四面攢生高四五寸頗似初生青蒿而無枝又大致如石松等而莖肥葉濃性應相類




石龍尾



過山龍

過山龍一名骨碎補似猴薑而色紫有毛雲南極多味苦性溫補腎治耳鳴及腎虛久瀉

過山龍



玉芙蓉

玉芙蓉生大理府形似楓松樹脂黃白色如牙相粘得火可然俚醫云味微甘無毒治腸痔瀉血


玉芙蓉



獨牛 獨牛生雲南山石間初生一葉似秋海棠葉而光

滑無鋸齒淡綠厚脆疎紋數道面有紫暈如指印痕莖高三四寸從莖上發苞開花花亦似海棠只二瓣黃心一簇盆石間植之有別趣且耐久

獨牛



半把繖 一名雄過山

半把繖生雲南山石上橫根黑鬚


石草卷之十七 獨牛 半把繖 大風草 骨碎補 還陽草 石龍參

如亂髮莖端生葉長二三寸披垂如繖而闕其半背有點如金星



牛把繖

大風草 大風草石草之類而葉長尺許薄脆橫直紋



大風草

石草卷之十七 獨牛 半把繖 大風草 骨碎補 還陽草 石龍參

皆類蕉葉背有白綠點蓋無風自搖者

骨碎補 骨碎補與猴薑一類惟猴薑扁闊骨碎補圓

長漢之採藥者別之

骨碎補



還陽草 還陽草大體類鳳尾草細莖如漆橫根多毛


殆石長生之類

還陽草

石龍參 石龍參生昆明山石間一莖一葉如苕葉根

白有黑橫紋宛似小蠶復有長鬚十數條

石龍參





小扁豆 小扁豆生雲南山上長三四寸紅莖對葉

開小紫花作穗結實如扁豆極小


小扁豆



子午蓮

子午蓮

子午蓮滇曰此碧花生澤陂中葉似蓴有歧




馬尿花

背殷紅秋開花作綠苞四圻爲跗如大綠瓣內舒千層  
白花如西番菊黃心亦作千瓣大似寒菊浪穹縣志莖  
長六七丈氣清芬采而烹之味美於蓴八月花開滿湖  
湖名此碧以此按本草拾遺萍蓬草葉大如荇花亦黃  
李時珍謂葉似荇而大其花布葉數重當夏晝開花夜  
縮入水晝復出則此草其卽萍蓬耶

馬尿花生昆明海中近華浦尤多葉如荇而

背凸起厚脆無骨數莖爲族或挺出水面抽短莖開三  
瓣白花相疊微皺一名水旋覆滇本草味苦微鹹性微

馬尿花



水草卷之十七

小扁豆 子午蓮

馬尿花

海菜

滇海水仙花

水毛花

水草卷之十七 小扁豆 子午蓮

馬尿花 海棠 滇海水仙花 水毛花

寒治婦人赤白帶下按野菜贊云油灼灼類圓大一缺背點如水泡一名芡菜沸湯過去苦澀須薑醋宜作乾菜根甚肥美即此草也

**海棠** 海棠生雲南水中長莖長葉葉似車前葉而大皆

藏水內抽葶作長苞十數花同一苞花開則出於水面三瓣色白瓣中凹視之如六大如杯多皺而薄黃蕊素萼照耀漣漪花罷結尖角數角彎翹如龍爪故又名龍爪菜水瀕人摘其莖煤食之蒙自縣志莖頭開花無葉

海棠



長丈餘細如斂股卷而束之以鬻於市曰海棠可淪而食蓋未見植根水底漾葉波際也滇海虞衡志以為其根即蓴則並不識蓴考唐本草有蓴菜葉似澤瀉而小形差相類語即未詳圖亦失真不併入

**滇海水仙花** 滇海水仙花生海濱鋪生長葉如車前

草而瘦粗厚澀紋層層攢密夏抽葶開粉紅花微似報春花團簇作毳映水可愛疑即龍舌草之類根甚甘細

滇海水仙花



**水毛花** 水毛花生滇海濱三稜叢生如初生麥蒲高

二三尺梢下開青黃花似燈心草微大一莖一花根如

茅根

水毛花



### 水金鳳

水金鳳生雲南水澤畔葉莖俱似鳳仙花葉

水金鳳




色深綠滇南本草味辛性寒洗筋骨疼痛疥癩癬瘡殆  
能去濕夏秋時葉梢生細枝一枝數花亦似鳳仙而有  
紫黃數種尤耐久

### 水朝陽草

水朝陽草生雲南海邊獨莖柔綠葉如金

鳳花葉而肥短細紋密齒梢端開花黃瓣如千層菊大  
如小杯繁心孕密葉承附掩映蓼浦欹側金盆澤畔  
縟絢不亞江南菰蘆中矣滇本草味甘辛無毒性熱似  
鼓鍾草包葉而生花子朝陽生故名採煮靈砂成丹名

水朝陽草



水草卷之十七 水金鳳 水朝陽草 水朝陽花 薺米 牙齒草

水草卷之十七 水金鳳 水朝陽草 水朝陽花 薺米 牙齒草

純陽丹救一切病其效如神云

水朝陽花 水朝陽花生雲南海中獨莖高四五尺附

莖對葉柔綠有毛梢葉間開四瓣長筒紫花圓小嬌艷映日有光瀟本草有水朝陽草與此異此草花罷結角細長寸許老則迸裂白絮茸茸如婆婆針線包而短應亦可敷刀瘡



水朝陽花


薺米 薺米生陂塘直隸謂之薺米固始謂之茶菱江西

義寧謂之藻心蔓生水中長柄圓葉似初生小葵而扁

牙齒草 牙齒草生雲南水中長根橫生紫莖一枝一

一邊生葉一邊結筒子長四五分端有三叉俗亦呼三叉草筒內實如蓮鬚長二寸許以芝麻拌燭香氣撲鼻可以釘盤亦用為茶素潔馨頗宜脾胃

薺米



葉葉如竹光滑如荇開花作小黃穗滇本草味苦澀止赤白痢大腸下血婦人赤崩帶下惡血

水草卷之十七  
牙齒草



# 植物名實圖考卷之十八

固始吳其濬著

蒙自陸應穀校刊

水草類

澤瀉

香蒲

蘋

羊蹄

陟釐

昆布

蓴

蘼草

海蘊

鹿角菜

菖蒲

水萍

海藻

酸模

石髮

菰

茗菜

紫菜

海帶

石花菜

藻

黑三棱

磚子苗

水粟草

水豆兒

水葫蘆苗


魚蓂草

澤瀉

澤瀉本經上品救荒本草謂之水薺菜葉可煤食

撫州志臨川產澤瀉其根圓白如小蒜

澤瀉




菖蒲

菖蒲本經上品石菖蒲也凡生名山深僻處者一寸皆不止九節今人以小盆蒔之愈剪愈矮故有錢蒲

諸名

雲婁農曰沈存中謂蓀卽今菖蒲而抱朴子謂菖蒲須得石上一寸九節紫花尤善菖蒲無花忽逢異蓀其可遇不可必得者耶然平泉草木記又謂茅山谿中有谿蓀其花紫色則似非靈芝天花神仙奇藥矣若如陶隱居所云谿蓀根形氣色極似石上菖蒲而葉如蒲無春俗人誤呼此爲石上菖蒲按其形狀乃似今之吉祥草不入藥餌沈說正是隱居所謂俗誤而抱朴子乃併二物爲一彙耶離騷草木疏引證極博不無調停詩人行

菖蒲



水草卷之十八 香蒲 水萍 蘋 海藻

吟徒揣色相仙人服餌尤務詭奇隱居此注似爲的矣


香蒲

香蒲本經上品其花爲蒲黃俗名蒲棒唐本草注

根可茹者爲香蒲菖蒲爲臭蒲李時珍謂香蒲有脊而柔泥菖蒲根大節白而疎水菖蒲根瘦節赤稍密卽溪蓀云

雲婁農曰蒲槌怒擊池中物耳而本草以爲香楚詞豈獨紉夫蕙茝舊說皆以茝爲白芷獨草木疏據說文楚離晉蕙齊茝之說以爲卽莞苻離乃莞蒲也然則蒲爲

香蒲



水草卷之十八 香蒲 水萍 蘋 海藻

香草信矣出汗不染沁粉屑金娘之蓮菱芝蘭縱不隣其發越亦當結此幽貞吳氏之說獨標穎異故不糠糝其言

水萍 水萍本經中品爾雅萍萍其大者蘋吳普本草始別出蘋即俗呼田字草


水萍



蘋 蘋四葉合成一葉如田字形或以其開小白花因呼

白蘋或謂生水中者為白蘋生陸地者為青蘋水生者可茹云


蘋



海藻 海藻本經中品爾雅蔞海藻注如亂髮生海中蓋

即俗呼頭髮菜之類又拾遺有海蘊蘊訓亂絲亦其類

海藻





也

羊蹄 羊蹄本經下品詩經言采其萐陸疏萐牛薺揚州人謂之牛蹄毛傳萐惡菜爾雅藎牛薺郭注未指爲萐所述狀亦與羊蹄稍異今通呼牛舌科亦曰牛舌大黃子名金蕎麥以治癬疥

羊蹄



酸模

酸模陶隱居云一種極似羊蹄而味醋呼爲酸模亦療疥日華子始著錄本草拾遺以爲卽山大黃引爾雅須薺蕪郭注似羊蹄而稍細味酸可食爲證亦可通但詩經采葍毛傳葍須也鄭注坊記以葍爲蔓菁掌禹錫之說本此李時珍駁之過矣

陟釐

陟釐別錄下品卽側理海中苔纏牽如絲綿之狀

陟釐

酸模



水草卷之十八 羊蹄 酸模 陟釐 石髮 昆布 菰

水草卷之十八 羊蹄 酸模 陟釐 石髮 昆布 菰

以爲紙亦可乾爲脯

石髮 石髮原附海藻下本草綱目始分條生海中曰龍

鬚菜與石衣同名司馬溫公詩萬古風濤浸石巖老苔

垂足細鬚傳聞海底珠無數何事從來散不簪蓋生

海涯石上今通呼頭髮菜

石髮





昆布 昆布別錄中品今治癭瘤瘰癧多用之

昆布

菰 菰別錄下品或謂之菱亦謂之蔣中心臺謂之菰首

菰




俗呼茭白亦曰茭瓜宋圖經謂爾雅出隧蘧蔬卽此秋時結實謂之彫胡米救荒本草菰根謂之茭笋今京師所謂茭耳菜也湘陰志茭草吐穗開小黃花實結莖端細子相膠大如指色黑小兒剝出煨熟食之味亦香美謂之茭杷卽菰米也

蓴

蓴別錄下品詩經言采其芣陸疏芣與苧菜相類江南春夏間有之夏末已不中噉昔人有謂張季鷹秋風蓴鱸及杜子美祭房太尉詩爲非蓴菜時者蓋因湘中

蓴



水草卷之十八 蓴 苳菜 薺草 薺菜 紫菜 海蘊


之蓴而致疑也

苳菜

苳菜爾雅苳接余陸璣詩疏謂可以按酒唐本草云鳧葵卽此救荒本草謂之苳絲菜一名金蓮兒湘陰志水荷莖葉柔滑莖如釵股根如蕩人多以爲糝食亦卽此類

零婁農曰詩傳芣鳧葵苳接余二名瞭然唐本草注以猪蓴爲苳遂並鳧葵屬之蓋誤以蓴爲苳也埤雅從之而鳧葵爲苳蓴通稱矣物之在水者多名鳧象鳧之出


苳菜



水草卷之十八 蓴 苔菜 藟草 紫菜 海蘊

沒波際耳芍曰薺此人之泗水者亦曰薺其義同也古  
人於菜之滑者多曰葵終葵葉不似葵其滑同也二物  
處水而滑故名易淆陸元恪云可案酒後世食者絕鮮  
南史沈觀採蓴荇根供食救荒本草嫩苗燥熟皆為荒  
計巖棲幽事云爛煮味如蜜曰荇酥然亦得於所聞  
**藟草** 藟草唐本草始著錄葉似澤瀉堪蒸啖江南人用  
以蒸魚云

藟草



**紫菜**

紫菜本草拾遺始著錄諸家皆以附石正青色乾  
之即紫然自有一種青者滇南謂之石花菜深山中  
多有之或生海中者色紫生山中色青耳


紫菜



**海蘊**

海蘊本草拾遺始著錄主治癭瘤結氣在喉間下

海蘊




水蓋海藻之細如亂絲者

### 海帶

海帶嘉祐本草始著錄今以為海錯俗云食之能

消痰去痔

海帶



### 鹿角菜

鹿角菜食性本草始著錄通志以為即綸李

時珍所述即今鹿角菜與原圖不甚符存以俟考

鹿角菜

### 石花菜

石花菜本草綱目始著錄生海礁上有紅白

二花形如珊瑚粗者為雞腳菜今海菜中有鳳尾菜如

石花菜



水草卷之十八 海帶 鹿角菜 石花菜 藻 水豆兒

珊瑚而扁亦其類也

藻

藻爾雅蒼牛藻注似藻而大陸瓊詩疏有二種一似

蓬蒿一如雞蘇皆可為茹本草綱目始收入水草湘陰

志馬藻兩兩葉對生如馬齒牛尾藻亦藻類俗名絲草

即大小二種也

雲婁農曰藻火絺繡尚矣澗溪濫藻可羞可薦後世屋

上覆椽謂之藻并以畫以織名之曰鬪取其潔取其文

取其釀火不以賤而遺之也魚朝恩有洞四壁夾安琉

藻



璃板中貯水及魚藻號魚藻洞侈極矣富者亦復效之

楊子云吾見斧藻其窠未見斧藻其德惟師曠云歲欲

惡惡草先生惡草者藻也藻為惡草豈以水潦將至之

徵耶凡浮生不根茂者生於萍藻君子觀於藻得潔身

之義而戒其無根則免於惡矣


水豆兒

救荒本草水豆兒一名葳菜生陂塘水澤中

其莖葉比菹草又細狀類細線連綿不絕根如釵股而

色白根下有豆如退皮菘豆瓣味甘採秧及根豆擇洗

水豆兒



潔淨煮食生醃食亦可

**黑三稜**

救荒本草黑三稜舊云河陝江淮荆襄間皆有之今鄭州賈峪山澗水邊亦有苗高三四尺葉似菖蒲葉而厚大背皆三稜劍脊葉中攏葶葶上結實攢爲刺毬狀如楮桃樣而尖顆瓣甚多其顆瓣形似草決明子而大生則青熟則紅黃色根狀如烏梅而頗大有鬚蔓延相連比京三稜體微輕治療並同其葶味甜味苦性平無毒採嫩葶剝去籠皮燥熟油鹽調食



黑三稜

水草卷之十八

黑三稜

水胡蘆苗


磚子苗

魚囊草

水粟草

**水胡蘆苗**

救荒本草水胡蘆苗生水邊就地拖蔓而生每節間開四葉而葉如指頂大其葉尖上皆作三叉味甜採嫩秧連葉燥熟水浸淘淨油鹽調食



水胡蘆苗

**磚子苗**


救荒本草磚子苗一名關子苗生水邊苗似水葱而籠大內實又似蒲葶梢開碎白花結穗似水莎草穗紫赤色其子如黍粒大根似蒲根而堅實味甜子味亦甜採子磨麪食及採根擇洗淨換水煮食或晒乾磨爲麪食亦可

水草卷之十八  
黑三棱 水胡蘆苗 礮子苗 魚囊草 水粟草

魚囊草


葉圓齒黃筋

魚囊草生湖北陂澤獨莖淡紫色長葉如柳



礮子苗

魚囊草



水粟草

梢端開小黃花如野菊而小

水粟草

水粟草生湖北陂澤獨莖褐色葉似菊而瘦





# 植物名實圖考卷之十九

固始吳其溶著

蒙自陸應穀校刊

## 蔓草類

紅梅消	潑盤
地附子	大血藤
三葉挈藤	山木通
小木通	大木通
三加皮	石猴子
貼石龍	野扁豆
九子羊	山豆
金線草	五爪金龍
無名一種	過山龍
山慈姑	萬年藤

大打藥	鑽地風
飛來鶴	金線壺盧
稱鈞風	癩蝦蟆
陰陽蓮	狂風藤
金錢豹 <small>又一種</small>	挈藤
石血	百脚蜈蚣
千年不爛心	石盤龍
香藤	野杜仲
廣香藤	清風藤
南蛇藤	無名一種
川山龍	扳南根
鵝抱蛋	順筋藤
紫金皮	內風消
無名一種	臭皮藤
牛皮凍	藁蓮藕

雞矢藤

金燈藤

兩頭挈

紅梅消

紅梅消 江西南湖南河濱多有之細莖多刺初生似叢漸引長蔓可五六尺一枝三葉葉亦似藕田蔗初發面青背白漸長背即淡青三月間開小粉紅花色似紅梅不甚開放下有綠蒂就蒂結實如覆盆子色鮮紅纍纍滿枝味酢甜可食 按蘼屬甚多李時珍亦未盡攷故不云有紅花者辰谿縣志山泡有三月泡大頭

紅梅消



泡田雞泡扒船泡泡即蘼語音輕重耳名隨地改殆難全別江西俚醫以紅梅消根浸酒為養筋治血消紅退腫之藥又取花汁入粉可去雀斑蓋色形味與蓬蘽覆盆相類其功用應亦不遠李時珍分別入藥不入藥亦只以本草所有者言之而山鄉則可食者即多入藥未可刻舟膠柱也此草滇呼紅瓊梅採作果食湖南北謂之過江龍簡易草藥收之其枝梢下垂及地則生根黔中謂之倒築傘遵義府志枝葉結子與薔秧蘼絕似枝末拄地則生根復起再長拄地復然大者不知其本末所在根可入藥云

潑盤

救荒本草潑盤一名托盤生汝南荒野中陳蔡間多有之苗高五七寸莖葉有小刺其葉彷彿似艾葉稍團葉背亦白每三葉攢生一處結子作穗如半柿大類小盤堆石榴顆狀下有蒂承如柿蒂形味甘酸性溫以潑盤顆粒紅熟時採食之彼土人取以當果 按李時珍云一種蔓小於蓬蘽一枝三葉葉面青背淡白而微



藜蘆

有毛開小白花四月實熟其色紅如櫻桃者俗名蔞田  
 蘆即爾雅所謂蘆者也故郭璞註云蘆即莓也子似覆  
 盆而大赤色酢甜可食此種不入藥用即此

### 地附子

地附子產建昌蔓生莖如初生小竹有節一

枝三葉葉長有尖圓齒疎紋對葉生鬚鬚就地生根大  
 如麥冬俚醫以治小兒退熱止腹痛取漿沖服



地附子


### 大血藤

宋圖經血藤生信州葉如蕪蒿葉根如大拇

指其色黃五月採行血治氣塊彼土人用之李時珍按  
 虞搏云血藤即過山龍未知的否姑附之蒿草下 按  
 過山龍俗名甚多不圖其形無從審其是否羅思舉簡  
 易草藥大血藤即千年健汁漿即見血飛又名血竭雌  
 雄二本治筋骨疼痛追風健腰刻今江西廬山多有之  
 土名大活血蔓生紫莖一枝三葉宛如一葉擘分或半

蔓草卷之十九 地附子 大血藤 三葉擘藤 山木通

蔓草卷之十九 地附子 大血藤 三葉掣藤 山木通



大血藤

邊圓或有角而方無定形光滑厚韌根長數尺外紫內  
白有菊花心掘出曝之紫液津潤浸酒一宿紅艷如血  
市醫常用之廣西梧州志千年健浸酒祛風延年彼中  
人以遺遠束以色絲頗似降真香

三葉掣藤 三葉掣藤生長沙山中蔓生黑莖新蔓柔

細一枝三葉葉長寸餘而未頗團面青背白直橫紋皆

細俚醫以為治跌損和筋骨之藥

山木通 山木通長沙山中有之粗莖長蔓三葉攢生



三葉掣藤



山木通

一枝光滑厚韌葉際開花花罷殘蕊茸尙在莖上俚醫用以通竅利水 按圖經木通一枝五葉葉如石韋此藤老莖亦中空葉亦似石韋而只三葉無實又別一種

**小木通** 小木通產湖口縣山中莖葉深綠長蔓鼻娜

每枝三葉葉似馬兜鈴而細俚醫用以利小便 按俗間木通多種以木通本功通利九竅故藤本能利水者多以木通名之



小木通

蔓草卷之十九 小木通 大木通 三加皮 石猴子 貼石龍

**大木通** 大木通產九江山中一名接骨丹粗藤如樹

短枝青綠對葉排生濃綠大齒俚醫搗葉敷治腳瘡爛毒壅利小便 按形狀與本草圖異蘇頌引燕吳行紀揚州甘泉東院有通草其形如樁子垂梢際所說不同或別一物此草頗似椿葉惟大齒不類



大木通

**三加皮** 三加皮產建昌山大根赭黑似何首烏叢

生細莖老赭新綠對發短枝一枝三葉葉勁無齒形似豆葉而長面綠背青白中直脈紋亦稀疏俚醫以治風

蔓草卷之十九 小木通 大木通 三加皮 石猴子 貼石龍

氣故名三加皮非與一名金鹽之五加皮一類也



三加皮

石猴子

石猴子產南安蔓生細莖莖距根近處有粗

節手指大如麥門冬黑褐色節間有細鬚繚繞短枝三

葉葉微似月季花葉氣味甘溫土人取治跌打損傷婦

人經水不調敷一切無名腫毒 按本草拾遺江西山

林間有草生葉頭有瘦子似鶴薺葉如柳亦名千金藤

或卽此

貼石龍

貼石龍生南安赤根無鬚細莖青赤一枝三

石猴子



貼石龍



葉葉如柳葉俚醫以治頭痛腦風牙痛井水煎服蛇咬擦傷處亦可服

**野扁豆** 野扁豆長沙坡阜有之莖葉俱似扁豆而小開花亦如扁豆花而色黃結扁角長寸許子大如莢藜俚醫以洗無名腫毒



野扁豆

**九子羊** 九子羊產衡山蔓生細綠莖葉如蛾眉豆葉

一枝或三葉或五葉秋開淡綠花如豆花而內有郭如人耳結短角根圓如卵數本同生秋時掘取輒得多枚俚醫用之

九子羊



**山豆** 山豆產寧都赭莖小科莖短而勁一枝三葉如豆

山豆



蔓草卷之十九 野扁豆 九子羊 山豆 金線草 五爪金龍 無名一種

蔓草卷之十九 野扁豆 九子羊 山豆 金線草 五爪金龍 無名一種

葉而小面青背微白秋結小角長三四分四五成簇有  
豆兩粒緒根如樹根長四五寸俚醫以治跌打能行兩  
腳與廣西山豆根主治異

金線草 金線草生長沙岡阜間蔓生方莖四葉攢生

一處莖葉皆有澀毛棘人衣與茜草同唯葉大而圓為  
異考本事方翦草似茜治血證極效此草能行血治腰  
痛俚醫用之或即本事方之翦草湖南呼茜草皆曰鋸



五爪金龍 五爪金龍產南安橫根抽莖莖葉俱綠就

莖生小枝一枝五葉分布如爪葉長二寸許本寬四五  
分至末漸肥復出長尖細紋無齒根褐色硬如草薺




無名一種 江西南湖多育之長蔓綠壁圓節如竹對

節發小枝五葉同生似烏斂莓而長葉頭亦禿深齒粗  
紋厚澀如皺節間有小鬚粘壁如蠅足與巴山虎相類




蔓草卷之十九 過山龍 山慈姑




過山龍

過山龍 江西山中有之根大如小兒臂長硬



無名一種

萬年藤 大打藥 鑽地風



山慈姑

赭黑莖碧有節附莖對葉大如油桐有歧不勻粗紋大  
 齒俚醫以治閉腿風敷腫毒  
**山慈姑** 山慈姑江西湖南皆有之非花葉不相見者  
 蔓生綠莖葉如蛾眉豆葉而圓大深紋多皺根大如拳  
 黑褐色四圍有白鬚長寸餘蓬茸如蝟建昌土醫呼為  
 金線吊蝦蟆微肖其形以為敗毒通氣散痰之藥余曾  
 求坐攀草於永豐令以此草應命殆未必確


蔓草卷之十九 過山龍 山慈姑 萬年藤 大打藥 鑽地風

萬年藤

萬年藤產建昌山中蔓生硬莖就莖兩葉對

生圓如馬蹄有微尖橫直細紋梢葉有缺頗似白英楮

根長尺許圓節俚醫以洗瘡毒滋陰生涼



萬年藤

大打藥

大打藥產建昌山中蔓生綠莖紫節如竹一


葉一鬚鬚赭色葉圓大如馬蹄有尖綠潤疎紋赭根長

一二尺餘俚醫以治打傷取根一段煎酒服


鑽地風

鑽地風長沙山中有之蔓生褐莖莖根一色

鑽地風



大打藥



不堅實葉如初生油桐葉而圓碎紋細齒俚醫以治筋骨行脚氣

飛來鶴 飛來鶴生江西廬山莖葉似旋花惟葉紋深

紫嫩根紅潤小如箸頭與他種異



飛來鶴

金線壺盧 金線壺盧生江西建昌山中硬根勁蔓俱

黑赭色嫩枝細綠葉柄長韌葉本圓缺如馬蹄而未出長尖中腰微凹有似細腰壺盧俚醫用根醋磨敷乳吹


稱鈎風 稱鈎風江西有之蔓延牆垣綠莖柔韌葉有

尖而禿澀糙有直紋數縷土人未知所用

稱鈎風



金線壺盧




蔓草卷之十九 飛來鶴 金線壺盧 稱鈎風 癩蝦蟇 陰陽蓮 狂風藤

蔓草卷之十九 飛來鶴 金線壺盧 稱鉤風 癩蝦蟆 陰陽蓮 狂風藤

癩蝦蟆

癩蝦蟆產南康廬山赭根細鬚大如指青莖蔓生近根四葉對生極似玉簪花葉而小梢葉錯落近葉發小枝上綴青膏莢細如粟米成穗開五瓣小黃花廬山靈藥塞壑填谿記載缺如服食無方余遣採訪多不識名偶逢樵牧隨其指呼姑紀形狀以俟將來

癩蝦蟆



陰陽蓮

陰陽蓮一名大葉蓮產建昌山中蔓生細綠莖淡紅節有小刺就節參差生葉葉本如馬蹄寬寸餘末尖長二寸許面濃綠背黃白粗紋微澀根大如指橫發枝蔓俚醫以治婦科調經取根幹同桃仁煎酒服

狂風藤

狂風藤江西贛南山中有一赭根綠莖蔓生



陰陽蓮

狂風藤



柔荑參差生葉長柄細韌似山藥葉而長僅有直紋數道土人以治風疾

金錢豹

●金錢豹產南安蔓生綠莖葉圓而尖近枝有微缺深紋有皺似牛皮凍葉而長梢頭結實楮殼纍纍薄如蟬蛻內含青子土人以治嗽又一種同名異類余再至南安遣人尋採僅一見之



金錢豹一


●金錢豹亦生南贛蔓生綠莖細柔葉似婆婆針線包而窄有細齒綠蒂紫花花瓣層疊下垂作笛子微向外卷不甚開放與前一種名同類異

挈藤

挈藤一名毛藤黎產南城麻姑山黑莖大葉如麻



金錢豹二



挈藤

蔓草卷之十九 金錢豹 挈藤 石血 百脚蜈蚣 千年不爛心

葉深齒疎紋葉端尖長結青實如棠梨而小

石血 宋圖經石血與絡石極相類但葉頭尖而赤耳

按江西山坡及牆壁木石上極多葉紅如霜葉掩映綠  
卉尤增鮮明但細審其葉一莖之上或尖或團團如人  
手指尖如竹葉秋時結長角如豇豆長六七寸初青後  
赤破之有子如羅摩子半如鍼半如絨絨亦白軟大約



石血

與絡石同種而結角則異或以為雌雄耳

百脚蜈蚣 百脚蜈蚣生江西廬山緣石蔓衍就莖生

根與絡石木蓮同葉似山藥有細白紋面綠背淡新莖  
亦綠

百脚蜈蚣



千年不爛心 千年不爛心產建昌山中蔓生如木根

莖堅硬就老莖發軟枝附枝生葉微似山藥葉色淡綠  
背青黃秋結圓實攢簇生碧熟紅俚醫用之

蔓草卷之十九 石盤龍 香藤 野杜仲 廣香藤 清風藤

石盤龍



石盤龍

石盤龍江西山中多有之橫根赭黑絡石蔓



千年不爛心

衍綠莖糾結葉比木蓮小而尖亦薄弱面青背黃綠俚

醫採根同檳榔煎酒治飽脹

香藤 香藤產南安蔓生褐莖有節節間有鬚葉如柳葉

而寬葉本有黑鬚數莖如棕氣味甘溫主治和血去風

香藤



野杜仲

野杜仲撫建山中有之蔓生盤屈黑莖有星

勁脆如木葉如橘葉而不光澤疎紋無齒短枝枯槎頗

似針刺根亦堅實俚醫以治腰痛取皮浸酒功似杜仲

故名

蔓草卷之十九 石盤龍 香藤 野杜仲 廣香藤 清風藤

廣香藤

廣香藤產南安綠葉毛澀黃背赭紋極似各



廣香藤



野杜仲

清風藤

樹寄生惟褐莖長勁為異俚醫用以解毒養血清熱

時常有彼土人採其葉入藥治風有效 按清風藤近山處皆有之羅師舉草藥圖云清風藤又名青藤其木



清風藤

蔓延木上四時常青采莖用治風疾風濕凡流注歷節鶴膝麻痺癢痒損傷瘡腫入酒藥中用南城縣尋風藤即清風藤蔓延屋上土人取莖治風濕余詢之南城人云藤以蚤綠楓樹而出樹梢者為真奪楓樹之精液年



深藤老故治風有殊效餘皆無力遣人求得大抵與木

蓮相類厚葉木強藤硬如木粗可一握黑子隆起蓋即

絡石一種而所緣有異又本草拾遺扶芳藤以楓樹上

者為佳恐即一物清風扶芳一音之轉土音大率如此

南蛇藤 南蛇藤生長沙山中黑莖長韌參差生葉葉

如南藤面濃綠背青白光潤有齒根莖一色根圓長微

似蛇故名俚醫以治無名腫毒行血氣



南蛇藤

蔓草卷之十九 南蛇藤 無名一種

川山龍 扳南根 鵝抱蛋

無名一種 江西山岡皆有之多與金剛草蕨叢廁糾

纏綠莖柔細一葉一鬚長葉大齒深紋粗澀根紫黑色

大於草薺而堅 按本草從新有開金鎖根葉亦如草

薺菝萋皆此類

無名一種




川山龍 川山龍產南安蔓生挺立亦莖有星參差生

葉葉圓而長面綠背青黃直紋稀疎圓齒不勻根如老

薑褐黃色赭鬚數莖俚醫以為跌打損傷要藥


蔓草卷之十九 南蛇藤 無名一種 川山龍 扳南根 鵝抱蛋



川山龍

扳南根

扳南根湖南園圃多有之蔓生如葛莖細而



扳南根

韌葉亦似葛而小褐根粗如巨擘俚醫以治疔毒江西呼為雞屎葛根 按蘇恭注黃環云今太常所收劍州者皆雞屎葛根當即此

鵝抱蛋

鵝抱蛋生延昌山中蔓生細莖有節本紫梢


綠葉如菊葉深齒如歧葉下有附莖葉寬三四分根如麥冬而大赭長有橫黑紋五六枚一窠俚醫取根燉酒云散寒氣能補益 按宋圖經有鵝抱蔓似大豆治熱毒形與此異主治亦別



鵝抱蛋

順筋藤 順筋藤南安長沙皆有之蔓生緣曲綠莖赤

節節間有綠鬚纏繞葉如威靈仙葉無歧斜紋葉間結小青實如豆硬根緒紅色礫何盤錯復有長葉攢之氣味甘溫土人取通經絡和血溫補



順筋藤

紫金皮 紫金皮江西山中多有之蔓延林薄紫根堅

實莖亦緒赤葉如橘柚光滑無齒葉節間垂短莖結青蒂攢生十數子圓紫如毬鮮嫩有汁出俚醫用根藤治飽脹腹痛有效兼通肢節 按宋圖經有紫金藤不具形狀和劑方有紫金藤丸

蔓草卷之十九 順筋藤 紫金皮

內風消 內風消江西湖南皆有之蔓生紫莖結實攢



紫金皮



內風消

內風消 無名一種 臭皮藤 牛皮凍

蔓草卷之十九 順筋藤 紫金皮 內風消 無名一種 臭皮藤 牛皮凍

聚如毬極類紫金皮惟葉不攢排有細齒無光澤俚醫以爲內托和血之藥

無名一種 生撫州山坡蔓生楮藤對葉如柳葉而柔

潤秋結青實七八粒圓簇下垂頂有白暈



無名一種

臭皮藤 臭皮藤江西多有之一名臭莖子又名迎風

子蔓延牆屋弱莖糾纏葉圓如馬蹄而有尖濃紋細密

秋結青黃實成簇破之有汁甚臭土人以洗瘡毒

牛皮凍 牛皮凍湖南園圃林薄極多蔓生綠莖長葉



臭皮藤


牛皮凍



如臘梅花葉濃綠光亮葉間秋開白箔子花小瓣五出  
微卷向外黃紫色結青實有汁俚醫云與臭皮藤一種  
圓葉爲雌長葉爲雄用敷無名腫毒兼補筋骨

慕蓮藕

慕蓮藕湖廣園圃中多有之綠莖蔓延附莖



對葉如王瓜葉微尖無毛秋開五瓣小白花數十朵攢  
簇長根近尺色赭土人以治吐血

蔓草卷之十九

慕蓮藕

雞矢藤


金燈藤

兩頭掣

雞矢藤

雞矢藤產南安蔓生黃綠莖葉長寸餘後寬

前尖細紋無齒藤梢秋結青黃實硬殼有光圓如棗豆  
稍大氣臭俚醫以爲洗藥解毒去風清熱散寒




金燈藤

金燈藤一名毛芽藤南嶺皆有之寄生樹上

無枝葉橫抽一短莖結實密攢如落葵而色青紫土人  
採洗瘡毒兼治痢證同生薑煎服


蔓草卷之十九 幕蓮藕 雞矢藤 金燈藤 兩頭挈



金燈藤

兩頭挈

兩頭挈生廣信草似野苧麻有淡紅藤一縷



兩頭挈

便 寄生枝上蓋卽毛茅藤生草上者土醫以治跌打利小

# 植物名實圖考卷之二十

固始吳其濬著

蒙自陸應穀校刊

## 蔓草類

- |     |      |     |                       |     |     |      |                       |     |     |     |
|-----|------|-----|-----------------------|-----|-----|------|-----------------------|-----|-----|-----|
| 獨用藤 | 仙人掌草 | 山豆根 | 威靈仙                   | 馬兜鈴 | 何首烏 | 伏雞子根 | 榼藤子                   | 常春藤 | 土茯苓 | 葛草類 |
| 百棧藤 | 鵝抱   | 預知子 | 黃藥子 <small>三圖</small> | 南藤  | 木鼈子 | 使君子  | 懸鈎子 <small>二圖</small> | 千里及 | 木蓮  |     |


蔓草卷之二十 目錄 土茯苓 木蓮

## 土茯苓

土茯苓即草禹餘糧本草拾遺始著錄宋圖經謂之刺豬苓今通呼冷飯團形狀功用具本草綱目

- |      |       |     |     |     |     |     |     |     |     |     |     |     |
|------|-------|-----|-----|-----|-----|-----|-----|-----|-----|-----|-----|-----|
| 老鸛筋  | 明州天花粉 | 九仙子 | 牛皮銷 | 狗筋蔓 | 馬接腳 | 雞翁藤 | 爪藤  | 石合草 | 含春藤 | 土紅山 | 野豬尾 | 天仙藤 |
| 木羊角科 | 台州天壽根 | 杏葉草 | 豬腰子 | 絞股藍 | 藤長苗 | 烈節  | 紫金藤 | 祁婆藤 | 大木皮 | 芥心草 | 杜莖山 | 金棧藤 |

土茯苓



近時以治惡瘡爲要藥多以萆薢充之或有以商陸根  
僞充者萆薢去濕性尙不遠若商陸則去水峻利宜慎  
辨之

雲婁農曰土茯苓出近世俗醫治惡疾邀重利如操左  
券吾於是見造物之好生也且旋賊之而旋生之也五  
行遞嬗遷腐紛拏人生口體之奉所以戕其四端之性  
而誘之以四奸者蓋無一息之或道乃病以歧黃未論  
之病卽藥以農皇未嘗之藥病既不擇人而生藥亦不

擇地而育甚至垢腐潰臭妻孥遠避而醫者覈沐之而  
投以草木之滋或起行屍而肉白骨卒不使之盡戕其  
生又非造物生機無一息之或停哉夫萬物死於北亦  
生於北易曰坎勞卦也萬物之所成終而成始也造物  
既賊之而復生之勞亦甚矣非特此也孟子曰天地之  
生也一治一亂在人則賊之生之在天下則治之亂之  
造物果何心哉雖然死至思生亂極思治造物之心亦  
人心耳人勞勞於生死治亂之途造物亦不得不勞之  
於生之死之治之亂之之故然則代造物而理物者欲  
聽人物之擾攘而無所勞焉得乎

**木蓮** 木蓮卽薜荔本草拾遺始著錄自江而南皆曰木

饅頭俗以其實中子浸汁爲涼粉以解暑圖經綱目備  
載其功用多驗

雲婁農曰薜荔以楚詞屢及詩人入詠遂目爲香草今  
江南陰濕牆瓦攀援殆遍何曾有臭罔薜荔兮爲帷則  
山居柴扇石戶間皆是矣宋李彥發物供奉大抵類木





木蓮

勸農不得之田牛不得耕墾彈財靡芻力竭餓死或自  
 縊轅輓間如龍鱗薜荔一本輦致之費踰百萬不知此  
 有何好而必輦致非詩人口孽耶徐諸詩雨久莓苔綠  
 霜濃薜荔紅梅聖俞詩春城百花發薜荔上陰階但誦  
 好詩那得不神往密雨斜侵窗戶涼生時乎貧賤者盜  
 天地之菁英以自適其適富貴者又欲盜貧賤之道遙  
 以窮其所窮漢武以藟醬蒲萄而開邊魏大武以甘蔗  
 而返旆侈心之萌誰能刃斬克己復禮仁也楚靈王若  
 能如此豈其辱於乾谿宋徽宗若能如此豈至北以牛

蔓草卷之二十 常春藤 千里及

車

按薜荔李時珍以為即木蓮而圖經以為一類二種  
 滇南有一種與木蓮絕相類而葉實皆略小其即圖  
 經所謂薜荔耶楚詞薜荔拍兮蕙綢罔薜荔兮為帷  
 皆言其能緣牆壁也又曰貫薜荔之落蕊木蓮花極  
 細詞人寓言未可拘執而注以為香草不知薜荔殊  
 無氣味釋雖騷者斤斤於香草美人拘文牽義誠無  
 當於格物耳山海經有萆荔狀如烏韭而生石上應  
 是苔類漢書房中歌都荔遂芳方是香草非絡石蔓  
 延山木者也

常春藤

常春藤即土鼓藤本草拾遺始著錄日華子  
 以為龍鱗薜荔談蒼以為即巴山虎今南北皆有之結  
 子圓碧如珠與拾遺說符功用長於治癰疽腫毒  
 雲婁農曰京師沿稷營園亭者皆能致南中花木即嶺  
 嶠異產亦時附婆羅船越重洋隨拍趁風而達析津然  
 冬寒皆為窟室以避霜雪若薜荔絡石之屬緣牆壁而



互冬夏者則天時地氣皆不宜之惟常春藤被綠垣帶  
怪石綠葉匝爲庭榭之飾焉細花惹蜂青實啞雀於  
藥果皆無取然枝蔓下有細足黏瓠籜極牢疾風甚雨  
不能震撼人之有牆以蔽惡也牆之隙壤藤有賴焉然  
則彼都人士庇焉而不縱尋斧焉宜矣

### 千里及

千里及本草拾遺始著錄圖經千里光千里  
及形狀如一李時珍併之良是其黃花演花同葉異則  
非一種今俚醫用以治目呼爲九里明



雲婁農曰藥物異地則異名而千里光之名起嶺嶠下  
豫章逾彭蠡洞庭達於夜郎牂牁無弗同者聞名而知  
其必有功於目已其花黃如菊盛於秋得金氣殆菊之  
別子耶花老爲絮則與蒲公英又類族也滇醫以洗瘡  
毒蓋以此吾觀其物而愧不能爲光明燭也雖有良藥  
其如余何乃作詩曰登臨滇海亦旣觀止悠悠極目思  
在千里左眄千里洞庭始波滔滔江漢舟楫若何右眺  
千里一綫瀾滄赤髮金齒遜矣窮荒前望千里九嶷蒼

梧愁雲曷極海波天吳後顧千里金沙岷江東流不息  
 去矣吳艤玉京何在三萬六千白雲間之衆星醉天露  
 冷之柏霜隕之桑安得神瞳闕彼帝鄉英光灑迆與爾  
 實族且信人言以拭吾目

榼藤子

榼藤子卽象豆詳南方草木狀本草拾遺開

寶本草始著錄南越筆記云子炒食味佳

榼藤子



雲婁農曰余至粵未得見斯藤按記子可食膚可爲榼  
 以貯藥何造物憫斯人之勞而爲之代斲也蔬之實有  
 匏焉小以酌大以濟木之實有椰焉小以飲大以掬古  
 者祭祀器用匏非僅尙其質亦以見天地之爲人計者  
 纖悉俱備用之以示報也彼靡天地之物而不知天地

之心必以暴殄致天罰榼藤惜不植於嶺北近世蜀中  
 模柚皮以爲器以無用爲用且輕而潔南嶽斷大竹以  
 爲甑至省工力若而人也以嘗巧也不爲病矣

懸鉤子

懸鉤子本草拾遺始著錄李時珍以爲卽爾

懸鉤子一



雅蒨山莓郭注今之木莓也小樹高不盈丈江南山中  
 多有之與楊梅同時熟或亦呼爲野楊梅  
 雲婁農曰湖湘間莓至多皆春時熟然多蔓生此草得  
 之袁州居然木也嶺南及滇蔓者皆類木殊不易別凡  
 莓皆以果視之不僅充猿糧而供扈粟矣山居之民飲  
 木葉蔬澗毛糲藤根果實之具甘酸者婦穉緣嶽巖而

蔓草卷之二十 檣藤子 懸鉤子 伏雞子根 使君子



懸鉤子二

掇之以爲佳品其天性全而滋味薄故能與猱鼯爭捷而嵐氣不得刺其膚草通都大邑甜榴好李無非栽接種則珍矣譬如一麥而有桃李奈三味焉欲持此以證農皇所嘗之味豈有合耶

伏雞子根 伏雞子根本草拾遺始著錄生天台山根

伏雞子根



似鳥形者良治黃疸瘡癰腫

使君子 使君子即留求子形狀詳南方草木狀開寶

本草始著錄今以治小兒虻蟲實長如樞實本草衍義謂用肉難得仁蓋絕小殊未確



使君子

雲婁農曰藥之殺蟲者味皆辛苦留求子味至甘且馨小兒嗜之無推除之跡而殺蟲尤峻然則風雨和甘皆可以化無形之害不必隕霜降雪而後能殲蝥賊螟螽矣三代以前去惡如鋤草朝野晏然而禍根已盡三代

以後去惡如拔山國法甫行而死灰復起蓋和甘者所以植善類善類長則稜秀消霜雪者所以毒惡物惡物不盡則禾黍不滋且和甘之日長則惡物無冀倖之心霜雪之日短則善類有孤子之懼稷契升庸而共兜自遠和甘之普被也漢唐廓清而讒險猶在霜雪所不及也雖然苦之殺蟲效可立見甘之殺蟲效必緩臻是又王霸之分而歡娛皞皞之異形矣乃爲使君之贊曰彼使君兮如風之東披拂惠和虺蜴遁窮彼使君兮如炎而潤浸沐洗濯跼恬順彼使君兮如霜而呆惠我亦子如在保抱彼使君兮如冽而曠曝我窮黎爲掃蠹蚤使君使君飲之可醺載合載吮思我使君

### 何首烏

何首烏詳唐李翱何首烏傳開寶本草始著

錄有紅白二種近時以爲服食大藥救荒本草根可煮食花可煨食俚醫以治癰疽毒瘡隱其名曰紅內消東坡尺牘以用棗或黑豆蒸熟皆損其力文與可詩亦云斷以苦竹刀蒸曝凡九爲夾羅下香屑石蜜相和治然



何首烏

則世傳七寶美髯丹其功力不專在交藤矣近時價日增而藥益僞其大者多補綴而成以余所至居處間皆紫綠雙蔓貫籬縈砌如拳如杯拋擲屑越崑山以玉抵鵠又文與可所謂蓋以多見賤蓬藜同一虧也滇南大者數十斤風戾經時肉汁獨潤然不聞有服食得上壽者豈所忌魚肉未能盡絕而炮製失其本性耶三斗栲栳大號山精滇人得之不必有緣唯博善價糶穀事育耳寇萊公服地黃蘿蔔使髮早白聞見近錄作服首烏

蔓草卷之二十 何首烏 木鼈子

而食三白余怪近之服餌者髮輒易墮始緣於此則亦讀本草未熟也服食求仙固為妄說節嗜通神藥乃有效醉飽中而乞靈草木南轅一轍相去益遠若其活血治風之功則明時懷州知州李治所傳一方吾以為不妄

木鼈子 木鼈子開寶本草始著錄圖經云嶺南人取

嫩實及苗葉作茹蒸食藥肆唯販其核形宛似鼈大如錢霏雪錄著其毒能殺人俗傳丐者用以毒狗本草綱目所列諸方宜慎用之又番木鼈形狀功用具本草綱目亦云毒狗至死

木鼈子



雲婁農曰天之生物非物物刻而雕之也然觀斯物之類斯形也其不疑為般輸之肖物歟夫人一類也一物而備萬物者也而心不同如其謂天下之人固無有內外無弗類者至人之視物則飛潛動植第以為各從其類而已然其牝牡之相依巢穴之相聚肥磽雨露之相養彼一類也又烏能無弗類耶乃人與物物與物又往往離於其類而互為類虎頭燕頰蠱目豺聲人之類物者亦既以其類類之而羽淵之熊使君之虎夢之為蝶肘之生柳方其類物也不知其類人也海上之國有長尾者有比肩者有夜飛者有足如雞者有頭如狗者人之類耶物之類耶吾烏從類之耶若乃馬之似鹿也駮之似馬也獯獯之被髮也猩猩之能言也人都之燔炙也天刑之弓矢也人薨之啼也靈根之吠也海上之樹實如嬰兒也當道之梓精為青牛也笋之為虵也瓜之為蝶也蚓之為百合也穀之飛蠶也葱韭之互變也凡世之以此物類彼物者皆物之異於其類而相類也夷

堅之志恢詭神異或以人類物或物類人或物類物變化不類而成怪類而鯤池之中何有何無凡陸居所有之類無不類焉豈天之生物固不可測而坏陶模範非物者之物物也亦必有物焉爲之類族而成物耶九疇之錫曰五行金木水火土皆物也易之策萬有一千五百二十當萬物之數而說卦一翼乾坤艮巽震離坤兌所爲變動不居周流六虛者皆析而爲物後世術者卽五行八卦之物以窮天下之物而皆能物其物如東方朔趙達及管郭輩皆以其所知之物以類所不知之物然則物之類而不類不類而類者豈非有物焉爲之參伍而錯綜其類耶通其變遂成天下之文極其數遂定天下之象造物之與開物均是物也夫天地神鬼不可端倪而致之者必以其物則非物者亦必求其物之類類之而偃師之爲人墨子之爲鳶以非其物而爲物其亦有得於物物者之物歟

又接近世信驗方治舌長數寸用番木鱉四兩刮淨

毛切片川連四錢煎水將舌浸良久卽收蓋以異物治異病也

### 馬兜鈴

馬兜鈴開寶本草始著錄俗皆呼爲土青木香卽唐本草獨行根也俚醫亦曰雲南根李時珍以爲



馬兜鈴

卽都淋藤其形狀功用具圖經救荒本草云葉可食今湖南山中多有之唯花作筍似角上彎又似喇叭色紫黑與圖經花如枸杞花殊戾其葉實及仁俱無差或一種而地產有異耶

蔓草卷之二十 馬兜鈴 南藤 威靈仙

南藤 南藤即丁公藤事具南史解叔謙得丁公藤漬酒

治母疾有神效開寶本草始著錄今江西湖南市醫皆

用以治風亦呼石南藤或作藍藤音近而訛

雲婁農曰南藤山中多有之或謂之搜山虎蓋言其疏



南藤

風入筋絡也解叔謙遇丁公純孝所感信矣但丁公者  
殆深山採藥之叟非必神仙變化而用南藤者亦未必  
自此始也願吾謂人子平日不能知藥臨時求之而不  
得得之而不達其敢以不能名之草木相嘗試乎人神

威靈仙 威靈仙開寶本草始著錄有數種本草綱目

感格渺不可憑一息之緩悔何及矣雖然天下豈有不

悔之人子哉

以鐵腳威靈仙堪用餘不入藥今俚醫都無分別救荒



威靈仙

本草所述形狀亦別一種今但以鐵腳者屬本草餘皆  
附草藥近時庸醫遇瘧輒用既不知其疎利過甚又不  
辨其形狀何似刺人而殺委罪於藥哀哉衍義綱目論  
之詳矣故備載以戒



雲婁農曰其力勁故諡曰威其效捷故諡曰靈威靈合  
 德仙之上藥也乃祕方傳而他族滋則丹竈有外道矣  
 昔有石穴候雲氣出躡之則飛昇相傳仙去者不知幾  
 輩矣穴之外暴骨如莽皆曰仙者之委蛻也有醜之者  
 乃巨虺之窟其雲氣則所噓之毒饑也然則世之矜曰  
 仙者將毋有蘊虺蜴之毒者耶

黃藥子

黃藥子開寶本草始著錄沈括以為卽爾雅  
 葶大苦前此未有言及者其根色黃入染家用味亦不  
 甚苦葉味酸救荒本草酸桶笋卽此湖南謂之酸桿其



黃藥子一

蔓草卷之二十 黃藥子 山豆根



黃藥子二



黃藥子三

蔓草卷之二十 黃藥子 山豆根

莖如蓼有斑江西或謂之斑根

雲婁農曰甚矣草木之同名異物而多識之難也郭景

純以甘草釋大苦而謂其葉如荷沈括駁之是矣然沈

所謂黃藥者究不識其爲何產李時珍以今之黃藥當

之而易荷爲薄荷則改竄而附會之矣宋圖經謂忠州

萬州者莖似小桑秦州謂之紅藥施州謂之赤藥葉似

蕎麥開白花已明列數種又引蘇恭葉似杏花紅白色

子肉味酸之說以爲不同則又一種矣李時珍所謂黃

藥卽今之酸桿滇謂之斑莊根俚醫習用或以其根浸

酒滇本草云味苦澀性寒攻諸瘡毒止咽喉痛利小便

走經絡治筋骨疼痛火痿啞手足麻木五淋白濁婦人

赤白帶下治痔漏亦效與古方僅治項癭咯血者不同

然則以李時珍所據之黃藥而強以治古人所治之證

其能效乎滇南又有一種與斑莊絕肖者秋深開小白

花葉亦微似杏土人謂之扒毒散治惡瘡有殊效插枝

卽生人家多植之或卽蘇恭所謂黃藥者歟若忠萬秦

州所產吾所未見不敢臆揣然皆非沈括所謂葉似荷

者滇南又別有黃藥乃極似山薯而根圓多鬚卽湖南

之野山藥其白藥子亦謂之黃藥皆別圖凡以著其物

狀而附以俚醫之說以見一物名同實異不敢盡以古

方所用必卽此藥以貽害於後世庶合闕如之義云爾

山豆根 山豆根開寶本草始著錄今以爲治喉痛要

藥以產廣西者良江西湖南別有山豆皆以治喉之功

得名非一種

雲婁農曰甚矣物之利於人者易於售僞而欲利人者

不可不博求而致意也山豆根治喉痛舉世知之賴之

然余所見江右湘滇之產味皆薄而與原圖異而原圖

山豆根



預知子

又非如小槐者不至其地烏知其是耶非耶

預知子開寶本草始著錄相傳取子二枚綴衣領上遇有蠱毒則聞其有聲嘗預知之故有是名圖經言之甚詳但謂蜀人貴重之亦難得蒙筌則謂無其物存原圖以俟訪

預知子



零婁農曰預知之名甚奇蒙筌汰之宜矣但唐人有知命丸服之無疾如微覺脇痛則知數將盡服海藻湯下之藥能預知誠有之矣夫滿應月桐知閨亦預知也甘草苦草病草皆能知歲非異卉也蕤荷葉置席下能知蠱者姓名其預知尤足異何獨於預知子而疑之雖然

草木預知者非一而此藤獨得預知之名則斯草之幸

也乃以預知之故既令聞者疑其名實之未副且名可聞而實不可得見豈以世爭貴重搜掘無遺預知者乃不能庇其本根如古之喜談休咎者之卒不免耶抑深藏榛蕪識之者希如真有道術之士遁跡韜晦雖日雜市販稠衆之中而終無蹤蹟者耶是皆未可知也


仙人掌草

圖經仙人掌草生台州筠州味微苦而澀

無毒多於石壁上貼壁而生如仙人掌故以名之葉細而長春生至冬猶青無時採彼土人與甘草浸酒服治腸痔瀉血不入衆藥使

明黃佐仙人掌賦序仙人掌者奇草也多貼石壁而生

仙人掌草



蔓草卷之二十 預知子 仙人掌 鵝抱 獨用藤 百稜藤 天仙藤

蔓草卷之二十 預知子 仙人掌 鵝抱 獨用藤 百棧藤 天仙藤

惟維浮黃龍金沙洞有之葉勁而長若齟齬狀發苞時  
外類芋魁內攢瓣如翠毬各擎子珠如掌然青赤轉黃  
而有重殼剖之厚者在外如小椰可爲匕勺薄者在裏  
如銀杏衣而裹圓肉煨食之味兼芡栗可補諸虛久服  
輕身延年俗呼爲千歲子云移植惟宜沙土粵州書院  
精舍中庭後圃皆有之予以其奇賦焉

鵝抱 鵝抱宋圖經外類生宜州山林下附石治風熱咽

喉腫痛解毒箭塗熱毒


鵝抱



獨用藤 獨用藤宋圖經外類生施州葉上有倒刺主

心氣痛

獨用藤



百棧藤 百棧藤宋圖經外類生台州治風痛大風疔

疾亦作百靈

百棧藤



天仙藤 天仙藤宋圖經外類生江淮浙東山中治疔

氣妊娠腹痛皆有方

天仙藤



金棱藤

金棱藤宋圖經外類生施州有葉無花主筋

骨疼痛

金棱藤



野豬尾

野豬尾宋圖經外類生施州有葉無花主心

氣痛解熱毒

野豬尾



杜莖山

杜莖山宋圖經外類生宜州葉似苦蕒花紫

色實如枸杞味苦性寒主溫瘴寒熱煩渴頭痛心躁擗  
葉酒浸絞汁服吐惡涎效

杜莖山



土紅山

土紅山宋圖經外類生福州及南恩州高八

九尺葉似枇杷而小無毛白花如粟粒味甘苦微寒主

蔓草卷之二十

金棱藤

野豬尾

杜莖山

土紅山

芥心草

含春藤

大木皮

石合草

蔓草卷之二十 金稜藤 野豬尾 杜莖山 土紅山 芥心草 含春藤 大木皮 石合草

土紅山




勞熱瘰癧擣葉酒漬服福州生者作藤似芙蓉葉上青  
下白擣根治勞瘰佳

芥心草 芥心草宋圖經外類生淄州引蔓白色擣汁

治瘡疥甚效

芥心草



含春藤 含春藤宋圖經外類生台州蔓延木上治風

有效

含春藤



大木皮 大木皮宋圖經外類生施州主療一切熱毒

氣

大木皮



石合草 石合草宋圖經外類生施州纏木作藤葉爲

末調貼一切惡瘡及斂瘡口


石合草



祁婆藤

祁婆藤宋圖經外類生天台山主治風


祁婆藤



瓜藤

瓜藤宋圖經外類生施州皮搗貼熱毒惡瘡

瓜藤



紫金藤

紫金藤宋圖經外類生福州皮主丈夫腎氣

紫金藤




雞翁藤

雞翁藤宋圖經外類生施州蔓延大木治勞

傷婦人血氣

雞翁藤



烈節

烈節宋圖經外類生榮州似丁公藤而細主筋脈

急痛肢節風冷作浴湯佳

烈節



馬接腳

馬接腳宋圖經外類生施州皮治筋骨疼痛

蔓草卷之二十 祁婆藤 瓜藤 紫金藤 雞翁藤 烈節 馬接腳 藤長苗 狗筋蔓 絞股藍

蔓草卷之二十 祁婆藤 瓜藤 紫金藤 雞翁藤 烈節 馬接腳 藤長苗 狗筋蔓 絞股藍

馬接腳



藤長苗

救荒本草藤長苗又名旋菜生密縣山坡中

挖蔓而生苗長三四尺餘莖有細毛葉似滴滴金葉而窄小頭頗齊開五瓣粉紅大花根似打碗花根根葉皆

藤長苗



味甜採嫩苗葉煤熟水浸淘淨油鹽調食掘根換水煮熟亦可食

狗筋蔓

救荒本草狗筋蔓生中牟縣沙岡間小科就

地挖蔓生葉似狗掉尾葉而短小又似月芽菜葉微尖筋而軟亦多紋脈兩葉對生梢間開白花其葉味苦採葉煤熟水浸淘去苦味油鹽調食

狗筋蔓



絞股藍

救荒本草絞股藍生田野中延蔓而生葉似

小藍葉短小軟薄邊有鋸齒又似痢見草葉亦軟淡綠五葉攢生一處開小花黃色又有開白花者結子如豌豆大生則青色熟則紫黑色葉味甜採葉煤熟水浸去



邪味涎沫淘洗淨油鹽調食

絞股藍

### 牛皮消

救荒本草牛皮消生密縣野中挖蔓而生藤

牛皮消



蔓草卷之二十

牛皮消

豬腰子

九仙子

杏葉草

明州天花粉

台州天壽根

蔓長四五尺葉似馬兜鈴葉寬大而薄又似何首烏葉

亦寬大開白花結小角兒根類葛根而細小皮黑肉白

味苦採葉燂熟水浸去苦味油鹽調食及取根去黑皮

切作片換水煮去苦味淘洗淨再以水煮極熟食之

### 豬腰子

豬腰子本草綱目始著錄生柳州蔓生結莢

色紫肉堅長三四寸主一切瘡毒

豬腰子

### 九仙子

九仙子本草綱目收之出均州太和山治咽

喉痛散血



蔓草卷之二十 牛皮消 豬腰子 九仙子 杏葉草 明州天花粉 台州天壽根

九仙子



杏葉草

圖經杏葉草生常州味酸無毒主腸痔下血

久不差者一名金盞草蔓生離下葉葉相對秋後有子如雞頭實其中變生一小蟲子脫而能行中夏採花用

按圖非近時金盞花

杏葉草



明州天花粉

宋圖經天花粉生明州味苦寒毒主消

渴身熱煩滿大熱補氣安中續絕傷除腸中固熱八疸身面黃唇乾口燥短氣通月水止小便利十一月十二月採根用 按此云毒與瓜萹根或異類

明州天花粉



台州天壽根

宋圖經天壽根出台州每歲土貢其性

涼堪治胸膈煩熱彼土人常用有效

台州天壽根



老鶴筋

救荒本草老鶴筋生田野中就地挖秧而生  
莖微紫色莖又繁稠葉似園葵葉而頭不尖又似野胡  
蘿蔔葉而短小葉間開五瓣小黃花味甜採嫩苗葉煤  
熱水浸去邪味淘洗淨油鹽調食

老鶴筋



木羊角科

救荒本草木羊角科又名羊桃一名小桃  
花生荒野中紫莖葉似初生桃葉光俊色微帶黃枝間  
開紅白花結角似豇豆角甚細而尖脩每兩角並生一  
處味微苦酸採嫩梢葉煤熱水浸淘淨油鹽調食嫩角  
亦可煤食 按本草所述羊桃皆獼猴桃黔中以膠石

者亦是其類造紙者所用又一種樹此羊桃形狀正與  
陸疏符合



木羊角科

# 植物名實圖考卷之二十一

固始吳其濬著

蒙自陸應毅校刊

蔓草類

奶樹

尋骨風

鐵掃帚

倒掛藤

大順筋藤

刺犁頭

酸藤

野西瓜

鯁魚鬚

金蓮花

土青木香

內風藤

涼帽纓

白龍鬚

無名一種

透骨消

野苦瓜

鮎魚鬚

金線吊烏龜

小金瓜

馬蹄草

碧綠藤

血藤

白馬骨

白心皮

候風藤

洋條藤

月季

酴醾

黃酴醾

十姊妹

轉子蓮

瓜耳草

金雞腿

黃鱧藤

錦雞兒

無名一種

白花藤

拉拉藤

玫瑰

佛兒笑

縑絲花

木香

奶樹

奶樹產南安蔓生四葉攢聚莖端綠苞開紫筒子

花如牽牛而短瓣苞下復有青蒂秋結實有子蔓中白

汁極濃氣臭根黃白色橫紋如上黨人瘦肥圓有瘰癧

奶樹



大如拳廣信土呼山海螺象其根形又名乳夫人氣味  
甘熱土人採根發乳汁湖南衡山亦有之極易繁衍  
醫呼爲牛附子能壯陽道 按南越筆記有乳藤如懸  
鉤倒掛葉尖而長斷之有白汁如乳婦人產後以藤搗  
汁和米作粥食之乳腫自通皆此類也

土青木香

土青木香長沙山坡間有之蔓生細莖葉

實皆與馬兜鈴同根黃瘦亦有香氣俚醫以清火毒通  
滯氣唯開花作笛子形本小末大變如牛角尖梢上翹  
紫黑頗濃中露黃蕊與馬兜鈴開花如枸杞者迥別

土青木香



尋骨風

尋骨風湖南岳州有之莖生葉如羅藤柔厚

尋骨風



蔓草卷之二十一 土青木香 尋骨風 內風藤 鐵掃帚 涼帽纓

蔓草卷之二十一 土青木香 尋骨風 內風藤 鐵掃帚 涼帽纓

多毛面綠背白秋結實六棱似使君子色青黑子如豆

內風藤 內風藤生湖南山坡橫根引蔓俱赭色葉如

柳葉有光而韌以治內風故名

內風藤



鐵掃帚 鐵掃帚產建昌山中蔓生綠莖柔細糾結葉

長幾寸後圓有缺末尖相距稀闊細根硬鬚赭色稠密

俚醫以為行血通骨節之藥用根煎酒服

涼帽纓



涼帽纓 涼帽纓生南安細莖蔓生葉大如大指圓長

有尖淡赭根蓬鬆如纓故名俚醫以治喉痛消腫毒氣

味平溫 喉痛一作喉病

涼帽纓



倒掛藤

本草拾遺倒掛藤味苦無毒主一切老血及產後諸疾結痛血上欲死煮汁服生深山如懸鉤有逆刺倒掛於樹葉尖而長也 按湖南嶽麓山有藤土名倒掛金鈎形狀正與此合俚醫以為散血達表之藥主治亦同



倒掛藤

白龍鬚

白龍鬚生長沙山中綠莖細長對葉疎闊葉如子午花葉而尖瘦細紋無鋸齒長根如蜈蚣形四周密鬚如細辛牛膝俚醫以治痰氣 按宋圖經白前根

長於細辛今用蔓生者味苦非真疑即此蔓生者

大順筋藤

大順筋藤生長沙嶽麓綠莖節弱蔓細



白龍鬚

大順筋藤



蔓草卷之二十一 倒掛藤 白龍鬚 大順筋藤 無名一種 刺犁頭 透骨消

無名一種

圓長葉寸許本寬腰細近梢長勻出尖面黃綠背青白有直紋數縷葉際出短莖開五瓣小赭色花一莖一花根鬚繁稠似牛膝而瘦俚醫以治筋骨通關節

饒州園圃籬落間有之蔓生細莖長葉本圓如馬蹄末尖開五瓣小紫花成簇極似枸杞 按宋圖經云馬兜鈴花如枸杞今馬兜鈴之名不一凡圓實成串皆名之此豈花如枸杞之一種耶

無名一種



刺犁頭

刺犁頭一名蛇不過一名急改索一名退血


透骨消

透骨消產南安形狀俱同赤地利唯赤莖為

異俚醫以治損傷活血止痛通關節蓋一種也 按李時珍以五毒草赤地利併為一條但蔓草似蕎麥者亦非一類色味既別稱名互異其外科敷洗大略相通若

草江西湖南多有之蔓生細莖微刺其密莖葉俱似蕎麥開小粉紅花成簇無瓣結碧實有稜不甚圓每分枝處有圓葉一片似蓼江西刺船者多蓄之以為浴湯云暑月無瘡癩湖南俚醫以為行血氣治淋濁之藥 按宋圖經成德軍所產草薺葉似蕎麥子三稜殆即此草其主治去濕通利亦與草薺相近

刺犁頭





入飲劑則經絡須分故並存以俟詳考

透骨消



酸藤

酸藤產建昌蔓生綠莖赤節參差生葉葉間有缺

酸藤



蔓草卷之二十一

酸藤 野苦瓜

野西瓜 鮎魚鬚 鯁魚鬚

末尖鋸齒深刻對葉發短枝開小白花如粟結實大於龍葵生青碧熟深紫土人以洗瘡毒

野苦瓜

野苦瓜產建昌蔓生細莖一葉一鬚葉作三角有疎齒微似苦瓜葉無花杈就莖發小枝結青實有汁大如衣扣故又名扣子草俚醫以治魚口便毒為洗藥



野苦瓜

野西瓜

野西瓜贛南山坡中有之蔓延林薄細莖長鬚葉作五叉似西瓜絲瓜葉大者可寸許秋結青白實宛如蓮子捻之中斷內有清汁俚醫以治火瘡取漿收

蔓草卷之二十一 酸藤 野苦瓜 野西瓜 鮎魚鬚 鮎魚鬚

貯敷用

野西瓜



鮎魚鬚

救荒本草鮎魚鬚一名龍鬚菜生鄭州賈略山及新鄭山野中亦有之初生發筍其後延蔓生莖發葉每葉間皆分出一小叉及出一絲蔓葉似土蒿葉而大又似金剛刺葉亦似牛尾菜葉不澀而光澤味甘採嫩筍葉煤熟油鹽調食 按簡易草藥金崗藤本名鮎魚鬚溫平無毒可做小菜喫能通筋血去死血消腫痛又湖北志鮎魚鬚藤本初生苗土中色紫巔拳曲若魚

鬚炒肉殊妙

鮎魚鬚

鮎魚鬚

鮎魚鬚生建昌蔓生有節葉如竹葉紫根多



鮎魚鬚

鬚土醫以治熱鮎魚鬚以蔓名此以根名

### 金線弔烏龜

金線弔烏龜 江西湖南皆有之一名山

烏龜蔓生細藤微赤葉如小荷葉而後半不圓末有微尖長梗在葉中似金蓮花葉附莖開細紅白花結長圓實如豆成簇生青熟紅黃色根大如拳 按陳藏器云又一種似荷葉只大如錢許亦呼爲千金藤當卽是此患齒痛者切其根貼齦上卽愈兼能補腎養陰爲俚醫

要藥

金線弔烏龜



蔓草卷之二十一

金線弔烏龜

金蓮花

小金瓜

馬蹄草

瓜耳草

### 金蓮花

金蓮花直隸圃中有之蔓生綠莖脆嫩圓葉

如荷大如荇葉開五瓣紅花長鬚茸花足有短柄橫翹如鳥尾京師俗呼大紅烏山西五臺尤多以爲佛地靈葩性寒或乾其花入茶甌中插枝卽生不喜驕陽山西通志金蓮花一名金芙蓉一名旱地蓮出清涼山世宗嘗幸金蓮川周伯琦紀行詩跋金蓮川草多異花有名金蓮花者似荷而黃卽此種也

金蓮花




### 小金瓜

小金瓜長沙圃中多植之蔓生葉似苦瓜而小亦少花秋結實如金瓜纍纍成簇如雞心柿而更

蔓草卷之二十一 金線弔烏龜 金蓮花 小金瓜 馬蹄草 瓜耳草

小亦不正圓寧鄉縣志作喜報三元從俗也或云番椒屬其青脆時以鹽醋燻之可食大抵以供几案賞其紅潤然不過三五日即腐



小金瓜


馬蹄草 馬蹄草江西湖南皆有之綠莖細弱蔓生對

葉葉大於錢末微尖後缺如馬蹄圓齒光潤莖近土即

生鬚俚醫以爲跌打損傷要藥雖傷重擣敷即愈故又

名透骨消

馬蹄草



瓜耳草 瓜耳草江西山坡有之赭莖長條挺立不附

莖傍發枝排生圓葉微似豆葉厚綠茸茸中有白紋一



瓜耳草

線土人以治跌打酒煎服但未數見不得確名

**碧綠藤** 碧綠藤江西廣饒山坡有之莖葉碧綠一色

枝頭葉稍長餘葉正圓面綠背淡疎紋細齒土人以藤煎水洗紅腫有效 按南城縣志有銅錢樹葉圓如錢

此殆肖之

碧綠藤



**金雞腿** 金雞腿產建昌一名日日新叢生長條糾結

交互似月季花莖而無刺葉亦相類微小俚醫以為壯精行血之藥

蔓草卷之二十一 碧綠藤 金雞腿 血藤 黃鱔藤 白馬骨

**血藤** 血藤產九江山坡蔓生勁莖赭色一枝一鬚附枝

生葉如菊花葉柔厚有花叉而末不尖面綠背白春時

血藤



金雞腿



蔓草卷之二十一 碧綠藤 金雞腿 血藤 黃鱔藤 白馬骨

枝梢開花如簇金粟與千年健同名血藤

黃鱔藤 黃鱔藤產寧都長莖黑褐色根紋斑駁起粟

黑黃如鱔魚形故名葉如薄荷無鋸齒而勁主治漂蛇毒

黃鱔藤



白馬骨 本草拾遺白馬骨無毒主惡瘡和黃連細辛

白調牛膝雞桑皮黃荆等燒末淋汁取治瘰癧惡瘡蝕  
息肉白癩風揩破塗之又單取莖葉煮汁服止水痢生  
江東似石榴而短小對節 按白馬骨本草綱目入於

有名未用今建昌土醫以治熱證瘡痔婦人白帶余取  
視之卽六月雪小葉白花矮科木莖與拾遺所述形狀  
頗肖蓋一草也寧鄉縣志六月雪俗呼路邊金生原隰  
間夏開白花節可治小兒驚風腹痛枝燒灰可點翳根  
煮雞子可治齒痛花鏡六月雪六月開細白花樹最小  
而枝葉扶疎大有逸致可作盆玩喜清陰畏太陽深山  
叢木之下多有之春間分種或黃梅雨時扦插宜澆淺  
茶其性喜陰故所主皆熱證寧都州志疑卽圖經曲節  
草一名六月霜與圖形殊不類

白馬骨



錦雞兒

救荒本草壩齒花本名錦雞兒又名醬瓣子

生山野間中州人家園宅間亦多栽葉似枸杞子葉而小每四葉攢生一處枝梗亦似枸杞有小刺開黃花狀

類雞形結小角兒味甜採花煤熟油鹽調食炒熟喫茶亦可 按此草江西湖南多有之摘其花炒雞蛋色味

皆美云或呼黃雀花俚醫以為滋陰補陽之藥花蒸雞

蛋治頭痛根去皮煮猪心治癆證潤南本草金雀花味甜性溫主補氣補血

勞傷畏涼發熱勞熱咳嗽婦人白帶日久氣虛下陷長

效頭暈耳鳴胸膝酸疼一切虛損服之效此性不熱不

寒或煨雞猪肉食

錦雞兒



蔓草卷之二十一 錦雞兒 白心皮 無名一種 候風藤 白花藤

白心皮

白心皮生長沙山坡叢生細莖高尺餘附莖

四葉攢生一處葉小如雞眼草葉葉間密刺長三四分自根至梢葉刺四面抱生無著手處橫根無鬚褐黑色

俚醫以為補筋骨之藥

白心皮



無名一種

饒州園圃中有之叢生長條密葉如六月雪葉三四月

間開小白花圓瓣五出黃心稠密滿枝

蔓草卷之二十一 錦雞兒 白心皮 無名一種 候風藤 白花藤

候風藤

候風藤南康山田腔上多有之長莖叢生高



候風藤



無名一種

三四尺不作藤蔓葉如木樨葉面青綠背黃白有諸紋春開白花下垂如橘柚花長瓣五出反卷向上中突出黃蕊一簇

白花藤

白花藤江西廣饒極多蔓延墻垣與薜荔雜

廁葉光滑如橘凌冬不凋開五瓣白花形如卍字土人無識之者按唐本草有白花藤葉似女貞莖葉無毛頗相似但白花並無形狀而蜀本又云葉有細毛亦自不同未敢合併滇南謂之山豇豆結角長幾尺色紫紅正如豇豆炒食甚香兒輩嗜之

附程徵君瑤田圖芄蘭花記

嘉慶三年三月廿日立夏其明日訪芄蘭於定光寺僧寮後山花正大放此藤本花葉濃密可謂壑條而結繁矣其藤線曲紛亂對節生葉亦對節歧出生條開花歧條兩股或一股生葉一股生花整齊之中復參差有致生花一股又必再出歧條然後相對生花其生葉一股亦必再出歧條亦又相對生花其花必



小抽歧莖而生兩花

去秋所見結實者亦莖末對生兩角

總之歧葉

歧條歧花每出必歧如兩儀四象八卦之生生不已也其花五出遍繞周遭而中成一孔空空如也不見心亦不見鬚然五出同本本作一苞剝開中藏五鬚共繞一心其心蓋卽結角生芄蘭之仁也世人以其偏繞成形如卍字故呼卍字花而誤以爲四出又呼車輪花亦象其形也其花苞有足承之所謂鄂不也亦五出如末利之花鄂相承然茲不畫其藤葉畫正面五出者一又畫背面連鄂者一以爲多識之一助云

按徵君所述並圖卽此野豇豆也花作卍字藤本濃葉其角雙生皆與此畢肖而非芄蘭也蓋徵君前所見如羊角莢子戴白茶者是芄蘭後詢之靈山人云俗呼卍字花不知卽此豆因以僧寮所見謂爲芄蘭而未嘗審其葉蔓剖看其莢也芄蘭蔓草經冬卽枯花開於夏秋徵君自注亦以花開時爲疑莢折於霜南方間有之



白花藤

園圃中無是物也野豇豆藤本耐寒花開於春莢著於夏墻頭籬角無不延緣余嘗訪之江右人家多不知其名滇人知食其實故以爲野豇豆芄蘭之名既非野人所知其花甚微而徵君獨索觀其花宜爲不識芄蘭者姑妄對之矣若見北人而訪以羊角科南人而訪以婆婆針線包則必以所知告又一種石血藤其莢長尺與芄蘭子茶同而葉瘦硬秋時色紅如血未見其花與徵君所圖葉本團末狹經冬不黃落者亦非類

蔓草卷之二十一 洋條藤 拉拉藤 月季

洋條藤

洋條藤產南贛山中蔓生細莖淡紅圓節一葉一鬚葉如鳳仙花葉而寬鋸齒亦深面綠細紋中有紫白縷一道背邊綠中紫亦有白紋俚醫以治婦科紅白崩帶同大蕨煎酒服



拉拉藤

拉拉藤到處有之蔓生有毛刺人衣其長至數尺糾結如亂絲五六葉攢生一處葉間梢頭春結青實如粟 按救荒本草蓬子菜形狀頗類雲南呼八仙草俚方用之滇南本草八仙草味辛苦性微寒入少陽太陰二經治脾經濕熱諸經客熱勞症筋

月季

骨疼痛走小腸經治五種熱淋利小便赤白濁玉莖疼痛退血分煩熱止小便血滑石二錢甘草一錢八仙草三錢雙果草二錢點酒少許煎服



拉拉藤

月季

益部方物記花旦四時月一披秀寒暑不改似固常守右月季花此花即東方所謂四季花者翠蔓紅蕊蜀少霜雪此花得終歲十二月輒一開 按南越筆記月貴花似荼蘼月月開故名月貴一名記有深淺紅二色據此則月季乃月貴月記之訛宋子京原本當是月貴也本草綱目李時珍曰月季花處處人家多栽插之

亦薔薇類也青莖長蔓硬刺葉小於薔薇而花深紅千葉厚瓣逐月開放不結子也氣味甘溫無毒主治活血消腫傳毒癩癰未破用月季花頭二錢沈香五錢芫花炒三錢碎剉入大鯽魚腹中就以魚腸封固酒水各一盞煮熟食之即愈魚須安糞水內游死者方效此是家傳方活人多矣出談林翁試驗方



月季

玫瑰 敬齋古今註張祜詠薔薇花云曉風採盡燕支顏夜雨催成蜀錦機當晝開時正明媚故鄉疑是買臣歸

蔓草卷之二十一 玫瑰 醜醜 佛見笑 黃醜醜



玫瑰

薔薇花正黃而此詩專言紅蓋此花故有紅黃二種今則以黃者為薔薇紅紫者為玫瑰云  
羣芳譜玫瑰一名徘徊灌生細葉多刺類薔薇莖短花亦類薔薇色淡紫青鄂黃葉瓣末白點中有黃者稍小於紫嵩山深處有碧色者 花史曰宋時宮中採花雜腦麝作香囊氣甚清香花鏡玫瑰香膩馥郁愈乾愈烈每抽新條則老本易枯須速將根旁嫩條移植別所則老本仍茂故俗呼離娘草此花之用最廣因其香美或

蔓草卷之二十一 玫瑰 醜醜 佛見笑 黃醜醜

作扇墜香囊或以糖霜同烏梅搗爛名玫瑰糖收於甕瓶內曝過經年色香不變 按李時珍謂玫瑰不入藥今人有謂性熱動火氣香平肝亦非無徵

**醜醜** 格物總論曰醜醜花藤身青莖多刺每一穎著三

葉葉面光綠背翠多缺刻

羣芳譜曰一名獨步春一名百宜枝一名瓊綬帶一名

雪纓絡一名沈香蜜友大朵千瓣香微而清本名茶藤

醜醜



一種色黃似酒故加酉字唐時寒食宴宰相用醜醜酒  
**佛見笑** 佛見笑茶藤別種也大朵千瓣青跗紅萼及

大放則純白

佛見笑



**黃醜醜** 益部方物記人情尙奇賤白貴黃厥英略同

實寡于香右黃醜醜蜀茶藤多白而黃者時時有之但

香減於白花

黃餘膠



縹絲花

縹絲花一名刺蘼葉圓細而青花儼如玫瑰



縹絲花

蔓草卷之二十一

縹絲花

十姊妹

木香 轉子蓮

色淺紫而無香枝萼皆有刺針每逢煮繭縹絲時花始開放故有此名二月中根可分栽

十姊妹 花鏡十姊妹又名七姊妹花似薔薇而小千葉裂口一蓓十花或七花故有此二名色有紅白紫淡

四樣正月移栽或八九月扦插未有不活者



十姊妹

木香 花鏡木香一名錦棚兒藤蔓附木葉比薔薇更細

小而繁四月初開花每穎三葉極其香甜可愛者是紫心小白花若黃花則不香即青心大白花者香味亦不

蔓草卷之二十一 纏絲花 十姊妹 木香 轉子蓮



木香

及至若高架萬條望如香雪亦不下於薔薇翦條扦插亦可但不易活惟攀條入土壅泥壓護待其根長自本生枝外翦斷移栽即活腦中糞之二年大盛  
曲洧舊聞木香有二種俗說檀心者號醱醱不知何所據也京師初無此花始禁中有數架花時民間或得之相贈遺號禁花今則盛矣

轉子蓮

轉子蓮饒州水濱有之蔓生拖引長可盈丈柔莖對節附節生葉或發小枝一枝三葉似金櫻子葉

而光無齒面綠背淡僅有直紋枝頭開五瓣白花似海梔而大背淡紫色瓣外內皆有直縷一道兩邊線隆起或云有毒不可服食

轉子蓮



# 植物名實圖考卷之二十二

固始吳其濬著

蒙自陸應穀校刊

## 蔓草類

- 兔絲子 又一種 五味子
- 蓬蘽 二圖 天門冬 二圖
- 覆盆子 旋花 二圖
- 營實 牆藜 二圖 白英
- 茜草 絡石
- 白兔藿 紫葳
- 栝樓 二圖 王瓜
- 百部 葛 二圖
- 通草 今木通 防己
- 黃環 羊桃 三圖

白斂

赭魁

忍冬

千歲藟

葶藶 二圖

菝葜

鈎藤

蛇莓

牽牛子

女萎

地不容

白藥

落鴈木

解毒子

蘿摩

赤地利

紫葛

烏薺莓

葎草

## 兔絲子

兔絲子 兔絲本經上品北地至多尤喜生園圃菜豆

被其糾縛輒卷曲就瘁浮波羃歷萬縷金衣既無根可尋亦寸斷復蘇初開白花作包細瓣反卷如石榴狀旋即結子椽聚壘菜人亦取其嫩蔓油鹽調食詩云采唐

蔓草卷之二十二 目錄 兔絲子 菟絲子


或即以此江以南罕復見之

雩婁農曰唐蒙女蘿女蘿兔絲又蒙玉女一物而五名  
本草兔絲草上品松蘿木中品又云一名女蘿廣雅女  
蘿松蘿兔絲兔邱雖分二物而松蘿復冒女蘿之名陸  
璣詩疏菟絲蔓連草上生色黃赤如金非松蘿松蘿正  
青與菟絲異辨別甚晰詩葛與女蘿傳云女蘿兔絲松  
蘿則兔絲又可稱松蘿不止五名矣詩釋文則云在木  
曰松蘿在草曰兔絲直以爲一物而二種考本草雖載  
松蘿性味而圖經以爲近世不復入藥亦無採者則即  
陸氏所云色正青者亦不知其爲何物今人以施於松  
上綠蔓赤花俗名爲蘿松者爲松蘿未敢定爲本經之  
松蘿也廣雅疏證據呂氏春秋淮南子茯苓菟絲之說  
謂兔絲亦生於松上據漢書豐草婁女蘿施女蘿亦生  
於草上今生兔絲之處不盡有松而產茯苓之深山僻  
藪尤無從稔其有兔絲與否古書傳疑莫能確定大抵  
草木同名無妨兼通而形狀不具則從蓋闕若古詩菟

絲附女蘿則但言無根之物依附難久以意逆志無取

刻舟若謂兔絲又復寄生松蘿則直糾纏無了時矣

兔絲子



菟絲子

菟絲子本經上品爾雅唐蒙女蘿女蘿菟絲

今北地荒野中多有之藥肆以其子爲餅製法具本草  
綱目

雩婁農曰爾雅唐蒙女蘿女蘿兔絲又曰蒙玉女釋者  
以爲五名一物陸元恪謂女蘿非松蘿松蘿自蔓延松  
上枝正青與兔絲異詩有唐蒙女蘿無菟絲故爾雅以  
菟絲釋之其義明顯矣菟絲入藥人皆知之蔓細如絲



而色黃松蘿蔓松上必不能如菟絲之細而色正青二物自異本草以松蘿入木已有區別特經傳無松蘿之名而醫方亦不甚用故知之者少楚詞被薜荔兮帶女蘿本草松蘿一名女蘿草木同名相沿至多古詩菟絲附女蘿此女蘿自是松蘿非菟絲之一名女蘿也苾與女蘿毛傳以菟絲松蘿爲一所見與陸疏異陸云非松蘿正駁毛義耳古詩菟絲花女蘿樹而云同一根者蓋皆寄生浮蔓一附於草一附于木同爲無根而所附異耳詩人之言未可膠滯若謂女蘿有寄生菟絲上者故菟絲子



蔓草卷之二十二 五味子 蓬蘽

爾雅以爲一物此則糾纏無了時矣

### 五味子

五味子本經上品爾雅味莖豬注五味也唐

本草注以皮肉核五味具故名以北產者良

雲婁農曰五味子具五味爾雅名之曰葇蓋農皇之所錫矣草木兩釋殆重之歟然味雖具五而性專於斂猶人具五行之秀而眈於剛柔陰陽此亦各有真性情也夫草木非大毒不僅一味人非大惡不盡僻性嘗藥者品其味而知所專既施之於散斂補瀉而因其所兼之味以爲緩急輕重則其功且可旁及故一藥治一病而不僅治一病人者別其性而知其所眈既試之寬猛文武而必悉其所全之性以備任使輔翼則其功且可兼綜故一人治一事而不僅治一事也三代後知人者無如漢高王陵懲陳平智而省屬以爲相周勃少文知其安劉以爲太尉其人不同而付托者一蓋知其材力所及而又知其真性情矣自古人主將相能用人者無不灼知其人之性情故雖博取宏攬而逆料其成敗得

蔓草卷之二十二 五味子 蓬蘽

失如燭照數計而龜卜而藻鑑人倫若郭林宗輩則又  
如良醫品藥雖分兩錙銖皆不少差此固有得之於心  
而有不能以言傳者若用盧杞呂惠卿而不知其奸邪  
是誠不知其真性情而如褚彥回馮道等則直無真性  
情者也世之草木投之而卽生嚙之而無味者多矣造  
物意所不屬而力所不及雖農皇亦不能定其上下之  
品乃有庸醫欲用之以試人之生死則不知用者之罪  
抑爲所用者之罪矣



五味子

蓬蘽 蓬蘽本經上品今廢圃離落間極繁秋結實如桑  
椹湖廣通呼烏泡果泡卽蘼之訛爾雅蘼鹿注蘼卽莓  
也今江東呼爲鹿莓子似覆盆而大赤酢甜可啖卽此  
類也湖南俚醫端午日取其葉陰乾六月六日研爲末  
以治刀傷名曰具龍丹李時珍以苗葉功用似覆盆未  
的

雲婁農曰史記述老子之言曰得時則駕不得時則蓬  
累而行釋者皆不甚詳禮曰環堵之室蓬戶甍牖飛蓬



蓬蘽一

不可爲戶余常溯湘澧下豫章崎嶇行萬山中每見谷  
 口繚復蓬藪塞徑未嘗不念此中或有異人顧巖阿中  
 累石藉樹藤蔓交垂居人出入披長條而寥蒙密無異  
 排闥而數闔也入我室者唯有清風履我闥者唯有明  
 月蕭條踽涼至此極矣然則蓬累而行蓋巖棲之士唯  
 恐入林不深而蓬戶者亦貧家寥羅補屋之景况耳宋  
 之隱士如种放者至煩朝廷圖其別墅營園林而勤封  
 殖烏能甘寂寞長貧賤哉



蓬草二

蔓草卷之二十二 天門冬 覆盆子 旋花

天門冬 天門冬本經上品爾雅藟藟冬注一名滿  
 冬本草云今本草無滿冬之名有大小二種曰顛棘曰



天門冬一

澆草皆一類也救荒本草根可煮食今多人蜜煎湖南  
 俚醫用以拔疔毒隱其名曰白羅杉醫方所不載  
 雲婁農曰杜拾遺詩天棘蔓青絲天棘卽顛棘目曰青  
 絲體物之瀏亮也古人階前多種藥故曰藥欄非唯養  
 生有資亦多識之一助注詩者糾纏辨駁固由讀書未  
 半袁豹亦緣未知善藥不可離手也

蔓草卷之二十二 天門冬 覆盆子 旋花



天門冬二

覆盆子

覆盆子別錄上品爾雅羊缺盆注覆盆也疏

據本草注以蓬蘽為覆盆之苗覆盆為蓬蘽之子誤合

為一物四月實熟色赤本草綱目謂之插田蔗覆盆蓬

蘽本草綱目分別甚晰考東坡尺牘覆盆子土人謂之

插秧莓三四月花五六月熟市人賣者乃是花鴉莓九

月熟則蓬蘽即花鴉莓矣然此謂中原節候耳江湘間

覆盆三四月即熟蓬蘽七月已熟自長沙以西南山中

莓子既多又大同小異滇南有黑瑣梅黃瑣梅紅瑣梅

白瑣梅皆三四月熟兒童摘食以為果梅即莓瑣者其  
子細瑣也志書多以黑瑣梅為覆盆按形與李說亦不  
甚符滇本草以黃瑣梅根為鑽地風用治風頗廣又別  
出覆盆也

覆盆子



旋花

旋花本經上品爾雅薔當陸璣詩疏幽州人謂之


燕薔今北地俗語猶爾救荒本草謂之薔子根根可煮

食有赤白二種赤者以飼猪亦曰鼓子花千葉者曰纏

枝牡丹今南方薔菜花葉與此無小異唯根短耳

雲婁農曰古者農生九穀而園圃毓草木凡漆林梧櫟染草果蔬資生之物皆相土宜而種之不僅蒔蔬供食也爾風築場圃曰食瓜曰斷壺曰煮葵曰祭韭蓋古時園人所種之蔬如是而已芣苢卷耳蘋蘩苕藻之屬無不采於水陸蓄爲惡菜流離者采之然祭祀之籩豆朝事之饋食若苾若芹若昌本若苜皆非出於種植者何也蓋野菽得自然之氣無糞穢之培既昭其潔以交神明而朝會燕饗不廢婦稚之所拮据則民間疾苦君相

旋花一



蔓草卷之二十二 營實墻藤

旋花二




無時而不與共又况五行五氣應候而萌以和膳食之宜助舒斂而消疹戾其益大矣後世園官菜把務爲新美一切溫養之物皆爇繙火以迫其生金蔬玉菜最足動宿痾而引時穢至如豆粥韭蒹以侈相尙方丈朵頤都非正味又烏知民間有掘鼠果而覓鳧苾者耶東坡詩云我與何曾同一飽吾以爲日食萬錢猶云無下箸處彼蓋未嘗飽也北地春遲少蟲豸之毒筠藍挑菜塵釜生香清虛之氣臟神安焉南方地沮濕多虵虺候早而生速然野菜之箋非江南士大夫所膾炙而詠嘆者哉其序曰病骨癯骸非此無以養其冲和擊鮮嚼肥非

此無以解其腥羶誠有味乎言之矣又曾見跋齊民要術書者曰此儋父所食而賞其多奇字噫彼縱能識字其與不能辨菽麥何不食肉糜者相去間一寸哉

**營實牆藤** 營實牆藤本經上品蜀本草云卽薔薇也

有赤白二種白者入藥良湖南通呼爲刺花俗語謂刺爲勒音之轉也救荒本草採嫩芽葉煤熟食之產外國者製爲露香能耐久今吳中摘花蒸之亦清香能祛熱

營實牆藤一



蔡條竄謫中猶津津言之不置殆其父子昆弟平日阿諛容悅比之婦寺孜孜以奇異纖瑣之物引其君於花石玩好以爲希榮固寵之計其家人目見耳濡以不能寶遠物辨真僞爲恥以恤民艱圖國事爲迂濶而相姍笑黃雀螳螂自謂無患而不知挾彈黏竊者隨其後而捕逐也然其錮蔽已深雖至家國蕩析不知怨艾而計較其昔時所寶貴者猶怡然自詡其賞玩之不謬以爲彼談民依勵清節者皆田舍翁窮措大耳烏足以知此



營實牆藤二

嗚呼玩物之喪人至此哉或謂海外蓋微得霜雪則益香故爲露逾於中華不知彼地燠熱花之有臭者經寒乃清冽而耐久南中橘柚至燕薊亦芬馥逾於所產物理之常亦烏足異彼斤斤於耳目嗜好者誠哉夏蟲不可語冰而醯雞甕天安知宇宙之大也

### 白英

白英本經上品爾雅符鬼目卽此一名排風子吳志曰鬼目菜齊民要術誤以爲嶺南鬼目果湖南謂之望冬紅俚醫以爲治腰痛要藥其嫩葉味酸可作茹老



白英

根生者葉大有五椹凌冬不枯春時就根生葉吳志所云綠樹長丈餘葉廣四寸厚三分不足異也

雲婁農曰白英有毛而酸貧者食之溷人呼爲酸尖菜天下多貧人故雖廣谷大川民生異宜而貧者必知貧者之食亦漸濡使然也古之賢者皆曰富而能貧夫能者非獨能甘淡薄也蓋必設身處地洞悉艱難故當其境則曰素富貴素貧賤不當其境則曰可富可貴可貧可賤唐有世閥子弟擢兵而飢餒者或憐而予之食不能咽曰此烟火氣烏可食又僮父見食笱者問諸其人曰此卽竹也歸而煮其牀腳不熟若此人者處貧而不知貧者之食不將俟其轉乎溝壑哉

### 茜草

茜草本經上品爾雅茹蘆茅蒐注今之蒨也俗呼爲血見愁亦曰風車草說文以爲人血所化救荒本草土茜苗葉可爍食子紅熟可食湖南謂之鋸子草又一種葉圓稍大謂之金線草南安謂之紅絲線二種通用今甘肅用以染象牙色極鮮謂之茜牙陶隱居謂東方

## 蔓草卷之二十二 白英 茜草 絡石

有而少不如西方多蓋謂此

雲婁農曰地官掌染草以春秋斂染草之物以權量受之以待時而頒之注染草茅蒐橐蘆豕首紫荊之屬此以見古聖人於一草一木無不經營擘畫以盡其材而別服色明等威禁奇衰於五色所尚尤斷斷不使間之奪正焉述異記云洛陽有支茜園漢官儀染園出支茜供染御服是其處漢制去古未遠至貨殖傳千畝支茜其人與千戶侯等則世風漸侈服制無等而民有擅其利者矣近世色益華而染物亦屢變范子計然云菡根出北地赤色者善陸元恪云齊人謂之茜徐州人謂之牛蔓今河南北皆不種茜多以紅藍爲業惟陝甘以染牙物著稱李時珍遂據陶隱居東問諸處乃有而少不如西多之語謂茜字從西以此此亦王氏之字說矣茜之色不如紅藍故朱色至紅藍而極爾雅翼云今人染菡者乃假蘇方木非古所用近嶺南者皆仰蕃舶蘇方木以供染然一入再入卽以紅藍染之色乃殷紅若蘇

方木紫黯無華不能敵茜色也又西域記康巴拉撒之南春結一帶產蕨菜茜菜則茜盛於西方且以作茹不  
僅供染而已

茜草



絡石 絡石本經上品湖廣江西極多陳藏器以圓葉爲

絡石尖葉一頭紅者爲石血今從之

雲婁農曰絡石生石壁壞牆上蔓而有直幹本經以爲上藥蓋藤屬象人筋絡其耐霜雪者性必溫風之不搖則却風淫而色如血者卽入血人肖天地百物肖人以



物治人即以人治人人食味別聲被色而生聖人亦以食聲色之相類者生之無他道也故曰行所無事

銘石



白兔藿

白兔藿本經上品陶隱居云人不復用亦無

識者唐本草以為白葛葉似蘿摩蜀本草以為葉圓如蕁

雲婁農曰吾讀本草注謂白兔食藿得仙而啞然也考神仙書皆謂仙人有爵秩名位尊卑職事太虛青曾之中亦復勞形案牘貴賤相檢亦鳥取乎逍遙六合之外

蔓草卷之二十二 白兔藿 紫葳 栝樓

哉韓子云上界足官府蓋譏之也若鶴鹿駉驢及趨趨者皆得飛昇則天門跌蕩亦為飛走者排擠矣道家又謂鹿鶴為仙人馱驢夫深山大壑俛啄仰鳴猿獐狉狉自適已甚乃以仙故致受繫控而縛羈勒亦何樂乎其為仙耶

白兔藿



紫葳

紫葳即凌霄花本經中品唐本草注引爾雅苕陵苕郭注又名凌霄今本無之相傳其花有毒露滴眼中令人失明根能行血湖南俚醫亦用之

雲婁農曰余至滇聞有墮胎花俗云飛鳥過之其卵即隕亟尋視之則紫葳耳青松勁挺凌霄屈盤秋時旖旎

蔓草卷之二十二 白兔菴 紫葳 栝樓

雲錦鳥雀翔集豈見有胎殯卵殯者耶俗傳吉祥草素  
心蘭皆能催生取其佳名以靜人囂而已夫鼻不聞其  
臭口不嘗其味而藥性達於腹中無是理也否則簪花  
滿髻折枝供瓶皆爲葳葳下乳之毒草其能不圻不謫  
無災無害者鮮矣然滇之張其詞以求利者果何爲耶  
吾烏知其故耶



紫葳

栝樓 栝樓本經中品爾雅果羸之實栝樓今有苦甜二  
種葉亦小異炮炙論以圓者爲栝長者爲樓說近新鑿


其根卽天花粉救荒本草根研粉可爲餅糗可爲粥子  
可爲油

雲婁農曰果羸之實亦施于宇釋詩者以爲人不在室  
則有之余行役時屢館曠宅老藤蓋瓦細蔓侵牕蕭條  
景物未嘗不憶東山之詩如披圖繪也夫聖人衮衣繡  
裳雍容致治而於窮檐離索之情長言詠歎悱惻纏綿  
有目視身歷而不能言之親切如此者豈臨時有所觸  
而能然哉蓋其平日於民間綢繆拮据之事無不默爲



栝樓一

栝樓二




經營卽一草木一昆蟲其蕃息於衡宇樊墻間者無不歷歷然在於心目思其翕聚則烹葵獻羔念其離析則敦瓜蝓蠋蓋非破斧缺斨必不忍使吾民有婦歎灑掃之悲其萬不得已之衷有不待直言而自見者人第頌其感人之深而不知其憫從征之將士若自咎其不能弭患於未然故鷓鴣之詩諄諄於天之未陰雨也雨雪楊柳師不言勞而勞師者代言之深情淪浹亦猶行周公之道也草黃人將棧車周道並有置其家室而不敢

念者讀無思遠人勞心切切之詩而知周之衰矣古詩十五從軍六十來歸備述其雞鳴犬吠之荒涼而終以白楊蕭蕭高冢纍纍愁慘之音如聞悲咽杜拾遺從軍行曰禾生隴畝無東西男子荷戈婦姑曳鋤較之鹿場鶴鳴益爲心惻而哭聲干霄則窮兵黷武之時固不能不出之以慷慨悲激小雅怨悱勢使然也然其源皆出於東山之詩

王瓜 王瓜本經中品爾雅鉤棘姑注一名王瓜今北地

通呼爲赤雹本草衍義謂之赤雹子是也自淮而南皆曰馬爬湖廣謂之公公鬚本草綱目江西人名土瓜栽之沃土根味如山藥今江西呼番薯爲土瓜又寧都山中別有一種土瓜味甚劣未知其卽王瓜否也陶隱居釋王瓜與郭注所謂實如廔瓜正赤味苦形狀臍合則鉤棘姑之名王瓜相洽至晉梁未改古人姑瓜音近相通而王瓜之爲赤雹以色形證之殆無疑義馬雹見救荒本草至土瓜之名則經傳已非一物菟瓜菲芴蘇頌



已謂同名異類今俗間所謂土瓜南北各別不可悉數故以土瓜釋王瓜而不具述形狀則昧嘗不知何物矣鄭注以為菝葜必有所承王善王蕢字異物同秀蕢之說以四月孟夏時令相符強為牽合不知菝繞爾雅具載乃是遠志草木蟲魚疏以為栝樓栝樓爾雅已前見郭景純何故以王瓜釋鉤藤姑而不以釋栝樓且謂栝樓形狀藤葉與土瓜相類不知所云土瓜又何物也唐

本草注王瓜葉如栝樓而無叉缺有毛刺無叉缺則亦不甚相肖蔓生之葉非以花叉齒缺分別則相同者多矣明人說部乃以黃瓜為王瓜蹲鴟之羊形諸簡牘不經實甚小臣侍直曾蒙

天語詢及王瓜何物因以所聞見具對

上復問黃瓜始於何時具以始於前漢改名原委對

上曰諸瓜多始於後世古人無此多品俗人乃以王瓜

為黃瓜失之不考

九重宵旰於一草一木無不洞燭根原仰見 雨露

鴻鈞不私一物亦不遺一物彼誥詰考訂家何能上測

高深

百部 百部別錄中品本草拾遺云人多以門冬當百部

今江西所產苗葉正如圖經所述鄭樵所云葉如薯蕷


亦相近李時珍以為有如茴香葉者恐誤以天門冬當

之以駁鄭說過矣秋開四尖瓣青白花藝花者以未浸

水去蟲

葛

葛本經中品今之織絺者有種生野生二種救荒本草花可燻食根可爲粉其葦爲葛花菜贛南以根爲果曰葛瓜宴客必設之爾雅翼以爲食葛名雞齊非爲絺者蓋園圃所種非野生有毛者耳周詩詠葛覃周官列掌葛今則嶺南重之吳越亦尠無論燕豫江西湖廣皆產葛凡採葛夏月葛成嫩而短者留之一丈上下者連根取謂之頭葛如太長看近根有白點者不堪用無白點者可截七八尺謂之二葛凡練葛採後卽挽成



百部

蔓草卷之二十二 葛

網緊火煮爛熟指甲剝看麻白不粘青卽剝下就流水捶洗淨風乾露一宿尤白安陰處忌日色紡以織凡洗葛衣清水揉梅葉洗滌夏不肥或用梅樹搗碎泡湯入瓷盆內洗之忌用木器則黑然嶺北女工多事芋南昌惟西山葛著稱贛州則信豐會昌安遠諸處皆治葛有家園種植者亦有野生者而葛布多雜蕉絲乍看鮮亮悅目入水變色質亦脆薄用純葛絲則韌而耐久沾汗不污會昌之精者繅績史艱葛一斤擇絲十兩績之半


葛一



蔓草卷之二十二 葛

年治成一端會昌安遠有以湖絲配入者謂之絲葛湖南舊時潭州永州皆貢葛今惟永州有上供葛葛生祁陽之白鶴觀太白嶺諸高峯芒種時採煮以灰而濯之而曝之白而擘爲絲紡以爲布如方目紗製爲衫不可洗汚則灑以水垢逐水溜無痕也興寧縣亦蒔之里老云葛有二種遍體皆細毛者可績布曰毛葛遍體無毛者曰青葛不可績惟以爲束縛則又毛葛所不逮又毛葛亦有二種蔓延於草上者多枝節而易斷成布不耐久惟緣地而生者有葉無枝成布較勝於苧廣西葛以賓州貴縣者佳鬱林葛尤珍明內監教之織爲龍鳳文也粵之葛以增城女葛爲上然不鬻於市彼中女子終歲乃成一疋以衣其夫而已其重三四兩者未字少女乃能織已字則不能故名女兒葛所謂北有姑戎南有女葛也其葛產竹絲溪百花林二處者良采必以女一女之力日采祇得數兩絲縷以織不以手細人毫芒視若無有卷其一端可以出入筆管以銀條紗視之霏微

蕩漾有如蝴蝶之翼然日曬則縲水浸則蹙縮其微弱不可恆服惟雷葛之精者細滑而堅色若象牙名錦囊葛裁以爲袍直裰稱大雅矣故今雷葛盛行天下雷人善織葛其葛產高涼礪洲而織於雷爲絺爲綌者分村而居地出葛種不同故女手良與槁功異焉其出博羅者曰善政葛出潮陽者曰鳳葛以絲爲緯亦名黃絲布出瓊山澄邁臨高樂會輕而細名美人葛出陽春者曰春葛然皆不及廣之龍江葛堅而有肉耐風日也詩正



葛二

義云葛者婦人之所有事雷州以之增城亦然其治葛無分精粗女子皆以鍼絲之乾撚成縷不以水績恐其有痕迹也織工皆東莞人與尋常織苧麻者不同織葛者名爲細工織成弱如蟬翅重僅數銖皆純葛無絲其以蠶絲緯之者洗之則葛自葛絲自絲兩者不相聯屬純葛則否葛產綏福都山中采者日得劬城中人買而績之分上中下三等爲布陽春亦然其細葛不減增城亦以紡緝精而葛真云

雲婁農曰葛者上古之衣也質重不易輕吳蠶盛而重者賤矣質韌不易柔木棉興而韌者賤矣質黃不易白苧麻繁而黃者賤矣乃治葛者與絲爭輕與棉爭軟與苧爭潔一疋之功十倍於絲與棉與苧其直則倍於絲而五倍棉與苧於是治葛者能事畢而技盡矣而受治者力亦盡矣褐之壽以世帛之壽以歲麻之壽以月今是葛也日之焦風之肥浣之懈藏之折其壽幾何聖人盡物之性而不盡物之力因其重與韌與黃而葛之壽

於是次於褐均於帛逾於麻

通草

今木通

通草本經中品舊說皆云燕覆子藤中

空一枝五葉子如小木瓜食之甘美今江湖所用皆非結實者溷本草以爲野葡萄藤此藥習用而異物非一種蓋以藤蔓中空皆主通利關竅故有效也

通草



防己

防己本經中品李當之云莖如葛根外白內黃如


桔梗今藥肆所用殊不類

雲婁農曰李杲以防己險而健能爲亂階聞其臭則可惡下咽則令人心煩亂飲食減少至於去十二經濕

蔓草卷之二十二 通草 防己 黃環

熱壅塞非此藥不可其與大黃匹敵可矣甄權亦云有小毒李時珍以入蔓草而本經無毒中品豈古人精神強固不畏洩利而後人柔弱不能勝其苦寒而乃以為毒耶夫藥力平者不能去病而猛者性必有所偏元氣已虧根本漸撥勝病之藥既不支而苟且塞責之品何裨毫末兩漢循吏多在承平至於繡衣持斧殺馬埋輪其時紀綱未紊民氣恬熙故武健者得行其志而一時亦收火烈之效至其季也雖有戡平盜賊之績不旋而復熾火燎於原一杯曷濟故治病治民不先審其根本

防己



而特藥力之投頭有蝨而剃之蝨則盡矣髮於何有

黃環 黃環本經下品其子名狼跋子別錄下品據唐本草注及沈括補筆談即今之朱藤也南北園庭多種之

山中有紅紫者色更嬌豔其花作苞有微毛作蔬案酒極鮮香救荒本草藤花菜即此李時珍以為唐宋本草不收殆未深考又陶隱居云狼跋子能毒魚今朱藤角經霜迸裂聲厲甚子往往墜入園池未見魚有死者又南方草木狀有紫藤云根極堅實重重有皮莖香可降

黃環





神本草拾遺以為長安人亦種飾庭院似即以朱藤紫藤為一種今湖南春掘其根以烘茶葉云能助茶氣味其根色黃亦呼小黃藤云

**羊桃** 羊桃本經下品詩萋楚爾雅桃弋皆此草也今江西建昌造紙處種之取其涎滑以揭紙葉似桃葉而光澤如冬青湖南新化亦植之黔中以其汁黏石不斷黔書滇黔紀游皆載之光州造家以其條浸水和土捶之乾則堅如石不受斧鑿以火溫之則解

羊桃一



雲襄農曰天下之至小能制天下之至大天下之至柔能制天下之至剛天下之至輕能制天下之至重天下之至易能制天下之至難莫堅於石椿以鹽麩之木而立拆莫脆於石錮以羊桃之汁而無隙彼人氣之碎犀翡翠之屑金羚羊之破金剛衣柳之固漏舫膽之辟塵膠之止濁木賊之軟牙戎鹽之累卵物性之相感而相制殆有不可窮詰者吾以為人主操尺寸之柄以制天下亦猶是矣干羽非征苗之兵而蠶茲格關雖非翦商

羊桃二





羊桃三

之謀而王業基聖人操其至小至柔至輕至易者謹之於廟堂而賞不特爵祿而勸罰不特斧鉞而懲神禹之平成孟子曰行所無事周家之艱難周公曰能知小人之依天下固有自然相通相及之理而無事竭智而逞力者彼衡石稱書豈天下之書遂盡此乎鹽鐵權利豈天下之利遂盡此乎申韓煩刑豈天下之獄訟皆刑所及而無能遁者乎孫吳治兵豈天下之強梗皆兵所威而無能抗者乎以大制大以剛制剛以重制重以難制

難竭其智而智有所不能周逞其力而力有所不能敵故用智者必歸於愚而用力者必至於弱秦皇漢武不能終於富強而况其他乎抑又有一說焉人主驅遣大將如使嬰兒而往往制於寺宦宮妾如秦之苻堅唐之元宗後唐之莊宗則歐陽子所謂禍患生於所忽智勇困於所溺譬如千金之隄潰於蟻穴合抱之木斃于桂屑雉之介誘於媒熊之勇昵於夾物固不可以小大剛柔輕重難易之相形而毅然可以自恃聖人之道亦唯於至小至柔至輕至易者慎之而已若其所以相制則亦無所用心也

**白斂** 白斂本經下品爲瘡毒調敷之藥亦斂花實功用

白斂



皆同惟根表裏俱赤

赭魁

赭魁本經下品根形詳沈括筆談

赭魁



忍冬

忍冬別錄上品俗呼金銀花亦曰鶯鶯花又名左

纏藤陶隱居云忍冬酒補虛療風世人不肯爲之更求難得者近時爲解毒治痢要藥吾太夫人曾患痢甚亟禱於神得方以忍冬五錢煎濃汁呷之不及半日即安其效神速如此吳中暑月以花入茶飲之茶肆以新販到金銀花爲貴皆中州產也

雲婁農曰忍冬古方罕用至宋而大顯金段克己詩云作詩與題評使異凡草木蓋未知近時吳中盛以爲飲沆夢吸露歲糜萬餘緡也夫物盛衰固自有時而醫者

云誰知至賤之中乃有殊常之效噫何所見之陋也凡物之利益於人孰非賤者穀蔬之於珍錯也金錫之於珠玉也陶匏之於髹刻也布綿之於錦繡也茅茨闔廬之於衣綈錦被朱紫也若者易若者難若者爲民利若者爲民病不待智者而知也且猷畝版築漁鹽販豎人之賤者而聖賢出焉漢之盛也販繒吹簫位兼將相而編蒲牧豕者亦以經術顯得時則駕不得時則蓬蘽而行人亦何賤之有且賤者貴之甚貴者賤之伏彼害人家國事者亦豈限貴賤哉漢之江充息夫躬孔僅桑宏羊非高門也王鳳王莽梁冀袁紹非下僚也司馬氏之東遷也以王謝爲晉鄭而傾王室者豈少烏衣子弟哉蘇峻平而懲折翼之夢封坭之小吏也盧循滅而符射蛇之讖伐荻之擔夫也唐重世闕以門第高下相夸亦以相軋至牛李黨一貴一賤終唐之亡而不解北宋之弱始以新法者疎遠之囚首垢面繼以紹聖者渺茫之方丈仙人而終以花石綱之市井無賴亡南宋者則又

蔓草卷之二十二 赭魁 忍冬 千歲藹

忍冬




貴介椒戚之韓賈也嗚呼參朮至貴能生人亦能殺人  
戟陸至賤能殺人亦能生人莊子之言曰藥也其實莖  
也枯梗也雞壘也豕零也是時為帝者也郭曰物當其  
所須則無賤非其時則無貴故曰禮時為大然聖人不  
能為時

千歲藹 千歲藹別錄上品陳藏器以為即葛藹本草

衍義引甘守誠以為即姜撫所進長春藤飲其酒多暴  
死今俚醫以為治跌損要藥其力極猛不得過劑吉安

人有患跌折者誤以數劑併服遂暴卒鞠獄者取其莖  
研入肉以試犬犬食之頃刻間腹膨脝矣

雲婁農曰甚矣不學無術而惑邪說者之害之鉅也詩  
之詠葛藹者多矣無言采采者傳曰葛藹能庇其本根  
今山林中貫木絡石條蔓蔚密材不可薪不任縛實不  
中噉而為鳥雀啣啄者雖婦稚皆識之乃姜撫一妄男  
子詫為仙藥舉朝信之或以致斃惟一衛士甘守誠破  
其狂誕豈彼時朝右皆伏獵弄鑿之庸豎而無一通知  
經術者哉蓋誦其名昧其物撫捲風月虛幻之詞而不  
究其所用蔡謨讀爾雅不熟幾為勸學死良可哂矣夫  
良工度木非徒為大小曲直也必審其剛柔燥濕之性  
而後為室則正為器則固其編蒲織柳瀉麻搗楮無有  
不識物性而成一藝者况醫者以藥投人腹中而不  
知其有毒與否而受者乃貿貿然而試之是輕千金之  
軀於鴻毛矣夫驅使草木而不知其性情尚不能得其  
利而無害然則人主用人將舉家國人民而聽之乃不



千歲藤


能灼知其賢不肖其利害不亦大哉漢之言占候者欲以日辰之善惡決所見之邪正舉進退黜陟之權寄之於孤虛旺相其與術士以舉世不用之藥而詭言長生者皆不求之於可知而求之於所不可知禮曰百工之事皆聖人所作又曰夫婦之愚可以與知彼聖人所不言愚夫愚婦所不知皆妄而已矣

**葶藶** 葶藶別錄中品宋圖經列數種李時珍云葉大如盃今人皆以土茯苓爲葶藶誤矣其實今人乃以葶藶

爲土茯苓耳南安謂之硬飯團屑粉食之茲從李說而別存原圖

雲婁農曰余按試贛聞山中人掘硬飯團爲糧者令人探視之則卽藥肆所收以代土茯苓而李時珍以爲葶藶者堅強如木石山人之言曰贛山瘠田少苦耕穀不蕃雖中人產不能終歲粒食則仰給於薯薯不足則糜草木之根芟而粉齧之若葛若蕨及此物皆貧民果腹是賴余觀范文正公使江淮取民所食烏昧草以進

葶藶一



葶藶二



乞宣示六宮戚里以抑奢靡前賢欲朝廷知民間艱難如此然此猶值儉歲耳若贛之民雖豐歲亦與上古食草木之實同而不獲奏庶艱食比之鹵地苦寒稷稻烹葵其苦樂為何如耶世有抱痼瘵者取瘠土之民之生計講求訪咨繪爲圖說使爲民上者知風雨時節而無告窮黎尙有藜藿不糝茹草嚙木而甘如黍稷者一遇亢曠螟螣稽葉皆盡顛連離散計惟有填溝壑而入盜賊得不蹙蹙然預計綱繆爲鳩形鵠面者蓄升斗之儲

而一切偷安縱欲坐待流民之圖於心忍乎求牧與芻而不得立而視其死距心亦知罪矣善將者士先食而後食豈守令而不然哉

菝葜

菝葜別錄中品江西湖廣皆曰鐵菱角亦曰金剛

根葉可作飲救荒本草謂之山藜兒實熟紅時味甘酸可食其根有刺甚厲僮醫多用之

雲婁農曰菝葜山中多有之根多刺如釘似非善草然葉可飲子可食根可染治腳弱痺滿釀酒飲之幾無刺物而張未有菝葜詩云江鄉有奇蔬本草寄菝葜驅風利頑痺解疲補體節春深土膏肥紫筍迸土裂烹之芼薑橘盡取無可撥則此草乃又堪蔬矣吾於此見造物之愛人甚矣山氓營窟林箐中寒而瘦濕而痺炙而暑刺而風惡蟲怪鳥洩其毒而爲瘡癘癘人非木石何以堪此乃使之日飲啜於良藥嘉草之中潛消其瘵戾而不之覺不識不知順帝之則聖人之於民也亦猶是矣養生送死救災弭患其事必極於纖微瑣屑其功乃

盡於裁成輔相周官於絲枲茶葛果蔬漆林之類無不臚舉而庶氏蠹氏所以攻鳥獸毒蟲者其官亦皆備焉後世輒曰大臣不親庶事夫不親者委任庶官而已然其於民之一飲食一疾痛無不默默爲之籌畫憂勞康誥曰如保赤子方其保抱攜持無所不至彼赤子烏知之而感之漠之推鹽鐵也以賈人富而重租稅以困之宋之行新法也比之祈寒暑雨怨咨而不顧夫君之於民猶父之於子豈有以子富而困使貧且使之怨咨無

蒺藜



蔓草卷之二十二 鈎藤 蛇莓

聊而以爲快哉水旱疾疫厄運所極造物已早爲生聚百物以待人主之措施彼以陽九委之於天者蓋真視天夢夢也天不虛生一物聖人不虛靡一物樹木不以時伐曾子謂之不孝天德王道何事不該疏節濶目其學曰粗

**鈎藤** 鈎藤別錄下品江西湖南山中多有之插莖卽生

莖葉俱綠本草綱目云藤有鈎紫色乃枯藤也

雩婁農曰鈎藤或作鈎藤以其鈎曲如鈎針也滇志哂酒出鎮雄州陸次雲崗谿織志哂酒一名鈎藤酒以米雜草子爲之以火釀成不籐不酢以藤吸取多有以鼻飲者謂由鼻入喉更有異趣鎮雄直滇東北千里而遙鼻飲之風今無聞焉考鎮雄爲芒部地舊隸烏蒙雍正八年改昭通府以鎮雄爲州其屬有威信牛街母亨彝良皆設吏分治其夷則有苗沙二種蓋地曠嶺奧蠻俗猶有存焉然其植物昔有五加方竹龍眼荔支諸物今志不載龍眼荔支而謂採筍蹂躪方竹殆盡五加已絕

種又謂有海竹空中爲嘔酒竿則嘔酒亦不盡用鉤藤  
 今昔殊風大都皆然而舊諺所謂烏蒙與天通者今已  
 爲連銅孔道馱負洗洗流人占籍宜其濡染華風非復  
 崗谿故狀抑夷性恹而土地磽确一草一木輒惜之或  
 以易食物而畏官之需索尤其甚蓋因其俗而杜誅求  
 云爾然以方竹爲守土累者實有之矣務奇詭而不恤  
 艱難烏可以長民哉



鉤藤

蛇莓

蛇莓別錄下品多生園野中南安人以莖葉搗敷

疔瘡隱其名爲疔瘡藥試之神效自淮而南謂之蛇蛋  
 果江漢間或謂之地錦

蛇莓



雲婁農曰蛇莓多生階砌下結紅實色至鮮故名以錦  
 雖爲莓然第供烏雀螻蟻耳顧其塗敷疔毒效甚捷而  
 力至猛寸草有心烏可忽乎哉夫德無小醫桑一飯而  
 倒戟執炙一樹而救危飲食之施適得國士咫尺階前  
 乃有大藥否則門左千人門右千人碌碌者黍不爲黍  
 稷不爲稷求其非荆棘之刺足矣尙能獲其報乎



牽牛子

牽牛子別錄下品今園圃中植之酉陽雜俎謂之盆瓶草自河以北謂之黑丑白丑又謂之勤娘子其花色藍以漬薑色如丹南方以作紅薑故又名薑花又一種子可蜜煎俗謂之天茄救荒本草謂之丁香茄李時珍以為即牽牛子之白者花葉固無異也另入果類

牽牛子



雲婁農曰俗以牽牛花同薑作蜜餞紅鮮可愛而理不可曉梅聖俞詩持置梅窗間染薑奉盤饜爛如珊瑚枝


蔓草卷之二十二 牽牛子 女萎 地不容

惱翁牙齒柔文與可詩只解冰盤染紫薑此法自宋始矣邵子詩雕零在檣先言其日出即收也司馬溫公獨樂園有花庵以牽牛瓜豆為之東坡以此非佳花而前賢多賞之觀邵子所謂長是廢朝眠者即此亦見賢者斷無三宴起時也黃綾被裏放衙終身不見此花矣俗呼此花為勤娘子亦有味

女萎

女萎見李當之藥錄諸家誤以解委萎唐本草以為似白薇主治痢洩觀王羲之女萎丸帖云腹痛小差須用女萎丸得應甚速則必非今玉竹矣原出荆襄又曰魯國女萎近世方中無用者存原圖以俟訪

女萎



蔓草卷之二十二 牽牛子 女萎 地不容

地不容

地不容一名解毒子唐本草始著錄南嶽攬勝集軫宿峯北多生地不容草取汁同雄黃末調服之大解蛇毒以其滓敷傷處雖蝮蛇五步至毒亦不加害其效至速

霧婁農曰余在湘中按志求所謂地不容者不可得及來滇有以何首烏售者或云滇人多以地不容僞爲何首烏宜辨之余喜得地不容甚於何首烏也遂博訪而獲焉其根苗大致似交藤而根扁而瘠葉厚而圓開小紫花詢諸土人則曰其葉易衍其根易碩殆無隙地能容也故名或以其葉團似荷錢而易爲地芙蓉失其意矣考圖經生戎州今爲安順府與滇接宋版輿不及滇故不以爲滇產滇本草曰味苦性溫有毒治一切瘧吐倒食氣吐痰甚於常山虛者忌之常山有轉達之功地不容無轉達之功故禁用其說與圖經異而詳滇黔之藥多出於夷峒夷之衣服飲食不與華同以治夷者治民幾何不草菅而獮蕪之耶然世之好奇者不求之烏

地不容

許狼臆則求之番舶鬼市輒曰藥之來者遠則其爲效也捷嗚呼病非夷之病而藥夷之藥則必衣夷之衣而後知其藥之舒歛食夷之食而後知其藥之補伐身體心腹無不變而爲夷而後藥之入其肺腑而達於毛髮

地不容



者乃無一不相淪浹眩暈焉而後知夷醫爲和緩夷藥爲參苓矣否則不乃之羹古刺之酒且有呃於喉刺於鼻而不能一咽者况此苦辛劇毒之品而謂五行無偏勝之臟腑可以相容莫逆如石投水哉滇地今益關夷之負藥人市者惟薰洗瘡瘍醫實取資焉駸駸乎肯

百夷而冠帶之酸鹹之且將以治民者治夷矣如滇本草誠不以良民試夷法滇亦多賢人哉


白藥 白藥唐本草始著錄圖經有數種本草拾遺又有

陳家白藥甘家白藥會州白藥有方無圖今滇南亦有

白藥主治馬病未知是圖經何種不敢併入茲從圖書

集成繪存原圖一種其治證各方錄於編中以備考

白藥



落鴈木 落鴈木唐本草始著錄海藥謂鴈過皆綴其

中故名生南海山中代州雅州皆有之治風痛腳氣產

後血氣痛


落鴈木



解毒子 解毒子唐本草以為生川西即地不容圖經

所云生戎州者與滇南地不容雖相類而云無花實李

解毒子



蔓草卷之二十二 白藥 落鴈木 解毒子 蘿摩

蔓草卷之二十二 白藥 落鴈木 解毒子 蘿摩

時珍以四川志苦藥子即解毒子又或謂即黃藥子皆出懸揣今以滇南地不容別為一圖而存解毒子原圖以備考世之用地不容者當依滇本草為確其舊說解毒毒消痰降火雖具藥性而不可輕試若川中苦藥子亦恐非唐本草之解毒子也

蘿摩 蘿摩即藿蘭見詩疏唐本草始著錄拾遺曰斫合

子救荒本草曰羊角科今自河以北皆曰羊角江淮之間曰婆婆鍼線包或曰羊婆奶湖南曰斑風藤

雲婁農曰芎蘭衛詩也故中原極多江湘間偶逢之淳

于冕曰求柴胡桔梗於沮澤累世不得一焉地利有宜

信矣沈存中謂芎蘭生莢支出於葉間垂之如觸其葉

如佩鞮之狀按芎蘭之角如觸尚得形似其葉如王瓜

牽牛等安得有佩鞮狀詩人觸物起興矢口成音豈與

夫訓詁之學拘文牽義強為組織哉漢儒格物非得之

目觀即師承有緒非妄造無稽之談以為標新領異始

作俑者王安石之新學而陸佃為之推波助瀾也陳瑩

蘿摩



中云王氏之學廢絕史學而咀嚼虛無之言其事與晉無異其彈蔡京疏云絕滅史學一似王衍斥新經者以此為臆蘇折獄矣夫憑虛臆說何所不至極其量雖伏獵弄響無難曲解旁證以伸其說今王氏之學漸滅殆盡而埤雅以草木鳥獸而存毛晉以陸佃釋采苻采繁采蘋藻為后妃諸侯夫人大夫妻之次第王安石釋苻接余謂可以妾餘草為可笑而近於戲嗚呼王氏之學天變不足畏祖宗不足法人言不足恤尚何有於經而


不敢侮觀其制置條例乃以蒼生宗社爲戲經營祖述  
卒傾宋京由今而觀豈堪一嘆哉沈存中博物者而不  
免汨新學之餘波甚矣邪說之害同於洪水猛獸也

### 赤地利

赤地利唐本草始著錄李時珍以爲卽本草  
拾遺之五毒草江西湖南通呼爲天蕎麥亦曰金蕎麥  
莖柔披靡不纏繞莖赤葉青花葉俱如蕎麥長根赭硬  
與唐本草說符爲治跌打要藥竊賊多蓄之故俚醫呼  
賊骨頭

雲婁農曰天之生斯草也以矜折損也乃宵小恃之以  
扞敲押而遁法網豈天之助兇人歟易曰惡不積不足  
以滅身傳曰淫人富謂之殃夫盜賊穿窬胫篋得而繫  
之法止鞭扑及荷校耳乃祕此方藥絕者續腐者新頑  
而無忌屢觸法而益狼戾其究不至殺越人于貨不止  
則斷到之戮及之矣昔有囚將伏法語獄卒曰某爲賊  
冒法多矣每受責必餌白及故無苦死後可取肺視之  
必有異獄卒如言審其肺已潰敗皆白及所補綴云然

則盜賊得祕藥而無所苦者乃俾之愍不畏死而終服  
上刑也則天之生此草將以積其惡而滅之殃之也然  
盜賊終恃此而不悟也



赤地利

### 紫葛

紫葛唐本草始著錄湖南謂之赤葛藤葉似野葡  
萄而根長如葛色紫蓋卽葛之別種主治金瘡傷損俗  
方多用之原圖葉甚相類又一圖殆其枯蔓姑仍之

蔓草卷之二十二 赤地利 紫葛 烏歛莓 葎草

紫葛



烏歛莓

烏歛莓即五葉莓唐本草始著錄按詩經歛

烏歛莓



葎草

蔓於野陸疏形狀正同烏歛毛晉廣要亦云歛有赤白  
黑疑此即黑歛云今俗通呼曰五爪龍

葎草唐本草始著錄處處有之救荒本草謂之葛  
勒子秧苗葉可煨食本草綱目併入別錄有名未用勒  
草南方呼刺皆曰勒未可以葎勒音轉定為一物

零襄農曰湘中葎草極繁廢圃中往往弗不可行迷陽  
傷足爛挈竊衣其流輩也調以酸鹹乃不戟喉花芥刺  
薊又其亞矣蓋造物之養人也唯恐其獲之也艱而生

葎草



之也。蹙故凡婦稚之擷捋牛羊之踐履無不可以適口腹而備緩急然則人力之所極而化工之所恡者其皆非養人者歟。余以世之疾夫此草也因歌以誡之。其詞曰：相彼滋蔓浸淫堂隅鋤而去之乃益繁蕪孰遘不憎孰忤不誅勿憎勿誅代置庶乎嗚呼儻歲恃此而舖饘斯粥斯不整乃腴何惜咫尺廣苗此徒吾言曷徵曰救荒書

植物名實圖考卷之二十三

固始吳其濬著

蒙自陸應穀校刊

蔓草類

四喜牡丹

即追風藤

刺天茄

刀瘡藥

紫地榆

滇白藥子

葉上花

堵喇

土餘瓜

滇土瓜

昆明雞血藤

繡毬藤

扒毒散

崖石榴

金線壺盧

銅錘玉帶草

鐵馬鞭

黃龍藤

白龍藤

地棠草

鞭打繡毬

漢葳魚腥草

大發汗藤

昆明沙參

即金鐵鎖

飛仙藤

鞭繡毬

蔓黃草

金雀馬尾參

雞血藤

碗花草

紫參

青羊參

滇紅葶藶

架豆參

山苦瓜

青刺尖

染銅皮

紫羅花

過溝藤

馬尿藤

巴豆藤

滇防己

滇淮木通

滇兔絲子

飛龍掌血

小雞藤

竹葉吉祥草

山豆花

山紅豆花

野山葛

象鼻藤

透骨鑽

珠子參



土黨參

山土瓜

芳草

老虎刺

土荊芥

滇南薄荷

滇藁本

野草香

地笋

滇瑞香

滇芎

東紫蘇

白草果

香科科

毒草

小黑牛

野棉花

月下參

小草烏

滇常山

羊肝狼頭草

野煙

雞骨常山

象頭花

金剛纂

紫背天葵

四喜牡丹

即道風藤

四喜牡丹生雲南山中長莖如蔓附

莖生葉三葉同柄復多花又微似牡丹長五六分春開  
四瓣白色如梔子瓣齊有直紋黃蕊綠心楚楚有致  
惟莖長花少頗形寂寞

四喜牡丹



刺天茄

刺天茄滇黔山坡皆有之長條叢蔓細刺甚

利葉長有缺微似茄葉然無定形花亦似茄尖瓣黃蕊  
粉紫淡白新舊相間花罷結圓實大者如彈熟紅久則  
褪黃自春及冬花實不斷滇本草刺天茄味苦甘性寒

邪 治牙疼爲未搽之即愈療腦漏鼻淵却風止頭痛除風



刺天茄

刀瘡藥 刀瘡藥生雲南藤本蔓生赭綠莖葉似何首烏



刀瘡藥

色綠微寬無白脈葉間開花五瓣外白內紫紋如荊葵  
數十朵簇聚爲毬又名貫筋藤殆能入筋絡之品

紫地榆 紫地榆生雲南山中非地榆類也圓根橫紋

赭褐色細蔓繚繞一莖一葉葉如五葉草而杈歧不勻  
多鋸齒蔓梢開五瓣粉白花微紅本尖末齊綠萼五出  
長於花瓣托襯瓣隙結角長寸許甚細而彎如牛角考  
滇本草有赤地榆與本草治症同又有白地榆味苦澆  
性溫與地榆頗異此又一種按名而求則懸牛首市馬  
肉不相應者多矣



紫地榆

滇白藥子


滇白藥子蔓生根如卵多鬚一枝五葉似木通而微小梢端三葉夏開花作穗如白花何首烏結實如珠考白藥有數種而說皆不晰滇本草謂只可醫馬不可吃而又載興陽道諸方其說兩歧殆不可信



滇白藥子


葉上花

葉上花生雲南蔓生綠莖一葉一鬚葉或五尖或三尖大如眉豆葉花生葉筋脈上作小尖萼莢上紅下淡花密則葉枯其筋脈即成小莖結實如珠色紫黑廣西通志紅果草小者圓葉邊花莖有軟刺可治牙



痛疑即此類

葉上花



堵喇

堵喇生大理府蔓生黑根一枝一葉似五葉草大如掌俚醫云性寒解草烏毒產緬地者能解百毒

堵喇



蔓草卷之二十三 滇白藥子 葉上花 堵喇 土餘瓜 滇土瓜

蔓草卷之二十三 滇白藥子 葉上花 塔喇 土餘瓜 滇土瓜

土餘瓜

滇本草土餘瓜味甘無毒生於山中倒挂綠葉開黃花按一年開一朵結一臺梗藤綿軟至十二年根成人形夜有白光屬陽氣採取同雲茯苓膏服之黑髮延年百病不生若單服無益茯苓亦夜有白光陰也須得土餘瓜配合為妙余遣人採得根如何首烏大小礫何相屬不絕色黃如土細蔓絲鼻拳附下垂一葉一鬚似王瓜葉而光有細紋亦如瓜葉人形白光之說蓋如枸杞人蔘以意測度東坡謂五月五日採艾如人形者艾豈似人萬法皆妄出於意想讀醫書者當知之



土餘瓜

滇土瓜

土瓜生滇黔山中細蔓長葉微團秋開如鼓子花色淡黃根以為果食桂馥札璞土瓜形似萊菔之扁者色正白食之脆美案即爾雅黃菟瓜譌為土瓜滇本草味甘平一本數枝葉似胡蘆根下結瓜紅白二色紅者治紅白帶下通經解熱白者治婦人陰陽不分子宮虛冷男子精寒生喫有止嘔療饑之妙遵義府志俗呼土蛋歲可助糧按此草有花一開即斂滇本草以為無花殆未細審

按黔西山坂中極多北人見者皆以為燕窩其花初黃後白按爾雅菲芴郭注土瓜也孫炎曰菑類也此草形既如菑名同土瓜或是一物但本草所述土瓜即是王瓜而說經者皆不詳土瓜花實引證極博究無的解北地亦未見有此草不敢遽謂葑菲之菲即此矣若李時珍謂江西土瓜粉即王瓜根恐贛南之土瓜亦即此物唯彼人云味纒惡此根味甘有藥氣不至辣喉或以地氣而異若王瓜根則未聞可粉也

昆明雞血藤

昆明雞血藤大致即朱藤而花如刀豆

花嬌紫密簇豔於朱藤即紫藤耶褐蔓瘦勁與順寧雞血藤異浸酒亦主和血絡



滇土瓜

昆明雞血藤



蔓草卷之二十三

昆明雞血藤

繡毬藤

繡毬藤生雲南巨蔓逾丈一枝三葉葉似榆而深齒葉際抽葶開花如絲長寸許糾結成毬色黃綠滇本草亦有此藤而圖說皆異蓋又一種此藤開四瓣紫花心皆粉蕊老則迸為白絲微黃土醫或謂為木通以為薰洗之藥主治全別

繡毬藤



扒毒散

扒毒散生雲南圃中插枝即活以能治毒瘡故名大致類斑莊根而無斑點葉亦尖長秋深開小白花如蓼而不作穗簇簇枝頭尤耐霜寒

繡毬藤

扒毒散

崖石榴

金線壺盧

銅錘玉帶草

蔓草卷之二十三 昆明雞血藤

扒毒散



崖石榴

龍眼滇俗亦以為粉葉澀亦微異

崖石榴盤生石上即木蓮一類而實大僅如

崖石榴



繡毬藤 扒毒散 崖石榴 金線壺盧 銅錘玉帶草

金線壺盧

金線吊壺盧生滇南山中蔓生細葉葉似

何首烏而瘦根相連綴大者如拳小者如雀卵皮黃肉白以煮雞肉味甘而清美於山積滇中秋時粥於市不知者或以為芋俗云性能滋補故嗜之

金線壺盧



銅錘玉帶草

銅錘玉帶草生雲南坡阜綠蔓拖地葉

圓有尖細齒疎紋葉際開小紫白花結長實如蓮子色紫深長柄擎之帶以肖蔓錘以肖實也


銅洋玉帶草

鐵馬鞭

鐵馬鞭生雲南山中粗蔓色黑短枝密葉攢  
簇無隙葉際結實紫黑斑爛大如小豆土醫云浸酒能

治浮腫

鐵馬鞭



蔓草卷之二十三

鐵馬鞭

黃龍藤

白龍藤

地棠草

鞭打繡毯

漢葶魚腥草

黃龍藤

黃龍藤生雲南山中藤巨如臂紋裂成鱗細  
蔓紫色長葉綠潤開五瓣團花中含圓珠般紅一色珠

老則青

黃龍藤



白龍藤

白龍藤生雲南山中粗藤如樹巨齒森森細  
枝小葉亦絡石之類土醫云能舒筋骨

蔓草卷之二十三 鐵馬鞭 黃龍藤 白龍藤 地棠草 鞭打繡毬 漢葎魚腥草



白龍藤

地棠草

地棠草生雲南山阜細蔓綠圓葉大如錢深齒齟齬三以爲簇花開葉際土醫云能散小兒風寒



地棠草

鞭打繡毬

鞭打繡毬生大理府細葉莖如水藻近根處有葉大如指梢端開淡紫花尖圓如小毬俚醫用之云性溫味微甘治一切齒痛煎湯含口吐之



鞭打繡毬

漢葎魚腥草

漢葎魚腥草生雲南太華山麓紅莖袅娜似立似欹對生橫枝細長下俛枝頭三枚生葉宛如青蒿葉際小葶細如朱絲花苞作小笛子開五瓣粉紅花似梅花而小瓣上有紅縷殊媚按宋圖經有水英又名牛葎魚津而不著其形狀氣味難以臆定



大發汗藤

大發汗藤生雲南山中蔓生勁挺莖色淡

綠每節結一綠片圓長寸許片端發兩枝橫亘下垂長  
莖中穿宛如十字附枝生葉葉如苦瓜葉而少花又有  
鋸齒土人以其藤發汗故名



大發汗藤



洪柱魚腥草

蔓草卷之二十三

大發汗藤

昆明沙參

飛仙藤

鞭繡毬

薑黃草

昆明沙參

即金鐵鎖

金鐵鎖生昆明山中柔蔓拖地對葉

如指厚肥僅露直紋一縷夏開小淡紅花五瓣極細獨  
根橫紋頗似沙參壯大或如蘿蔔亦有數根攢生者滇  
本草味辛辣性大溫有小毒吃之令人多吐專治面寒  
痛胃氣心氣疼攻瘡癰排膿爲末五分酒服夷寨谷汲  
水塞多毒辛溫之藥或有所宜與南安以仙茅爲茶皆  
因地而用不可以例他方扁鵲之爲醫也以秦趙爲別  
尹趙王韓之治京兆也寬嚴異轍地與時殊治無膠理  
麗江府志土人參性燥在滇而燥移之北不幾烏頭天  
雄之烈談耶




昆明沙參

蔓草卷之二十三 大發汗藤 昆明沙參 飛仙藤 鞭繡毬 薑黃草

飛仙藤

飛仙藤生雲南石巖上柔蔓細枝長葉如柳而瘦勁下垂叢雜蒙茸遠視不見柯條移植輒不得生滇本草味甘無毒綠葉白花探服益壽延年若花更妙此草鹿多食之鹿交多輒斃牝鹿銜以食之即活又名還陽草按此草亦活鹿草之類劉懂瘡鹿得草而起用以爲藥僅同豨薟牛之性猶人之性與鼠食巴豆羊食斷腸草移之於人烏乎

飛藤仙



鞭繡毬

鞭繡毬生昆明山中蔓生細根黑鬚綠莖對葉葉似薯蕷而末團疎紋圓齒夏開五瓣黃花頗似迎

春花



鞭繡毬

薑黃草

薑黃草生滇南蔓葉俱如牽牛根如薑而黃極硬以形得名

薑黃草



金雀馬尾參

金雀馬尾參生雲南山中綠蔓柔長根

赭白色一叢數百條葉際開花作壺盧形長四五分細腰色紫上拆五瓣而尖復合茸毛外森鬱翹別致



金雀馬尾參

雞血藤

雞血藤順寧府志枝幹年久者周圍四五寸

少者亦二三寸葉類桂葉而大纏附樹間伐其枝津液滴出入水煮之色微紅佐以紅花當歸糯米熬膏爲血分之聖藥滇南惟順寧有之產阿度吾里者尤佳今省

會亦有販者服之亦有效人或取其藤以爲杖屈擊古勁色淡紅其舊時赤藤杖之類乎

雞血藤



碗花草

碗花草生雲南蔓生如旋花葉似鬼目草葉

碗花草



蔓草卷之二十三 金雀馬尾參

雞血藤 碗花草 紫參 青羊參 滇紅草薺

蔓草卷之二十三 金雀馬尾參 雞血藤 碗花草 紫參 青羊參 滇紅草薺

無毛花出苞中色白五瓣作筒子形無心臨安土醫云  
治九子痒以根泡酒敷自消昆明謂之鐵貫藤

紫參 滇紫參即茜草之小者四葉攢生而無柄以此稍

異



紫參

青羊參 青羊參生雲南山中似何首烏長根開五瓣


小白花成攢摘之有白汁

滇紅草薺 滇紅草薺長蔓葉光潤綠厚有直勒道花

紫紅如粟米作毯



青羊參



滇紅草薺

架豆參

架豆參生雲南短蔓葉如葎二四對生如架

十字根大如薯

架豆參



山苦瓜

山苦瓜生雲南蔓長拖地莖葉俱澀或二葉

三葉四葉為一枝長葉多鬚

山苦瓜



青刺尖

滇本草青刺尖味苦性寒主攻一切癰疽毒瘡有膿者出頭無膿者立消散結核按此草長莖如蔓

蔓草卷之二十三 架豆參 山苦瓜 青刺尖 染銅皮 紫羅花 過溝藤 馬尿藤 巴豆藤

莖刺俱綠春結實如蓮子生青熟紫

青刺尖



染銅皮

染銅皮生雲南蔓生無枝三葉攢生一處有

白縷結實如粟

染銅皮



蔓草卷之二十三 架豆參 山苦瓜 青刺尖 染銅皮 紫羅花 過溝藤 馬尿藤 巴豆藤

紫羅花

紫羅花生滇南蔓生葉澀如豆葉子如枸杞

作毬俗醫謂之蛇藤

紫羅花



過溝藤

過溝藤生雲南長蔓一枝三葉結實如粟味

臭

過溝藤



馬尿藤

馬尿藤生雲南一枝三葉光滑如竹葉開花

作角紅紫色如小角花

馬尿藤



巴豆藤

巴豆藤生雲南巨藤類木新蔓繚繞一枝三

葉名以巴豆蓋性相近

巴豆藤



滇防己

作車輻紋

滇防己綠蔓細鬚一葉五歧黑根籠硬切之

滇防己

滇淮木通

澀縐紋亦有毛莖中空通氣

滇淮木通毛藤如葛一枝三葉或五葉粗

滇淮木通



蔓草卷之二十三

滇防己 滇淮木通

滇兔絲子 飛龍掌血 小雞藤 竹葉吉祥草 山豆花 山紅豆花

滇兔絲子

莖端開紫筩子花雙朵並頭旋結細子

滇兔絲細莖極柔對葉如落花生葉微團


滇兔絲子

飛龍掌血

蔓密刺葉如橘葉結圓實如枸橘微小

飛龍掌血生滇南粗蔓巨刺森如鱗甲新

飛龍掌血



蔓草卷之二十三 滇防己 滇淮木通 滇兔絲子 飛龍掌血 小雞藤 竹葉吉祥草 山豆花 山紅豆花

小雞藤 (校注)原本有目無說




小鷄藤

竹葉吉祥草 竹葉吉祥草生雲南山中綠蔓竹葉垂

條開花如吉祥草六瓣紅白相間長根色微紅土醫謂

之竹葉紅參主補益

竹葉吉祥草



山豆花 山豆花生雲南蔓生大葉長穗花似紫藤花



山豆花

山紅豆花 山紅豆花生雲南山中葉蔓如紫藤而細

小花如豆花色紅

山紅豆花





野山葛 野山葛山中有之一枝三葉如大豆葉開紫  
花作角如葛花而小

野山葛



象鼻藤 象鼻藤生雲南對葉如槐亦夜合結角如椿

象鼻藤



蔓草卷之二十三 野山葛 象鼻藤 透骨鑽 珠子參 土黨參 山土瓜 老虎刺 土荊芥

角一一下垂  
透骨鑽 (校注)原本有目無說

透骨鑽



珠子參 (校注)原本有目無說


珠子參

土黨參 土黨參生雲南根如參色紫花蔓生葉莖有



芳草卷之二十三 野山葛 象鼻藤 透骨鑽 珠子參 土黨參 山土瓜 老虎刺 土荆芥

白汁花似奶樹花而白蓋一類



土黨參

山土瓜

山土瓜蔓生一枝三葉花紫角細如豆根味



山土瓜

如雞腿光根土人食之

老虎刺

老虎刺黔中植以為藩細葉夜合柔枝蓋偃

秋時結實若豆而扁下垂片角薄於蟬翼淡紅明透光  
映叢薄綠石蓋瓦樊圃護門每當斜陽灑灑輕颺漾漾  
便如朱艇欲飛丹鱗出泳田家雜興描畫為難矣



老虎刺

土荆芥

土荆芥生昆明山中綠莖有稜葉似香薷葉

間開粉紅花花罷結筩子三尖微紅似紫蘇蒴子而稀  
疎土人以代假蘇



土荆芥

### 滇南薄荷

滇南薄荷與中州無異而莖方亦硬葉厚  
短氣味微淡滇本草謂作菜食返白髮為黑與他省不

同又治癰疽疥癬及漆瘡有神效云

滇南薄荷



### 滇藁本

滇藁本葉極細碎比野胡蘿蔔葉更細而密

餘同救荒本草滇本草治症無異




滇藁本

### 野草香

野草香雲南徧地有之牆瓦上亦自生莖葉

野草香



芳草卷之二十三  
滇南薄荷  
滇藁本  
野草香  
地笋  
滇瑞香  
滇芎


芳草卷之二十三 滇南薄荷 滇藜本 野草香 地笋 滇瑞香 滇芎

微類荊芥頗有香氣秋作穗如狗尾草而無毛開淡紅  
白花滇俗中元孟蘭必以為供蓋蕩車胡繩之類而失  
其名

地笋 地笋生雲南山阜根有橫紋如蠶傍多細鬚綠莖

紅節長葉深齒

地笋



滇瑞香 瑞香本草綱目始著錄蓋即圃中所植所謂

麝囊花紫風流者不聞入藥滇南山中有一種白花者  
的的枝頭殊無態度而葉極光潤南越筆記白瑞香多

生乳源山中冬月盛開如雪名雪花刈以為薪維山蘭  
芎藭之屬燒之比屋皆香其種以蠻枝為上有紫色者  
香尤烈雜衆花中衆花往往無香皆為所奪一名奪香  
花乾者可以稀痘當亦用白花者耳

滇瑞香




滇芎 滇芎野生全如片土人亦呼為山片根長大粗糙

頗香滇本草味辛性溫發散癰疽治溼熱止頭痛食之  
發病

白草果

白草果與草果同而花白瓣肥中唯一縷微

東紫蘇



東紫蘇

東紫蘇生昆明山野叢生細葉深齒穗如夏

枯草蓋石香菜之類

夏



芳草卷之二十三

東紫蘇

白草果

香科科

小黑牛

野棉花


月下參

香科科


香科科

香科科生雲南細莖高五六寸對葉如薄荷

葉亦微有香梢開白花如豆花層層開放



黃土醫以爲此真草果



白草果

毒草卷之二十三 東紫蘇 白草果 香科科 小黑牛 野棉花 月下參

小黑牛

小黑牛生大理府莖葉俱同草烏頭根黑糙  
微異俚醫云味苦寒有大毒治跌打損傷擦敷用殆即

烏頭一類



小黑牛

野棉花

野棉花滇本草味苦性寒有毒下氣殺蟲小

野棉花



月下參

兒寸白蟲虻蟲犯胃用良此草初生一莖一葉葉大如  
掌多尖叉面深綠背白如積粉有毛莖亦白毛茸茸夏  
抽葶頗似罌粟開五團瓣白花綠心黃蕊楚楚獨立花  
罷蕊擎如毬老則飛絮隨風彌漫故有棉之名

月下參 月下參生雲南山中細莖柔綠葉花又似蓬

高萋蒿叢又似益母草而小發細葶擊葶宛如飛鳥  
昂首翹尾登枝欲鳴開五瓣藍花上三勻排下二尖並  
內又有五茄紫瓣藏於花腹上一下四微吐黃蕊一柄  
翻翹色亦藍紫蓋即菊譜雙鸞菊烏頭一類滇人以根

月下參



圓白多細鬚爲月下參滇本草味苦平性溫熱治九種  
胃寒氣痛健脾消食治噎寬中痞滿肝積左右肋痛吐  
酸其性亦與烏頭相近

小草烏 小草烏生雲南山中與月下參同無大根有  
毒外科用之



滇常山 滇常山生雲南府山中叢生高三四尺葉莖

俱如木本葉厚韌面深綠背淡青茸茸如毛夏秋間莖  
端開花三葶並攢一毬數十朵花如杯而有五尖瓣翻

卷內向中擎圓珠生青熟碧蓋花實並綴也花厚勁色  
紫紅微似單瓣紅山茶花但小如大拇指不易落宋圖  
經海州常山八月花紅白色子碧色似山棟子而小微  
相彷彿

滇常山




羊肝狼頭草 羊肝狼頭草生雲南太華山細根獨莖

如拇指粗淡黃色有直筋每節四枝節如牛膝而大有  
深窩枝生膝上四杈平分莖如穿心而出就枝生葉如  
蒿而細均勻如齒花生窩中左右各一如豆花黃色上

毒草卷之二十三 小草烏 滇常山 羊肝狼頭草 野煙 雞骨常山

毒草卷之二十三 小草烏 滇常山 羊肝狼頭草 野煙 雞骨常山

毒草中具奇詭者本草狼毒以性如狼故名滇中毒草亦多與以狼名觀其名與形知非佳草矣



羊肝狼頭草

野煙

野煙即菸處處皆種為業滇南多野生者園圃中亦自生葉黏人衣辛氣射鼻滇本草味辛麻性温有大毒治疗瘡癰疽發背已見死症煎服或酒合為丸名青龍丸又名氣死名醫草服之令人煩不知人事發聲走動一二時辰後出汗發背未出頭者即出頭此藥之惡烈也昔時謂吸多煙者或吐黃水而死殆皆野生錄此


以志其原 野煙



雞骨常山

雞骨常山生昆明山阜弱莖如蔓高二三

雞骨常山





尺長葉似桃葉光韌蹙紋開五尖瓣粉紅花灼灼簇聚  
自春徂秋相代不絕結實作角翹聚梢頭圃中亦植以  
爲玩

### 象頭花

象頭花生雲南紫根長鬚根傍生枝一枝三  
葉如半夏而大厚而澀一枝一花似南星其包下垂  
長尖幾二寸餘宛如屈腕又似象垂頭伸鼻其色紫黑  
白筋凸起條縷明勻極似夷錦南星藹蕪花狀已奇此  
殆其族而尤詭異土人以藥畜之主治同天南星卽由  
跋之別種亦有綠花者結實亦如南星而色殷紅



象頭花

毒草卷之二十三


象頭花

金剛纂

紫背天葵

### 金剛纂

金剛纂雲南通志花黃而細土人植以爲籬  
又一種形類雞冠談叢滇中有草名金剛纂其幹如珊  
瑚多刺色深碧小民多樹之門屏間此草性甚毒犯之  
或至殺人余問滇人植此何爲曰以辟邪耳唐綿夢餘  
錄金剛纂狀如椶櫚枝幹屈曲無葉剉以漬水暴牛羊  
渴甚而飲之食其肉必死滇本草金剛杵味苦性寒有  
毒色青質脆如仙人掌而似杵形故名治一切丹毒腹  
療水氣血腫之症燒灰爲末用冷水下一服卽消不可



金剛纂

毒草卷之二十三 象頭花 金剛纂 紫背天葵

多服若生用性烈於大黃芒硝欲止其毒以手浸冷水中即解夷人呼為冷水金丹滇記金剛纂碧榦而蝟刺孔雀食之其漿殺人臨安府志狀如刺桐最毒土人種作籬人不敢觸 按此草強直如木有花有葉而無枝條葉厚綠無紋形如勺花生榦上五瓣色紫扁闊內翁中露圓心黃綠點點遙望如苔蘚嶺南附海舶致京師植以為玩不知其毒呼曰霸王鞭

紫背天葵 紫背天葵滇本草味辛有毒形似蒲公英

紫背天葵



綠葉紫背為末敷大惡瘡神效人悞服汗出不止速飲菘豆甘草即解 按此草昆明寺院亦間植之橫根叢莖長葉深齒正似鳳仙花葉面綠背紫與初生蒲公英微肖耳夏開黃花細如金線與土三七花同蓋一類也

# 植物名實圖考卷之二十四

固始吳其濬著

蒙自陸應毅校刊

毒草

大黃

狼毒

藜蘆

藺茹

乳漿草

雲實

搜山虎

天南星 四圖

半夏 二圖

蚤休

商陸 二圖

狼牙

常山

大戟

澤漆

羊躑躅

附子

由跋

甘遂

鬼白

射干

鳶尾

茵芋

金腰帶

蕘花

莽草

滇鈎吻 二圖

白花射干

石龍芮

芫花

牛扁

蕘荇

鈎吻

大黃 大黃本經下品別錄謂之將軍今以產四川者良

西南西北諸國皆恃此為盪滌要藥市販甚廣北地亦

多有之春時佩之以辟時疫

雲婁農曰燕薊地苦寒人湊理密而內實冬冽輒吸燒

酒圍煖爐與風雪鬥勝春氣萌動亢燥不雨陽伏而不

能出陰遁而不能疹於是乎有昏狂鬱塞之病醫者以

法解之強者病不損弱者或以亡陽有予以攻滌者內

熱下而神明生或起生死於頃刻其處方者不知其所

大黃



以然凡爲疔爲癩爲鬱爲伏熱爲飲食之毒爲浮游之火一切以大黃爲秘妙丹藥病者不卽登鬼錄十失一十失二三四方詡詡然自命爲良其不知醫者亦爭以時醫奉之卒之技窮術竭刺人而殺人不咎其醫之無本咸以爲時命之不可假易也故諺曰趁我十年運有病早來醫昔錢景謚與王安石論新法不合遂相絕有答人書云安石穿鑿不經牽合臆說作爲字解謂之時學又以荒唐怪誕非昔是今無所統紀謂之時文傾險趨利殘民無恥謂之時官驅天下之人務時學以時文

邀時官然則時醫者其時學時官之類乎嗚呼時乎泰而君子進時乎否而小人興時之爲義大矣哉朝時而市時也日中而市時也夕時而市亦時也不召自來不應自去市盈而盈市虛而虛孰令令之孰禁禁之盈而不盈虛而不虛知進退存亡而不失其正者其誰乎吾願世之有疾病者忍痛藏垢以待良醫探囊一試黃昏湯而不汲汲焉捐其軀以聽時醫生之死之於攻伐之劑而卒不悟其所以然其可謂知時而不隨時者歟

**商陸** 商陸本經下品爾雅遂蕩馬尾注廣雅曰馬尾蒿

陸或曰易莧陸也今處處有之有紅花白花兩種結實大如豆而扁有棱生紅熟黑江南卑濕易患水腫俚醫多種之以爲療水貼腫要藥其數十年者根圍尺餘長三四尺堅如木習邪術者刻爲人形以驅鬼小說家多載之救荒本草謂之章柳子根苗莖並可蒸食云 按商陸初生莖肥嫩葉攢密秋開花結實粒小宿根莖硬葉稀春花夏實秋時已枯江西上高謂之香母豆云婦

商陸 一



人食之宜子蓋難憑信

雲婁農曰此草非難識者通志乃並菑及藟藿葶茅而  
爲一物菑卽旋花藟藿類葶葶茅菑華之赤者以意併  
合乃至雜糅毛晉以藟藿之名謂卽詩言采其藟前人  
亦無及者藟爲羊蹄圖經述之如繪毛謂不甚合何也  
子夏易傳木根草莖體物盡致而或者又以千歲穀當  
之則但見其葉相似耳本經置之下品其仙人作肺之  
說可謂杳冥誰則見之救荒本草雖云可食亦爲本草

商陸 二



所拘鄉人皆知其有毒土醫以治水蠱有隨手見效者  
其峻利可知方書中久爲禁藥其子老則色黑如豆婦  
人服之宜子此與芣苢宜子之說相類南方卑濕俚婦  
力作水田中其受濕深矣去濕則脾健故能宜子若以  
爲祈子靈丹則悖甚古讚曰其味酸辛其形類人療水  
貼腫其效如神按夜呼之名殆假托鬼神之隱語毛晉據則楚歲時記三月三日杜鵑初鳴盡夜日赤上天乞恩至章陸子熟乃止以爲章陸子未熟以前爲杜鵑鳴之候故稱夜呼亦務爲博奧

狼毒

狼毒本經下品形狀詳宋圖經今俗以紫莖南星

根充之抱朴子狼毒合野葛納耳中治聾王羲之有求  
狼毒帖豈亦取其能治耳聾如天鼠膏耶

雩婁農曰本草書於狼毒皆不甚晰方家亦憚用之滇  
南有土瓜狼毒以其根大如土瓜故名按形與圖經頗  
肖又有雞腸狼毒性同滇本草亦云猛勇之性真虎狼  
也兵法曰猛如虎很如羊貪如狼強不可使者皆勿遣  
不然病弱而劑強是以狼牧羊也又不然則秦虎狼之  
國也楚懷王入關不返矣將若何

狼毒



狼牙



狼牙本經下品詳吳普本草及蜀本草

狼牙

藜蘆

藜蘆本經下品宋圖經云葉如初生櫻莖似葱白  
有黑皮裹之如櫻皮其花肉紅色有山生溪生二種溪

藜蘆



生者不入藥。均州謂之鹿葱。此藥吐人方家禁用而瀆醫蓄之其根白膜層層俗亦呼爲千張紙。有瘋痰症則煮食之使盡吐其痰若虛症者殆哉岌岌矣。

雲婁農曰：藜蘆吐藥吐法醫者不復輕用。此藥遂無識者。余至滇見有市此藥者。始識之。李時珍紀一婦人瘋癩數十年以饑歲採草若葱狀飽食吐涎三日而病去。此草大致如葱而圖經乃云又似車前按圖而索不大誤。耶世之患痰癩者多矣。姑息而予以清解之劑甚或謂補其不足則體健而痰自消。卒之胸滿氣塞奄奄無知以沒。又或狂發殺人豈其病終不可醫。抑醫者之養之以貽患耶。古昔盜賊之發有識者絕其奔竄窮其巢穴。擒渠矜脅無俾遺種。此卽藜蘆傾吐之法。故病一去而無傷。若不量賊強弱防賊奔突。輕奇單兵姑與嘗試。一遇挫衄賊勢益熾。藥不勝病。杯水車薪之喻矣。宋襄公曰：君子不重傷不禽二毛子魚謂之不知戰。遵養時賊姑息者。後將噬臍耳。其有臨敵而誦孝經者不猶治

瘋而用滋劑乎。至楊武陵以招撫之策縱已禽之寇發狂殺人。非醫者之罪而誰罪。不知病而醫曰。瞽知病而不知藥曰。庸知病知藥不卽力除。輒曰。吾縱之。吾能收之。則曰。狂以狂醫治狂疾。則狂與治狂者皆殺人而已。

常山 常山本經下品苗曰蜀漆。宋圖經有茗葉楸葉二種皆爲治瘧之要藥。今俚醫所用乃有數種俱以治瘧殊未敢信以入草藥。



毒草卷之二十四 常山 蘭茹 大戟 乳漿草

或侮以邪與祟於是有害熱往來之疾而賣藥逐利之徒乃爭言截瘡方矣醫者之言曰瘡生於痰常山能劫痰然必察其受病之源而引以入經之佐使乃有效今土常山以十數既非本經真品即真矣而第恃此以圖勝譬如飛將行沙漠中迷惑失道果能與敵遇乎夫搏牛之蝨不可以破蟻蝨富厚之家非鬼非食惑以喪志陰陽失和寒熱迭至若誤診為疔投以悍藥是以空虛柔脆之府臨以披甲執銳之兵牛雖瘠債於豚上其畏不死故常山偽者宜慎真者尤宜慎古之用君子者必辨真偽若小人則唯防微杜漸勿輕試而已

蘭茹 蘭茹本經下品根長如蘿蔔蔓菁葉如大戟滇南



蘭茹

呼土瓜狼毒即李時珍謂今人往往誤以其根為狼毒者也

大戟 大戟本經下品爾雅葇苳鉅注今藥草大戟也救荒本草承舊說以澤漆為大戟苗葉可燥熟亦可曬乾為茶其味苦回甘



大戟

乳漿草附 乳漿草江湘山塘間多有之以莖有白汁故名土醫以治乳癰按大戟有紫綿數種此其類也



乳漿草



澤漆

澤漆本經下品相承以為大戟苗李時珍訂以為即貓兒眼睛草今處處有之北地謂之打碗科只取一種煎熬為膏傳無名腫毒極效

雲婁農曰澤漆大戟漢以來皆以為一物李時珍據土宿本草以為即貓兒眼睛草此草於端午熬膏敷百疾皆效非碌碌無短長者諺曰誤食貓眼活不能晚殊不然然亦無入飲劑者觀其花葉俱綠不處污穢生先衆

澤漆



草收共來牟雖賦性非純而飾貌殊雅夫伯趙以知時而司至桑扈以驅雀而正農非美鳥也迎貓為其食田鼠迎虎為其食田豕非仁獸也有益於民則紀之耳聖人論人之功無貶詞論人之過無恕詞於其所不知蓋闕如也

雲實


雲實本經下品江西湖南山坡極多俗呼水阜角本草綱目所述形狀甚晰陶隱居云子細如葶藶子而小黑不知是何草雲婁農曰雲實甚惡而花艷如金氣近烈猥羅以為

毒草卷之二十四

澤漆 雲實

羊躑躅 搜山虎

雲實



香草摘而售之闔園雲茶插髻滿頭明斬學顏撫莽草而狎之知其毒委諸壑以不厚誅為悔如滇之同車者可謂玩虺蜴而昵蜂蠶矣戶服艾以益要蕘菴施以盈室流俗無知誠無足怪夫紫宮雙飛無色何以為悅迷樓諸客無才何以取容臭味相投情志斯惑美先盡矣蠱卽生之毒在手而脫腕瘡在身而炷腐自非壯士烏能絕決哉

羊躑躅

羊躑躅本經下品南北通呼鬧羊花湖南謂之老虎花俚醫謂之搜山虎種蔬者漬其花以殺蟲又

羊躑躅



有一種大葉者附後

搜山虎附

搜山虎卽羊躑躅一名老虎花古方多用今湯頭中無之具詳本草綱目 按羅思舉草藥圖搜山虎春日發黃花青葉能治跌打損傷內傷要藥重者一錢半輕者一錢不可多用霜後葉落但存枯根湖南俚醫以為發表入陽明經之藥是此藥俗方中仍用之中州呼鬧羊花取其花研末水浸殺菜蔬蟲老圃多蓄之其葉稍瘦產長沙者葉闊厚不似桃葉花罷結實有稜




搜山虎

附子 附子本經下品有烏頭烏喙天雄側子漏藍子諸

名詳本草綱目所引附子記今時所用皆種生者南人製為溫補要藥其野生者為射罔製為膏以滓箭所中立斃俗謂見血封喉得油則解製膏者見油則不成其花色碧殊嬌織名鴛鴦菊花鏡謂之雙鴛菊朵頭如比邱帽帽拆內露雙鸞並首形似無二外分二翼一尾凡花詭異者多有毒甚美甚惡物亦有然

零婁農曰楊天惠著附子記甚詳且謂盡信書則不如



附子

無書目親手記蓋實錄矣但古人所用皆野生川中所產皆種生野生者得天全種生者假人力栽培滋灌久之與果蔬同性移而形亦變矣泮林桑黠鴉鳥革音禿髮之後為劉拓跋之後為元唐之蕃將多賜姓李謂重瞳之苗裔皆重瞳豈有是哉土沃者花重地塉者根瘦東人不信西方有容狐之瓜北人不信南粵有扛輿之蒿然謂天下之瓜皆可容狐天下之蒿皆可扛輿則著述者實誑汝矣近時山居泉寒餌附子以兩計其毒箭

以射鴛者則取野生射罔用之大者無毒而小者毒烈是豈物之本性哉黃山谷嘗畫大壺盧人問之則曰有背大壺盧者賣其子種之仍小壺盧不知種大壺盧自有法非別種也附子一物而有天雄烏頭側子漏蘆諸形則肥磽雨露人事不同所致歟彼一歲二歲三歲之說其亦未可盡廢也

**天南星** 天南星本經下品昔人皆以南星蕝頭往往誤采不可不辨江西荒阜廢圃率多南星湖南長沙產

天南星 一



南星俗呼蛇芋衡山產蕝頭俗呼磨芋亦曰鬼芋滇南圃中蕝頭林立南星絕少藥肆所用皆由跋也由跋自是一種唐本草謂南星是由跋宿根所生驗之亦殊不然而南星與蕝頭根雖類莖葉花實絕不相同半夏由跋花似南星而皆三葉由跋又有六七葉者俗皆呼小南星但南星生葉亦有兩種一種葉抱如環一種周圍生葉長如芍藥開花有如海芋者即圖經所云花似蛇

天南星 二




天南星三



頭黃色一種開花有長梢寸餘結實作紅藍色大如石

天南星四



榴子又似玉蜀黍形而梢微齊明王佐詩君看天南星處處入本草夫何生海南而能濟饑飽蓋誤以莖頭爲南星也


天南星

即虎掌 天南星本經下品江西湖廣山坡廢圃

多有之俗呼蛇芋與蒟蒻相類惟葉初生相抱如環開花頂上有長梢寸餘爲異不僅以莖之有斑無斑可辨由跋 由跋本經下品蜀本草一莖八九葉最晰俗皆呼

小南星別是一種非南星之新根也陳藏器所述不誤

由跋



毒草卷之二十四 天南星 由跋 半夏 甘遂

毒草卷之二十四 天南星 由跋 半夏 甘遂

半夏 半夏本經下品所在皆有長葉圓葉二種同生

一處夏亦開花如南星而小其梢上翹似蝎尾固始呼為蝎子草凡蝎螫以根傳之能止痛錢相公篋中方亦載之諸家本草俱未及此本草會編謂俗以半夏性燥多以貝母代之不知痰火上攻昏潰口噤自非半夏南星曷可治乎半夏一莖三葉諸書無異詞而原圖一莖一葉前尖後歧乃似茨姑葉余曾遣人繪川貝母圖正與此合豈互相舛誤耶抑俗方只此一物而兩用耶二者皆與圖說不相應非書不備則別一物



夏中一

半夏 甘遂



半夏二

雲婁農曰半夏處處有之乃以鵠山為佳余讀孔平仲詩而啞然也藥物雖已法製非棗栗之寃可比何至據攬代攘辛螫啼噪耶其末云老兄好服食似此亦可防急難我輩事感惕成此章始知婉言以諷非真實耳昔人好食竹籬尙能中毒况服半夏過度豈不為害

甘遂 甘遂本經下品宋圖經云苗似大戟莖短小而有

汁根皮赤肉白作連珠又一種草甘遂即蚤休也俗多呼為

芫花山西交城產者黃紅花根甚細

雲婁農曰方以類聚物以羣分君子小人不並立固矣

然唐虞命百工而投四凶以禦魑魅神農嘗百草而收毒藥以除痼疾凡物之生有粹有駁荀子云粹而王駁而霸天不能有粹而無駁世不能有王而無霸醫者用毒草也曰以毒攻毒聖人之用惡人也亦曰以惡攻惡



甘遂

而已惡人者能生灾患者也而古之禦灾捍患者亦多出於惡人惡人竭其力以去惡惡去而惡人之狼傲強固之氣亦潛消於無形而後賢人君子得以從容敷治而無所難稷契旱夔處於廟堂而四裔之獸蹄鳥跡雖

窮奇渾敦亦有勞焉參苓朮草用以滋培而無名之癰疽毒腫雖烏頭鉤吻亦著效焉願惡人得其用而世治惡人不能得其用則大亂生公孫述不遇新室漢之良吏也曹瞞不丁炎季漢之能臣也石勒自謂逢漢高祖當北面臣之吾嘗謂聖賢能用惡人必不肯輕言去惡人若欲去惡人則必假惡人之手而後可石守道作聖德詩范公拊股謂韓公曰爲此怪鬼輩壞了韓公曰天下事不可如此如此必壞韓范皆能用惡人者也惡人希其用則將自奮其所長石守道但知去惡人者也惡人畏其去則將大肆其所短黨綱東林亦石守道之編見耳醫者以甘遂甘草並用以去留飲腳氣腫毒皆有奇效釋之者云二物相反而立成功夫既相反矣何成功之有共工驩兜與岳牧同官堯舜能治天下乎良醫之用甘遂也逐其病也其用甘草也化其病也故甘遂敷於外而甘草服於內此黔彭斬奪於邊陲而蕭張燮和於廷陛也黔彭蕭張各用其長豈云相反哉嗚呼以

毒草卷之二十四 蚤休 鬼臼

善人而去惡人其力常不能敵唯以惡去惡而以善人繼其後此世之所以治也以惡去惡而仍以惡人繼其後此世之所以亂也隗囂更始皆有除莽賊之功而建武中興遂致承平董卓郭傪亦有去漢賊之力而當塗接踵卒覆劉祚觀於兩漢之興亡非前轍哉世之醫者專於攻擊與專於調和者熟觀古今亦可微會矣善乎王彥霖之言曰君子在內小人在外為泰小人在內君子在外為否君子小人競進則危亂之機也明乎此則傾險忠良無調停參用之說溫補寒瀉無和同並進之理

蚤休

蚤休本經下品江西湖南山中多有人家亦種之通呼為草河車亦曰七葉一枝花為外科要藥滇南謂之重樓一枝箭以其根老橫紋粗皺如蟲形乃作蟲萇字亦有一層六葉者花僅數縷不甚可觀名逾其實子色殷紅滇南土醫云味性大苦大寒入足太陰治濕熱癩瘡下痢與本草書微異滇多瘡當是習用藥也

蚤休



鬼臼


鬼臼本經下品江西湖南山中多有人家亦種之通呼為獨腳蓮其葉有角不圓或曰八角蓮高至四五尺就莖開花紅紫嬌嫩下垂成簇外科著之鄭漁仲謂葉如荷葉形如鳥掌年長一莖莖枯則為一臼亦名八角盤其形容極確原圖仍為鬼燈檠宜山谷詩注之斥排也但此物辟穀未見他說子瞻以詩記瑤田芝山谷亦有瑤芝仙詩云但告渠是唐婆鏡與本經有毒別錄不入湯者異矣下死胎治射工中人其力猛峻可知此



草生深山中北人見者甚少江西雖植之圃中為玩大者不易得余於途中適遇山民擔以入市花葉高大遂

亟圖之此草一莖一葉李時珍云一莖七葉或別一種余未之見

鬼臼



射干

射干本經下品蜀本草花黃實黑者是陳藏器謂

秋生紅花赤點按此草北地謂之馬躑花江南亦多六

月開花形狀如蜀本草拾遺以其點赤誤認為紅花耳

其根如竹而扁俗亦呼扁竹

零婁農曰荀子云西方有木焉名曰射干莖長四寸生

於高山之上而臨百仞之淵其莖非能長也所立者然

也嗚呼以彼徑寸莖蔭此百尺條此之謂矣不材之木

托根得地斧斤瘡痍之不及陰陽雨露之所偏而琪花

玉樹或蕪沒於叢莽而無人知吾鳥知其所以然哉乃

長言以諄之曰播青曾之淑朗兮謂誕育其必公何陽

材屯於巖窾兮陰敷萃蓐而蒙茸櫟連蜷以依社兮五

柞何為而冠乎雖宮門驕驕其忽有莠兮屋沉沉而薺

乎瓦松莒華施柏而旖旎兮葛藟纍纍以降崇嘗老楮

其不可宥兮蕭斧乃獨赦夫檀榕鴉既據夫泮之沃若

兮鼠又室乎堂之美樅掩菌桂而穴蕭艾兮吾鳥知鳩

媒之所從追虞舜於大麓兮別風淮雨而不蒙神刊隨

而底績兮純榦栝栢惟喬乎雲中飄懼秕莠於有夏兮

景山丸丸斲度而奏功柞械佩於昆夷兮檀化梓而姬

降羸無道而兀蜀山兮靈訶怒而捐五大夫之封武囿

四海於上林兮柏梁災而更營車蓋雄夫白水兮氣佳

哉而鬱葱葱杉葉御颺而抵洛陽兮閔萬里而排九重

毒草卷之二十四 射干 白花射干 鳶尾

檜恥綱而淪汨波兮義不辱夫勗黼之闈菅偉貞木其  
若有知兮趨舍時而莫同萬牛迴首於嶮巇兮豈大材  
之難庸也歲崢嶸其將宴兮冰霰曖曖而蔽空百卉腓  
而誰控兮艱哉巍巍萬盤之孤峯翳蒼蔚而墊虎豹兮  
抗扶疎而挈蛟龍彼苕發而穎堅兮噫乎何以禦風




射干

白花射干 白花射干江西湖廣多有之二月開花白

色有黃點似蝴蝶花而小葉光滑紛披頗似知母亦有  
誤為知母者結子亦小與蝴蝶花共生一處花罷蝴蝶

花方開俚醫謂之冷水丹以為行血通關節之藥宋圖  
經謂紅黃花有赤點者為射干白花者亦其類陶隱居  
云花白莖長即阮公詩射干臨層城不入藥用皆此草  
也惟此花二月開黃花者六月開莖葉花實都不甚類  
俗方主治亦殊似非一種



白花射干

鳶尾 鳶尾本經下品唐本草花紫碧色根似高良薑此

即今之紫蝴蝶也花鏡謂之紫羅欄誤以其根為即高  
良薑三月開花俗亦呼扁竹李時珍以為射干之苗今

俗醫多仍之



馬尾

石龍芮

石龍芮本經中品今處處有之形狀正如水



石龍芮

葦生水邊者肥大平原者瘦小其實亦能灸瘡固始呼為鬼見愁

茵芋

茵芋本經下品陶隱居云方用甚稀圖經備載其

形狀功用李時珍云近世罕知蓋俚醫用藥多為異名或實用之而不識其本名也

零婁農曰茵芋有毒李時珍以為古方有茵蕒丸治瘋癩又有酒與膏為治風妙品近世罕知為醫家疎缺蓋深惜之吾謂今之俚醫治風之藥不可殫述安知無茵蕒者特其名因地而異古今之不同耳史傳中惟功業道德婦孺知名者謂之不朽其他或一事而兩載或兩傳而一人所聞異詞如烏戾於天越人以為亂楚人以為臆各因所疑而為之名孰知其是耶非耶揚雄持三尺緹素訪絕域方言其草木諸物異名多矣又烏料其一人之身為漢郎中又為莽大夫耶黑頭尚書白頭尚書何異昔日之芳草今直為此蕭艾也嗚呼在山為小草出山為遠志以出處而異名賢者愧之矣彼上車不

毒草卷之二十四 石龍芮 茵芋 芫花

落則著作體中何如則秘書用之則榮舍則已焉東芻以爲狗棄狗豈有惜其芻者茵蕝之用適承其乏有勝於茵蕝者而茵蕝爲狗之芻矣故曰腹背之蟲益一把不加多損一把不加少始則碌碌而因人繼則汝汝以沒世吾欲求其名而紀之吾又烏能勝紀之

茵芋



芫花

芫花本經下品淮南北極多通呼爲頭痛花以嗅

其氣頭卽溲溲作痛故名又曰老鼠花以其花作穗如

鼠尾也此是草本草綱目引芫木藏果卵者考爾雅

杭魚毒注柁大木子似栗生南方皮厚汁赤中藏果卵

絕不相類

芫花

雲叢農曰余初歸里時清明上醮見有臥地作花如穗色紫黯者詢之士人曰此老鼠花也其形如鼠拖尾嗅之頭痛蓋色臭俱惡及閱本草知爲芫花淳于意用以治蠱瘕雖惡是其可云乎匡廬問花葉俱發且有實味甘然食之頭亦痛烏之南徒音未變也洪容齋謂小人爭鬥不勝取葉搽膚輒作赤腫以誣人譁張爲幻乃有此助之厲耶山人採藥皆以口授自賊賊人案牘盈積宋時以斷腸草之害著令燒燼但盡敵而返敵可盡乎

芫花



良有司各訪其地之所產根株性味著之志乘民不能欺其亦可矣

金腰帶 金腰帶江西山中多有之其莖花皆如芫花

根極長有長數尺者土人以爲帶束腰可治腰痛其實白如米而大味甘土人云食多頭痛或卽以爲頭痛花但本草綱目未詳其結實形狀而此草葉光滑花心有鬚亦微異或芫草同類




金腰帶

牛扁 牛扁本經下品陶隱居云今人不復識此唐本草

宋圖經俱載其形狀功用

毒草卷之二十四 金腰帶 牛扁 蕘花 萸茗

牛扁



蕘花 蕘花本經下品別錄云生成陽及河南中牟李時珍以爲卽芫花黃色者方書不復用

珍以爲卽芫花黃色者方書不復用

蕘花



萸茗 萸茗本經下品一名天仙子圖經著其形狀功用

且引史記淳于意以萸茗酒飲王夫人事別說謂功未見如所說而其毒有甚蓋見鬼捨針性近邪魔而古方以治癲狂豈不癲狂者服之而狂癲狂者服之而止亦

毒草卷之二十四 金腰帶 牛扁 薺花 萹荇

從治之義耶舊時白蓮教以藥飲所掠民使之殺人爲快與李時珍所紀妖僧迷人事相類疑卽難用此藥

雲婁農曰史記太倉公傳菑川王美人懷子而不乳召意意飲以萹荇藥一撮以酒飲之旋乳本草萹荇無催生之說其爲一物否未可知也炮炙論以萹荇爲有大毒金匱要略言水萹荇葉圓有光誤食令人狂亂狀如中風觀淳于意以萹荇藥令人乳則斷非發狂之藥無疑李時珍明著安祿山飲奚契丹萹荇酒醉而坑之又紀妖僧迷藥事以爲是萹荇之流則一杯入吻狂惑見鬼尙可留著腸胃中耶乃所錄小品必效諸方或丸或煎豈有病雖大毒亦能受耶然吾不敢信也君子小人辨之必明旣辨矣則放流迷逐不可使其乘隙而復起若已榜其罪於朝廷而復記其小忠小信曲留一綫之機則子尾所謂髮短而心長其或寢處我矣盧杞不似奸邪惠卿亦似美才彼毒藥之攻癰疽誠有速效然豈可引之根本之地而望其調和陰陽不傷元氣乎故吾

以爲凡藥之有毒者必著其外治之功效性之害凡一切服餌之方皆刪削務盡勿使後人迷於去留舉軀而試其狂惑其亦春秋之律也乎

萹荇



山西通志萹荇子始生海濱川谷及雍州今寧武多有之莖高二三尺葉似地黃王不留行紅藍等花紫色莖有白毛結實如小石榴最有毒服之令人狂浪故名萹荇按太原山中亦多產其莖挺勁對葉密排花生葉隙重疊直上如地黃花色紫白多緒縷花罷卽結實其子味甜小兒誤食輒瘋俗亦不甚怪經一兩月藥性解則瘋已如平人云


## 莽草

莽草本經下品江西湖南極多通呼爲水莽子根尤毒長至尺餘俗曰水莽兜亦曰黃藤浸水如雄黃色氣極臭園圃中漬以殺蟲用之頗亟其葉亦毒南贛呼爲大茶葉與斷腸草無異夢溪筆談所述甚詳宋經云無花實未之深考

雲婁農曰余所至章貢衡澧山中皆多莽草而按其形狀與筆談花如杏花可玩李德裕所謂紅桂斬學顏所謂丹萼素蕾者都不全肖蓋沈存中所云種類最多者耶江右產者其葉如茶故俗云大茶葉湘中用其根以毒蟲根長數尺故謂之黃藤而水莽則通呼也豈與鼠莽有異同耶詩人多用茵露陶隱居以爲莽本作茵按山中多以黃茅之類爲茵子草郭璞注弭春草一名芒草孫炎注俗呼茵草茵草刺人衣而彌阮填谷故以爲晨行之詩亦夙夜厭浥之意莽草雖多殊非荆榛之比或謂弭爲白薇以弭薇音近春草同名難爲確詰邢疏以本草莽草郭引作芒草爲所見本異然則本草經傳

寫訛誤多烏可不慎而圖經云煎湯熱含少頃治牙齒風蟲喉痺甚效此豈可輕試耶按周禮翦氏除蠹物以莽草熏之方言蒺藜草也東越揚州之間曰蒺藜南楚曰莽說文蒺藜草總名則非毒草之莽矣今人以草燒煙熏蟲亦不用毒莽又說文夫善逐兔草中爲莽孟子草

莽草



莽之臣趙岐注莽亦草也莽蒺藜同義楚詞攬中洲之宿莽注謂草冬生不死此亦但詁宿字耳唯山海經朝歌之山有莽草可以毒魚此或是水莽類而爾雅莽數節郭注云竹類則竹亦有名莽者本草之莽草或爲

毒草卷之二十四 莽草 鈎吻 滇鈎吻

芒或爲竹類之莽皆未可定若以毒魚爲毒草則近世有以收麥制魚者矣豈得謂收麥爲毒草耶余恐人誤以莽草爲可服故詳辨之

鈎吻 鈎吻本經下品相承以爲卽治葛今之斷腸草也詢之閩廣人云有大小二種大者如夜來香葉蔓生植



鈎吻

立近人輒動擣爛置豬腸中上下奔竄必破腸而出小葉者如馬蘭性尤烈李時珍所謂黃藤乃莽草根也又云滇人謂之火把花蓋卽黔書所云花亦如桑椹者同爲惡草非止一種今以蜀產圖之

滇鈎吻 太陽之草曰黃精太陰之草曰鈎吻博物志

云鈎吻盧氏曰陰地黃精不相連根苗獨生者是也陶隱居云葉似黃精而莖紫當心抽花黃色初生極類黃精雷斅曰使黃精勿用鈎吻真相似只是葉有毛鈎子二個黃精葉如竹葉蘇頌曰江南說黃精莖苗稍類鈎吻自古言鈎吻黃精相似瞭然如此無有指爲斷腸草者本經一名治葛治葛後人以爲斷腸草毒草斷腸品非一種南方草木狀治葛一名胡蔓草不言卽鈎吻自蘇恭始以苗爲鈎吻根爲野葛深斥陶說之非謂其葉如柿如鳧葵則卽今嶺南之大葉斷腸草矣其云黃精葉似柳及龍膽草乃玉竹也古人於黃精玉竹不甚分別雷說葉如竹則今黃精也沈存中藥議亦以鈎吻爲卽斷腸草然又云斷腸草人間至毒之物不入藥用恐本草所出別是一物非此鈎吻則存中未敢以鈎吻黃精相似之說確然斷爲誤也本草綱目臚引斷腸草以實鈎吻大抵皆集衆說非惟未見鈎吻蓋亦未見斷腸



憑臆訂訛遂以草之至毒者惟嶺南胡蔓一物矣考吳  
普本草鉤吻或出益州碧雞金馬開元後已淪南詔蘇  
恭諸人不識益州之鉤吻固宜醫家於毒草不曾試用  
展轉致舛亦無足怪惟鉤吻既似黃精采鉤吻而得黃




濕鉤吻一

精不能爲害誠妙采黃精而誤得鉤吻所關豈淺鮮哉  
余至滇遣人入山採藥得似黃精玉竹者二草其標識  
則曰鉤吻漢鉤吻鉤吻葉如竹與黃精同而矮小葉生  
一面花實生一面棄擲皆活殆卽雷敷所謂地精俗云

毒草卷之二十四 漢鉤吻

偏精其偏者不止葉不相當而已漢鉤吻似玉竹葉如  
柳如龍膽草而葉端皆反鉤四面層層舒葉開花有  
黃白者亦有紅者蓋陶說所謂當心開花而雷說所謂  
毛鉤也滇之山岷蚩蚩者豈能杜撰此名蓋相承指呼



濕鉤吻二

久矣余審是再三而知太陽太陰之說傳於上古不可  
妄嘗後人少見反肆雌黃而未及料其貽害無窮也禮  
失求野其言猶信乃召土醫而詢之云黃精鉤吻山中  
皆產採者須辨別之其葉鉤者有大毒然則鉤之得名

毒草卷之二十四 滇鉤吻

非以其葉如鉤耶偏精有毒稍輕形偏則性亦偏矣考南嶽記謂黃精多山薑僞製桂馥札璞謂滇多毒草然則服黃精者宜如本草採嵩山生者庶不至以豨苓引年而棄昌陽乎夫天地乖戾之氣所鍾非一鉤吻胡蔓無妨並馳譬如四凶列於禹鼎非止渾敦一形五鬼登於唐廷未必盧杞同貌山有陰陽則氣秉舒慘處至陰之地而具至陽之性則爲毒尤甚宦寺婦人陰陽異用而大亂生矣抑又聞之虎賁甚似中郎桓魋乃肖至聖甚惡甚美真賢真奸此亦造物之樞鈴而待人以決擇余檢自僵之牘湘中則黃藤豫章則水莽博落迺粵閩則大小葉斷腸草滇則草烏火把花又有蟲如草長寸許亦名斷腸草牛馬食之立斃黔書又有一種斷腸惡直醜正實繁有徒豈得謂其兜去而無餘凶廉來除而並及異獸乎余以舊說入鉤吻下別錄斷腸草數種而特著滇鉤吻二物或可正李時珍之正誤本草鉤吻有主治滇醫亦用以洗惡毒瘡以盜捕盜或亦收效而斷

腸草則未聞有用者巧令孔壬遇之立敗耳唐以前言治葛者或卽是此草草木狀治葛旣不云鉤吻當是同名異物相如无咎不疑萬年其爲賢不肖也多矣  
 鉤吻滇人以蝕毒瘡惡刺字犯雜他藥以爛滅刺字俗所謂爛藥也

# 植物名實圖考卷之二十五

固始吳其濬著

蒙自陸應穀校刊

芳草

蘭草

隔山香

白芷

木香

當歸

芍藥

藁本

假蘇

積雪草

蘇二圖

香薷

芎藭

蛇牀子

杜若

澤蘭

土當歸

牡丹

水蘇

爵牀

附赤車使者

荏

豆蔻即草果

大葉香薷

石香薷

鬱金

高良薑

薄荷

蒟醬

馬蘭

石薺葶

廉薑

蓬莪朮

野藿香

白茅香

白豆蔻

葶撥

畢澄茄

茅香花

莎草

鬱金香

薑黃

大葉薄荷

萋葉

薺葶

山薑

荆三棱

藿香

零陵香

肉豆蔻

補骨脂

益智子

甘松香

縮砂密

福州香麻 排草

元寶草 三柰

辟汗草 小葉薄荷

蘭香草 芸

蘭草 蘭草本經上品詩經方秉蘭兮陸疏即蘭香草也

古人謂蘭多曰澤蘭李時珍集諸家之說以為一類二

種極確今依其說以有歧者為蘭無歧者為澤蘭宋人

踵梁時以似茅之蕙草為蕙聚訟紛紛不知草木同名

甚多總以見用於人為貴此草竟體芬芳與澤蘭同功

並用湖南俚人有受風病寒者摘葉煎服即愈香能去

穢辛可散鬱較之甌蘭諸品為益孰多彼一莖一花數

花者露珠一乾清香頓歇茅葉肉根都無氣味歸之羣

芳以悅目鼻

雲婁農曰夫暴得大名不祥人固有之物亦宜然蘭於

農經不為靈藥溱洧秉蘭士女贈諶之野卉耳燕姑錫

夢寵以國香聖人猗蘭之操忠臣畹蘭之託厥後文人

賦之詠之比以君子儷以美人赫赫之名衆莠莫能景

其光羣榮不能企其影矣夫盛名之下實多冒竊孩兒

菊曰馬蘭以其花紫葉歧而竊之天名精曰蟾蜍蘭以

其葉長幹疎而竊之形骸彷彿臭味參差易位者非同

華泉之取飲正座者不如床前之捉刀其竊之也庸何

傷不知何時有山間牛啖之草俗謂草蘭為牛啖花以牛食其葉也甌東魚

魷之花徒以異馥纂此香名涪翁倡為一花為蘭數花

為蕙之說後人領其新異競為標題蝸蟪羹沸唯澤蘭

一種尚容於養性採藥之客而真蘭之名假而不歸夫

非蘭之名著而蘭之實遂湮沒而不彰哉謂之不祥蘭

亦何辭朱子詩注兩蘭瞭列楚辭辨證曲為疏剔一賢

之論不敵舉世之紛良可悼矣當為王者香乃與眾草

伍蘭不逢時與人何異余嘗取唐以前之述蘭者而紀


之稽侍中詩麗蕊濃繁陳子昂詩朱蕤冒紫莖蘭之花

繁蕊密如此今之蘭有之乎謝康樂詩清露灑蘭藻許

渾詩露曉紅蘭重今蘭葉如薤涓滴難留若謂花附之

露則何灑何重蘇頌詩御杯蘭薦葉今之蘭葉豈堪薦  
酒又詩人多言蘭池今之蘭乃畏濕本草亦載蘭湯今  
之蘭豈能浴紫蘭紅蘭蘭之色也今蘭紅紫乃非常品  
蘭橘蘭椒蘭之味也今蘭咀嚼殊無微馨抑與蘭爭名

蘭



者唯桂耳絕域徭尚價重如金中華之金粟丹黃者豈  
真桂耶嗚呼造物最忌者名草猶如此人何以任昔呂  
大防作辨蘭亭記云蜀有草如葦紫莖黃葉謂之石蟬  
而楚人皆以為蘭蘭蟬聲近之誤宋景文益部方物略  
記石蟬莖長二三尺葉如菖蒲紫莖五出與蟬甚類宋

芳草卷之二十五 芎藭 隔山香 蛇牀子

公博物不以為蘭然則今之蘭其蜀之石蟬耶冒他名  
而自失其名石蟬有知豈肯呼牛牛應呼馬馬應耶呂  
公乃著辨以為識真蘭昔有不狂之人入狂國者爭以  
不狂為狂今以真蘭入盜蘭之叢固當以不真為真

芎藭

芎藭本經上品左氏傳山鞠窮即此益部方物記

謂葉落時可用作羹救荒本草葉可調食煮飲今江西  
種之為蔬曰窮菜廣西謂之坎菜其葉謂之江離亦曰  
藤蕪李時珍謂大葉者為江離細葉者為藤蕪說亦辨  
雲婁農曰中叔展曰有山鞠窮乎注謂所以禦溼疏云  
賈逵有此言則相傳為此說但不知若為用之考本草  
芎藭主中風寒痺筋攣緩急蓋風溼相為表裏去風即  
以去溼也苗曰藤蕪爾雅翼辨證甚核然古昔草木之  
名軼者多矣楚詞香草注者亦唯以本草爾雅為據其  
習用如江離白芷杜衡留夷輩讀本草者皆知之而杜  
若已無的識若揭車胡繩則本草不載無有訂為何物  
者矣太史公曰巖穴之士趨舍有時若此類堙滅而不

芳草卷之二十五 芎藭 隔山香 蛇牀子

稱悲夫夫以在山小草爲忠臣志士寄慨流連其志潔故其稱物芳謂非無知者之至幸乃或傳或不傳如此



芎藭

然則士不能與日月爭光而但托大賢之門冀附驥尾而致千里則漢之黨錮宋之黨人載其名而不信其人者有之矣載其名幸也不信其人豈不幸歟

隔山香

即雞山香方  
言無正字

隔山香生衡山白根潤脆枝莖

挺疎長葉光綠三五勻秀花如當歸白芷竟體皆芳與風俱發湘沅香草宗生族茂箋騷注經不能釋贍遂致

遇物難名倚席不講萋萋嘉卉見賞俚醫幸乎不幸



隔山香

蛇牀子

蛇牀子本經上品爾雅盱眙牀注蛇牀也救

荒本草葉可煨食


蛇牀子



白芷

白芷本經上品滇南生者肥莖綠縷頗似尚香抱莖生枝長尺有咫對葉密擠鋸齒槎枒齟齬翹起澀紋深刻稍開五瓣白花黃蕊外湧千百為族間以綠苞根肥白如大拇指香味尤竄

白芷




杜若

杜若本經上品按芳洲杜若九歌疊詠而醫書以為少有識者考郭璞有贊謝眺有賦江淹有頌沈約有詩豈皆未觀其物而空託采擷耶韓保昇云苗似山薑花黃子赤大如棘子中似豆蔻細審其說乃即滇中豆

蔻耳蘇恭以為似高良薑全少辛味陶云似旋菴根者即真杜若李時珍以為楚山中時有之山人亦呼為良薑甄權所云穠子薑圖經所云山薑皆是物也沈存中以為即高良薑以生高良而名余於廣信山中採得之

杜若



俗名連環薑以其根瘦細有節故名有土醫云即良薑也根少味不入藥用其花出籬中疊疊下垂色紅嬌可愛與前所謂豆蔻花同與良薑花微異殆即圖經所

芳草卷之二十五 白芷 杜若 木香 澤蘭

云山薑也余取以入杜若以符大者為良薑小者為杜若之說但深山中似此者尚不知幾許姑以備考云爾若劉圻父采杜若詩素英綠葉粉可喜又云餐花嚼蕊有真樂則亦韓保昇所云花黃一種草豆蔻花帶紅白二色非同良薑花紅紫灼灼也至秋花之書有以雞冠當之者可謂刻畫無鹽唐突西施

雲婁農曰昔人戲為杜仲作杜處士傳若杜若者顯於古而晦於今其今之逸民歟膏以明自煎蘭以香自煎杜若非所謂遺其身而身存者耶

**木香** 木香本經上品宋圖經著其形狀云出永昌山谷今惟舶上來者他無所出 按本經所載無外番所產或古今異物近時用木香治氣極效蓋諸蕃志所謂如絲瓜者凡番產皆不繪茲從本草衍義圖之然皆類馬兜鈴蔓生者恐非西南徼所產

雲婁農曰木香舊出雲南蠻書云永昌山在府南三日程多青木香雲南志車里土司出或謂即古產里又西

木香出老搗皆不著形狀大抵深壑絕巖老木多香種種棧名亦難盡憑夷獮負販多集大理粵人哀載輒云海藥惟皆枯槎難譯其柯條花實



木香



木香州廣

**澤蘭** 澤蘭本經中品為婦科要藥根名地笄亦為金瘡

腫毒良劑安徽志都梁山產澤蘭故名都梁香云

雲婁農曰淮南子云男子樹蘭而不芳藥錄亦專供帶下醫豈賜蘭微夢遂永為女子之祥乎士女乘蘭祓除不祥殆無異芣苢宜子耶余過溱洧秋蘭被坂紫萼雜



還如蒙絳雪固知詩人紀實不類賦客子虛而鄰鄰周道塵漲三尺清露灑芬西風度馥不以穢濁減其臭味其斯爲幽芳歟

澤蘭



當歸 當歸本經中品唐本草注有大葉細葉二種宋圖

經云開花似葶蘿淺紫色李時珍謂花似蛇床今時所用者皆白花其紫花者葉大俗呼土當歸考爾雅薛山蘄又薛白蘄是當歸本有紫白二種今以土當歸附於後大約藥肆皆通用也

土當歸

土當歸江西湖南山中多有之形狀詳救荒

當歸



土當歸



芳草卷之二十五 當歸 土當歸 芍藥 牡丹

芳草卷之二十五 當歸 土當歸 芍藥 牡丹

本草惟江湖產者花紫李時珍以入山草未述厥狀但於獨活下謂之水白芷亦以充獨活今江西土醫猶以為獨活用之

**芍藥** 芍藥本經中品古以為和今入藥用單瓣者

雲婁農曰詩贈之以勺藥陸疏云今藥草芍藥無香氣非是也爾雅翼以陸未識其華蓋芍藥盛於西北維揚諸花始於宋世故陸元恪僅見藥裏之根芟而未覩金帶之綺麗羅氏之言是矣然古時香草必以莖葉俱香

芍藥



牡丹

而後名如蘭如蘇如芷皆竟體芬芳不以花著芍藥奇馥都特繁英氣不勝色時過即弛與霜露飄零而臭味彌烈者蓋未可伯仲也陸氏之疑其或以此若以調和為據則古今食饌嗜好全殊即所謂食馬肝馬腸猶合芍藥而齏之者士大夫久無此憲章安得尋裂馱蹏而沃苦酒者一問之耶

**牡丹** 牡丹本經中品入藥亦用單瓣者其芽肥嫩可醬



食種牡丹者必剔其嫩芽則精脈聚於老幹故有芍藥打頭牡丹修腳之諺

雲婁農曰永叔翹牡丹譜好事者屢踵之可謂富矣然蕃變無常非譜所能盡亦非譜所能留也但西京置驛奇卉露生今則落花如舊而異藝絕稀豈人工之勤地利之厚不如故耶抑造物者觀人之精神所注與否而為之盛衰耶漢之經學六朝駢麗三唐詩詞碑碣亦猶是矣况乎有關於家國之廢興世道之升降而造物獨不視人所欲與之聚之吾何敢信

藁本

本經中品宋圖經似芎藭而葉細救荒本草謂之山園萎苗可煤食

藁本



牡丹

芳草卷之二十五 藁本 水蘇 假蘇 爵牀 積雪草

水蘇

水蘇本經中品即雞蘇澤地多有之李時珍辨別水蘇薺薺一類二種極確昔人煎雞蘇為飲今則紫蘇盛行而薺與飲皆不復用雞蘇矣

水蘇




雲婁農曰水蘇雞蘇自是一物日用本草亦云爾然謂即龍腦薄荷今吳中以饅製之為餌味即薄荷而葉頗寬無有知為水蘇者東坡詩道人解作雞蘇水稚子能煎鷓粟湯本草衍義紫蘇氣香味辛甘能散今人朝暮飲紫蘇湯甚無益醫家謂芳草致豪貴之疾此有一焉水蘇氣薄味平何堪作飲或取屬對之工

芳草卷之二十五 藜本 水蘇 假蘇 爵牀 積雪草

假蘇 假蘇本經中品卽荆芥也固始種之爲蔬其氣清

芳形狀與醒頭草無異唯梢頭不紅氣味不烈爲別野  
生者葉尖瘦色深綠不中噉與黃類魚相反南方魚鄉  
故鮮有以作菹者

假蘇



野榮贊云荆芥苗燥作蔬魚肉忌之犯無鱗魚卽死  
與鯉犯紫荆食鱣飲燒酒殺人等疾鼠莫辛苦命之  
曰芥荆則云於芥爲言介肉食斯仇君子攸戒我食  
無魚咀嚼何害

爵牀 附赤車使者 爵牀本經中品唐本草注謂之赤眼老

母草南方陰溼處極多似香薷而不香又唐本草有赤  
車使者莖赤根紫如薔一類二種

爵牀



積雪草 積雪草本經中品唐本草注以爲卽地錢草

今江西南湖陰濕地極多圓如五銖錢引蔓鋪地與本  
草衍義庚辛玉册所述極肖或謂以數枚煎水清晨服  
之能祛百病者此蓋陽強氣壯藉此清寒之品以除浮  
熱故有功效虛寒者恐不宜爾又一種相似而有鋸齒  
名破銅錢辛烈如胡荽不可服

芳草卷之二十五 荏蘇 豆蔻


荏

積雪草

荏別錄中品白蘇也南方野生北地多種之謂之家蘇子可作糜作油齊民要術謂雀嗜食之益部方物記略有荏雀謂荏熟而雀肥也李時珍合蘇荏為一但紫



荏



蘇

者入藥作飲白者充飢供用性雖同而用異雲婁農曰荏之利溥矣種於陸防牛馬之踐五穀子為油臆壁皆煤則織紵之賴以足於夜也魏書乙弗勿國與吐谷渾同不識五穀惟食魚及蘇子狀若中國枸杞梁沈約有謝賜北蘇啓則蘇重於北地久矣湘中荏路芟夷之勿使滋蔓物固有有用不用

蘇別錄中品爾雅蘇桂荏注蘇荏類圖經紫蘇也今處處有之有面背俱紫面紫背青二種湖南以為常茹謂之紫菜以烹魚尤美有戲謂蘇字從魚以此者亦水骨水皮之謔耳又以薑梅同醅製之暑月解渴行旅尤



紫蘇

宜

雲婁農曰劉原父探紫蘇詩云只以營一飲形骸如此  
 飭宋時重飲子以紫蘇熟水爲第一甚矣昔人之好服  
 食也蘇性辛竄能損真氣製爲蔬果稍就平和飲子則  
 風淫者宜之無病而爲吳越吟是不可以已乎或謂客  
 來奉湯是飲人以藥人之面不如吾之面其賦質不爾  
 殊耶草茶不知盛於何時近則華夷同沃之無有以藥  
 物爲敬者草木廢興亦復難測

回 回 蘇




野榮贊云紫蘇本草曰苴紫者入藥白者湯中薄煮  
 之燥食荊芥則宜生食苴曰紫蘇本入苕品蕩鬱散  
 寒性溫且緊湯液得之薑桂可屏起博之功令人猛  
 省

豆 蔻

即草果

豆蔻別錄上品即草果桂海虞衡志諸書

詳晰如繪嶺南尚以爲食料唯南越筆記以爲根葉辛  
 溫能除瘴氣雲南山中多有之根苗與高良薑相類而  
 根肥苗高三四尺高良薑根瘦苗短數十莖叢生葉短



豆 蔻

面背光潤紋細葉淡綠草果莖或青或紫葉長紋粗色深綠夏從葉中抽葶卷籜綠苞漸舒長萼分綻尖杪淡黃近跗紅赭垢作三瓣白花兩瓣細長翻飛欲舞一瓣圓肥中裂為兩黃鬚三莖繁繞相糾紅蕊一縷未開如鉗一花之中備紅黃白赭四色圖經諸說既不詳臚而含胎充果又與良薑之紅豆蔻穉子薑之輭紅麥粒互相膠轕若以三種並列則花實幾無一肖余就滇人所指名而名之不識嶺外所產與此同異滇南本草性溫味辛無毒生山野中或蔬圃地葉似蘆開白花結果內含瓢藏子如豆蔻而粒大能消食積解冷宿結滯之鬱開通胃脾快利中高令人多進飲食今人多用為香料調劑飲食甚良又能祛除蠱毒辟夷人藥毒佩之能遠患也

**香薷** 香薷別錄中品江西亦種以為蔬凡霍亂及胃氣痛皆煎服之

芳草卷之二十五 香薷 大葉香薷 石香薷 莎草

**大葉香薷** 大葉香薷生湖南園圃葉有圓齒開花逐層如節花極小氣味芳沁蓋香草之族而軼其真名



大葉香薷



香薷

芳草卷之二十五 香薷 大葉香薷 石香薷 莎草

石香薷

即有不必山崖葉尤細瘦氣更芳香

石香薷



莎草

莎草別錄中品爾雅藹侯莎其實媿即香附子也唐本草始著其形狀功用今爲要藥與三稜極相類唯

淮南北產者子小而堅俗謂之香附米者佳

雲婁農曰香附莎根也陶隱居以爲無識者唐本草始

明著之近時乃爲要藥考宋史莎衣道人傳道人衣蔽

以莎緝之有療者求醫命持一草去旬日而愈衆翕然

莎草



傳莎草可以愈疾莎根之用其盛於此乎圯上老人取履授書其事甚怪然無疑其僞者蓋抱道德明術數之士遜世無悶偶露端倪以救世而濟衆固非鬼神幻化比也雖然古人主之用人也有得於夢與卜者矣世人之遇藥也亦有得於神與禱者矣精誠之極肝鬲潛通豈徒徵於鬼以警俗聽哉且天之生物皆以爲人然天不能以筆舌示人則生聖人制作以前民用聖人亦不能徧觀而盡識也時時見於鬼神寤寐而流傳焉劉涓



子鬼遺方其最多者其餘悉數之不能終夫非盡假托也且不獨鬼神矣含生負氣之倫有知覺則有疾苦有疾苦則有拯濟鹿得草而蹶起蛇搗藥而傳瘡黃鼠以豆葉愈虺毒蜘蛛以芋根塗蜂螫凡此皆天之所為非物之能自為也是以聖人觀蛛螫而結網見飛蓬而製車其師萬物也乃師造物也故曰天時有生地利有宜人官有能物曲有利

**鬱金** 鬱金唐本草始著錄今廣西羅城縣出其生蜀地者為川鬱金以根如螻蛄肚者為真其用以染黃者則蘆黃也考古鬱鬱用鬱釀酒蓋取其氣芳而色黃故曰


鬱金



黃流在中若如嘉祐本草所引魏略生秦國及異物志生屬賓唐書生伽毘則皆上古不賓之地何由貢以供祭爾雅翼考據甚博李時珍分根花為二條亦聘辯耳外裔所產皆是夷言鬱金之名自是當時譯者夸飾假附以之釋經豈為典要今皆附錄以資考辨

**鬱金香** 鬱金香此嶺南所繪殆李時珍所謂鬱金花耶


鬱金香



**高良薑** 高良薑滇生者葉潤根肥破莖生葶先作紅苞光燄炫目苞分兩層中吐黃花亦兩長瓣相抱復突出尖黃心長半寸許有黑紋一縷上綴金黃蕊如半米

芳草卷之二十五 鬱金 鬱金香 高良薑 薑黃

另有長鬚一縷尖擊小綠珠俗以上元摘爲孟蘭供養故圃中多植之按良薑山薑杜若草果葉皆相類方書所載多相合併嶺南諸紀述形則是稱名亦無確詰蓋方言侏僂難爲譯也唯南越筆記目親手訂又復博雅



高良薑

有稽余使粵僅寶山一過未能貯籠頃以滇南之卉與南越筆記相比附大率可識其云高良薑出於高涼故名根爲薑子爲紅豆蔻子未拆曰含胎鹽糟經冬味辛香入饌又云凡物盛多謂之蔻是子如紅豆而叢生故

高良薑 薑黃


名紅豆蔻今驗此花深紅灼灼與圖經花紅紫色相脂合花罷結實大如白果有稜嫩時色紅綠子細似橘瓢無慮數百香清微辛殆所謂含胎也老則色紅滇之婦稚皆識爲良薑花李雨村所述雖刺取嶺表錄異中語然彼以爲山薑且云花吐穗如麥粒嫩紅色則是廣饒所產與桂海虞衡志紅豆蔻同志云此花無實則所云爲胎者乃是花非子也余則以滇人所呼爲定而折中以李說范云紅豆蔻蓋卽草木狀之山薑而楚詞之杜若也

**薑黃**

薑黃唐本草始著錄今江西南城縣裏鷄都種之

成田以販他處染黃其形狀全似美人蕉而根如薑色極黃氣亦微辛圖經所云葉有斜紋如紅蕉葉而小根類生薑圓而有節極確乃又引拾遺老薑之說殊爲龐雜陳藏器謂性大熱蓋因老薑致誤今薑黃染饌食多則腹痛豈非寒苦之證近時亦不入藥用  
雲婁農曰閩書薑黃出邵武仙亭山建昌與閩接故宜

建昌之民曰始業薑黃者贏十倍今滯而不售不究所以考唐時色重黃詩人之詠曰杏黃曰鬱金誠豔之也唐本草薑黃作之方法與鬱金同則以鬱金薑黃染者其勝於支與槐也遠矣夫尚黃者非唯正色亦與金爲



薑黃

近耳昔時泥金鏤金唯掖庭用之宋嚴銷金之禁罰至重元以降金箔金絲煩費無等凡繪畫摵織之屬無物不具其始以來自蕃舶不之禁也日新月異其耗中國之金也有紀極乎然則中央之色不爲世俗所艷非金

飾之奪之也而何

**薄荷** 薄荷唐本草始著錄或謂卽菝葜之訛中州

亦蒔以爲蔬有二種形狀同而氣味異俗亦謂之臭薄荷蓋野生者氣烈近吳移蒔則氣味薄而清可噉亦可入藥也吳中種之謂之龍腦薄荷因地得名非有異也肆中以糖煎之爲飴又薄荷醉貓貓咬以汁塗之



薄荷

**大葉薄荷** 薄荷葉背皆青江西有一種葉背甚白呼

爲大葉薄荷亦有呼爲茵陳者燒以去瘟氣辛烈蓋卽

芳草卷之二十五 薄荷 大葉薄荷 蕒醬

江南所謂茵陳者詳茵陳下



大葉薄荷

蕒醬

蕒醬唐本草始著錄按漢書西南夷傳南粵食唐蒙蜀枸醬蒙歸問蜀賈人獨蜀出枸醬顏師古注子形如桑椹緣木而生味尤辛今石渠則有之此蜀枸醬見傳紀之始南方草木狀則以生番國爲蕒茂生番禺者謂之蕒交趾九真人家多種蔓生此交溟之蕒見於紀載者也齊民要術引廣志劉淵林蜀都賦注皆與師古說同而鄭樵通志乃云狀似蕒撥故有土蕒撥之號今嶺南人但取其葉食之謂之蕒而不用其實此則以蕒

子及蕒葉爲一物矣考齊民要術扶留所引吳錄蜀記交州記皆無卽蕒之語唯廣州記云扶留藤緣樹生其花實卽蕒也可以爲醬始以扶留爲蕒但交州記扶留有三種一名南扶留葉青味辛應卽今之蕒葉其二種



蕒醬

曰蕒扶留根香美曰扶留藤味亦辛廣州記所謂花實卽蕒者不知其葉青味辛者耶抑藤根香辛者耶是蕒子卽可名扶留而與蕒葉一物與否未可知也諸家所述蕒子形味極詳而究未言蕒葉之狀宋景文益部方

物略記蒟醬云葉如王瓜厚而澤又云或言卽南方扶留藤取葉合檳榔食之玩贊詞並未及葉而或謂云云蓋闕疑也唐蘇恭說與鄭漁仲同蘇頌則以淵林之說爲蜀產蘇恭之說爲海南產李時珍則直斷蒟醬一物無疑矣夫枸獨出蜀一語已斷定所產流味番禺乃自蜀而粵故云流味非粵中所有明矣余使嶺南及江右其貢灰萋葉檳榔三物旣合食之矣撫湖南則長沙不能得生萋以乾者裹食之求所謂蘆子者烏有也及來滇則省垣茶肆之累累如桑椹者殆欲剽車而載而萋葉又烏有也考雲南舊志元江產蘆子山谷中蔓延叢生夏花秋實土人探之日乾收貨萋葉元江家園遍植葉大如掌疊藤於樹無花無實冬夏長青採葉合檳榔食之味香美一則云夏花秋實一則云無花無實二物判然以土人而紀所產固應无妄余遣人至彼生致萋葉數叢葉比嶺南稍瘦辛味無別時方五月無花跗也得蘆子數握土人云四五月放花卽似蘆子形七月漸

成實蓋萋葉園種可栽以餉而蘆子產深山老林中蔓長故但摘其實景東廳志蘆子葉青花綠長數十丈每節輒結子條長四五寸與萋葉長僅數尺者異矣徧考他府州志產蘆子者如緬寧思茅等處頗多而萋葉則唯元江及永昌有之故滇南蘆多而萋少獨怪滇之紀載皆狃於鄭漁仲諸說信耳而不信日爲可異也滇海虞衡志謂滇俗重檳榔茶無萋葉則翦萋子合灰食之此吳人之食法夫吳人所食乃桂子非蘆子也又以元江分而二之爲蒟有兩種一結子以爲醬一發葉以食檳榔夫物一類而分雌雄多矣其調停今古之說亦是考據家調人媒氏然又謂海濱有葉滇黔無葉以子代之不知冬夏長青者又何物耶蓋元江地熱物不蛀則枯葉行數百里肉瘠而香味淡矣蘆子苞莖能致遠乾則逾辣滇多瘴取其便而味重者餌之其植萋者則食萋耳嶺南之萋走千里而近至贛州色味如新利在而爭逐亦無足異蘆子爲醬亦芥醬類耳近俗多以番椒

芳草卷之二十五 萋葉 馬蘭

木樞子爲和此製便少亦今古之變食也本草綱目引嵇氏之言本草以萋爲萋子非矣其說確甚後人輒易之故詳著其別蓋萋與萋發爲類不與萋爲類朱子詠扶留詩根節含露辛莖穎扶援綠蠻中靈草多夏永清陰足形容如繪曰根節曰莖穎曰清陰獨不及其花實亦可爲雲南志之一證赤雅萋醬以萋發爲之雜以香草萋發蛤萋也蛤萋何物也豈以萋同萋灰合食故名耶抑別一種耶滇黔紀遊萋醬乃萋弱所造萋弱則非子矣萋故不妨爲醬又李時珍引南方草木狀云本草以萋爲萋子非矣萋子一名扶留草形全不同今本並無此數語唐本草始著萋醬嵇氏所謂本草當在晉以前抑時珍誤引他人語耶染阜者以蘆子爲上色本草亦所未及

**萋葉** 萋葉生蜀粵及滇之元江諸熱地蔓生有節葉圓

長光厚味辛香翦以包檳榔食之南越筆記謂遇霜雪則萎故昆明以東不植古有扶留藤扶留急呼則爲萋

始一物也醫書及傳紀皆以爲卽萋說見彼滇之萋種於園與粵同重蘆而不重萋故志萋不及粵之詳莖味同葉故交州記云藤味皆美



萋葉

**馬蘭** 馬蘭日華子始著錄今皆以爲野蔬菜與花似野

菊陳藏器謂葉如澤蘭而臭頗涉附會此草處處有之並無別名究不得其名馬蘭之義李時珍備列諸方竊恐有馬蘭之訛蓋北人呼馬練如馬蘭也

野菜贊云馬蘭丹多澤生葉如菊而尖長左右齒各  
 五花亦如菊而單瓣青色鹽湯灼過乾藏蒸食又可  
 作饅留生擣治蛇咬馬蘭不馨名列香草蛇菌或中  
 利用生搗大哉帝德鼓腹告飽虺毒不逢行吟用老

馬蘭



薺葶  
 薺葶本草拾遺始著錄今河壩平野多有之形狀  
 如拾遺及李時珍所述

芳草卷之二十五 薺葶 石薺葶 山薑 廉薑 荊三棱

薺葶



石薺葶 石薺葶本草拾遺始著錄方莖對節正似水

蘇高僅尺餘葉大如指甲有小毛滇南呼為小魚仙草

石薺葶




芳草卷之二十五 薺 石薺 山薺 廉薺 荆三棱

或以其似蘇而小因蘇字從魚而為隱語耶

山薺

山薺本草拾遺始著錄江西湖南山中多有之與陽藿此薺無別惟根如嫩薺而味不甚辛頗似黃精衡山所售黃精多以此偽為之宋圖經山薺乃是高良薺李時珍謂子似草豆蔻甚猛烈良是而謂花赤色則未確乃子赤色耳




山薺

廉薺

廉薺齊民要術引據甚詳本草拾遺始著錄南贛多有之似山薺而高大土人不甚食以治胃痛甚效云

廉薺



荆三棱

荆三棱開寶本草始著錄處處有之雞爪三棱黑三棱石三棱皆一物而分大小救荒本草黑三棱

荆三棱





葶味甜根味苦皆可食今湖南至多擇其小者以為香  
附子

雩婁農曰三稜茅屬也生於山澤者苗肥而根碩名之  
曰荊非所謂江淮之間一茅三脊耶世以封禪包甌疑  
為瑞草不知禹貢厥篚多為祭物織綺橘柚豈皆為非  
常之珍後世儀物煩多不給於供至為三年一郊天六  
年一祭地之說侈備物而闕享祀豈非議禮者務為浮  
夸之過哉

### 蓬莪朮

蓬莪朮嘉祐本草始著錄宋圖經浙江或有

蓬莪朮



芳草卷之二十五 蓬莪朮 藿香 野藿香 零陵香

之類類藿莪莪在根下如鴨雞卵今所用者即此昔人  
謂鬱金薑黃茂朮三物相近其實性不同形亦全別

藿香 藿香南方草木狀有之嘉祐本草始著錄今江西  
湖南人家多種之為辟暑良藥蓋以其能治脾胃吐逆

藿香



故霍亂必用之別錄有藿香不著形狀圖經云舊附五  
香条疑其以為扶南之香木也

雩婁農曰山海經謂薰草其葉如麻今觀此草非類麻  
者歟別錄藿香舊載木類宋圖經據草木狀諸說以為

芳草卷之二十五 蓬莪朮 藿香 野藿香 零陵香

草本其即別錄之藿香與否未可知也藿藿一聲之轉海上之藥都出後世余疑藿香即古藿草若零陵香則葉圓小殊不類麻以藿爲藿雖屬柳說然其功用氣味實爲蘭匹不猶愈於以一枝數花之葉如茅者強名曰藿而不可服食者乎

**野藿香** 野藿香南安山中多有之形如藿香葉色深綠花色微紫氣味極香疑即古所謂薰草葉如麻者蓋自蘭草今古殊名而藿亦無確物矣



野藿香

**零陵香** 零陵香嘉祐本草始著錄即別錄之薰草也

宋圖經零陵湖嶺諸州皆有之余至湖南遍訪無知有零陵香者以狀求之則即醒頭香京師呼爲矮糠亦名香草摘其尖梢置髮中者也補筆談買零陵香擇有鈴子者乃其花也此草葉莖無香其尖乃花所聚今之以




零陵香

尖爲貴即擇有鈴子之意嶺外代答謂可爲褥薦未知即此否贛南十月中山坡尙有開花者高至四五尺宋圖經謂十月中旬開花當即指此實則秋開至冬未枯李時珍以醒頭香屬蘭草不知南方凡可以置髮中辟穢氣皆呼爲醒頭無專屬也

白茅香

白茅香本草拾遺始著錄但云如茅根是未見其莖葉也今湖南有一種小茅香俚醫用之根亦如茅疑即其類附以俟考



白茅香

肉豆蔻

肉豆蔻開寶本草始著錄今為治洩泄要藥

肉豆蔻



芳草卷之二十五

白茅香

肉豆蔻

白豆蔻

補骨脂

華撥

白豆蔻

李時珍云花實如豆蔻而無核故名廣州有之形如圖經

白豆蔻



補骨脂

補骨脂開寶本草始著錄即破故紙形狀具

補骨脂



芳草卷之二十五 白茅香 肉豆蔻 白豆蔻 補骨脂 華撥

圖經今醫者多以代桂

華撥 華撥南方草木狀酉陽雜俎皆載之開寶本草始著錄叢生子亦如桑椹近時暖胃方多用之酉陽雜俎謂葉似葢葉則與蕒葉相類



華撥

雲婁農曰據南方草木狀葢華撥一物也以生於蕃國番禺而異酉陽雜俎亦云葉似葢子似桑葢圖經則大同小異唐本草注云似葢醬子味辛烈於葢醬凡物因地輒異况隔瀛海萬里耶而嶺南時有之以復有

異同然則一類二種非必中外之分矣乳煎華撥治痢傳信方紀唐太宗患痢事太宗實錄亦云有衛士進黃牛乳煎華撥方御用有效而獨異志神其說謂金吾長史張寶藏遇異僧謂六十日當登三品尋以方進授鴻臚卿太宗英主即以重賞旌其治痢之功獨不可以尚藥等官授之而乃使為臚句傳以率蠻夷長耶憲宗以術人柳泌為台州刺史敬宗以道士劉從政為光祿少卿至文宗以鄭注進藥方漸至預政甘露之變實為戎首若貞觀中即有予三品文職故事則元和以後之政為憲章祖述而太宗乃作法於涼矣李藩對憲宗曰文皇帝服胡僧長生藥遂致暴疾不救誠可鑒矣嗚呼人主當疾痛難堪之時得一良醫驟起沉疴其所以酬之者烏得不厚然爵人衆其既未可豐於所私而天命所在必有鬼神呵護而陰導之者彼扁鵲太倉公亦安能生必死之人哉且以方愈疾私喜而賞之優必以方不讐私怒而罰之重文成五利龍以將軍通侯而卒不免於誅侯生盧生相謀亡去遂致

坑儒然則摻術與用摻術者可不傲懼乎

益智子 益智子詳南方草木狀開寶本草始著錄今

廬山亦有之盧循遺劉裕益智粽即醬類非角黍也  
段玉裁辨之極精核可以訂訛



益智子

畢澄茄 畢澄茄開寶本草始著錄圖經云廣東亦有


之葉青滑子似梧桐子海藥以為即胡椒之嫩者廣西  
志有山胡椒或謂即畢澄茄也

畢澄茄

甘松香 甘松香開寶本草始著錄圖經葉細如茅草

根極繁密生黔蜀遼州李時珍以壽禪師作五香飲其  
甘松飲即此滇南同三柰等為食料用昆明山中亦產

甘松香



芳草卷之二十五 益智子 畢澄茄 甘松香 茅香花 縮砂密 福州香麻 排草

芳草卷之二十五 益智子 畢澄茄 甘松香 茅香花 縮砂密 福州香麻 排草

之高僅五六寸似初生茆而勁根大如拇指長寸餘鮮時無香乾乃有臭

茅香花 茅香花嘉祐本草始著錄宋圖經苗似大麥

五月開白花亦有黃花生劍南海藥本草云生廣南山



香茅州丹

香茅單風奇



縮砂密 縮砂密嘉祐本草始著錄圖經苗莖似高良

薑今陽江產者形狀殊異俗呼草砂仁



縮砂密

福州香麻 宋圖經香麻生福州四季常有苗葉而無

花不拘時月採之彼土人以煎作浴湯去風甚佳

福州香麻

排草 排草生湖南永昌府獨莖長葉長根葉參差生淡



綠與莖同色偏反下垂微似鳳仙花葉光澤無鋸齒夏  
 時開細柄黃花五瓣尖長有淡黃蕊一簇花罷結細角  
 長二寸許枯時束以爲把售之婦女浸油則髮根莖香  
 味與元寶草相類考本草拾遺白茅香生嶺南如茅根




排草

道家用以作浴湯李時珍以爲今排香之類此草乾時  
 花葉脫盡宛如茅根殆卽此歟諸家皆未究其花實故  
 無確訓廣西志排草屢載所出亦無形狀南越筆記以  
 爲莖穿葉心則似元寶草也

元寶草

元寶草江西湖南山原園圃皆有之獨莖細  
 綠長葉上翹莖穿葉心分枝復生小葉春開小黃花五  
 瓣花罷結實根香清馥土醫以葉異狀故有相思燈臺  
 雙合合諸名或云患乳癰取懸置胸間左乳懸右右乳  
 懸左卽愈簡易草藥有茅草香子治痧症極效按其形  
 狀卽此

元寶草



三柰 三柰本草綱目始錄入芳草 按救荒本草草三  
 柰葉似蕤草而狹長開小淡紅花根香味甘微辛可煮

芳草卷之二十五 元寶草 三柰 辟汗草 小葉薄荷

芳草卷之二十五 元寶草 三奈 辟汗草 小葉薄荷

食藥亦可燻食核其形狀與今廣中所產無小異蓋香草多以嶺南為地道其實各處亦間有之採求不及耳

三奈



辟汗草

辟汗草處處有之叢生高尺餘一枝三葉如

小豆葉夏開小黃花如水桂花人多摘置髮中辟汗氣

按夢溪筆談芸香葉類豌豆秋間葉上微白如粉汚

說文芸似苜蓿或謂即此草形狀極肖可備一說

辟汗草 小葉薄荷

小葉薄荷

小葉薄荷生建昌細莖小葉葉如枸杞葉

而圓數葉攢生一處梢開小黃花如粟俚醫用以散寒

小葉薄荷



辟汗草





發表勝於薄荷

### 蘭香草

蘭香草湖南南贛皆有之叢生高四五尺細莖對葉葉長寸餘本寬末尖深齒濃紋稍葉小圓逐節開花如丹參紫苑而作小笛子尖瓣外出中吐細鬚淡



蘭香草

紫嬌媚秋深始開莖葉俱有香氣南安呼為婆絨花以其瓣尖柔細如翦絨故云或云以燭肉可治嗽衡山但醫亦用之

芸 爾雅權黃華注今謂牛芸草為黃華華黃葉似菽蒞疏權一名黃華郭云今謂牛芸草為黃華華黃葉似菽

芳草卷之二十五 蘭香草 芸

箱說文亦云芸草也似苜蓿淮南子說芸草可以死復

生月令註云芸香草也雜禮圖曰芸蒿也葉似邪蒿香


美可食然則牛芸者亦芸類也郭以時驗而言之故云

今謂牛芸草為黃華也

爾雅翼仲冬之月芸始生芸香草也謂之芸蒿似邪蒿

而香可食其莖幹婀娜可愛世人種之中庭故成公綏

芸



賦云葦類秋竹葉象春檉是也沈括曰芸類豌豆作小叢生其葉極芳春秋後葉間微白如粉汙南人採寘席下能去蚤虱今謂之七里香老子曰夫物芸芸各歸其根芸當一陽初起復卦之時於是而生又淮南說芸可以死而復生此則歸根復命取之於芸雖卷施拔心不

芳草卷之二十五 蘭香草 芸

死蓋不足貴也洛陽宮殿簿曰顯陽徽音含章殿前各芸香一二株而已而晉宮閣名曰太極殿前芸香四畦式乾殿前芸香八畦乃知離騷所謂蘭九畹蕙百畹畦

留夷與揭車蓋有之也采茹爲生榮甚香古者祕閣載

書置芸以辟蠹故號芸閣

夏小正曰正月采芸二月榮芸

宋梅堯臣書局一本詩有芸如苜蓿生在蓬藿中草盛

芸不長馥烈隨微風我來偶見之乃雍彼藟蒙上當百

雉城南接文昌宮借問此何地刪修多鉅公天喜書將

成不欲有蠹蟲是產茲弱本荷爾發荒叢黃花三四穗

結實植無窮豈料風閣人偏憐葵藿紅

洛陽宮殿簿顯陽殿前芸香一株徽音殿前芸香二株

含英殿前芸香二株

晉宮閣名太極殿前芸香四畦式乾殿前芸香八畦徽

音殿前芸香雜花十二畦明光殿前芸香雜花八畦顯

陽殿前芸香二畦

墨莊漫錄文潞公爲相日赴祕書省曝書宴令堂吏視

閣下芸草乃公往守蜀日以此草寄植館中也因問蠹出何書一座默然蘇子容對以魚豢典略公喜甚即借以歸

王氏談錄芸香草也舊說謂可食今人皆不識文丞相

自秦亭得其種分遺公歲種之公家庭砌下有草如苜

蓿摘之尤香公曰此乃牛芸爾雅所謂權黃華者校之

香烈於芸食與否皆未試也

夢溪筆談古人藏書辟蠹用芸芸香草也今人謂之七

里香者是也葉類豌豆作小叢生其葉極芬香秋後葉

間微白如粉汚辟蠹殊驗南人採置席下能去蚤蝨子

判昭文館時曾得數株於潞公家移植祕閣後今不復

有存者香草之類大率多異名所謂蘭蓀蓀即今菖蒲

是也蕙今零陵香是也茝今白芷是也聞見後錄芸草

古人用以藏書曰芸香是也置書帙中即無蠹置席下

即去蚤蝨葉類豌豆作小叢遇秋則葉上微白如粉汚

南人謂之七里香大率香草花過即無香縱葉有香亦

須采掇嗅之方覺此草遠在數十步外已聞香自春至冬不歇絕可翫也

說文解字注芸草也偁目宿夏小正正月采芸爲廟采也二月采芸月令仲冬芸始生注芸香草高注淮南呂覽皆曰芸芸蒿菜名也呂覽曰菜之美者陽華之芸注芸芳菜也賈思勰引倉頡解詁曰芸蒿似斜蒿可食沈括曰今謂之七里香者是也葉類豌豆其葉極芬香古人用以藏書辟蠹探置席下能去蚤蝨從草云聲王分切十三部淮南王說芸草可以死復生淮南王劉安也可以死復生謂可以使死者復生蓋出萬畢術鴻寶等書今失其傳矣

# 植物名實圖考卷之二十六

固始吳其濬著

蒙自陸應穀校刊

羣芳

紫薇

萬壽子

蘭花

丁香花

白棣棠

八仙花

粉團

珍珠繡毬

美人蕉

翠梅

南天竹

春桂

紅蘭

棣棠

繡毬

錦團團

錦帶

野繡毬

鐵線海棠

金燈

獅子頭

小翠

罌子粟

龍頭木樨

晚香玉

長春花

野鳳仙花

紫薇

曲洧舊聞紅薇花或曰便是不耐瘠樹也其花夏

開秋猶不落世呼百日紅



紫薇

南天竹

夢溪筆談南燭草木記傳本草所說多端今

少有識者爲其作青精飯色黑乃誤用烏臼爲之全非

也此木類也又似草類故謂之南草木今人謂之南天竹是也南人多植於庭檻之間莖如葫蘆有節高三四尺廬山有盈丈者葉微似棟而小至秋則實亦如丹南方至多 按所述乃天竹非南燭

李衍竹譜藍田竹在處有之人家喜栽花園中木身上生小枝葉葉相對而頗類竹春花穗生色白微紅結子如豌豆正碧色至冬色漸變如紅豆顆圓正可愛臘後始凋世傳以爲子碧如玉取藍田種玉之義故名或云此本是南天竺國來自爲南天竺人訛爲藍天竺人取此木置鳥籠中作架最宜禽鳥

甕牖閒評或云人家種南天竹則婦人多妒余聞之舊矣未知其果然否向在江陰時有一曹檢法者其妻悍甚蓋非止妒也曹曾建一新第求所謂南天竺者將植於堂之東偏余是時偶到彼姑以所聞告之曹憊然應曰其果然耶余家今無是尙不能安帖况復植此感動之物乎余曰事未可知聊爲耳目之玩亦自不惡也曹

曰耳目未必得玩而先潰我心腹矣則不如其已遽命撤去坐客無不笑之南天竹以其有節似竹故亦謂之竹而沈存中筆談乃用此燭字不知何謂

梁程啓天竹賦序曰中大同二年秋河東柳惲爲祕書監督以散騎爲之貳贊校之暇情甚相狎監署西廡有異草數本綠莖疎節葉膏如翦朱實雖離炳如渥丹惲爲啓言西真書號此爲東天竺其說曰軒轅帝鑄鼎南湖百神受職東海少君以是爲獻且白帝云女媧用以鍊石補天試以拂水水爲中斷試以御風風爲之息金

南天竹



石水火洞達無閑帝異焉命植於蓬壺之圃此其遺狀也然不如向時之驗矣督怪斯言誕而不經因竊歎曰物故有弱而剛微而彰當其時也雷轟而騎翔非其時也穴蟠而泥藏豈特斯草也感而作賦

萬壽子

萬壽子湖北園圃中種之葉聚枝梢子垂葉

下宛似天竹子爲冬月盆玩

萬壽子



春桂

春桂卽山礬本名樛花黃山谷以其葉可染不假

礬而成色故更名山礬或以爲瑒花殊誤宋人已辨之

春桂

蘭花

蘭花卽陶隱居所謂燕草李時珍以爲土續斷遜

齋閑覽以爲幽蘭其種亦多山中春時一莖一花一莖

數花者所在皆有閩產以素心爲貴俗以蜜漬其花入

茶其根有毒食之悶絕茲圖不悉列

零婁農曰雖騷草木疏謂蘭可浴不可食聞蜀士云屢

見人醉渴飲瓶中蘭華水吐利而卒者又峽中儲毒以

藥人蘭華爲第一乃知甚美必有甚惡蘭爲國香人服



媚之又當愛而知其惡也嗚呼蘭為上樂豈毒草哉不  
 識真蘭徒為謗書皆緣以葉似麥門冬者為蘭而終不  
 自知其誤誰實倡此嚮言耶洪慶善云蘭草生水傍澤  
 蘭生水澤中山蘭生山側似劉寄奴而葉無極不對生  
 花心微黃赤格物洵微矣在山則山在澤則澤易地皆  
 然豈殊臭味無稽之說舍旃舍旃

蘭花



紅蘭 邵陽縣志紅蘭生谷中每經野燒葉盡而花獨發

俗稱火燒蘭花微赭瓣有紅絲心有紅點惟香淡而不  
 能久 按紅蘭長沙山中皆有之葉厚勁而闊有光與

春蘭異開花亦小都無香氣攷粵西偶記全州有赤蘭  
 亭亭左右前後皆大松千章獨二松高大倍常松上生  
 赤蘭如寄生葉似建蘭花開赤色香聞數里聞有上樹  
 分其種者雷震而死其言近誕雖不知其色香何似然  
 既有紅蘭一種則亦非曇花可比古木常為神據粵俗  
 尙鬼似此良多又南越筆記有朱蘭葉如百合開只一  
 朶采六出別一種也

紅蘭



丁香花 山堂肆考江南人謂丁香為百結花草花譜

紫丁香花如細小丁香而瓣柔色紫蓓蕾而生 按丁

羣芳卷之二十六 紅蘭 丁香花

棣棠 白棣棠

香北地極多樹高丈餘葉如茉莉而色深綠二月開小喇叭花有紫白兩種百十朵攢簇白者香清花罷結實如連翹

丁香花



棣棠 花鏡棣棠花藤本叢生葉如茶藨多尖而小邊如鋸齒三月開花金黃色圓若小毬一葉一蕊但繁而不

香其枝比薔薇更弱必延蔓屏樹間與薔薇同架可助一色春分剪嫩枝扞於肥地即活其本妙在不生蟲蟻按棣棠有花無實不知其名何取其莖中瓢白如通

草但細小不堪剪製

棣棠



白棣棠 白棣棠比黃棣棠花瓣寬肥葉少鋸齒又別

一種

白棣棠





繡毯 羣芳譜繡毯木本皺體葉青微帶黑春開花五瓣


百花成一朵團圓如毯滿樹有紅白二種

武林舊事禁中賞花非一鍾美堂花為極盛堂前三面

皆以花石為臺三層臺後分植玉繡毯數百株儼如鏡

玉屏

繡毯



八仙花 花鏡八仙花即繡毯之類也因其一帶八蕊

簇成一朵故名八仙其花白瓣薄而不香蜀中紫繡毯

即八仙花如欲過貼將八仙移就粉團樹畔經年性定

離根七八寸許如法貼縛水澆至十月候皮生截斷次

年開花必盛昔日瓊花至元時已朽後人遂將八仙花  
補之亦八仙之幸也

八仙花



錦團團 錦團團花如丁香數百朵成簇如繡毯 按

錦團團



羣芳卷之二十六 繡毯 八仙花 錦團團 粉團 錦帶


羣芳卷之二十六 繡毬 八仙花 錦團團 粉團 錦帶

廣西通志繡毬花獨梧郡色猩紅如錦團簇整齊瓣落而絳鈞如珠尙可觀疑即此

粉團 花鏡粉團一名繡毬樹皮體皺葉青而微黑有大

小二種麻葉小花一帶而衆花攢簇圓白如流蘇初青後白儼然一毬其花邊有紫暈者爲最俗以大者爲粉

粉團



團小者爲繡毬團中有一種紅繡毬但與粉團之名不相侔耳蘇毬海桐俱可接繡毬 按粉團出於閩故俗呼洋繡毬其花初青後粉紅又有變爲碧藍色者未復變青一花可經數月見日卽萎遇麝卽殞置陰溼穢溷

則花大且久登之益益遠其性矣

錦帶 益部方物記苒苒其條若不自持綠葉丹英蔓衍

分垂右錦帶花蜀山中處處有之長莠柔纖花葉間側

如藻帶然因象作名花開者形似飛鳥里人亦號鬢邊

嬌

錦帶



澗水燕談錄胸山有花類海棠而枝長花尤密惜其不香無子旣開繁麗孌孌如曳錦帶故淮南人以錦帶目之王元之以其名俚命之曰海仙

珍珠繡毬 珍珠繡毬黑莖瘦硬葉有歧似魚兒牡丹


葉而小開五瓣小白花攢簇如毬

珍珠繡毬



野繡毬 野繡毬如繡毬花葉小有毛開五瓣小白花

野繡毬



攢簇極密而不圓

美人蕉 楓廳小牘廣中美人蕉大都不能過霜節惟

鄭皇后宅中鮮茂倍常盆盎溢坐不獨過冬更能作花  
羣芳譜美人蕉產福建福州府者其花四時皆開深紅  
照眼經月不謝中心一朵曉生甘露又有一種葉與他

美人蕉



蕉同中出紅葉一片者一種葉瘦類蘆蓆花正紅如榴  
花日坼一兩葉其端一點鮮綠可愛者俱亦有美人蕉  
之名 按閩廣紅蕉並非北地所生美人蕉但同名耳  
余在廣東見之北地生者結黑子如豆極堅種之即生

羣芳卷之二十六 珍珠繡毬 野繡毬 美人蕉 鐵線海棠 翠梅 金燈 獅子頭

羣芳卷之二十六 珍珠繡毯 野繡毯 美人蕉 鐵線海棠 翠梅 金燈 獅子頭

鐵線海棠 鐵線海棠花葉細莖似虞美人開花似秋


海棠而大黃蕊綠心狀極柔媚

鐵線海棠



翠梅 翠梅矮科柔蔓開四瓣藍花而背粉紅如紅梅

翠梅



金燈 金燈細莖葉如萬壽菊葉而細開五小瓣黃

花圓扁頭有小缺如三葉酸葉

金燈



獅子頭 獅子頭即千葉石竹花瓣極多開放不盡初

獅子頭



開之瓣已披後開之瓣方長一花之上仰垂各異徒有  
縹麗殊乏整齊

晚香玉

晚香玉北地極多南方間種之葉梗俱似萱

草莖稍夏發莖莢數十枚旋開旋生長開五瓣尖花如  
石榴花蒂而長晚時香濃

晚香玉



小翠

小翠柔莖長葉如初生柳葉開茄紫花如蠶豆花

羣芳卷之二十六

晚香玉

小翠

長春花

鬘子粟

野鳳仙花


小翠

長春花

長春花柔莖葉如指頗光潤六月中開五瓣

小紫花背白逐葉發小莖開花極繁結長角有細黑子  
自秋至冬開放不輟不經霜雪不萎故名

長春花



羣芳卷之二十六 晚香玉 小翠 長春花 罌子粟 野鳳仙花

罌子粟

開寶本草罌子粟味甘平無毒主丹石發動  
不下食和竹瀝煮作粥食之極美一名象穀一名米囊  
一名御米花紅白色似鶻箭頭中有米亦名囊子罌粟  
殼去穰帶醋炒入痢藥用

圖經罌子粟舊不著所出州土今處處有之人家園庭  
多蒔以爲飾花有紅白二種微腥氣其實作瓶子似鶻  
箭頭中有米極細種之甚難圃人隔年糞地九月布子  
涉冬至春始生苗極繁茂矣不爾種之多不出出亦不  
茂俟其瓶焦黃則採之主行風氣驅逐邪熱治反胃胸  
中痰滯及丹石發動亦可合竹瀝作粥大佳然性寒利  
大小腸不宜多食食過度則動膀胱氣耳南唐食醫方  
療反胃不下飲食罌粟粥法白罌粟米二合人參末三  
大錢生山芋五寸長細切研三物以水一升二合煮取  
六合入生薑汁及鹽花少許攪勻分二服不計早晚食  
之亦不妨別服湯丸 按罌粟花唐以前不著錄開寶  
本草收入米穀下品宋時尙罌粟湯但其穀粟功用僅

止瀉斂爲洩痢之藥明時一粒金丹多服爲害近來阿  
芙蓉流毒天下與斷腸草無異然其罪不在花也列之  
羣芳

罌子粟



野鳳仙花

野鳳仙花生廬山寺庵砌石間莖葉與鳳

仙花無異而根甚紫春時梢端發細莖開花紅紫亦如  
鳳仙花有細白蕊經歷數月喜陰畏日亦野中之嬌  
豔者與滇南水金鳳同此生於山耳

野風仙花




龍頭木樨

龍頭木樨長沙園圃有之獨莖長葉附莖  
攢生似初生百合葉而柔秋開黃花如豆花有柄橫翹

香如木樨故名

龍頭木樨



羣芳卷之二十六 龍頭木樨

# 植物名實圖考卷之二十七

固始吳其濬著

蒙自陸應穀校刊

羣芳

藍菊

蜜萱

淨瓶

如意草

鐵線蓮

水木樨

萬壽菊

野茉莉

翠雀

金雀

玉桃

滿天星

蔦蘿松

金箴

金絲桃

千日紅

虎掌花

荷包牡丹

秋海棠

金錢花

玉蝶梅

松壽蘭

望江南

半邊月

吉祥草

貼梗海棠

盤內珠

藍菊

藍菊蒿莖菊葉先菊開花亦如千瓣菊有紅白藍三色種亦有粗細以藍色為秋菊所無故獨以藍著其早者六月中開故又呼六月菊花鏡藍菊翠藍黃心似單葉菊但葉尖長邊如鋸齒不與菊同

藍菊



玉桃

玉桃葉如芭蕉抽長莖開花成串花苞如小綠桃



花開露瓣如黃蝴蝶花稍大偶一有之故人罕見花鏡  
有地湧金蓮差相彷彿

玉桃



蜜萱 蜜萱萱之蜜色者花葉俱細弱不易植



蜜萱

滿天星 滿天星野菊中之別種密瓣無數大於野菊或  
謂黃菊不擡頭則瓣小花多然菊中自有一種千瓣小

菊雖摘頭亦如此

滿天星



淨瓶 淨瓶細莖長葉如石竹開五瓣粉紫花如洋長春

淨瓶



羣芳卷之二十七 蜜萱 滿天星 淨瓶 蕙蘿松 如意草 金篋

羣芳卷之二十七 蜜萱 滿天星 淨瓶 蔦蘿松 如意草 金箴

而花跗如小瓶甚長故名

蔦蘿松 蔦蘿松蔓生細葉如松鍼開小筍子花似丁香

而瓣長色殷紅可愛結實如牽牛子而小



蔦蘿松

如意草 如意草鋪地生如車前開四瓣翠藍花有柄橫

翹如翠雀而小

如意草

金箴 金箴細莖長葉如指甲開五瓣小黃花比金雀稍

大

金箴



鐵線蓮

花鏡鐵線蓮一名番蓮或云卽威靈仙以其本  
細似鐵線也苗出後卽當用竹架扶持之使盤旋其上  
葉類木香每枝三葉對節生一朵千瓣先有包葉六瓣  
似蓮先開內花以漸而舒有似鵝毛菊性喜燥宜鵝鴨  
毛水澆其瓣最緊而多每開不能到心卽謝亦一悶事  
春開壓土移栽

鐵線蓮



金絲桃

花鏡金絲桃一名桃金娘出桂林郡花似桃而  
大其色更頰中莖純紫心吐黃鬚鋪散花外儼若金絲  
八九月實熟青紺若牛乳狀其味甘可入藥用如分種

水木樨

花鏡水木樨一名指甲枝軟葉細五六月開細

水木樨



金絲桃



當從根下劈開仍以土覆之至來年移植便活

羣芳卷之二十七 鐵線蓮 金絲桃 水木樨 千日紅 萬壽菊 虎掌花

羣芳卷之二十七 鐵線蓮 金絲桃 水木樨 千日紅 萬壽菊 虎掌花

黃花頗類木樨中多細鬚香亦微似其本叢生仲春分

種 千日紅 花鏡千日紅本高二三尺莖淡紫色枝葉婆娑

夏開深紫色花千瓣細碎圓整如球生於枝杪至冬葉  
雖萎而花不焉婦女採簪於鬢最能耐久略用淡礬水  
浸過眼乾藏於盆來年猶然鮮麗子生瓣內最細而黑  
春間下種即生喜肥



千日紅

萬壽菊 花鏡萬壽菊不從根發春間下子花開金色  
繁而且久性極喜肥 按萬壽菊有二種小者色豔日

照有光如倭段大者名臭芙蓉皆有臭氣



萬壽菊

虎掌花 虎掌花襄陽山中有之草本綠莖葉如牡丹葉

虎掌花



紫花似千瓣當花而瓣稍短中吐粗紫心一莖他處渺見

**野茉莉** 野茉莉處處有之極易繁衍高二三尺枝葉紛


披肥者可蔭五六尺花如茉莉而長大其色多種易變

子如豆深黑有細紋中有瓢白色可作粉故又名粉豆

花曬乾作蔬與馬蘭頭相類根大者如拳黑硬俾醫以

治吐血

野茉莉



**荷包牡丹** 花鏡荷包牡丹一名魚兒牡丹以其葉類

牡丹花似荷包亦以二月開因是得名一幹十餘朵紫

葉相比枝不能勝壓而下垂若俛首然以次而開色最

嬌豔根可分栽若肥多則花更茂而鮮黃梅雨時亦可

扞活 按此花北地極繁過江漸稀或以爲即當歸誤

荷包牡丹



**翠雀** 翠雀京師圃中多有之叢生細綠莖高三四尺葉

多花又如芹葉而細柔梢端開長柄翠藍花橫翹如雀

登枝故名

翠芳卷之二十七 野茉莉 荷包牡丹 翠雀 秋海棠 金雀 金錢花

羣芳卷之二十七 野茉莉 荷包牡丹 翠雀 秋海棠 金雀 金錢花

翠雀



秋海棠

羣芳譜秋海棠一名八月春草本花色粉紅甚

秋海棠




嬌豔葉綠色此花有二種葉下紅筋者為常品綠筋者有雅趣枝上有種落地明年自生夏便開黔醫云根治婦科血證

金雀

羣芳譜曰叢生莖褐色高數尺有柔刺一簇數葉

花生葉旁色黃形尖旁開兩瓣勢如飛雀春初即開

金雀



金錢花

酉陽雜俎金錢花本出外國名曰毘尸沙一名

日中金錢俗名翦金花梁大同二年進來中土豫州掾

屬以雙陸賭金錢金錢盡以金錢花相足魚洪謂得花

勝得錢

羣芳譜一名子午花一名夜落金錢又有一種銀錢



金錢花


玉蝶梅 玉蝶梅產贛州蔓生紫藤厚葉面青有助紋背

白光滑如紙圃中多植之贛州志作玉疊梅云各邑皆

花白色藤本

羣芳卷之二十七 玉蝶梅 吉祥草 松壽蘭 貼梗海棠 望江南

玉蝶梅



吉祥草 談蒼吉祥草蒼翠如建蘭而無花不藉土而能

活涉冬不枯遇大吉事則花開

吉祥草




羣芳卷之二十七 玉蝶梅 吉祥草 松壽蘭 貼梗海棠 望江南

松壽蘭

松壽蘭產贛州形狀極類吉祥草葉微寬花六出稍大冬開盆盎中植之秋結實如天門冬實色紅紫有尖滇南謂之結實蘭土醫云味甘辛治筋骨痿用根浸酒加虎骨膠治遺精加骨碎補

松壽蘭



貼梗海棠

貼梗海棠叢生單葉綴枝作花聲口深紅無香新正即開田塍間最宜種之花鏡云有四季花者滇南結實與木瓜同俗呼木瓜花其瓜入藥用春間漬以糖或鹽以充果實蓋取其酸澀以資收斂也

貼梗海棠



望江南

望江南生分宜山麓田塍叢生一莖一葉葉如蓖麻而大多花又深鋸齒糙緣有微毛抽葶發又開黃花如長瓣細菊花綠蒂長半寸許如萬壽菊野花大朵此為碩豔

望江南





盤內珠 盤內珠生廬山褐莖叢生對節發枝葉似橘葉

梢端抽莖結青膏葵如茉莉而白圓如珠層層攢綴下

垂開五尖瓣花黃心數點土人以其白苞勻圓故名


盤內珠



半邊月 半邊月生廬山小樹枝攢生梢頭葉似繡毬花

葉而窄粗紋極類春開五瓣短笛子花外白內紅似杏

花而尖多蕊



半邊月

# 植物名實圖考卷之二十八

固始吳其濬著

蒙自陸應穀校刊

羣芳

風蘭 又一種

雪蕙

春蘭

朵朵香

夏蕙

大綠蘭

元日蘭

大理風蘭

大硃砂蘭

佛手蘭

獨占春

朱蘭

虎頭蘭

雪蘭 又一種

小綠蘭

蓮瓣蘭

火燒蘭

五色蘭

小硃砂蘭

天蒜

## 風蘭

蘭花雙葉草

黃花獨蒜

鴨頭蘭花草

象牙參


紅花小獨蒜

羊耳蒜

鷺鷥蘭

小紫含笑

●風蘭生雲南作叢望之如碧蘆葉微包莖潤肥對排  
花與淨瓶無異此種植之盆缶亦茂



風蘭 一

①一名 淨瓶 風蘭生雲南臨安橫根根上先生綠實大如甜

瓜有棱形似田家磳磳實上生長柄二葉闊寸許光

潤無瑕中抽莖開花先有黃籜籜坼落而花見色皓潔

如雪蘭中二瓣窄細舌有黃粉邊茸茸如翦絨莖花欹



瓜蘭二

弱翩反欲舞懸之風中不萎桂馥札璞五月開口淨瓶

似瓜生石上兩葉一大一小廣寸許花如雪蘭而小即此

獨占春 獨占春與虎頭蘭花同而色白潤潔無纖縷心

有稀疎褐點開久近帶處微頰幽香雖乏靜趣彌長一

莖一花葉細柔同素心蘭其兩三花者為雪蘭



獨占春

羣芳卷之二十八 獨占春 雪蕙 朱蘭 春蘭 虎頭蘭

羣芳卷之二十八 獨占春 雪蕙 朱蘭 春蘭 虎頭蘭



雪蕙



朱蘭

雪蕙 雪蕙生雲南一枝數花秋未開

朱蘭 朱蘭雲南山中有之葉光潤似銅紫蘭而寬冬間

初紅漸淡有香

春蘭 春蘭葉如甌蘭直勁不欹一枝數花有淡紅淡綠

者皆有紅縷瓣薄而肥異於他處亦具香味



春蘭

虎頭蘭 虎頭蘭碩大多紅絲心尤斑斕有色無香能耐



虎頭蘭

霜雪又一種色綠無紅縷者名碧玉蘭將殘始露赤脈



朵朵香

雪蘭

朵朵香 朵朵香細葉柔韌一箭一花綠者團肥宛如燃

蠟黃者瘦長縷以朱絲皆饒清馥又有一箭兩花者名

雙飛燕

●雪蘭大如虎頭蘭色白微頰心如渥丹一枝或一花

或兩花無香



雪蘭一


●雪蘭此又一種細瓣綠繞中心似笛紅黃渲染亦乏

翠芳卷之二十八 朵朵香 雪蘭 夏蕙 小綠蘭 大綠蘭


羣芳卷之二十八 茱茱香 雪蘭 夏蕙 小綠蘭 大綠蘭

香氣

雪蘭二



夏蕙



夏蕙

大理

夏蕙葉直如劍迎風不動一莖數花鵝黃色

五六月開幽香不減素蘭

小綠蘭

小綠蘭葉柔綠幹綠花白舌一莖四五花名春

綠又名雲蘭出蒼山石壁香幽和品最貴常在雲氣中也

小綠蘭



大綠蘭

大理

大綠蘭一本十餘葉一幹十餘花花綠舌

紅高出葉外名冬綠

蓮瓣蘭

蓮瓣蘭有紅綠白黃各色白者香尤烈



大綠蘭

元日蘭

旦開

元日蘭即蓮瓣之一種葉瘦如韭花白如玉元



蓮瓣蘭

羣芳卷之二十八

蓮瓣蘭

元日蘭

火燒蘭

大理風蘭

五色蘭

大硃砂蘭

火燒蘭

火燒蘭滇山皆有之葉粗黃花背黑似火燒者

元日蘭



火燒蘭



翠芳卷之二十八 蓮瓣蘭 元日蘭 火燒蘭 大理風蘭 五色蘭 大硃砂蘭

花碧香烈春杪盛開

大理風蘭

風蘭葉短幹長花碧生石厓古木上挂檐

間即活



大理風蘭

五色蘭

大理

五色蘭葉柔小一枝十餘花紅黃紫綠互相


間雜滇南蘭之最異者士女珍佩之

五色蘭

大硃砂蘭

大理

大硃砂蘭葉長闊一莖數十花朱色秋



大硃砂蘭



開  
小硃砂蘭  
理大  
小硃砂蘭葉短一莖數花尤韻



小硃砂蘭

佛手蘭 佛手蘭生雲南根如蒜大於蔓菁環生衆根如

九子芋葉長二三尺似護草寬寸餘光滑細膩同文殊  
蘭而根色深紫突出土上葉傍迸莖扁闊挺立發苞孕  
蕾花在苞中鉤屈如佛手柑故名花形開放逼似玉簪  
紫豔照耀內外六瓣瓣外紫內白中亦紫稍淡五六長  
鬚黑紫端有橫蕊深黃一苞五六花先後參差可半月  
餘然老本亦僅一箭新莖未易有花也

翠芳卷之二十八 小硃砂蘭 佛手蘭 天蒜 蘭花雙葉草 紅花小獨蒜 黃花獨蒜

天蒜 天蒜雲南圃中植之根葉與佛手蘭無異唯花色



佛手蘭




天蒜

羣芳卷之二十八 小硃砂蘭 佛手蘭 天蒜 蘭花雙葉草 紅花小獨蒜 黃花獨蒜

純白紫鬚繚繞橫綴黃蕊按閩中金燈花亦名天蒜末知與此同異

蘭花雙葉草 蘭花雙葉草生滇南山中雙葉似初生

玉簪葉微有紫點抽短莖開花如蘭上一大瓣下瓣微小兩瓣傍抱中舌厚三四分如人舌正圓色黃白中凹嵌一小舌如人咽色深紫花瓣皆紫點極濃土醫云此真蘭花雙葉草也滇本草所載即此



蘭花雙葉草

紅花小獨蒜 紅花小獨蒜根如小蒜大如指葉如初

生茅草高五六寸傍發紫箭開小紫紅花五瓣微尖亦

似蘭花而極小心尤嬌豔土人云與黃花者一類大小

二種



紅花小獨蒜

黃花獨蒜一名老鴉蒜 黃花獨蒜生雲南山中根如小蒜葉

似初生櫻葉而窄又似虎頭蘭葉而短有皺傍發箭開

五瓣黃花紫紅心似蘭花白及輩而瓣圓短

羊耳蒜

羊耳蒜生滇南山中獨根大如蒜赭色初生一葉如玉簪葉即從葉中發葶開褐色花中一瓣大如小指甲夾以二尖瓣又有三尖鬚翹起蓋黃花小獨蒜之

羊耳蒜



黃花獨蒜

羣芳卷之二十八

羊耳蒜

鴨頭蘭花草

鸞鸞蘭

象牙參

小紫含笑

種族

鴨頭蘭花草

鴨頭蘭花草生雲南太華諸山黑根細短尖葉內翕抱莖齊生似玉簪抽葶葉而長又肥內綠外淡有直勒道莖梢發又開白綠花微似蘭花有柄長幾及寸三瓣品列中瓣後復有一大瓣色淡花心有紫暈微凸心下近莖出雙尾白縷如剪燕尾分翹野卉中具纖巧之致

鴨頭蘭花草



鸞鸞蘭

鸞鸞蘭雲南圃中多有之葉如護草翁而皺夏抽葶開花六瓣六蕊瓣白蕊黃間以細鬚志謂之鸞鸞毛以其潔白纖細如執鸞羽舒苞襯葶沐露刷風佇立

羣芳卷之二十八 羊耳蒜 鴨頭蘭花草 鸞鷲蘭 象牙參 小紫含笑

階墀靜態彌永桂馥札璞謂爲蘭之別派無香有韻覺  
虎頭碩大神意皆癡



虎頭蘭

象牙參 象牙參生滇南山中初茁芽卽作苞開花如白

及花而多窄瓣一苞四五朵陸續開放花罷生葉似吉

祥草而闊根如麥門冬士醫云治半身不遂痿痺弱證

象牙參

小紫含笑 小紫含笑生雲南山中紫莖抱葉梢垂紫

苞圍口如笑內露黃白瓣掩映參差難爲形擬一名青

竹蘭



小紫含笑

# 植物名實圖考卷之二十九

固始吳其濬著

蒙自陸應穀校刊

羣芳

佛桑

金蝴蝶

野丁香

白刺花

小雀花

燈籠花

滇丁香

地湧金蓮

壓竹花

鐵線牡丹

蓮生桂子花

黃連花

牛角花

報春花

素興花

荷苞山桂花

藏丁香

丈菊

藏報春

七里香

草葵

草玉梅

藕花

珍珠梅

海仙花

綠葉綠花

野梔子

白薔薇

野蘿蔔

緬梔子

白蝶花

佛桑

佛桑一名花上花雲南有之嶺南雜記佛桑與扶

桑正相似中心起樓多一層花瓣南越筆記佛桑一名

花上花花上複花重臺也即扶桑蓋一類二種又楊慎

外集朱槿之紅鮮重臺者永昌名之曰花上花徐霞客

遊記永昌花上花者葉與枝似木槿而花正紅閩中扶

桑相類但扶桑六七朵並攢爲一花此花一朵四瓣從

心中又抽出疊其上殷紅而開久自春至秋猶開雖插

地輒活如柳然植庭左則活右則否亦甚奇也檀萃

虞衡志謂佛桑不應改為扶桑殊欠考詢

佛桑



蓮生桂子花

蓮生桂子花雲南園圃有之細根叢苗

青莖對葉葉似桃葉微闊夏初葉際抽枝參差互發一枝蓓蕾十數長柄柔綠圓苞搖丹頗似垂絲海棠初開五尖瓣紅花起臺生小黃筒子五枝簇如金粟筒中復有黃鬚一縷內嵌淡黃心微突此花大僅如五銖錢朱英下揭蕊蕊上擎宛似別樣蓮花中撐出丹柱也結角如婆婆鍔線包而上蠶絨白子紅老即迸飛


蓮生桂子花

金蝴蝶

金蝴蝶生雲南圃中細莖如蔓葉對生如石



金蝴蝶



竹而長色綠微勁夏開五瓣紅花似翦秋羅初開每瓣

有一缺饒曼娜之致


### 黃連花

黃連花獨莖亭亭對葉尖長四月中稍開五

瓣黃花如迎春花繁密微馨昆明鄉人擬售於市因其

色黃強爲之名

黃連花



### 野丁香

野丁香生雲南山坡高尺許赭莖甚勁數葉

攢簇層層生發花開葉間宛似丁香亦有紫白二種

羣芳卷之二十九 黃連花 野丁香 牛角花 白刺花 報春花 小雀花

野丁香

### 牛角花

牛角花生雲南平野鋪地叢生綠莖纖弱發

牛角花



羣芳卷之二十九 黃連花 野丁香 牛角花 白刺花 報春花 小雀花

又處生二小葉又附生短枝三葉莖梢開花如小豆花  
又似槐花有黃紫白三種春疇匪隴燦如雜錦土人以  
小葩上翹結角尖彎故名牛角

### 白刺花

白刺花生雲南田膠長條橫刺刺上生刺就  
刺發莖如初生槐葉春開花似金雀而小色白鼻鼻下  
垂瓣皆上翹園田以為藥

白刺花



### 報春花

報春花生雲南鋪地生葉如小葵一莖一葉  
立春前抽細莖發杈開小笛子五瓣粉紅花瓣圓中有

小缺無心盆盎山石間簇簇遞開小草中頗有綽約之  
致按傅元紫華賦序紫華一名長樂生於蜀蘇頌亦有  
長樂花賦遵義府志引益部談資云長樂花枝葉皆如  
虎耳草秋後叢生盆盎間開紫色小花冬末轉盛鮮麗  
可愛居人獻歲以此為餽名曰時花核其形狀當即此  
花今滇俗亦以歲晚盆景

報春花



### 小雀花

小雀花生雲南山坡小樹高數尺瘦幹細韌  
春開小粉紅花附枝攢簇形如豆花而小瓣皆雙合上



覆下仰色極嬌韻花罷生葉



小雀花

素興花

素興花生雲南蔓生藤葉俱如金銀花花亦  
相類初生細柄如絲長苞深紫裊裊滿架漸開五瓣圓  
長白花淡黃細蕊一縷外吐香濃近濁亦有四季開者  
滇略云南詔段素興好之故名志謂卽素馨殊與粵產  
不類蒙化廳有紅素興又有雞爪花相類而香遜檀萃  
滇海虞衡志以爲卽與茉莉爲儔同出番禺之素馨未  
免刻畫無鹽唐突西施

燈籠花

燈籠花昆明僧寺中有之藤老蔓雜小葉密



素興花

燈籠花



羣芳卷之二十九 素興花 燈籠花 荷包山桂花 滇丁香 藏丁香

羣芳卷之二十九 素興花 燈籠花 荷包山桂花 滇丁香 藏丁香

排糙澀無紋俱如絡石春開五稜紅笛子花長幾徑寸  
五尖翻翹色獨新綠黃鬚數莖如鈴下垂僧云移自騰  
越余以爲山中石血之別派耳

### 荷包山桂花

荷包山桂花生雲南山中小木綠枝葉

如橘葉翻反下垂葉間出小枝開花作穗淡黃長瓣類

小豆花花未開時綠蒂扁苞纒纒滿樹宛如荷包形故

名近之亦有微馨

荷包山桂花



### 滇丁香

丁香生雲南圃中木本如藤葉如枇杷葉微

尖而光夏開長柄笛子花如北地丁香成簇而五瓣團  
團大逾紅梅柔厚嬌嫩又似秋海棠中有黃心兩三點  
有色鮮香故不甚重

滇丁香




### 藏丁香

藏丁香或云種自西藏來枝幹同滇丁香葉

糙有毛開花白色有香故勝

地湧金蓮

地湧金蓮生雲南山中如芭蕉而葉短中



地湧金蓮



顯丁香

羣芳卷之二十九 地湧金蓮 丈菊 壓竹花 藏報春 鐵線牡丹

丈菊

羣芳譜丈菊一名迎陽花莖長丈餘幹堅粗如竹葉類麻多直生雖有傍枝只生一花大如盤盃單瓣色白帶久崩大腸下血亦可固脫

丈菊



羣芳卷之二十九 地湧金蓮 丈菊 壓竹花 藏報春 鐵線牡丹

黃心皆作窠如蜂房狀至秋漸紫黑而堅取其子種之甚易生花有毒能墮胎云 按此花向陽俗間遂通呼向日葵其子可炒食微香多食頭暈滇黔與南瓜子西瓜子同售於市

**壓竹花** 壓竹花一名秋牡丹雲南園圃植之初生一

莖一葉如牡丹葉濃綠糙澀抽莖高二尺許附莖葉微似菊葉尖長多叉莖端分叉又抽細莖打苞宛如罌粟秋開花如千層菊深紫縹豔大徑寸餘綠心黃莖蕊擎




壓竹花

金粟一本可開月餘

**藏報春** 藏報春滇南圃中植之葉如蜀葵葉多尖叉

就根生葉長柄肥柔春初抽莖開花如報春稍大跗下作苞花出苞上一莖數層一層四五苞與報春同時而不如報春繁縟耐久滇近藏凡花以藏名者異之也

藏報春



**鐵線牡丹** 鐵線牡丹生雲南圃中大致類罌粟花土


醫云性溫能散暖筋除風濕治跌打損傷搗細入無灰酒煮熱包敷患處

七里香

香

七里香

七里香生雲南開小白花長穗如麥近之始



鐵線牡丹

羣芳卷之二十九

七里香

草葵

野梔子

草玉梅

白薔薇

繡花

野蘿蔔花

草葵

草葵生雲南黃花五出而三二瓣分開形幾近方

草葵

野梔子

野梔子生雲南秋開花如梔子

野梔子



羣芳卷之二十九 七里香 草葵 野梔子 草玉梅 白薔薇 繡花 野蘿蔔花

草玉梅

如積粉

草玉梅生雲南鋪地生葉抽葶開尖瓣白花

草玉梅



白薔薇

白薔薇

白薔薇滇南有之五瓣黃蕊莖紫葉如茶蘼



香達數里

繡花

雪蓋初生者根可黏物故名

繡花生雲南黃花四出如桂葉在頂上者獨白如

繡花



野蘿蔔花

野蘿蔔

野蘿蔔花生雲南細莖長葉秋開花五瓣



色如靛

珍珠梅

珍珠梅白花數十朵爲毬春開



珍珠梅

緬梔子

緬梔子臨安有之綠幹如桐葉如瑞香葉凸

脈勁峭蟲生幹上葉脫處有痕斑斑如蘇紋

羣芳卷之二十九

珍珠梅

緬梔子

海仙花

白蝶花

綠葉綠花

海仙花

海仙花生雲南海邊紫莖獨挺繁花層綴五

瓣缺唇嬌紅奪目土人夏日持售於市曰三台花以花作三層也其葉如菖苳

海仙花



緬梔子

羣芳卷之二十九 珍珠梅 緬梔子 海仙花 白蝶花 綠葉綠花

白蝶花 白蝶花生雲南山中長葉抱莖開大白花三

瓣品列內復擎出白瓣形如蜂蝶雙翅首尾宛然具足  
大瓣下又出一尾長三寸許質既皓潔形復詭異秋風  
披拂栩栩欲活




白蝶花

綠葉綠花 綠葉綠花生雲南山中綠葉對苗如白及

而短抽矮莖梢端開花如羣蛙據草綠背白足鼻鼻欲  
墜亦可名綠蟾蜍花

綠葉綠花





# 植物名實圖考卷之三十

固始吳其濬著

蒙自陸應穀校刊

羣芳

- 頰桐
- 木棉
- 夜合花
- 鳳皇花
- 素馨
- 文蘭樹
- 彩蝶
- 鴨子花
- 朱錦
- 百子蓮
- 夾竹桃
- 含笑
- 賀正梅
- 末利
- 夜來香
- 黃蘭
- 馬纓丹
- 鶴頂
- 西番蓮
- 珊瑚枝

羣芳卷之三十 目錄 頰桐 夾竹桃 木棉

穠冠花

換錦花

鈴兒花

華蓋花

玲甲花

水蠟燭

油葱

鐵樹


喝呼草

頰桐

南方草木狀頰桐花嶺南處處有自初夏生至秋

蓋草也葉如桐其花連枝萼皆深紅之極者俗呼貞桐花貞音訛也 按頰桐廣東徧地生移植北地亦易繁

頰桐



衍京師以其長鬚下垂如垂絲海棠呼為洋海棠其莖中空冬月密室藏之春深生葉插枝亦活

夾竹桃 李衍竹譜夾竹桃自南方來名拘那夷又名

拘拏兒花紅類桃其根葉似竹而不勁足供盆檻之玩  
閩小記曾師建園中記南方花有北地所無者閣提菜  
莉俱那異皆出西域盛傳園中枸那衛即枸那異夾竹  
桃也

夾竹桃




木棉 本草綱目李時珍曰交廣木棉樹大如抱其枝似

木棉

桐其葉大如胡桃葉入秋開花紅如山茶花黃蕊花片極厚為房甚繁短側相比結實大如拳實中有白棉棉中有子今人謂之斑枝花訛為攀枝花李延壽南史所謂林邑諸國出古貝花中有鵝毳抽其緒紡為布張勃吳錄所謂交州永昌木棉樹高過屋有十餘年不換者實大如盃花中棉輒白可為縑絮及毛布者皆指似木之木棉也

木棉



嶺南雜記木棉樹大可合抱高者數丈葉如香樟瓣極厚一條五六葉正二月開大紅花如山茶而蕊黃色結

子如酒盃老則拆裂有絮茸與蘆花相似花開時無葉花落後半月始有新綠葉其絮土人取以作裯褥海南蠻人織以為巾上出細字花卉尤工乃名曰吉貝即古所謂白疊布今詢之粵人亦無有織作者或別是一種耳廣州閩武廳前與南海廟各一株甚大開時赤光照耀坐其下如入朱明之洞也 按廣西通志木棉嶺西最易生或取以作衣被輒致不仁之疾以為吉貝誤之甚矣李時珍以木棉與棉花並入隰草亦攷之未審

**含笑** 捫蝨新話含笑有大小小含笑香尤酷烈又有紫含笑予山居無事每晚涼坐山亭中忽聞香一陣滿室郁然知是含笑開矣南越筆記含笑與夜合相類大含笑則大半開小含笑則小半開半開多於曉一名朝合小含笑白色開時蓓蕾微展若齒莖之未敷香尤酷烈古詩云大笑何如小笑笑紫花那似白花粧又有紫含笑初開亦香是子瞻所稱涓涓泣露暗麝著人者羅浮夜合含笑其大至合抱開時一谷皆香亦異事也

羣芳卷之三十 含笑 夜合花 賀正梅 鳳皇花 末利

藝花譜含笑花產廣東花如蘭開時常不滿若含笑然隨即凋落



含笑

**夜合花**

夜合花產廣東木本長葉花青白色曉開夜

夜合花



羣芳卷之三十 含笑 夜合花 賀正梅 鳳皇花 末利

合

賀正梅

賀正梅似梅而小廣東歲朝植之盆盎



賀正梅

鳳皇花

鳳皇花樹葉似槐生於澳門之鳳皇山開黃

花經年不歇與葉相埒深冬換葉時花少減結角子如

麩豆今園林多植之或云洋種也 按嶺南雜記金鳳

花色如鳳心吐黃絲葉類槐余在七星巖見之從僧乞

歸其子種之不生

末利

末利見南方草木狀本草綱目列於芳草此草花

雖芬馥而莖葉皆無氣味又其根磨汁可以迷人未可

末利



鳳皇花



與芷蘭爲伍退人羣芳祇供簪髻

### 素馨

南方草木狀耶悉茗花末利花皆胡人自西國移植於南海南人愛其芳香競植之陸賈南越行紀曰南越之境五穀無味百花不香此二花特芳香者緣自別國移至不隨水土而變與夫橘北爲枳異矣彼之女子以綵線穿花心以爲首飾

素馨



桂海虞衡志素馨花比番禺所出爲少常有風土差宜故也

龜山志素馨舊名耶悉茗一名野悉密昔劉王有侍女名素馨其冢上生此花因名

嶺外代答素馨花番禺甚多廣右絕少土人尤貴重開時旋掇花頭裝於他枝或以竹絲貫之賣於市一枝二文人競買戴

嶺南雜記素馨較茉莉更大香最芬烈廣城河南花田多種之每日貨於城中不下數百擔以穿花鑿綴紅黃佛桑其中婦女以綵線穿花繞髻而花田婦人則不簪一蕊也


南越筆記素馨本名耶悉茗珠江南岸有村曰莊頭周里許悉種素馨亦曰花田婦女率以味爽往摘以天未明見花而不見葉其稍白者則是其日當開者也既摘覆以溼布毋使見日其已開者則置之花客涉江買以歸列於九門一時穿燈者作串與瓔珞者數百人城內外買者萬家富者以斗斛貧者以升其量花若量珠然花宜夜乘夜乃開上人頭髻乃開見月而益光豔得人

羣芳卷之三十 素馨 夜來香 文蘭樹

氣而益馥竟夕氤氳至曉猶有餘香懷之辟暑吸之清肺氣花又宜作燈雕玉鏤冰瓊瓏四照遊冶者以導車馬楊用修稱粵中素香燈為天下之絕豔信然兒女以花蒸油取液為面脂頭澤謂能長髮潤肌或取蓓蕾雜佳茗貯之或帶露置於瓶中經信宿以其水點茗或作格懸繫甕口離酒一指許以紙封之旬日而酒香徹其為龍涎香餅香串者治以素馨則韻味愈遠隆冬花少曰雪花摘經數日仍開夏月多花瓊英狼藉入夜滿城如雪觸處皆香信粵中之清麗物也

夜來香 夜來香產閩廣蔓生葉如山藥葉而寬皆仰

夜來香



合不平展秋開碧玉五瓣花夜深香發清味如茶北地亦植之頗畏寒廣中以其多陰藏地委之雖落閩人云斷腸草經野燒三次即變此花猶有毒云

文蘭樹 文蘭樹產廣東葉如葦草而闊長白花似玉

簪而小園亭石畔多栽之 按此草近從洋舶運至北地亦以秋開南越筆記文殊蘭葉長四五尺大二三寸而寬花如玉簪如百合而長大色白甚香夏間始開是皆蘭之屬江西湖南間有之多不花土醫以其汁治腫

文蘭樹



毒因有秦瓊劍諸俚名

黃蘭 黃蘭產廣東或云洋種今徧有之叢生硬莖葉似茉莉花如蘭而黃極芳烈

黃蘭

黃蘭



彩蝶 彩蝶產廣東莖葉如秋海棠翠花長蕊野生山間

彩蝶



種不常見

馬纓丹 南越筆記馬纓丹一名山大丹花大如盤蕊時凡數十百朵每朵攢集成毬與白繡毬花相類首夏

時開初黃色蕊鬚如丹砂將落復黃黃紅相間光豔炫目開最盛最久八月又開有以大紅繡毬名之者又以其瓣落而枝蠹起槎枒甚與珊瑚柯條相似又名珊瑚毬言大紅繡毬者以開時也言珊瑚毬者以落時也按馬纓丹又名龍船花以花盛開時值競渡故名

馬纓丹




鴨子花 鴨子花產廣東似蓼而大葉長數尺以其花

羣芳卷之三十 黃蘭 彩蝶 馬纓丹 鴨子花 鶴頂 朱錦 西番蓮

羣芳卷之三十一 黃蘭 彩蝶 馬纓丹 鴨子花 鶴頂 朱錦 西番蓮

如小鴨故名



鴨子花

鶴頂 鶴頂產廣東又名呂宋玉簪葉如射干葉花六瓣



鶴頂

深紅黃蕊似山丹而瓣圓大

朱錦 朱錦產廣東叢生林麓極易繁衍葉如月季花葉

花有紅黃二種如小牡丹苞如木芙蓉婦女常簪之

朱錦



西番蓮 卽轉心蓮 南越筆記西番蓮其種來自西洋蔓

細如絲朱色綠縹離間花初開如黃白蓮十餘出久之十餘出者皆落其蕊復變而爲鞠瓣爲蓮而蕊爲鞠以蓮始而以鞠終故又名西洋鞠



四番蓮

百子蓮

百子蓮產廣東或云洋種廿年前不知其異

百子蓮



羣芳卷之三十 百子蓮 珊瑚枝

也色極嬌麗一花經數日不焉婦女競簪之價始高近  
日種植較多矣

珊瑚枝

珊瑚枝產廣東或云番種不知其名花圃以  
形似名之 按南越筆記謂馬纓丹花落而生槎杈人

呼為珊瑚毬或誤以為一種

珊瑚枝



穉冠花

穉冠花如雞冠之尖穉者高六七尺每葉發

杈開花秋時百穗俱垂宛如纓珞移植湖湘亦易繁衍  
惟旁莖大肥經風輒折必作架護持之稍寒即瘁不如

穉冠花 換錦花 鈴兒花 華蓋花

羣芳卷之三十 百子蓮 珊瑚枝 雞冠花 換錦花 鈴兒花 華蓋花

雞冠耐久也

雞冠花



### 換錦花

南越筆記脫紅換錦脫綠換錦此換錦之所

換錦花



以名也葉似水仙冬生至夏而落獨抽一莖二尺許作十餘花花比鹿葱而大或紅或綠葉落而花故曰脫紅脫綠花落而葉故曰換錦花與葉兩不相見也 按此即石蒜一類惟花肥多莖粗稍異

### 鈴兒花

鈴兒花一名吊鐘花生廣東山澤間歲暮葉脫始蓄樵人折以入市插置膽瓶春初花開狀如小鈴花落葉發不宜栽蒔

鈴兒花

鈴兒花



### 華蓋花


華蓋花產廣東或云番舶攜種種生者葉如秋葵花似木芙蓉未曉而開清晨即落良夜秉燭始見其花皆戲呼爲曇花植者亦罕

華蓋花

玲甲花

玲甲花番種也花如杜鵑葉作兩歧樹高丈

玲甲花



華蓋花

羣芳卷之三十

玲甲花

水蠟燭

油葱

鐵樹

嗚呼草

餘濃陰茂密經冬不凋夷人喜植之

水蠟燭

南越筆記水蠟燭草本生野塘間秋杪結實

宛與蠟燭相似

水蠟燭



油葱

即羅羅草

嶺南雜記油葱形如水仙葉葉厚一指

而邊有刺不開花結子從根發生長者尺餘破其葉中

有膏婦人塗掌中以澤髮代油貧家婦多種之屋頭間

之則怒以爲笑其貧也 按油葱粵西人以其膏治湯

羣芳卷之三十 玲甲花 水蠟燭

油葱 鐵樹 喝呼草

火灼傷有效又名羅幃花如山丹以為婦女所植故名

油葱



鐵樹 嶺南雜記鐵樹高數尺葉紫如老少年開花如柱

而不香

南越筆記朱蕉葉芭蕉而幹棕竹亦名朱竹以枝柔不

甚直挺故以為蕉葉紺色生於幹上幹有節自根至杪

一寸三四節或六七節甚密然多一幹獨出無傍枝者

通體鐵色微朱以其難長故又名鐵樹 按鐵樹治病

證有神效廣西土醫用之

喝呼草 廣西通志喝呼草幹小而直上高可四五寸

頂上生梢橫列如傘蓋葉細生梢兩旁有花盤上每逢

人大聲喝之則旁葉下翕故曰喝呼草然隨翕隨開或

以指點之亦翕前翕後開草木中之靈異者也俗名懼


內草

南越筆記知羞草葉似豆瓣相向人以口吹之其葉自

合名知羞草 按此草生於南粵今好事者攜至中原

種之皆生秋開花茸茸成團大如牽牛子粉紅嬌嫩宛

鐵樹





喝呼草

似小兒帽上所飾絨毬結小角成簇大約與夜合花性  
形俱肖但草本細小高不數尺手拂氣噓似皆知覺大  
聲啊喝卽時俯伏草木無知觀此莫測唐階指佞應非  
誑言蜀州舞草或與同彙彼占閨傾陽轉爲數見

植物名實圖考卷之三十一

固始吳其濬著

蒙自陸應穀校刊

果類

林檎

胡桃

菴羅果

橙

荔枝

水松

橄欖

椰子

棗柿

甜瓜

楹梓

榛

柑

新會橙

海松子

楊梅

烏欖

桃椰

獼猴桃

枸櫞

金橘

銀杏

人面子

黃皮果

秋風子

榛果

棠梨

無花果

波羅蜜

天師栗

榧子

落花生

番荔枝

佛桃

山橙

公孫桔

西瓜

蘋婆

羊矢果

蜜羅

荔枝

天茄子

海紅

五斂子

露兜子

雞矢果

糖刺果

番瓜

岡拈子

黎檬子

瓦瓜

野木瓜

木桃兒樹

櫨子樹

哈蜜瓜

水茶白

文冠果

林檎 林檎開寶本草始著錄即沙果李時珍以為文林  
郎果即此




楡梲 楡梲開寶本草始著錄今惟產陝西形似木瓜又  
似梨多以飢盤有攜至京師者取其香氣置盤筍中以  
薰鼻煙不復供食

果類卷之三十一 林檎 楡梲 胡桃 榛 菴雜果

胡桃

胡桃開寶本草始著錄北方多有之唯永平府所



胡桃

果類卷之三十一 林檎 楡梓 胡桃 榛 菴羅果

榛

產皮薄謂之露穰核桃木堅作器物良

榛開寶本草始著錄禮記女贊榛栗說文作栗詩義疏謂有二種遼東上黨皆饒鄭注禮云關中鄜坊甚多今直隸東北所產極多販市天下山西志出長治壺關潞城而大同屬之廣靈與宣化界產尤美太原山阜間叢生樹高丈餘俱如李時珍所述其實周匝有圓葉似畫家作雲托日狀殼甚堅多不實十榛九空非虛語也爾雅翼以鄜坊多產遂謂其字從秦以此不知說文本




榛

菴羅果

作業假借作榛而燕晉皆饒何獨秦也北人謂有鼠如鼯聚榛為糧貯之穴中山氓多掘取之其即鼠果之類歟

菴羅果開寶本草始著錄蓋即今之沙果梨

菴羅果



色黃如梨味如蘋果而酥為果中佳品亦不能久留殆以沙果與梨樹相接而成

雲婁農曰菴羅果昔人皆謂產西洛而李時珍獨引梵語為證夫西方當天地之適斂少雨多風故果碩而味



柑

雋漢都長安距玉門近多致異域種今則北達幽薊南抵宛洛數千里移植幾徧蓋江淮以北地脈同也橘不踰淮著於考工記禹貢獨以橘柚為荊州厥包一果實之微前後聖人皆致意焉此豈以奉口腹哉蓋熟觀於天時地利明著其土物之不宜而杜後世侈心之萌也夫麻麥荏菽奏庶艱食瓜蔬之屬園圃所亟惟橘柚有不可遷之性而能致遠書曰厥包明乎非黍稷藿棗可以徙移種藝而江南佳實橘柚外殆皆未可包致矣漢之上林晉之華林務求奇詭道君良嶽乃儻南海荔支而花實之蔡條誇載於叢談蓋深謂前人拙耳嗚呼一簞食一千乘雖愚者亦知其輕重獨奈何置安孟於不顧珍朵頤而管民力致使高臺廣陸蕪沒荆棘豈不大可喟哉昔人有射猿麕而投弓者謂違物性必有大咎草木無知亦稟自然彼陳唐之檜一碎於雷一汨於海豈有感於盛衰之機甘為枯槁泛梗而不願與良嶽之石相隨北去耶噫其違物性也亦甚矣

柑開寶本草始著錄南方種類極多其獅頭柑則唯

果類卷之三十一 柑 橙 新會橙 荔支

橙

柑開寶本草始著錄今以產廣東新會者為天下冠



皮可啖皮核葉皆入藥

柑

橙

果類卷之三十一 柑 橙 新會橙 荔支

湖南有數種味甘酸不同

新會橙

廣東新會縣橙為嶺南佳品皮薄緊味甜如蜜走數千里不變形狀與他亦稍異食橙而不及此蓋不知橙味



新會橙

荔支

荔支開寶本草始著錄以閩產者佳江西贛州所屬定南等處與粵接界亦有之其核入藥

零婁農曰吾至滇閱元江志有荔支適粵中門生權牧其地訪之則曰邑舊產此果以誅求為吏民累並其樹

刈之今無矣余謂之曰粵人聞人言荔支輒津津作大嚼狀今元江物土既宜足下何不致南海嘉種令民以法種之俟其實而嘗焉其日曝火烘者走黔湘以博利浸假而為安邑棗武陵橘非勸民樹藝之一端乎則應




荔支

曰元江地熱瘴甚牧以三年代率不及期而請病其僕僣以熱往以輟歸者相繼也亦何暇作十年計乎且滇亦大矣他郡皆無此郡獨有園成而賦什一民即不病而筐篋之費馱負之費供億餽問無虛日不厲民將焉取之余恍然曰一騎紅塵詩人刺焉為民上者乃以一

味之甘致令草木不得遂其生平噫

海松子 海松子開寶本草始著錄生關東及永平等

府樹碧實大淺冬不凋



海松子

水松 附 水松產粵東下關種植水邊株多排種水浸

易長葉碧花小如柏葉狀樹高數丈葉清甜可食子甚

香美按南方草木狀水松葉如檜而細長出南海土產

衆香而此木不大香故彼人無佩服者嶺北人極愛之

然其香殊勝在南方時植物無情者也不香於彼而香

於此者豈屈於不知己而伸於知己者歟物理之難窮

如此蓋即此松又南越筆記水松者椶也喜生水旁其



水松

幹也得杉十之六其枝葉得松十之四故一名水杉言

其枝葉則曰水松也東粵之松以山松爲牡水松爲牝

水松性宜水蓋松喜乾故生於山檜喜濕故生於水

松檜之屬也故宜水廣中凡平隄曲岸皆列植以爲觀

果類卷之三十一 海松子 水松 楊梅 橄欖 烏欖

果類卷之三十一 海松子 水松 楊梅 橄欖 烏欖

美歲久蒼皮玉骨礪礪而多癭節高者畢駢低者蓋漫  
其根漬水輒生鬚鬣嫋娜下垂葉清甜可食子甚香

楊梅 楊梅開寶本草始著錄吳中產者佳可為粽即醬


也廣信以釀酒汀州志鹽藏可治傷破



楊梅

橄欖 橄欖開寶本草始著錄湖南及江西建昌府亦間

有之有尖圓各種



橄欖


烏欖 烏欖嶺南種之其核中仁長寸許味如松子亦多

烏欖



油過嶺以鹽糖炒食甚香嶺南雜記以為卽木威子從  
 之廣東志粵中多種烏欖其利多白欖種者少號曰青  
 子番禺婦女多以斲烏欖核為務核以炊仁以油及為  
 禮果


椰子 椰子開寶本草始著錄瓊州有之羊城夏飲其汁  
 云能解暑度嶺則汁漸乾味變矣



椰子

檳榔子 檳榔子開寶本草始著錄一名剉木廣中有  
 之木為車轆不易折以為箭鏃中人則血沸

檳榔子



裨柿 裨柿開寶本草始著錄色青以作漆

裨柿




果類卷之三十一 椰子 檳榔子 裨柿 彌猴桃 甜瓜

果類卷之三十一 椰子 桃椰子 棹柿 彌猴桃 甜瓜

彌猴桃

彌猴桃開寶本草始著錄本草衍義述形尤詳今江西湖廣河南山中皆有之鄉人或持入城市以售安徽志彌猴桃黟縣出一名陽桃九月間熟李時珍解羊桃云葉大如掌上綠下白有毛似芋麻而圍此正是彌猴桃非羊桃也枝條有液亦極黏

彌猴桃



甜瓜

甜瓜嘉祐本草始著錄北方多種暑月食之瓜蒂本經上品圖經云瓜蒂即甜瓜蒂能吐人瓜子仁別錄為腸胃脾內壅要藥 雩婁農曰余觀聞見前錄謂呂文穆公行伊水上見賣

瓜者意欲得之無錢可買其人偶遺一枚於地悵然食之後臨水起亭以饅瓜為名不忘貧賤之意喟然嘆曰無主之李志士不食文穆雖貧何至為東郭之乞餘哉吾嘗過瓜疇矣河南北善種瓜瓜將熟結廬以守中田有廬疆場有瓜猶古制也瓜成集婦子而并手摘之其晚實者瓜小味劣俗名拉秧瓜棄而不顧行者居者斷其蔓而得之無過問者或旅人道渴不能度阡越陌有就而餽之者若種西瓜而取其子則陳於康衢以待食

甜瓜



者而留子焉有茶社或並設瓜飲必伯夷之粟而後食  
 賢者無取乎其矯文穆貧時不能得美瓜體訓傷熱濕  
 亦通噎或得病瓜及瓜之噎人者歟否則字當作饑野  
 人之饋抑哀王孫而進食者歟吾慮後人以文穆不避  
 瓜田納履之嫌者故辨之

枸櫞 枸櫞詳草木狀宋圖經始著錄即佛手柑



枸櫞

金橘 金橘歸田錄云產於江西今江南亦多有之唯寧  
 都產者瓢甜如柑冬時色黃經春復青或即以爲盧橘

又一種小者爲金豆味烈贛南糖煎之本草綱目收入  
 果部辰谿志橘小而長者爲牛爛橘四季可花隨花隨  
 實皮甘可食即此



金橘

公孫桔 公孫桔產粵東樹高丈餘枝葉繁茂花果層

次駢綴自下熟上由紅至青尖頂尙花下已紅熟香甜  
 適口味帶微酸皮可化痰經冬不凋辰州諸屬橘類有  
 公引孫即此附金橘後以備一種


果類卷之三十一 枸櫞 金橘 公孫桔 銀杏 西瓜

公孫桔



銀杏

銀杏日用本草始著錄卽白果一名鴨腳子或云



銀杏

卽平仲木理堅重製器不裂匠人重之

西瓜

西瓜日用本草始著錄謂契丹破回紇始得此種

疑卽今之哈密瓜之類入中國而形味變成此瓜夏小

正五月乃瓜乃者急辭八月剝瓜畜瓜之時瓜兼果蔬

故授時重之近世供果惟甜西瓜二種本草瓜蒂陶

隱居以爲甜瓜蒂瓜以供食不入藥王世懋以邵平五

色子母瓜當卽甜瓜考廣志狸頭蜜甯女臂諸名惟甜

瓜種多色異足以當之而所謂瓜州瓜大如斛青登瓜

大如三斗魁則非西瓜無此巨觀但無西瓜名耳昔賢

詩多云甘瓜字爲雅馴而張載瓜賦元表丹裏呈素含

紅甜瓜鮮丹紅瓢者故以爲仙品劉楨瓜賦厥初作苦

終然无甘甜瓜未甚熟及近蒂時有苦者西瓜無是也

楊誠齋詩風露盈籃至甘香隔壁聞綠團罌一捏白裂

玉中分花藥夫人宮詞玉人手裏剖銀瓜五代宋時西

瓜已入中國所詠乃以白色爲上則仍是甜瓜也西瓜

雖有白瓢而味佳者其種後出亦希有墨莊漫錄襄邑



出一種瓜大者如拳破之色如黛甘如蜜餘瓜莫及此甜瓜之美者吾鄉名曰酥瓜握之輒碎一種黃者大而易種甘而不脆俗曰噎瓜言其速食則噎也又古之言瓜者皆云削瓜乃食其膚周王饜性儉率有客食瓜侵膚稍厚饜及瓜皮落地引手就地取而食之食西瓜者反此昌平州志物產香瓜皮青子細瓢甘肉脆氣香味美絕勝甜瓜甜瓜類最繁有圓有長有尖有扁大或徑尺小或一捻其棱或有或無其色或青或綠或黃斑斑斑或白路黃路其瓢或白或紅其子或黃或赤或白或黑要之味不出乎甘香而已瓜種蓋盡於此余嘗取種種於湘中味變為越瓜南方志有謂甜瓜皮實堅老入醬為菹者毋亦類是山西通志西瓜今出榆次中郝東郝西郝三村一種黑皮黃瓢絳子一種綠皮紅瓢黑子子有文名刺麻瓜一種綠皮紅瓢紅子名蜜瓜殊味甘美今以入貢市慶者有一種三白瓜皮瓢子白味絕美但未熟則淡既熟易瓢俗謂瓜漸腐曰瓢種者亦不繁圃人云每一科得兩瓜即稱稔歲也江以南業瓜者

蓋渺余所至如湖廣之襄陽長沙皆有瓜疇江西贛州瓜美而子赤豐城瀕江亦種之滇南武定州瓜以正月熟上元饌瓜鏤皮為燈物既非時味亦迥別亦可覘物候之不齊矣

西瓜



人面子

人面子見南方草木狀紀載亦多及之葉濃果出枝頭形如李大凸凹不正生青熟黃味酸一瓜五六枚七八枚不等核如人面故名內有仁三粒必經鹽醋浸過其仁方甘可食又其核生則白熟則色微黑點茶如梅花片光澤可愛此樹最宜沙土數歲即婆娑偃地

果類卷之三十一 人面子 蘋婆 黃皮果 羊矢果

果類卷之三十一 人面子 蘋婆 黃皮果 羊矢果

蘋婆

蘋婆詳嶺外代答如阜莢子皮黑肉白味如栗俗



蘋婆



人面子

羊矢果

羊矢果生廣東山野間味微酸人鮮食之唯

以飼羊故名 按桂海虞衡志羊矢子色狀全似羊矢

味亦不佳形不甚肖或乾時黑如羊矢耶又南越筆記

羊齒子一曰羊矢如石蓮而小色青味甘當即此



黃皮果

黃皮果

黃皮果詳嶺外代答能消食桂林以為醬其


漿酸甘似葡萄食荔支饜飫以此解之諺曰飢食荔支

飽食黃皮又有白蠟與相似諺曰黃皮白蠟酸甘相雜

呼鳳眼果

秋風子

桂海虞衡志秋風子色狀俱似棟子今廣東



羊矢果



秋風子

多有之其葉本青經霜則紅果似梨而小先青後黃味酸澀熟乃可食

蜜羅

即蜜筒 蜜羅生閩廣南安施南亦有之與佛手柑

同類無指爪廣東又有樛果形差類

零婁農曰吾少時侍 先大夫於楚北學使署中有幕

客自施南回攜一果見啖如橘柚而形不正圓肉白柔

厚如佛手柑以為即佛手柑不具指爪者越廿餘年爆

直

南齋歲臘

賜果一筩題曰蜜羅蓋閩中蠹吏所進時大寒瓢作堅

冰以溫水漬之剖置茶甌一室盡香亦內臣所授也尋

使湖北按試施州筵之核盤之供皆是物也竊以形味

都非珍品而厥包作貢因為賦詩有方朔老醜待詔金

門之誚後使豫章至贛南於市中粥一果形正同而瓢

如橘味殊酢又以為朱欒之異種及莅演則園中植之

樹與花皆佛手柑也土人名曰香櫞始知有指爪者為

果類卷之三十一 秋風子 蜜羅 樛果 勃臍

果類卷之三十一 秋風子 蜜羅 栳果 勃臍


枸櫞無指爪者爲香櫞又或一枝之上兩者俱擎古人

有以香櫞爲佛手柑者洵非耳食按黔書蜜甯柑或曰

卽南海之紫羅橘蓄之樹以浹歲薦之槩以彌月滇曰

蜜甯黔曰香櫞誠一物矣而興義府志紫羅橘出安南

蜜羅



俗名蜜甯香色似蜜羅而小皮薄有穠思南府志香櫞

卽蜜羅柑氣芬肉厚點茶釀酒俱宜然則蜜羅蜜甯爲

二物而余在贛南所啖者乃蜜甯也黔書述之未晰貴

州志有謂作藤生者亦誤矣夫一物不知以爲深恥余

非仰叨

恩澤屢使南中亦僅嘗遠方之殊味考傳紀之異名烏

能觀其根葉薰其花實而一一辨別之哉

栳果

栳果生廣東與蜜羅同而皮有黑斑不光潤此果

花多實少方言謂誑爲栳言少實也猶北地謂瓜花之

不結實者曰謊花耳核最大五月熟色黃味亦甜

栳果



勃臍

勃臍爾雅芍臍茨卽此諸家多誤以爲烏芋宋圖

經所述形狀正是今勃臍

茄  
膜

棠梨

棠梨爾雅杜赤棠白者棠本草綱目始收入果部  
救荒本草葉花皆可食



棠梨

天茄子

天茄子救荒本草謂之丁香茄加作蜜煎葉



果類卷之三十一 棠梨 天茄子

無花果 海紅 波羅蜜 五斂子

可作蔬其形狀絕類牽牛子或即以爲牽牛花殊誤

天茄子

無花果

無花果救荒本草錄之本草綱目引據頗晰



無花果



果類卷之三十一 棠梨 天茄子 無花果 海紅 波羅蜜 五斂子

海紅 海紅即海棠花實本草綱目始收入果部京師以

糖裹食之



海紅


波羅蜜 波羅蜜詳桂海虞衡志本草綱目始收入果

部不花而實兩廣皆有之核中仁如栗亦可炒食滇南

元江州產之三五日即腐昆明僅得食其仁其餘多同

名異物粵志謂無花結果或生一花甚難得即優鉢

曇花可備一說



波羅蜜

五斂子 五斂子即楊桃詳草木狀本草綱目始收入



五斂子

果部能消猪肉毒其味酸淡或謂以糯米澆之則甜又可以蜜漬之蘇長公詩恣傾白蜜收五稜也廣人以為蔬能辟嵐瘴其汁能吐蠱毒

天師栗 天師栗益部方物記載之李時珍以為武當

山所產娑羅子即此通志從之湖北園圃有種植者亦

呼娑羅果

天師栗




露兜子 露兜子產廣東一名波羅生山野間實如蘿

蔔上生葉一簇尖長深齒味色香俱佳性熱 按嶺南

果類卷之三十一 天師栗 露兜子 槌子 雞矢果 落花生

雜記番荔枝大如桃色青皮似荔枝殼而非殼也頭上有葉一宗擘開白穰黑子味似波羅蜜即此也又名番婁子形如蘭葉蜜長大抽莖結子其葉去皮存筋即波羅麻布也果熟金黃色皮堅如魚鱗狀去皮食肉香甜無渣六月熟



露兜子


槌子 槌子產廣州亦柑桔之類陳皮本以柑皮製者為

最市間亦有以槌皮為之者質稍薄而味亦遜


果類卷之三十一 天師栗 露兜子 槌子 雞矢果 落花生

雞矢果

雞矢果產廣東葉似女貞葉而有鋸齒果如



雞矢果



槌子

落花生

落花生詳本草從新處處沙地種之南城縣

志俗呼番豆又曰及地果贛州志落花生一名長生菓

花落時根下結實如豆性與王瓜相反不可同食

甜六月熟

落花生



小石榴一名番石榴味香甜極賤故以雞矢名之 按

南越筆記番石榴又名秋果嶺外代答黃肚子如小石

榴皮乾硬如沒石子枯莖如棘其上點綴布生不甚噉

食當即此樹小花黃白果如梨大生青熟黃連皮食香



糖刺果

糖刺果生江西籬落間蔓葉如薔薇白花有  
深缺黃葉土人以其果熬糖故名

糖刺果



番荔枝

番荔枝產粵東樹高丈餘葉碧葉如梨式色  
綠外膚礪礪如佛髻一果內有數十包每包有一小子  
如黑豆大味甘美花微白按麻姑山亦有番荔枝據寺  
僧所述亦甚相類惟未見其結實而僧言實不可食故  
附繪備考  
零婁農曰余使粵時尙未聞有番荔枝頃有粵人官湘  
中者爲余畫荔枝圖而并及之夫似荔枝者有山韶子一

果類卷之三十一 糖刺果 番荔枝 番瓜 佛桃 岡拈子

曰毛荔枝又有龍荔枝乎二果之間其形與味皆有微  
類者若此果則但以礪礪目之耳麻姑山之樹未見其  
實而綠心突起已具全形及至滇乃知其爲雞嗉子滇  
志以入果品而人不甚食其膚亦肖荔枝昔人作同名



番荔枝

錄大抵皆慕古人之人而以其名爲有名其名而類  
其人者有絕不類其人者志同名者蓋深求其同不同  
而恐人之誤於同也若斯果及雞嗉子之微相肖者雖  
欲附端明諸公之譜以幸存其名烏可得耶

果類卷之三十一 糖刺果 番荔枝 番瓜 佛桃 岡拈子

番瓜

番瓜產粵東海南家園種植樹直高二三丈枝直上葉柄旁出花黃果生如木瓜大生青熟黃中空有子黑如椒粒經冬不凋無毒香甜可食按益部方物記脩幹澤葉結實如綴膚解核零可用治痺其形狀亦頗類但謂葉甚似桑而不云子可食姑附識備考又羅江縣志石瓜一名冬瓜樹可治心痛云



番瓜

佛桃

佛桃湖南圃中間有之木葉俱如佛手柑實如橙而長色尤鮮潤瓢如橙極酢不可入口而香氣勝於佛

手柑

岡拈子

岡拈子生廣東山野間形如葡萄內多核味



佛桃



岡拈子

酸微甜收豎採食不登於肆

### 山橙

山橙生廣東山野間實堅如鐵不可食土醫治膈

證煎其皮作飲服之良效販藥者多蓄之



山橙

### 黎檬子

黎檬子詳嶺外代答一名宜母子味酸婦子

懷妊食之良故名又名宜漂子廣州下茅香檬蓋元時

栽種者尤香馥云

果類卷之三十一 山橙 黎檬子 瓦瓜 哈蜜瓜 野木瓜



黎檬子

### 瓦瓜

瓦瓜產廣東類南瓜葉小採置盤中經歲不壞日



瓦瓜

果類卷之三十一 山橙 黎檬子 瓦瓜 哈密瓜 野木瓜

久肉乾外殼如瓦缶

哈密瓜 哈密瓜西域聞見錄有十數種綠皮綠瓢而

清肥如梨甘芳似醴者為最上圓扁如阿渾帽形白瓢


者次之綠者為上皮淡白多綠斑點瓢紅黃色者為下

然可致遠久藏回子謂之冬瓜可收至次年二月餘皆

旋摘旋食不能久留云余倬直 禁近歲蒙 賞果出

莅滇南仍邀驛 賜蓋瓜之貢者瓢皆紅黃色取其致

遠不責以美尚邊圍賞賚則有瓜乾即明王世懋所謂



哈密瓜

瓦瓜 哈密瓜 野木瓜

乾以為條味極甘而誤以為甜瓜者也陝甘人云種之

中土皆紅瓢小犀一年即變非我 國家恩威西被此

瓜亦烏能與天馬葡萄同來 闕下便番錫賚所以示

文德武功加於無外也洪忠宣萬里羈留卒能攜種

南還臣子幸際大一統之盛得嘗前賢所未嘗若以黃


瓢少師適從何來何以讀忠宣書

野木瓜 救荒本草野木瓜一名八月檣又名柞瓜出

新鄭縣山野中蔓延而生安附草木上葉似黑豆葉微

小光澤四五葉攢生一處結瓜如肥阜大味甜採嫩瓜

換水煮食樹熟者亦可摘食



野木瓜

## 水茶白

救荒本草水茶白生密縣山谷中科條高四五尺莖上有小刺葉似大葉胡枝子葉而有尖又似黑豆葉而光厚亦尖開黃白花結果如杏大狀似甜瓜瓣而色紅味甜酸果熟紅時摘取食之

水茶白




## 木桃兒樹

救荒本草木桃兒樹生中牟土山間樹高五尺餘枝條上氣脈積聚爲疙疙瘩類小桃兒極堅實故名木桃其葉似楮葉而狹小無花又卻有細鋸齒又似青檀葉梢間另又開淡紫花結子似梧桐子而大熟則淡銀褐色味甜可食採取其子熟者食之

木桃兒樹

## 文冠果

救荒本草文冠果生鄭州南荒野間陝西人呼爲崖木瓜樹高丈許葉似榆樹葉而狹小又似山茶葉亦細短開花彷彿似藤花而色白穗長四五寸結實狀似枳殼而三瓣中有子二十餘顆如肥皂角子子中瓢如栗子味微淡又似米麪味甘可食其花味甜其葉味苦採花煤熟油鹽調食或採葉煤熟水浸淘去苦味亦用油鹽調食及摘實取子煮熟食



果類卷之三十一 水茶白 木桃兒樹 文冠果 櫨子樹



文冠果

櫨子樹

救荒本草櫨子樹舊不著所出州土今鞏縣  
趙峯山野中多有之樹高丈許葉似冬青樹葉稍闊厚

櫨子樹



背色微黃葉形又類棠梨葉但厚結果似木瓜稍團味  
酸甜微澀性平果熟時採摘食之多食損齒及筋

植物名實圖考卷之三十二

固始吳其濬著

蒙自陸應穀校刊

果類

棗

蓼蓂附

柚附

蓮藕

梅

杏

茅栗附

山櫻桃

柿

枇杷

葡萄

橘

橘紅

芡

桃

栗

櫻桃

芡

木瓜

龍眼

檳榔

烏芋

梨

李

柰

榲實

山楂

橡實

錐栗

麩櫛

都角子

軟棗

無漏子

甘蔗

慈姑又一種

淡水梨

南華李

安石榴

枳椇

櫛實

菴摩勒

苦櫛子

韶子

石都念子

探子

棗

棗本經上品爾雅詳列數種乾者爲大棗入藥核中仁木心葉根樹皮皆有主治

果類卷之三十二 目錄 棗 葡萄 蓼蓂





蒲萄而回回所謂瑣瑣者歟

橘

橘柚本經上品別錄諸說皆合橘柚為一類本草衍義以為橘字誤衍考橘皮用甚廣本經又云一名橘皮寇說為的今以橘入本經而以柚別為一條附後



橘

柚

附 柚爾雅樛條曰華子始著其功用主治消食解酒毒治飲酒人口氣去腸胃中惡氣療妊婦不思食口淡南方極多以紅囊者為佳李時珍以朱欒蜜甯併為一種殊未的又爾雅樛椹注柚屬大如孟正義謂范成大

所謂廣南臭柚大如瓜其皮甚厚者按此即閩中所謂

泡子味極酢亦有可食者多以為盤供與紅囊柚一類二種




柚

橘紅

橘紅產廣東化州大如柚肉甜刮製其皮為橘紅以城內產者為佳然真者極難得俗謂化州出滑石樹生石間故化痰有殊功屢者皆以柚皮就化州作之昔人謂陳皮必須橘皮橙尚可用柚則性味皆異而化州所產則形狀殊非橘也

果類卷之三十二 橘柚 橘紅 蓮藕



橘紅

附擘經堂化州橘記按志橘紅出化州者佳化州四鄉多橘以城內者為佳城內多橘矣以及聞州衙謙鼓者為致佳及聞鼓之橘多矣以衙內蘇澤堂前者為致佳蘇澤堂祇兩樹矣尤推賴氏園中老樹一株為致佳老樹久枯其根下生新樹今數十年高丈許故復稱老樹賴氏守此世為業買者就樹摘之以示其真花多實少之年一枚享千錢雖官不能攫之園中近老樹者數十株亦佳然惟老樹皮紅有白毛

蓮藕

蓮藕本經上品實惹蕊鬚花房葉鼻皆入藥

戟手香烈而味辛識者入手能辯之夫蘇澤堂橘官物也徵之者多則州牧不暇給長官若買之則官不受價否則攫而已予于庚辰十一月過州知賴園之橘可買也命僕人入園訪老樹賴叟曰老橘賣已盡惟零丁數枚矣即以數千錢摘之賴叟其古橘中人歟或云化城多蒙石蘇澤堂當石上而賴園老樹根下蒙石之力或更巨物性所乘或亦然歟

蓮藕



芡

芡本經上品卽雞頭子嫩莖可爲蔬葎也蒿也雞莖也鴈頭也鳥頭也雁啄也一物而數名也莖之嫩者曰蒿蕝葉蹙如沸而大曰芡盤棗苞吐葩有喙曰芡嘴唐人詩紫羅小囊光緊蹙一掬珍珠藏蝟腹言其實也

芡



粥之粉之咀嚼之根味如芋煮食之竟體芬芳無剩物矣歐陽文忠公詩爭先園客采新苞剖蚌得珠從海底都城百物貴新鮮厥價難酬與珠比又云卻思年少在江湖野艇高歌菱苳裏香新味全手自摘玉潔沙磨輒

果類卷之三十二 芡 梅 桃 杏 栗

梅

還美身近魏闕心遊江湖長安居不易古與今如一邱之貉其詩末云何時遂買穎東田今新鄭有文忠墓道然則文忠並未復泛章江志云衣冠葬者未可信也兒輩不識字耕稼鄭公莊數百年來頗能副文忠之屬山谷云建州絕無芡頗思之滇南百果盈衢聞亦少此徐勉戒子書中年聊於東田開營小園瀆中並饒荷葎湖裏殊富芡蓮雖云人外城闕密邇如此佳致消受良難梅本經中品烏梅以突烟薰造白梅以鹽汁漬晒皆

梅



入藥核仁根葉亦皆主治

桃

桃本經下品桃花桃葉莖皮核仁桃毛皆入藥實在樹經冬不落者為桃梟一曰桃奴汁流出為桃膠以木

為櫟為符皆辟鬼氣



杏

杏本經下品核仁入藥回部關東出者仁大充果實

即巴旦杏仁也

栗

栗別錄上品一棧三顆中扁者為栗楔栗內薄皮為

杏



栗莢花爲栗線樹皮根殼棟彙皆入藥

茅栗 茅栗野生山中爾雅栲栳注樹似榲桲而卑小子

如細栗可食今江東亦呼爲栲栗詩其灌其栲陸璣疏

木理堅韌而亦可爲車轆卽此

茅栗



櫻桃 櫻桃別錄上品爾雅謂之櫻卽含桃也有紅白數

種類州以爲脯

山櫻桃

山櫻桃別錄上品野生子小不堪食



櫻桃



山櫻桃

果類卷之三十二 茅栗 櫻桃 山櫻桃 菱

果類卷之三十二 茅栗 櫻桃 山櫻桃 芰

芰

芰別錄上品三角四角爲芰兩角爲菱爾雅菱藎攢又蓮萏注或曰蔞也郭氏兩存其說遂啓後人疑誤楚人謂菱爲芰國語曰屈到嗜芰將死屬其宗老曰祭我必以芰及祥宗老將薦芰屈建命去之孫子荆柳子厚皆以屈建忘親違命爲非蘇長公以屈到亂命不可爲訓建能據典抑情爲知禮議者以爲辨余竊以爲尙有未盡者焉屈到之死及祥有日月矣宗老以遂命爲忠何必及祥而始薦子木數典而忘何待及祥而後止宗老之薦子木之止殷祭也非時薦也古者大夫士宗廟之祭有田則祭無田則薦釋者云祭有常禮有常時薦非正祭但遇時物卽薦夫國之大事在祀與戎大夫三廟祭有常經其敢干大典以取戾考士祭三鼎大夫祭五鼎上大夫八豆下大夫六豆少牢饋食籩豆鼎俎有其數矣有其實矣多一芰則非其數易一芰則非其實非數非實謂之亂常孔子籩正祭器不以四方之食供籩正不可多也不可易也禮在則然至於春韭夏麥秋

黍冬稻四時薦新庶人之禮可通大夫然薦其時食禮文不具非闕文也蓋無常品也後世祭法不古若然大夫之祭則以羔豚雖有僭竊無敢以太牢祭者而歲時伏臘各循其俗之所尙盧氏之法則有環餅牢丸曾氏之法則有節羹則粥言禮者未或非之子木守祀典以

芰



奉殷祭而思所嗜以薦時食其誰曰不宜若常祭而責以薦其所嗜然則其父有嗜牛炙者其子將遂用牛享乎時薦而必準以韭麥黍稻則貉之國五穀不生唯黍生之將一薦黍而已乎江以南不藝黍將無所薦而遂

已乎禮又曰所以交於神明者非食味之道也魂氣歸天形魄歸地尙聲尙臭求諸陰陽豈以一物之薦而神來格一物不薦而神其吐之乎且謂人子之於親可同於鬼彪之求食乎竈神之索黃羊蠶神之求膏粥故鬼之乞甌犧神豈能食或憑焉赫赫楚國而到相之生之日無偉烈可銘死之日乃以口腹之細而縱欲以敗禮度使子木徇其屬而不違則是死其父以爲鬼物而不以毀譽爲心抑亦忍矣楚茨之詩曰神嗜飲食乃一曰黍稷再曰牛羊三曰燔炙梁武帝祀宗廟用菜果去犧牲識者以爲是不血食故禮莫重於祭祭莫大於用牲蘋蘩蕪藻季女尸之禮之微者爾雅翼以爲菱茨加籩之實非屈到所得薦其持論亦過拘夫事死如事生天子饗太牢故諸侯大夫而祭以牛則僭天子籩有菱茨將遂禁人之食菱茨乎是不然矣羅氏又曰吳越俗采菱時士女皆集故有采菱曲爲游蕩之極夫采菱艷曲自爲樂府遺音後人倚之同於鄭衛耳余嘗過邗溝達

茗雪陂塘水滿菱科漾溢寶鏡花搖縹緗紅絢牽荇帶而通舟裏荷葉而作飯鳥觀所謂白足女郎踏漿倚柁曼聲煙波間乎

### 柿

成

柿別錄中品有烘柿醃柿白柿柿霜柿餹皆以法製



柿

### 木瓜

木瓜別錄中品爾雅謂之楸味不木者爲木瓜圓

小味認爲木桃一曰和圓子大於木桃爲木李一曰榎檀今皆蜜煎方可食花入醃爲醬尤美歸德以上供

果類卷之三十二 柿 木瓜 枇杷 龍眼 檳榔

枇杷

枇杷別錄中品葉為嗽藥浙江產者實大核少

枇杷




木瓜

檳榔

檳榔別錄中品大腹子開寶本草始著錄皆一類

檳榔



龍眼

龍眼


龍眼本經中品歸脾湯用之今以為補心脾



而大腹皮入藥又山檳榔一名藟子瓊州有之葉可積為布亦可為席

甘蔗

甘蔗別錄中品糖霜譜博核錄以資考  
雲婁農曰甘蔗南產也閩粵河畔沙礫不穀種之彌望行者拔以療渴不較也章貢閩人僑居者業之就其




甘蔗

地置竈與磨以煎糖必主人先芟刈而後里鄰待取其遺乘滯穗焉否則罰利重故稍吝之矣而邑人亦以擅其邑利為嫉余嘗以訊其邑子皆以不善植為詞頗詫之頃過汝南鄆許時見薄冰而原野有青蔥林立如叢篁密篠滿畦被隴者就視之乃蹠也衣稍亦味甘而多

汁不似橘枳畫淮為限也魏太武至鼓城遣人求蔗於武陵王唐代宗賜郭汾陽王甘蔗二十條昔時異物見重今則與粗梨棗栗同為河洛華實之毛豈地氣漸移抑趨利多致其種與法而人力獨至耶但閩粵植於棄地中原植於良田紅藍徧畦昔賢所唏棄本遂未開其源尤當節其流也

烏芋

烏芋



慈姑


又一種 慈姑廣東產者葉圓肥開花藍白色考花

鏡雨久花苗生水中葉似苾菰夏開花如牽牛而色深

果類卷之三十二 甘蔗 烏芋 慈姑 梨 淡水梨 李

藍或卽此類

慈姑



梨

梨別錄下品北夢瑣言著其治風疾之功今亦以爲

梨




膏治咳北地宜之

淡水梨

淡水梨產廣東淡水鄉色青黑與奉天所產香水梨相類南方梨絕少佳品土人云此梨可匹北產

姑繪以備考

淡水梨



李

李別錄下品種類極多別錄有名未用有徐李李時珍以爲卽無核李云

柰

柰別錄下品即類果

果類卷之三十二

南華李

柰

安石榴

榧實

枳椇

山楂

榲桲

南華李

南華李產廣東南華寺古有綠李今北地所

產多紫黃色此李色青綠繪以備一種

南華李



李



榧實

榧實別錄下品樹似杉實青時如橄欖老則黑玉

安石榴

安石榴別錄下品實有甘酸紅白瑪瑙數種

安石榴



柰



果類卷之三十二 南華李 柰 安石榴 榧實 枳椇 山榧 榧實

山與浙江交界處多種之



榧實

枳椇

枳椇唐本草始著錄卽枸也詳詩疏能敗酒俗呼

枳椇



雞距亦名拐棗山中皆有之本草拾遺木蜜卽此

山榧

山榧唐本草始著錄卽赤瓜子李時珍以爲爾雅

杙檠梅卽此北地大者味佳製爲糕小者唯入藥用齊民要術引廣志云杙木易種多種之爲薪又以肥田郭注山海經亦云杙可燒糞田蓋此木與榧同生山菜落實取材薪樵是賴郭注爾雅但云可食尙未標以爲果而入藥則盛於近世也

山榧



榧實

榧實唐本草始著錄似橡栗而圓斗亦小其葉爲


榧若

橡實

橡實唐本草始著錄卽橡栗也曰柞曰櫟曰芋曰  
栲皆異名同物其實曰阜斗以染阜說文栲柔也其實



橡實



栲實

果類卷之三十二

橡實

菴摩勒

錐栗

苦櫛子

菴摩勒

菴摩勒唐本附卽餘甘子生閩粵及四川

阜一曰樣又樣栲實繫傳云今俗書作橡狙公賦之搗  
離集之山人饑歲拾以爲糧或云葉之柔可代茗飲然  
則染之食之飲之薪之橡之爲用大矣

錐栗

錐栗長沙山岡多有之大樹葉細而厚面綠有光

背黃白而澀結實作球數十核攢聚一枝一核一實似  
栗而圓大如芡實內仁兩瓣味淡微澀 按本草拾遺  
鈎栗生江南山谷大木數圍冬月不凋其子似栗而圓  
小又有雀子相似而圓黑久食不飢蓋卽此種與栗相



錐栗

果類卷之三十二 橡實 菴摩勒 錐栗 苦楮子

類非楮類也葉擠汁可成膠油兩傘者用之又一種栗大如橡栗味甘燭食尤美蓋卽鈎栗其小如芡實者當卽雀子湖南通呼錐栗一類有大小耳



錐栗

苦楮子

苦楮子本草拾遺始著錄苦者實圓葉寬

雲婁農曰楮之名見山海經余過章貢間聞與人之誦

曰苦楮豆腐配鹽幽菽也 皆俗所嗜尙者得其腐而

烹之至舌而澀至咽而壓津津焉有味回於齒頰蓋不

肉食之氓得苦甘者而咀吮之不似淡食同嚼蠟矣郭

注謂楮似柞夫柞一物而數名柞也杼也櫟也櫟也橡

也樣也其實曰楮曰斗楮之葉醜栗實醜橡固橡屬也與橡實同而長者別名柞又曰櫟楸其不結實而中繭絲者爲青桐青桐亦有數種飼蠶者能辨之陸疏徐州人謂櫟爲杼秦人謂柞櫟爲櫟說文以樣爲柞實小學



苦楮子

家展轉訓詁但指其類耳上林賦沙棠櫟楮沙棠爲一

物櫟楮亦應爲一物楮杼聲音輕重搗羽所集其此實

耶長沙秋時傾筐入市浸浸以腐供賓筵北地不聞此

製也汝南有一種黃栗樹與櫟頗類而中棟梁非不材

之木楮木爲柱不腐亦有紅白二種白者理疎紅者理

密中什器誠非橡櫨伍其亦如櫨栲之別乎

麩楮 麩楮與苦楮同葉長而狹實尖



韶子 韶子本草拾遺始著錄虞衡志謂之山韶子俗呼

毛荔支謂荔支子變種味酸

果類卷之三十二 麩楮 韶子 都角子 石都念子 軟棗 樑子

韶子



都角子 都角子本草拾遺始著錄似木瓜味酢


都角子



果類卷之三十二 麴櫨 韶子 郁角子 石都念子 軟棗 樑子

石都念子 石都念子本草拾遺始著錄卽倒捻子東

坡名爲海漆亦名胭脂子



石都念子

軟棗 軟棗卽牛奶柿救荒本草以爲卽羊矢棗段玉裁

說文解從之名苑云卽君遷子本草綱目從之引本草

拾遺云生海南今嶺南有羊矢棗南越筆記述之甚詳

蓋同名異物也禮記內則芝栴藟棋疏引賀氏說以栴

爲軟棗爾雅注以栴爲栴栗釋經者多以郭說爲長郭

注遵羊棗云實小而圓紫黑色俗呼羊矢棗狀與軟棗

符

樑子 樑子本草拾遺始著錄璽牖開評以爲梨類



樑子




樑子



無漏子  
之

無漏子本草拾遺始著錄即海棗也廣中有



無漏子

果類卷之三十二 無漏子

植物名實圖考卷之三十三

固始吳其濬著

蒙自陸應穀校刊

木類

柏	檜
刺柏	松
茯苓	桂
蒙自桂樹	巖桂
桂寄生	木蘭二圖
辛夷	杜仲
槐	槩木
榆	漆
女貞	五加皮
枸杞	洩疏附

蔓荊	酸棗
蕤核	厚朴
秦皮	合歡
阜莢	桑
桑上寄生	吳茱萸
山茱萸二圖	秦椒 蜀椒
崖椒	衛矛
梔子	枳實
楝	桐
梓	柳
欒華	石南
郁李	鼠李
蔓椒	巴豆
豬苓	詹糖香
楮	杉

沙木

檀香

樟附樟寄生

櫟

柏

柏本經上品葉脂實俱入藥用有圓柏側柏圓柏即  
栝有赤心者俗名血柏



柏

檜

檜即栝書疏栝柏葉松身與爾雅檜同爾雅翼今人  
謂之圓柏以別於側柏其一種刺柏木理亦相類老學  
菴筆記謂有海檜土檜二種海檜難致不知其葉有別  
否檜柏一枝之間或檜或柏庭院多植之為玩又有三  
友柏一株而葉有圓側刺三種

刺柏

刺柏葉如針刺人圃人多翦其葉揉其幹為盆玩



檜



刺柏

刺柏

木類卷之三十三 柏檜刺柏松

木類卷之三十三 柏 檜 刺柏 松


或亦曰刺松說文檜細理木也段氏注檜見西山經南都賦郭曰檜似松有刺細理劉淵林注蜀都賦檜似松有刺檜蓋檜之譌按此木理極堅緻但葉如刺耳五臺有落葉松有刺能毒人肉今志中失載

松

松脂本經上品花為松黃樹皮綠衣為艾蒺燒汁為松脂松節松心皆入藥關東松枝幹凌冬翠碧結實香美子為珍果永平亦有之凡北地松難長多節質堅材任棟梁通呼油松盛夏節間汁即溢出南方松僅供樵薪易生白蟻惟水中椿年久不腐

雲婁農曰爾雅樅松葉柏身注今大廟梁材尸子所謂松柏之鼠不知堂密之有美樅樅蓋松類而異質耳今匠氏攻木者有灰松黃松二種灰松易生質輕速腐為藉為薪皆是物也黃松亦曰油松多脂木理堅多生山石間北地巨室非此不能勝任余常至盧龍試院觀所謂古松者皆數百年物竦身蠶榦碧潤多節與老松龍鱗渺不相屬而長風謖謖巨浪撼空審其斂股則皆七

鬣意謂即美樅也湘中方言謂松為叢簡牘中或作樅則松樅果一類歟結實之松葉同而木駁凸凹如刻畫惟燕遼及滇有之演繁露以樅為絲杉松杉葉迥異爾雅兩載恐非類也園庭古寺有麀尾松栝子松即別金牙松錢松鵝毛松皆盆兒之玩非棟梁之用五大夫之庶孽




耳塞外五臺有落葉松蒙古取其皮以代茶高寒落木異乎後凋又其木堅有刺毒能腐人肉寄生白脂厚五六寸光潔似玉微軟而堅或有為韉底又有白松直榦盤枝上短下長望如浮圖質體獨輕非木公之別族

則因地而異其形性矣

### 茯苓

茯苓本經上品附松根而生今以滇產爲上歲貢僅二枚重二十餘斤皮潤細作水波紋極堅實他處皆

茯苓



以松截斷埋於山中經三載木腐而茯苓成皮糙黑而質鬆用之無力然山木皆以此翦薙尤能竭地方故種茯苓

### 桂

芥之多變童阜而沙崩石隕阻遏溪流其害在遠聞新安人禁之

菌桂本經上品牡桂本經上品別錄又出桂一條牡桂卽肉桂菌桂卽箔桂因字形而誤今以交趾產爲上湖南猺崗亦多不堪服食桂子如蓮實生青老黑



桂


### 蒙自桂樹

桂之產曰安邊曰清化皆交趾境其產中華者獨蒙自桂耳亦產逢春里土司地余求得一本高六七尺枝幹與木樨全不相類皮肌潤澤對發枝條綠葉光勁僅三直勒道面凹背凸無細紋尖方如圭始知

木類卷之三十三 茯苓 桂 蒙自桂樹 巖桂 桂寄生

木類卷之三十三 茯苓 桂 蒙自桂樹 巖桂 桂寄生

古人桂以圭名之說的實有據而後來辨別者皆就論其皮肉之腊而並未目觀桂為何樹也其未成肉桂時微有辛氣沉檀之香歲久而結桂老逾辣亦俟其時故桂林數千里而肉桂之成如麟角焉江南山中如此樹



蒙自桂樹

者殆未必乏惜無識其為桂者爨下櫛櫛馨氣滿坳安知非留人餘叢同泣萁豆間耶玉蘭著而木蓮微木犀詠而山桂歇古之賞者其性後之賞者其華草木名實之淆亦世變風移之一端也雖然人不至滇亦烏知桂之為桂哉

巖桂

巖桂即木犀墨莊漫錄謂古人殊無題咏不知舊何名李時珍謂即菌桂之類而稍異皮薄不辣不堪入

藥



巖桂

桂寄生

桂寄生一名骨牌草生杭州三百年老桂上大致如車前草而葉厚如桂三十二色骨牌無一不具

奇偶相對巧非意想所及點子黃圓生於葉背皆一一突出似金星草蓋其子也余至杭曾取玩之或云治吐血有殊功

雩婁農曰古者烏曹作博說文博局戲六箸十二碁方

言博或謂之棊所以投博謂之枰或謂之廣平所以行棊謂之局或謂之曲道顏氏家訓古爲大博則六箸小博則二莞今無曉者鮑宏博經博局之戲各投六箸行六棊故曰六博用十二棊六白六黑所擲骰謂之瓊瓊有五采刻一畫者曰塞刻二畫者曰白刻三畫者曰黑一邊不刻在五塞之間謂之五塞博戲之法今皆不傳曰棊曰枰則與奕類廣韻博撓一曰投子則瓊也莞也骰也投也一物也蓋今骰子所自防也然其采有梟盧雉犢爲勝負其法用骰子五枚分上爲黑下爲白黑者刻二爲犢白者刻二爲雉全黑爲盧采十六二雉三黑爲雉采十四二犢三白爲犢采十全白爲白采八尙黑而下白非今采也潘氏紀開始有重四賜緋之說南唐劉信一擲六骰皆赤宋王昭遠一擲六齒皆赤其製與今骰子微相類然古骰子唯刻木故名五木後世用石用玉漸用象用骨故骰字從骨骨牌者蓋自骰子出而三十二具之采色究不知始於何時歸田錄載葉子戲

木類卷之三十三 木蘭

或謂卽今以紙爲牌所由昉然遊戲之具與世推移執今證古多不相師彼桂樹之寄生必不始生於近世豈此三十二具之奇偶乃造物機械偶露於小草而爲人所窺尋耶抑人世既有此戲而草木乃賦形而維肖耶夫寄生多種何獨異於桂嶺南北之桂寄生與他木同

桂寄生



何獨異於餘杭之桂豈小說家所謂浙江爲月路所經故月桂之子獨落於靈隱天竺其所產之桂特鍾神奇耶夫草木之異非祥則妖合朔連理以符聖世而戈甲人物之象爲兵禍先兆彼牧猪奴之戲何關休咎而乃

木類卷之三十三 木蘭


刻畫點染瑣瑣焉而不憚煩耶抑又聞之人心所屬物  
 卽應之鄭氏書帶之草應著述之勞也田氏復生之荆  
 應友子之義也湘妃之竹有淚哀之極也男子樹蘭不  
 芳情之異也易道闡幽而薺草獨盛於太皞之墟象教  
 盛行而木理始有菩薩之像金石之堅能昭誠格卉木  
 無知尤微蕃變然則寄生之有骨牌也非以示撝蒹投  
 瓊之易其術卽人事游戲沉溺忘返而小草乃爲之效  
 尤而極巧也滇之夷重女而賤男永昌之裔有低頭草  
 焉見婦人則低其頭婦以饋夫卽制其夫人之所忌其  
 氣饑足以取之妖由人興不從其所好卽伺其所畏理  
 固然也彼竹葉之符艾葉之人徒以意造想象者又非  
 此類矣

又按宋圖經檇葉脫處有痕如撝蒹子又似眼目則  
 古骰子亦不似今之骰子形方而點正圓也

**木蘭** 木蘭本經上品李時珍以爲卽白香山所謂木蓮

生巴峽山谷間俗呼黃心樹者疏證甚核余尋藥至廬

山一寺門有大樹合抱葉似玉蘭而大於掌僧云此厚  
 朴樹也招其皮香而辛考陶隱居木蘭注謂皮厚狀如  
 厚朴而氣味爲勝宋圖經謂韶州取外皮爲木蘭肉爲  
 桂心李華賦序亦云似桂而香則廬山僧以爲厚朴與  
 韶州以爲桂皆以臭味形似名之而轉失其嘉名張山



木蘭一

人石樵僑居於黔語余曰彼處多木蘭樹極大開花如  
 玉蘭而小土人斷之以接玉蘭則易茂木質似柏而微  
 疎俗呼泡柏木川中柏木船皆此木耳因爲作圖余釋  
 其說始信廬山所見者卽木蘭而李時珍之解亦未的



輒憶天隨子詩曰幾度木蘭船上望不知原是此花身  
蓋實錄非綺詞也然是木也功列桐君之書形載騷人  
之詞列舟送遠假名汎彼而擷華者又復以李代桃用  
其身而易其諡遂使注書者泛引而失真求材者炫名

木蘭二



而遺實宜乎李華有感而賦謂自昔淪芳於朝市墜實  
於林邱徒鬱咽而無聲可勝言而計籌也

木蓮花見黃海山花圖全似蓮花不類辛夷

辛夷 辛夷本經上品即木筆花又有玉蘭花可食分紫

瓣白瓣二種

粵婁農曰王世懋花疏據苕溪漁隱謂玉蘭為宋之迎

木類卷之三十三 辛夷 杜仲 槐 槩木

春花今廣中尚仍此名又云玉蘭花古不經見余謂木  
蘭玉蘭一類二種唐宋以前但賞木蘭自玉蘭以花色  
香勝而騷客詞人競以玉雪霓裳描寫姑射而緘舌不  
與木蘭一字矣余由豫章泝湘經黔抵滇所見茶花多



辛夷

矣譜滇茶花者幾及百種庭廡間位置爭以深紅軟枝  
分心卷瓣為上品舊時圖畫册子濃鬚闊瓣濡染綺麗  
者已棄擲山阿付與樵豎而白花黑果填溢於湘黔章  
貢山谷中落實而焚膏者滇中固無此利即江湘間士

木類卷之三十三 辛夷 杜仲 槐 槩木


大夫相燕賞於玉茗寶珠間者亦不盡知其為族類也  
 玉蘭雅潔芳榭名園非是不稱正如芝蘭玉樹欲生階  
 前彼山鬼朝孳子規夜上托根亂石間者非澤畔騷人  
 澗阿孤寺烏能見而憐之離騷而降遷客淹留雲埋水  
 隔愁落恨生祇是故矣宋景文贊曰木蓮生峨眉山中  
 不為園圃所蒔日涉者尚不得一逢况不窺園者耶雖  
 然日食五穀不辨黍稷亦多矣又何論深山古木

**杜仲** 杜仲本經上品一名木棉樹皮中有白絲如膠芽  
 葉可食花實苦澀亦入藥湘陰志杜仲皮粗如川產而  
 肌理極細膩有黃白斑文



杜仲

**槐** 槐本經上品救荒本草芽可煨食花炒熟亦可食



槐

**槩木** 槩木本經上品即黃槩根名檀栢湖南辰沅山中



槩木

所產極多染肆用之

榆

榆本經上品種甚多今以有莢者為姑榆無莢者為郎榆南方榆秋深始結莢不可食即拾遺之榔榆也其有刺者為刺榆質堅其皮白者為枌榆北方食之又別錄中品有蕪莢說者謂即榆莢仁醞為醬者李時珍又云有大蕪莢別有種不知何物



漆

漆本經上品山中多種之斧其木以蛤盛之經夜則汁出

女貞

女貞本經上品今俗通呼冬青李時珍以實紫黑



女貞



木類卷之三十三 榆 漆 女貞 五加皮 枸杞 溲疏

木類卷之三十三 榆漆 女貞 五加皮 枸杞 洩疏

者為女貞實紅者為冬青極確湖南通謂之蠟樹放蠟之利甚溥又有小蠟樹枝葉花實皆同而高不過四五尺救荒本草凍青芽葉可食即此

**五加皮** 五加皮本經上品仙經謂之金鹽江西種以為籬其葉作蔬俗呼五加蕪京師燒酒亦有五加之名殆染色為之



五加皮

**枸杞** 枸杞本經上品根名地骨皮陸璣詩疏苞杞一名

地骨是也嫩葉作蔬根實入服食家用故有仙人杖之名又洩疏本經下品代無識者唐本草注子似枸杞

**洩疏** 洩疏前人無確解蘇恭云子八九月熟色似枸杞必兩兩相對今江西山野中亦有之葉似枸杞有微



枸杞



洩疏

齒圖以備考

### 蔓荊

蔓荊本經上品又牡荊別錄上品即黃荊也子大者為蔓荊有青赤二種青者為荊赤者為楷北方以製莒筐籬笆用之甚廣沙地亦種之江南器多用竹故荊條叢生無復採織



### 酸棗

酸棗本經上品爾雅枳酸棗注以為即枳棘又白棘本經中品李當之云白棘是酸棗樹棘又別錄有刺棘花亦即棘花也


酸棗



### 蕤核

蕤核本經上品傳信方治眼風淚痒用之得效救荒本草俗名蕤李子果可食本草綱目以為郭注爾雅

蕤核



木類卷之三十三 蔓荊 酸棗 蕤核 厚朴 秦皮 合歡

木類卷之三十三 蔓荆 酸棗 蕤核 厚朴 秦皮 合歡

穉白桜即此亦可備一說

**厚朴**

厚朴本經中品唐書龍州土貢厚朴本草綱目謂葉如榭葉開細花結實如冬青子生青熟赤有核味甘美滇南生者葉如楮葉亂紋深齒實大如豌豆謂之雲

厚朴



朴亦以冒川產川中人云凡得朴樹輒掘窖以火煨逼名曰出汗必以黃葛樹同納窖中及出汗後則二物氣味糝雜不能辨矣說文朴木皮也段氏注洞簫賦秋蝟不食抱朴以長吟顏注急就篇上林賦厚朴曰朴木皮

也此樹以皮厚得名廣雅重皮厚朴也今朴皮重卷如

筒厚者難致滇南呼朴爲婆桂馥札璞以爲駁樹殊欠

考詢

**秦皮**

秦皮本經中品樹似檀取皮漬水便碧色書紙看之皆青湖南呼爲稱星樹以其皮有白點如稱星故名



秦皮

**合歡**

合歡本經中品即馬櫻花京師呼爲絨樹以其花

似絨線故名救荒本草夜合樹嫩葉味甘可燉食

阜莢

阜莢本經中品有肥阜莢猪牙阜莢刺爲癰疽要藥救荒本草嫩芽可煨食子去皮糖漬之亦可食滇南阜角樹至多角長尺餘秋時懸垂樹末如結組綸每塑廟像將成必焚阜角以除穢歲首亦或懸於門外考五國故事蜀王衍好燒沉檀蘭麝之類芬馥氤氳晝夜不息旣而厭之乃取阜角燒之則以阜角爲香者蓋始於蜀而滇亦染其俗耳又湖南志謂無論諸惡瘡但以阜角末醋調敷卽愈云



合歡

桑

桑本經中品爾雅女桑椹桑注今俗呼桑樹小而條



桑



阜莢

木類卷之三十三 阜英 桑 桑上寄生

長者爲女桑樹槩桑山桑注似桑材中作弓及車轅今吳中桑矮而葉肥蓋卽女桑江北桑皆自生材中什器蓋卽槩桑蠶絲勁黃所謂槩絲矣桑枝根白皮皮中汁霜後葉及莖耳蘇花柴灰蟲蟲皆入藥

桑上寄生 桑上寄生別錄中品葉圓微尖厚而柔面

青光澤背淡紫有茸子黃色如小葉汁甚黏核如小豆諸書悉同惟圖經云三四月花黃白色余所見冬開花色黃紅殘則淺黃耳後人執蕙女蘿之說強爲糾紛若如陸疏所云乃是蔓生何能併合南方毛燕石斛風蘭寄生亦非一種本草衍義謂有服他木寄生而死者用寄生者烏可不慎廣西所產多榕寄生或云桑寄生於榕又謂有桑寄生者尤謬吾未見有服此藥而效者緣少真者耳

零婁農曰蕙與女蘿傳曰蕙寄生也陸疏以爲子如覆盆子亦黑甜美今寄生子既不可食形亦不類或云烏銜樹子遺樹上而生余以十月後莅贛南羣木多隕有

鬱葱者如花如果遣人折枝視之皆寄生也所托樹非一而葉厚毛背紅花黃子無異形信乎感氣而生別是一物也桑寄生以去風保產見重於世桂椒生者土人云性與桂椒同桃柳所生俗方亦取用之蓋皆盜本木之精華而奪其雨露之施假而不歸如借叢者久而叢



桑上寄生

枯而亡矣讀郁離子伐桑寄生賦序云如瘡痍脫身大好去國有會余心者焉其賦有曰農植嘉穀惡草是蔓物猶如此人何以堪獨不聞三桓競爽魯君如寄田氏厚施姜陳易位大賈入秦伯翳以亡園謀既售華化爲



黃蠶憑木以槁木茲憑國以盜國鬼居盲而人隕梟寄巢而母食故曰非其種者鋤而去之信斯言之可則

**吳茱萸** 吳茱萸本經中品爾雅椒檄醜茱禮記作藪

又食茱萸唐本草始著錄宋圖經或云即茱萸粒大堪噉者蜀人呼爲艾子益部方物記藪艾同字云又名樵

子

吳茱萸



**山茱萸** 山茱萸本經中品陶隱居云子如胡頹子可

噉合核爲用救荒本草謂之實棗兒

木類卷之三十三 吳茱萸 山茱萸 秦椒 蜀椒 崖椒 衛矛 梔子

**秦椒** 蜀椒 秦椒本經中品爾雅檄大椒又蜀椒本

經中品今處處有之以蜀產赤色者佳川中用絲結爲



山茱萸一



山茱萸二

木類卷之三十三 吳茱萸 山茱萸 秦椒 蜀椒 崖椒 衛矛 梔子

念珠等物是也



秦椒 蜀椒

崖椒

崖椒宋圖經收之李時珍以為即椒之野生者



崖椒

衛矛

衛矛本經中品即鬼箭羽湖南俚醫謂之六月凌

用治腫毒按圖經曲節草有六月凌綠豆青諸名此木  
春時枝葉極嫩結實如冬青而色綠性味苦寒殆即一  
物



衛矛

梔子

梔子本經中品即山梔子以染黃者以七稜至九

稜者為佳

木類卷之三十三 枳實 棟 桐 梓 柳 欒華

枳實

枳實本經中品橘踰淮而化為枳或云江南亦別有枳蓋即橘之酸酢者以別枸橘耳補筆談辨別枳實



枳實



枳子

棟

棟本經下品處處有之四月開花紅紫可愛故花信有棟花風湘陰志苦棟掘溝埋之可成棟城植當風處可辟白蟻

枳殼極晰



棟

桐

桐本經下品即俗呼泡桐開花如牽牛花色白結實如阜莢子輕如榆錢其木輕虛作器不裂作琴瑟者即此其花紫者為岡桐

柳


柳本經下品華如黃蕊子爲飛絮前人以絮爲花殊



柳

梓


梓本經下品有角長尺餘如箸而黏餘皆如楸



桐

欒華

欒華本經下品子可爲念珠救荒本草木欒葉味



欒華



柳

誤陳藏器已辨之但絮有飛揚者亦有就枝團簇者俗以爲雌雄又種生與插枝生者莖幹亦不同云

淡甜可煤食

### 石南

石南本經下品詳本草衍義毛文錫茶譜湘人四月採石南芽爲茶去風暑月尤宜桂陽呼爲風藥充茗浸酒能愈頭風



石南

### 郁李

郁李本經下品卽唐棣實如櫻桃而亦吳中謂之爵梅固始謂之秧李有單瓣千葉二種單瓣者多實生於田陸千葉者花濃而中心一縷連於蒂俗呼爲穿心梅花落心蒂猶懸枝間故程子以爲棣萼甚牢固經合常棣爲一未可據

木類卷之三十三 石南 郁李 鼠李 蔓椒 巴豆 豬苓 詹糖香

### 鼠李

鼠李本經下品宋圖經卽烏巢子本草衍義以爲卽牛李子敘述甚詳李時珍云取汁刷染綠色此卽江西俗呼凍綠柴一名羊史子救荒本草女兒茶一名牛



郁李



鼠李

木類卷之三十三 石南 郁李 鼠李 蔓椒 巴豆 豬苓 詹糖香

李子一名牛筋子葉味淡微苦可食亦可作茶飲即此  
唯江西別有牛金子子黑色與此異  
蔓椒 蔓椒本經下品枝軟如蔓葉上有刺林麓中多有


之



蔓椒

巴豆 巴豆本經下品生四川

巴豆



豬苓 豬苓本經中品舊說是楓樹苓今則不必楓根下  
乃有莊子謂之豕棗功專利水

豬苓



詹糖香 詹糖香別錄上品唐本草云出晉安葉似橘

煎枝爲香似沙糖而黑今寧都州香樹形狀正同俗亦  
採枝葉爲香料開花如桂結紅實如天竹子而長圓圖  
以備考湖南有一種野樟葉極香甚相類夏時結子稍  
異

木類卷之三十三 楮 杉 沙木 樟

楮 楮香



楮

楮實別錄上品詩疏幽州謂之穀桑荆揚交廣謂之



楮

穀西陽雜俎葉有瓣曰楮無曰構按穀構一聲之轉楚人謂乳穀亦讀如構也皮為紙亦可為布葉實可食皮中白汁以代膠救荒本草謂之楮桃

杉

杉別錄中品爾雅被黏疏俗作杉結實如楓松楸而

小色綠有油杉可入藥胡杉性辛不宜作櫬又沙木亦

其類有赤心者本草拾遺謂之丹柅木

雲萋農曰吾行南贛山阿中嶮嶽蒙密如薺如芻而丁

丁者衆峯皆答蓋不及合抱而縱尋斧矣按志皆曰杉

而土語則曰沙疑俚音之轉也閩嶺外代答知杉與沙

為一類而異物南城縣志謂杉有數種有自麻姑山來

者持山僧所折杉枝似榧似松葉細潤而披拂余始識

杉與沙果有異然江湖率皆沙也及莅滇夾道巨木森

森竦擢絲葉如翼苦膚無鱗蓋蔭暘而中禪傍題湊者


皆百餘年物視彼瘦幹短蹙亂葉攞挈如尋人而刺者

真有雞冠佩劍未遊聖門時氣象夫物有類而一類中

又有鉅細精粗孔翠鷓鷯五采煥矣見鳳皇而闐然無

木類卷之三十三 栝 杉 沙木 樟

文也駮驪駘驛四蹄輕矣遇駮駘而瞠乎其後也史之傳儒林文學隱逸循吏者一傳十數其品詣獨無異乎服虔聞崔烈講春秋知其不踰己李謐師孔璠而璠後復就謐請業同遊培婁烏視松柏荀淑有重名遇黃憲孺子而以爲師表文中子年十五而王孝逸白首北面




杉

豫章生七日而有干霄之勢天姿之異有獨鍾焉韓昌黎云世無孔子不當在弟子之列然則昔之結廬教授開門成市者設遇聖賢大儒不猶去社叢而入鄧林舍樽木而仰拒格哉

沙木 沙木嶺外代答謂與杉同類尤高大成叢穗小與

杉異今湖南辰沅徭峒亦多種之大約牌筏商販皆沙木其木理稍異者則杉木耳



沙木

樟 附樟寄生 釣樟別錄下品本草拾遺有樟材江西極多

豫章以木得名南過吉安則不植李時珍以豫爲釣樟即樟之小者又有赤白二種作器不蠹滇南樟尤香而木質堅緻 零婁農曰豫章以木名郡今江西寺觀叢祠及衙署婆



婆垂蔭者皆豫章也明興雜記謂神木廠有樟扁頭者圍二丈長臥四丈餘騎而過其下高可以隱雖不易觀而合抱參天萬牛迴首則村墟道塗間皆遇之不足異也顧南至章貢北抵彭蠡湯沐之邑方千里踰境則淮

樟一



與濟汶矣其實有赤白不知何者為豫何者為樟師古謂豫卽枕木今亦無是名也為器為舟為鼓額為几面煎汁為腦熬子為油江右賴之祠其巨者為神無敢烹

木類卷之三十三 檀香 檉

彭侯者見搜神記樟公之壽幾閱大椿見花木考社而稷之洵其

宜也其寄生曰占斯別入藥顧桑柳諸葛皆葉瘁而獨榮豫章之木冬不改柯鬱鬱蔥蔥惟見骨碎補一物長

樟二



葉緒菱浸淫其上不及尋其皮如厚朴而色似桂者良足惜已

檀香 檀香別錄下品廣西通志考據明晰嶺南有之

櫟

櫟別錄下品材紅紫堪作什品固始呼胖柳



櫟



檀香

木類卷之三十三 檀香櫟

植物名實圖考卷之三十四

固始吳其溶著

蒙自陸應穀校刊

木類

雲葉

稭芽樹

回回醋

槭樹芽

龍柏芽

山茶科

花楸樹

烏稜樹

黃絲藤

統樹

黃棟樹

月芽樹

白樅樹

老葉兒樹

兜欖樹 卽欖

木葛

白辛樹

刺楸樹

山格刺樹

報馬樹

椴樹

堅莢樹

馬魚兒條

青舍子條

婆婆枕頭

臭蕪

臭竹樹

老婆布鞋


驢駝布袋

青檀樹

雲葉

救荒本草雲葉生密縣山野中其樹枝葉皆類桑但其葉如雲頭花又似木欖樹葉微瀾開細青黃花

雲葉



其葉味微苦採嫩葉燥熟換水浸淘去苦味油鹽調食或蒸晒作茶尤佳

木類卷之三十四 目錄 雲葉 黃棟樹 稭芽樹 月芽樹

木類卷之三十四 目錄 雲葉 黃棟樹 稽芽樹 月芽樹

黃棟樹

救荒本草黃棟樹生鄭州南山野中葉似初生椿樹葉而極小又似棟葉色微帶黃開花紫赤色結子如豌豆大生青熟亦紫赤色葉味苦採嫩芽葉燂熟換水浸去苦味油鹽調食蒸芽曝乾亦可作茶煮飲



黃棟樹

稽芽樹

救荒本草稽芽樹生輝縣山野中科條似槐

條葉似冬青葉微長開白花結青白子其葉味甜採嫩

葉燂熟水淘淨油鹽調食


月芽樹

救荒本草月芽樹又名芴芽生田野中莖似槐條葉似歪頭菜葉微短稍硬又似稽芽葉頗長脩其

月芽樹



稽芽樹



葉兩兩對生味甘微苦採嫩葉煤熱水浸淘淨油鹽調食

回回醋

救荒本草回回醋一名淋檉橄生密縣韶華山野中樹高丈餘葉似兜欖樹葉而厚大邊有大鋸齒又似厚椿葉而亦大或三葉或五葉排生一莖開白

回回醋




花結子大如豌豆熟則紅紫色味酸葉味微酸採葉煤熱水浸去酸味淘淨油鹽調食其子調和湯味如醋

白槿樹

救荒本草白槿樹生密縣梁家衝山谷中樹高五七尺葉似茶葉而其濶大光潤又似初生青岡葉

而無花又似山格刺樹葉亦大開白花其葉味苦採葉煤熱水浸淘淨油鹽調食



白槿樹

槭樹芽

救荒本草槭樹芽生鈞州風谷頂山谷間木高一二丈其葉狀類野蘿蔔葉五花尖又亦似棉花葉而薄小又似絲瓜葉卻甚小而淡黃綠色開白花葉味甜採葉煤熟以水浸作成黃色換水淘淨油鹽調食按說文槭木可作大車輶蓋即此樹許叔重汝南人固應識其土所宜木也

木類卷之三十四 回回醋 白槿樹 槭樹芽 老葉兒樹 龍柏芽 兜欖樹

木類卷之三十四 回回醋 白樺樹 槭樹芽 老葉兒樹 龍柏芽 兜蘆樹


槭樹芽



老葉兒樹

救荒本草老葉兒樹生密縣山野中樹高六七尺葉似茶葉而窄瘦尖削又似李子葉而長其葉


老葉兒樹



龍柏芽

味甘微澀採葉煤熟水浸去澀味淘洗油鹽調食久則亦大葉似初生橡櫟小葉而短味微苦採芽葉煤熟換水浸淘淨油鹽調食

龍柏芽



兜蘆樹

即蘆

救荒本草兜蘆樹生密縣梁家衝山谷中樹甚高大其木枯朽極透可作香焚俗名檉香葉似回回醋樹葉而薄窄又似花楸樹葉卻少花又葉皆對生味苦採嫩芽葉煤熟水浸去苦味淘洗淨油鹽調食按本草綱目檉香江淮湖嶺山中有之木大者近丈

許小者多被樵采葉青而長有鋸齒狀如小蘇葉而香對節生其根狀如枸杞根而大煨之甚香楞嚴經云壇前安一小罇以兜婁婆香煎水沐浴卽此香也根氣味苦澀平無毒主治頭癰腫毒碾末麻脂調塗七日腐落

兜婁樹



山茶科

救荒本草山茶科生中牟土山田野中科條

高四五尺枝梗灰白色葉似阜茨葉而團又似槐葉亦團四五葉攢一處葉甚稠密味苦採嫩葉煤熟水淘洗淨油鹽調食

木類卷之三十四

山茶科

木葛

花楸樹

白辛樹

烏稜樹

木葛

救荒本草木葛生新鄭縣山野中樹高丈餘枝似杏枝葉似杏葉而團又似葛根葉而小味微甜採葉煤

木葛



山茶科

木類卷之三十四 山茶科 木葛 花楸樹 白辛樹 烏稜樹

熟水浸淘淨油鹽調食

花楸樹

救荒本草花楸樹生密縣山野中其樹高大  
葉似回回醋葉微薄又似兜欖樹葉邊有鋸齒又其葉  
味苦採嫩芽葉煤熟換水浸去苦味淘洗淨油鹽調食



花楸樹

白辛樹

救荒本草白辛樹生滎陽塔兒山岡野間樹  
高丈許葉似青檀樹葉頗長而薄色微淡綠又似月芽  
樹葉而大色亦差淡其葉味甘微澀採葉煤熟水浸淘  
去澀味油鹽調食

白辛樹



烏稜樹

救荒本草烏稜樹生密縣梁家衝山谷中樹  
高丈餘葉似省沽油樹葉而背白又似老婆布鞋葉微

烏稜樹






小而脩開白花結子如梧桐子大生青熟則烏黑其葉味苦採葉燂熟換水浸去苦味作過淘洗淨油鹽調食

刺楸樹

救荒本草刺楸樹生密縣山谷中其樹高大

皮色蒼白上有黃白斑文枝梗間多有大刺葉似楸葉而薄味甘採嫩芽葉燂熟水浸淘洗淨油鹽調食

刺楸樹



黃絲藤

救荒本草黃絲藤生顯縣太行山山谷中條

類葛條葉似山格刺葉而小又似婆婆枕頭葉頗硬背

微白邊有細鋸齒味甜採葉燂熟水浸淘淨油鹽調食

木類卷之三十四 刺楸樹 黃絲藤 山格刺樹 統樹 報馬樹 椴樹

山格刺樹

救荒本草山格刺樹生密縣韶華山野

中作科條生葉似白樺樹葉頗短而尖脩又似茶樹葉

山格刺樹



黃絲藤


木類卷之三十四 刺楸樹 黃絲藤 山格刺樹 統樹 報馬樹 椴樹

而潤大及似老婆布黏葉亦大味甘採葉燻熟水浸作  
成黃色淘洗淨油鹽調食

**統樹** 救荒本草統樹生輝縣太行山山谷中其樹高丈

餘葉似槐葉而大卻頗軟薄又似檀樹葉而薄小開淡  
紅色花結子如菘豆大熟則黃茶褐色其葉味甜採葉  
燻熟水浸淘淨油鹽調食

統樹



**報馬樹** 救荒本草報馬樹生輝縣太行山山谷間枝

條似桑條色葉似青檀葉而大邊有花叉又似白卒葉

頗大而長硬葉味甜採嫩葉燻熟水淘淨油鹽調食硬  
葉燻熟水浸作成黃色淘去涎沫油鹽調食

報馬樹



**椴樹** 救荒本草椴樹生輝縣太行山山谷間樹甚高大

其木細膩可爲卓器枝又對生葉似木樨葉而長大微  
薄色頗淡綠皆作五花椴又邊有鋸齒開黃花結子如  
豆粒大色青白葉味苦採嫩葉燻熟水浸去苦味淘洗  
淨油鹽調食 爾雅正義椴樹註白椴也樹似白楊正  
義椴一名柁檀弓云柁棺一鄭註云所謂棹棺也凡棺  
因能溼之物又云棹謂地棺棹堅著之言也鄭君所見

爾雅本柂作地註白椴至白楊正義玉篇云椴木似白楊釋文引字林云木似白楊一名柂今白楊木高大葉圓似梨面青而背白肌細性堅用爲梁拱久而不撓椴木與白楊相似也

按椴木質白而少文微似楊木風雨燥濕不易其性

椴樹



北方以作門扇板壁其樹枝葉不似白楊

說文解字注椴椴木可作牀几牀踏本作伏疑誤釋木曰椴椴本草陶隱居說人參曰高麗人作人參讚曰三椴五葉背陽向陰欲來求我椴樹相尋椴樹葉似桐甚


木類卷之三十四 臭蕨 堅莢樹 臭竹樹 馬魚兒條

大陰廣圖經亦言人參春生苗多於深山背陰近椴漆下潤溼處是則椴爲大木故材可牀几郭云子大如孟者未知是不也從木段聲讀若賈古雅切五部

**臭蕨** 救荒本草臭蕨生密縣楊家衝山谷中科條高四

五尺葉似柈瓜葉而尖艸又似金銀花葉亦尖艸五葉攢生如一葉開花白色其葉味甜採葉燂熟水浸淘淨油鹽調食

臭蕨



**堅莢樹** 救荒本草堅莢樹生輝縣太行山山谷中其

樹枝幹堅勁可以作棒皮色烏黑對分枝叉葉亦對生

木類卷之三十四 臭蕪 堅莢樹 臭竹樹 馬魚兒條

葉似拐棗葉而大微薄其色淡綠又似土欒樹葉極大而光潤開黃花結小紅子其葉味苦採嫩葉燂熟水浸去苦味淘淨油鹽調食

堅莢樹



臭竹樹

救荒本草臭竹樹生輝縣太行山山野中樹


甚高大葉似楸葉而厚頗脗卻少花又似拐棗葉亦

大其葉面青背白味甜採葉燂熟水浸去邪臭氣味油

鹽調食

馬魚兒條

救荒本草馬魚兒條俗名山阜角生荒野中葉似初生刺藤花葉而小枝梗色紅有刺似棘鍼微



臭竹樹



馬魚兒條

小葉味甘微酸採葉燻熱水浸淘淨油鹽調食

老婆布黏


救荒本草老婆布黏生鈞州風谷頂山野

間科條淡蒼黃色葉似匙頭樣色嫩綠而光俊又似山

格刺葉卻小味甘性平採葉燻熱水浸作過淘淨油鹽

調食

老婆布黏



青舍子條

救荒本草青舍子條生密縣山谷間科條

微帶柿黃色葉似胡枝子葉而光俊微尖枝條梢間開

淡粉紫花結子似枸杞子微小生則青而後變紅熟則

紫黑色味甜採摘其子紫熟者食之

驢駝布袋

救荒本草驢駝布袋生鄭州沙岡間科條

驢駝布袋

青舍子條



木類卷之三十四

老婆布黏

青舍子條

驢駝布袋

婆婆枕頭

青檀樹

木類卷之三十四 老婆布粘 青舍子條 驢駝布袋 婆婆枕頭 青檀樹

高四五尺枝梗微帶赤黃色葉似郁李子葉頗大而光  
又似省沽油葉而尖頗齊其葉對生開花色白結子如  
藁豆大兩兩並生熟則色紅味甜採紅熟子食之

婆婆枕頭

救荒本草婆婆枕頭生鈞州密縣山坡中

科條高三四尺葉似櫻桃葉而長鞘開黃花結子如菜  
豆大生則青熟紅色味甜採熟紅子食之

婆婆枕頭



青檀樹

救荒本草青檀樹生中牟南沙崗間其樹枝

條紋細薄葉形類棗微尖鞘背白而澀又似白辛樹葉  
微小開白花結青子如梧桐子大葉味酸澀實味甘酸

採葉燉熟水浸淘去酸味油鹽調食其實成熟亦可摘  
食

青檀樹



植物名實圖考卷之三十五

固始吳其濬著

蒙自陸應穀校刊

木類

- |     |     |     |     |    |     |     |    |    |   |
|-----|-----|-----|-----|----|-----|-----|----|----|---|
| 阿魏  | 訶梨勒 | 賣子木 | 椋子木 | 欒荆 | 蘇方木 | 水楊  | 青楊 | 樗  | 楓 |
| 無食子 | 騏驎竭 | 毗黎勒 | 接骨木 | 茶  | 烏白木 | 胡桐淚 | 莢蕨 | 白楊 | 椿 |

大空

檀

罌子桐

欄木

石刺木

放杖木

木槿

樺木

鹽麩子

紫荆

伏牛花

黃櫨

柘

柞樹又一種

木天蓼

梓榆

奴柘

莎木

盧會

櫛木

無患子

檉柳

密蒙花

南燭

烏藥

椶櫚

柞木

金櫻子

併入圖經  
棠毬子

枸骨

冬青

醋林子

海紅豆

大風子

懷香

梧桐

黃楊木

扶桑

木芙蓉

山茶

枸橘

胡頹子

蠟梅

烏木

石瓜

相思子

竹花

楓

楓爾雅楓攝攝楓香脂唐本草始著錄楓子如椽南

方草木狀謂楓實有神乃難得之物恐涉附會江南凡

樹葉有叉歧者多呼爲楓不盡同類

椿

椿唐本草始著錄卽香椿葉甘可茹木理紅實俗名



椿



楓



紅椿

樗

樗唐本草始著錄卽椿之氣臭者根莢皆入藥木理虛白生山中者名樗爾雅樗山樗陸璣詩疏山樗與下

田樗無異其木稍堅可作器

樗



白楊

白楊唐本草始著錄北地極多以爲梁棟俗呼大葉楊救荒本草嫩葉可煤食又本草拾遺有扶移卽此

木類卷之三十五 樗 白楊 青楊 莢蓬 水楊 梧桐淚 蘇方木

白楊



青楊

青楊救荒本草葉似白楊葉而狹小色青皮亦青故名青楊葉可煤食味苦今北地呼小葉楊

青楊




木類卷之三十五 檇 白楊 青楊 莢蒾 水楊 胡桐淚 蘇方木

莢蒾

莢蒾唐本草始著錄陳藏器云皮可爲索救荒本草謂之孩兒拳頭子紅熟可食又煮枝汁少加米爲粥

甚美

莢蒾



水楊

水楊唐本草始著錄與柳同而葉圓闊枝條短硬




水楊

胡桐淚

胡桐淚見漢書西域傳唐本草始著錄爲口齒要藥今阿克蘇之西地名樹窩子行數日程尙在林內皆胡桐也葉微似桐樹本流膏如膠

胡桐淚



蘇方木


蘇方木唐本草始著錄廣西亦有之染絳用

極廣亦爲行血要藥

雩婁農曰蘇方木元江州有之南方草木狀謂葉如槐出九真則昔時所用皆滇產矣顧滇山路嶮水險不可舟致遠費貲近時率皆來自海舶逾嶺而順流達江南

北滇產不出境培蒔者亦少其葉極細枝亦柔微類槐耳諺云能行十日舟不行一日陸明時由滇至川航金沙江中後寒屢議疏鑿無成功其有一二程可通舟楫者伏秋江漲亦絕行旅故滇產與滇所資其價皆十倍民臨緜偷生無商賈之利山木入市跬步皆艱况其他哉

蘇方木



烏臼木

烏臼木唐本草始著錄俗呼木子樹子榨油

利甚溥根解水莽毒效

木類卷之三十五 烏臼木 藥荆 茶 棕子木 接骨木




烏臼木

藥荆

藥荆唐本草始著錄諸家皆無的解救荒本草有土藥樹姑圖之以備考

藥荆



木類卷之三十五 烏臼木 欒荆 茶 棕子木 接骨木

茶 茶唐本草始著錄爾雅檟苦茶注早采爲茶晚爲茗  
陸羽茶經源委朗晰故備載之



茶

棕子木 棕子木爾雅檟即來注材中車輞唐本草始

著錄救荒本草棕子木樹有大者木則堅重葉似柿葉  
而薄小結子如牛李子大如豌豆生青熟黑味甘鹹葉  
味苦亦可食此即江西俗呼冬青果也李時珍併入松  
楊木新化縣志非之然所謂棕子木皮澀有刺不知係  
枯枝非刺也又云子如羊矢棗而小則亦未識軟棗本

形耳

接骨木 接骨木唐本草始著錄花葉都類蒟藿但作

接骨木



棕子木



樹高一二丈木體輕虛無心斫枝扞之便生云

### 賣子木

賣子木唐本草始著錄生嶺南邛州其葉如

柿宋川西渠州歲貢四五月開碎花百十枝團攢作大

朶焦紅色子如椒目在花瓣中黑而光潔主折傷血內

溜續絕補骨髓止痛安胎 按湘中土醫習用鴉棒子

形狀頗肖而主治異別圖之

賣子木



### 毗黎勒

毗黎勒唐本草始著錄生嶺南交愛諸州核

似訶黎勒而圓短無棱苦寒主治風虛熱氣功用同菴

摩勒李時珍以為餘甘之類按滇南有松橄欖與餘甘

同而圓無棱以治喉痛與唐本合海藥云同訶黎勒性

溫疑又一種

### 訶黎勒

訶黎勒唐本草始著錄生嶺南以六路者佳

訶黎勒



毗黎勒

### 騏驎竭


騏驎竭唐本草始著錄生南越廣州主治血



木類卷之三十五 賣子木 毗黎勒 訶黎勒 騏驎竭 阿魏 無食子

木類卷之三十五 賣子木 毗黎勒 訶黎勒 麒麟竭 阿魏 無食子

痛為和血聖藥南越志以為紫鉶樹脂唐本以為與紫鉶大同小異舊雲南志樹高數丈葉類櫻桃脂流樹中凝紅如血為木血竭又有白竭今俱無余訪求之得如磨姑者數枚色白質輕蓋未必真




麒麟竭

阿魏 阿魏唐本草始著錄西陽雜俎作阿虞波斯樹汁

凝成瓠臙云滇中蜂形甚巨結窩多在絕壁垂如雨蓋人於其下掘一深坎置肥羊於內令善射者飛騎發矢落其窩急覆其坎二物合化是名阿魏按巖蜂在九龍

外整人至斃則此物亦非內地所產 阿魏



無食子 無食子唐本草始著錄生西戎沙磧地樹似

檉主治赤白痢腸滑生肌肉一作沒石子

無食子



大空 大空唐本草始著錄生襄州所在山谷亦有之小

樹大葉似桐而不尖主殺蟲


大空



木天蓼 木天蓼唐本草始著錄生信陽花似柘花子

作毬形似縲麻子可藏作果食又可為燭釀酒治風

木天蓼



檀 檀本草拾遺始著錄皮和榆皮為粉食可斷穀救荒

木類卷之三十五 大空 木天蓼 檀 梓榆 罌子桐 奴柘 櫚木

本草葉味苦芽可煤食



梓榆 梓榆即駁馬又名六駁皮色青白多癬駁詳詩疏

梓榆



檀

木類卷之三十五 大空 木天蓼 檀 梓榆 罌子桐 奴柘 欄木

罌子桐 罌子桐本草拾遺始著錄卽油桐一名荏桐

湖南江西山中種之取油其利甚饒俗呼木油

罌子桐



奴柘 奴柘本草拾遺始著錄似柘有刺高數尺江西有

之湘陰志灰桑樹葉大有刺三角亦桑類卽此

欄木 欄木本草拾遺始著錄俗呼花梨木南城縣志東

西鄉間有之不宜爲枕令人頭痛

欄木



奴柘






莎木

莎木本草拾遺始著錄木皮內出黃色麩生嶺南具詳海藥字本作莎李時珍據唐韻作莎以爲卽櫟木又以交州記都句樹出屑如枕榔麩可作餅餌恐卽此櫟木今瓊州謂之南榔

莎木



石刺木

石刺木一名勒樹葉圓如杏而大有光澤枝莖多刺本草拾遺生南方林筴間江西呼爲勒刺亦種爲籬院樹似棘而大枝上有逆鉤卽此然謂木上寄生則未之見

木類卷之三十五

莎木

石刺木

盧會

放杖木

櫟木

木槿

無患子

放杖木

放杖木本草拾遺始著錄生溫括睦婺諸州



盧會

盧會

盧會本草拾遺始著錄木脂似黑錫主治殺蟲拭癩舊雲南志盧蒼出普洱




石刺木

木類卷之三十五 莎木 石剌木 盧會 放杖木 榕木 木槿 無患子

主治風血理腰腳輕身故名浸酒服之

放杖木



榕木 榕木本草拾遺始著錄生江南山谷直上無枝莖

上有刺山人折取頭食之謂之吻頭主治水瘰蟲牙

榕木



木槿 木槿爾雅樛木槿日華子始著錄今惟用皮治癬

江西湖南種之以白花者為蔬滑美

木槿



無患子 無患子開寶本草始著錄南安多有之本草

無患子



拾遺酉陽雜俎所述詳明

樺木 樺木開寶本草始著錄施南山中極多以木皮爲

屋關東亦饒皮燒灰入藥

樺木



檉柳 檉柳開寶本草始著錄俗呼觀音柳亦云三春柳

木類卷之三十五 樺木 檉柳 鹽麩子 密蒙花 紫荊 南燭

鹽麩子 鹽麩子開寶本草始著錄江西湖南山坡多



檉柳

鹽麩子



木類卷之三十五 樺木 檉柳 鹽麩子 密蒙花 紫荊 南燭


有之俗呼枯鹽其俚方習用其蟲謂之伍倍子

密蒙花

密蒙花開寶本草始著錄詳本草衍義湖南

山中多有人皆識之開花黃白色茸茸如鬚

密蒙花



紫荊

紫荊開寶本草始著錄處處有之又本草拾遺有

紫荊子圓紫如珠別是一種湖南亦呼為紫荊夢溪筆

談未能博考李時珍併為一條亦踵誤

南燭

南燭開寶本草始著錄道家以葉染米為青餽飯



紫荊

南燭



陶隱居登真隱訣已載之開花如米粒歷歷下垂湖南

謂之飽飯花四月八日俚俗寺廟染飯饋問其風猶古

夢溪筆談誤以為南天竹且謂人少識者殊欠訪詢

伏牛花 伏牛花開寶本草始著錄李時珍併入虎刺

今虎刺生山中林木下葉似黃楊層層如盤開小白花

結紅實凌冬不凋俚醫亦用治風腫未知即此木否圖

以備考



伏牛花

烏藥

烏藥嘉祐本草始著錄山中極多俗以根形如連

珠有車轂紋者為佳開花如桂


烏藥



黃櫨

黃櫨嘉祐本草始著錄陳藏器云葉圓木黃可染

黃櫨



木類卷之三十五 伏牛花 烏藥 黃櫨 櫻櫚 柘 柞木

木類卷之三十五 伏牛花 烏藥 黃蘆 椴櫚 柘 柞木

黃色救荒本草葉味苦嫩芽可燻食

椴櫚 椴櫚嘉祐本草始著錄江西湖南極多用亦極廣

花苞為椴魚可食子落地即生燒椴灰為止血要藥

椴櫚



柘 柘嘉祐本草始著錄葉可飼蠶木染黃救荒本草葉

實可食野生小樹為奴柘本草拾遺載之



柘

柞木 柞木嘉祐本草始著錄江西湖南皆有之又有一

柞木




種相類而結黑實

柞樹又一種 柞樹江西山坡有之黑莖長刺葉長而圓

秋結紫黑實圓如大豆俗呼爲柞以爲藩籬

柞樹



金櫻子併入圖經棠棣子 金櫻子嘉祐本草始著錄

一名刺梨生黔中者可充果實饒州呼爲棠棣子字或

作糖卽圖經滁州棠棣子也

木類卷之三十五 柞樹 金櫻子 枸骨 冬青 醋林子 海紅豆 大風子

金櫻子



枸骨 枸骨宋圖經女貞下載之本草綱目始別出卽俗

枸骨



木類卷之三十五 柞樹 金櫻子 枸骨 冬青 醋林子 海紅豆 大風子

呼貓兒刺

冬青 冬青宋圖經女貞下載之本草綱目始別出葉微


團子紅色俗以接木樨花者亦可放蠟

冬青




醋林子 醋林子宋圖經收之廣西志似櫻桃而細

醋林子



海紅豆 海紅豆詳益部方物記略及海藥本草爲面


藥



海紅豆

大風子 大風子本草補遺始著錄治大風病性熱傷

大風子





血攻毒殺蟲外塗良海南有之狀如椰子而圓其中有核十數枚仁色白久則黃而油

懷香 懷香救荒本草謂之兜欖樹葉可煨食本草綱目

始收入香木

懷香



梧桐 梧桐爾雅樛梧春開細花結實曰橐鄂以為果本草綱目始收入喬木俗亦取其初落葉煎飲催生又煮

葉薰治白帶

葉薰治白帶

木類卷之三十五 懷香 梧桐 黃楊木 扶桑 木芙蓉 山茶

黃楊木 黃楊木西陽雜俎云世重黃楊以其無火本



梧桐

黃楊木 黃楊木西陽雜俎云世重黃楊以其無火本



黃楊木

木類卷之三十五 欖香 梧桐 黃楊木 扶桑 木芙蓉 山茶

草綱目始收入灌木治婦人難產及暑癘又有一種水黃楊山坡甚多

扶桑 扶桑南方草木狀載之本草綱目始收入灌木江西贛州亦有之過吉安則畏寒不能植矣

扶桑



木芙蓉 木芙蓉即拒霜花桂海虞衡志載之本草綱目始收入灌木河以南皆有之皮任織緝花葉為治腫


毒良藥

木芙蓉



山茶 山茶本草綱目始著錄救荒本草葉可食及作茶

山茶



飲其單瓣結實者用以搗油山地種之花治血證

枸橘

枸橘詳本草綱目園圃種以爲樊刺硬莖堅愈於  
杞柳其橘氣臭亦呼臭橘鄉人云有毒不可食而市醫  
或以充枳實亦治跌打隱其名曰鐵籬笆初發嫩芽摘  
之浸以沸湯去其苦味曬乾爲蔬曰橘苗菜以肉煨食  
清香撲鼻亦山家清供云



枸橘

胡頹子

胡頹子陶隱居陳藏器注山茶萸皆著之本  
草綱目形狀功用尤爲詳晰湖北俗呼甜棒槌湖南地

木類卷之三十五 枸橘 胡頹子

暖秋末著花葉長而厚俗呼半春子



胡頹子

蠟梅

蠟梅本草綱目收之俗傳浸蠟梅花瓶水飲之能



蠟梅


蠟梅 烏木 石瓜 相思子

木類卷之三十五 枸橘 胡頹子 蠟梅 烏木 石瓜 相思子

毒入其實謂之土巴豆有大毒救荒本草云花可食李時珍亦云花解暑生津殊未敢信

烏木 烏木本草綱目始著錄主解毒霍亂吐利屑研酒服博物要覽葉似椶櫚偽者多是槩木染成滇海虞衡志謂元江州產者是檀木真烏木當出海南

烏木



石瓜 石瓜詳益部方物記略本草綱目始收入喬木類

治心痛

石瓜



相思子 相思子即紅豆詩人多詠之本草綱目始收


入喬木類為吐藥今多以充赤小豆

相思子



## 竹花

竹花湖南圃中細竹秋時矮筍不能成竹梢頭葉  
 卷成長苞層層密抱從葉隙出一長鬚端有黃點大如  
 粟米而長紫紫下垂每歲爲常乃知開花之竹自有一  
 種非盡老瘁昔人議竹華實所見皆殊別爲竹實考雜  
 緝各說焉



竹花

# 植物名實圖考卷之三十一

固始吳其濬著

蒙自陸應穀校刊

## 木類

優曇花

緬樹

龍女花

山梅花

蝴蝶戲珠花

雪柳

大毛毛花

皮袋香

珍珠花

滇桂

野李花

昆明山海棠

野櫻桃

山桂花

馬銀花

野香櫟花

象牙樹

山海棠 又一種

金絲杜仲

栗寄生

炭栗樹

水東瓜木

野春桂

衣白皮

棉柘

樹頭菜

昆明烏木

簸赭子

馬藤

金剛刺

千張紙

雪柳

滇厚朴

山梔子

老虎刺寄生

柏寄生

厚皮香

鐵樹果

滇山茶葉

滇大葉柳

鴉蛋子

金絲杜仲

紅木

蠟樹

桐樹

紫羅花

狗椒

馬椒

大黃連

寄母

## 刺綠皮

## 優曇花

優曇花生雲南大樹蒼鬱幹如木犀葉似枇杷光澤無毛附幹四面錯生春開花如蓮有十二瓣閏月則增一瓣色白亦有紅者一開即斂故名 按滇志



優曇花一

所紀大率相同或有謂花開七瓣者撫衍東偏有一樹百餘年物也枝葉皆類辛夷花祇六瓣似玉蘭而有黃蕊外有苞與花俱放如瓣三色綠人皆呼波羅花考白

木類卷之三十六 優曇花 緬樹

香山集木蓮生巴峽山谷花如蓮色香豔膩皆同獨房蕊異四月始開二十日即謝不結實其形狀氣候皆相類此豈即木蓮耶滇近西藏花果名多西方語紀載從而飾之遂近夸誕許續曾東還紀程謂優曇和山娑羅皆一物而云花葉無異載乘今此花祇及一歲之半又園圃分植輒生鄉間摘葉以爲雨笠非復靈光歸存豈曇花終非可移而姑以木蓮冒之耶抑此花本六瓣閏月增一爲七而紀乘誤耶否則和山等同爲一種以肥瘠靈俗而有千層單瓣耶又滇花瓣數一樹之上多寡常殊應月之瓣或偶值之耶余以所見繪之圖而錄東還紀程於後以備考其餘耳食之談皆不具

東還紀程大理府山爲靈鷲水爲西洱靈鷲之旁爲和山樹生和山之麓高六七丈其幹似桂其花白每花十二瓣閏則多一瓣佛日盛開異香芬馥非凡臭味中出一蕊如稗穗俗以爲仙人遺種主僧惡人剝啄伴置火樹下成灰燼雲南府志優曇花在城中土主廟內高

木類卷之三十六 優曇花 緬樹

二十丈枝葉扶茂每歲四月花開如蓮有十二瓣閏歲則多一瓣亦名娑羅樹昔蒙氏樂誠魁時有神僧菩提巴波自天竺至以所攜念珠分其一手植之久沒兵燹中謝肇淛滇略安寧過泉西岸有寺曰曹溪其中有曇

優曇花二



花樹一株相傳自西域來者綠葉白花移葉他種終不復活余謂安寧之優曇大理之和山土主廟之娑羅其花同其色同其枝幹亦同特異地而異名耳壬子夏曇花盛開州守馳使折一枝以贈其花葉枝幹合之載乘

果無異也太守乃採柔條徧插於大樹之旁三月後報曰一枝已萌蘖矣余喜甚乃移置盆盎碧葉爛然一根五幹土人驚詡以為奇瑞

又雲南通志稿載郎中阮福木蓮花說與鄙見合惟雲南督署舊有紅優曇說中以爲皆是白花余訪之信偶買花擔上折枝得紫苞者疑爲紅花也及苞坼則綠白瓣無少異豈制府中之殷紅者亦此類耶李時珍以木蓮初作紫苞似辛夷尤相脗合而又以真木蘭卽此然則虬幹婆娑者其卽征帆送遠之花身耶阮說尙未之及昔人有謂木蘭與桂爲一種者此樹葉皮味皆辛微似桂

緬樹 緬樹生昆明人家樹高逾人春時發葉先茁紅苞

長數寸苞坼葉見俱似優曇苞不遽脫裊裊紛披如曳丹羽遙望者皆誤認朱英倒垂也此樹未訪得真名滇人以物之罕尠者皆呼曰緬言其來從異域耳有採藥者曰此紅優曇也花紅瓣多居人畏攀折故匿其名省



城亦止此一樹按滇志督署有紅優曇一株形諸紀詠然第苞紅耳花固白色市中折以售不為異也此花既未早知名瓜期已屆忽忽不復索觀略記數語以示東土好事者不免為優曇添一重疑案

緬樹



龍女花

雲南志龍女花太和縣感通寺一株樹高數

丈花類白茶相傳為龍女所種余訪得繪本其花正白八出黃蕊中有綠心一縷俗謂綠如意花謝時收弄可

木類卷之三十一

龍女花

山梅花

蝴蝶戲珠花

雪柳

以催生云又徐霞客遊記感通寺龍女花樹從根分挺三四大株各高三四丈葉長二寸半濶半之綠潤有光花白大於玉蘭亦木蓮之類而異其名

龍女花



山梅花

山梅花生昆明山中樹高丈餘葉如梅而長


橫紋排生微似麻葉夏開四團瓣白花極肖梨花而香昔人謂梨花溶溶無香為憾此花兼之矣

木類卷之三十一 龍女花 山梅花 蝴蝶戲珠花 雪柳

蝴蝶戲珠花

蝴蝶戲珠即繡毬之別種桂馥札璞繡

蝴蝶戲珠花



山梅花

毬花周圍先開其瓣五出酷似小白蝶俗呼蝴蝶花中心別有數十蕊小如粟米按此花五瓣三大兩小形微似蝶中心綠蓓蕾圓如碧珠開不成瓣白英點點非蕊也

雪柳 昆明縣採訪會城隍廟雪柳已數百年物 按

樹已半枯葉如冬青大小疏密無定春深開花一枝數朵長筒長瓣似素與而色白雪柳之名或以此插枝就接皆不生



雪柳

大毛毛花

大毛毛花即夜合樹有二種一種葉大花如馬纓初開色白漸黃一種葉小花如綵色淡綠有微香近甜滇俗四月八日婦女無不插簪盈髻以花似佛



大毛毛花

警云陳鼎滇黔紀遊夜合樹高廣數十畝枝幹扶疏曲折開花如小山覆錦被絕非江浙馬纓之比宜其攀折不盡足供茶雲壓鬢顛欽矣

皮袋香

皮袋香一名山枝子生雲南山中樹高數尺葉長半寸許本小末多深綠厚硬春發紫苞苞坼簪莢

潔白如玉微似玉蘭而小開花五出細膩有光黃蕊茸茸中吐綠鬚一縷質既縞潔香尤清秘薝蔔對此色香俱粗山人擔以入市以為瓶供俗以花苞久含故有皮



皮袋香

袋之目檀萃滇海虞衡志含笑花俗名羊皮袋花如山梔子開時滿樹香滿一院即此但含笑以花不甚開放故名此花瓣少全坼非大小含笑也

珍珠花

珍珠花一名米飯花生雲南山坡叢生高三二尺長葉攢莖勁垂無偏反之態春初梢端白筩子花

木類卷之三十一

大毛毛花

皮袋香

珍珠花

滇桂

野李花

木類卷之三十六 大毛毛花 皮袋香 珍珠花 滇桂 野李花

本大末收一一下懸儼如貫珠又似糯米一條百數映日生光土人折賣擔頭千琲可稱富潔此樹大致如南燭而花極繁葉少光潤土人云未見結實未審一種否

珍珠花



滇桂

滇桂生雲南人家樹高近丈赭幹枝春生葉如

初發小橘葉葉間對苗長柄膏葵圓如菘豆開四團瓣

白綠花瓣厚多縐中央綠蒂大如小錢有蕊五點外瓣

附之如排棋子狀頗俶詭

滇桂



野李花

野李花一名山末利生雲南山中樹高五六

尺赭幹如桃枝葉本小末圍有尖柔厚不澤深紋微齒

野李花



淡綠色春開五瓣小白花如李花而更小蕊繁如毳清香淡遠故有末利之名

昆明山海棠 山海棠生昆明山中樹高丈餘大葉如

紫荊而粗紋夏開五瓣小白花綠心黃蕊密簇成攢旋結實如風車形與山藥子相類色嫩紅可愛山人折以售為瓶供按形頗似湘中水荇疑非嘉卉

昆明山海棠



野櫻桃 野櫻桃生雲南樹紋如桃葉類朱櫻春開長

柄粉紅花似垂絲海棠瓣微長多少無定內淡外深附

木類卷之三十六 昆明山海棠

野櫻桃 山桂花 馬銀花 野香櫟花

幹攢開朵朵下垂田腔籬落絳霞彌望園丁種以接櫻

桃滇志云紅花者謂之苦櫻或云此即山海棠阮相國所謂富民縣多有者俗以接櫻桃樹故名其苦櫻以小雪節開諺云櫻桃花開治年酒蓋滇櫻以春初熟也

野櫻桃



山桂花 山桂花生雲南山坡樹高丈餘新柯似桃賦

葉如橘春作小苞迸開五出長柄梟絲繁蕊聚縷色碎金粟香越木犀每當散萼幽崖擔花春市翠綠摩肩鵝黃壓髻通衢溢馥比戶收香甚至碎葉斷條亦且椒芬

木類卷之三十六 昆明山海棠

蘭臭固非留馨於一山或亦分宗於八桂但以錦囊缺  
詠藥裏失收聽攀折於他人任點污於廁溷姑爲膽瓶  
之玩聊代心字之香



山桂花

馬銀花

馬銀花生雲南山坡枝幹虬翠樹高丈許枝

端生葉頗似瑞香柔厚光潤背有黃毛花苞作毬擊於

葉際宛如泡桐一苞開花十餘朵圓甯四瓣或五瓣長

幾盈寸似單瓣茶花微小白鬚褐點有朱紅粉紅深紫

黃白各種紅者葉瘦餘者葉闊春颺煦景與杜鵑同時

野櫻桃 山桂花 馬銀花 野香櫟花

盛開茶火綺繡彌罩林崖有色無香炫晃目睫其殷紅  
者灼灼有饒或誤以爲木棉鄉人採其花燻熟食之檀  
萃滇海虞衡志馬櫻花冬春徧山山岷折而入市深紅  
不下山茶製其根以爲羹匙堅緻又有白馬櫻亦可玩  
似未全觀



馬銀花

野香櫟花

野香櫟花一名小毛花生雲南五華山

麓樹高近尋長葉如夾竹桃葉綠潤柔膩映日有光春  
開四尖瓣白花間以綠蒂徑不逾半寸長蕊茸茸密似

馬纓上綴褐點花瘦蕊繁隨風紛靡頗有姿度亦具清香惟玉縷冰絲離枝易瘁不堪摧折難供嗅玩耳



野香樺花

象牙樹

象牙樹生元江州樹高丈餘竟體黯白微似

象牙樹



木類卷之三十一

象牙樹

山海棠

金絲杜仲

栗寄生

山海棠

紫薇細枝竦上葉似烏白樹葉而薄木色似象牙而質重新平志出魯魁山可代象牙作筋云

●山海棠生雲南山中園圃亦植之樹如山桃葉似櫻桃而長冬初開五瓣桃紅花瓣長而圓中有一缺繁蕊中突出綠心一縷與海棠櫻桃諸花皆不相類春結紅



山海棠一

實長圓大如小指極酸不可食阮儀徵相國有咏山海棠詩序謂花似海棠蒂亦垂絲者則土人謂為山櫻桃以其樹可接櫻桃故名若以花名則此當曰山櫻彼當

木類卷之三十一 象牙樹 山海棠 金絲杜仲 栗寄生

曰山棠也

●山海棠生雲南山中樹莖葉俱似海棠春開尖瓣白花似桃花而白膩有光瓣或五或六長柄綠蒂鼻裊下

山海棠二



垂繁雪壓枝清香溢谷花開足則上翹金粟團簇玉線一絲第其姿格則海棠饒粉梨雲無香未可儕也幽谷自賞筠籃折贈偶獲於賣菜之傭遂以登列瓶之史

金絲杜仲 金絲杜仲一名石小豆生雲南山中小木

葉長末團夏抽細柄開花旋結實殼色粉紅老則四裂宛似海棠花內含紅子大如小豆朱皮黑質的礫不隕


栗寄生

栗寄生雲南栗樹上有之長條下垂扁莖密

栗寄生



金絲杜仲





節一平一側參差互生極類雕刻每節左右嵌以圓珠  
與諸木寄生不同而狀頗奇巧

炭栗樹

炭栗樹生雲南荒山高七八尺葉似橘葉而  
潤短柔滑嫩潤春開四長瓣白花細如剪紙類紙末花  
而稀疎秋時黃葉彌谷伐薪爲炭輕而耐火山農利之



炭栗樹

水東瓜木

水東瓜木湘中滇黔皆有之綠樹如桐葉  
似芙蓉數莖同生一處易長而質軟順寧府志以爲卽  
禮木可以刻字

木類卷之三十一 炭栗樹 水東瓜木 野春桂 衣白皮 棉栢 樹頭菜

野春桂

野春桂花猓獮持售於市見其折枝紅幹獨

水東瓜木



野春桂



木類卷之三十六 炭栗樹 水東瓜木 野春桂 衣白皮 棉柘 樹頭菜

勁綠葉未生擎來圓紫苞迸出金粟演俗佞佛供養無  
虛但有新萼俱作天花也

衣白皮 衣白皮生昆明矮木葉如桃葉小而勁花亦

如桃五瓣外赤內白簇簇枝頭其大者材中弓幹

衣白皮



棉柘 棉柘見救荒本草為柘之一種滇南有之葉如桑

而厚實如楮而圓織機無事嘉樹空生自缺婦功何關

地利哉

棉柘



樹頭菜 樹頭菜滇志石屏者佳樹色灰赭一枝三葉

微似楮木葉初生如紅椿芽而瘦味苦臨安人鹽漬之

樹頭菜



以爲齏與黃連茶樹檜皆取木葉作蔬咀其回味如食諫果也

### 昆明烏木

烏木舊傳出海南雲南葉似椶櫚僞者多是槩木染成滇海虞衡志謂恐是櫨木今昆明土人所謂烏木葉似槐而厚勁大如指頂極光潤嫩條色紫與舊說異其即槩木或櫨木歟

昆明烏木



### 簸赭子

簸赭子生雲南山中矮叢密葉無異黃楊附莖紫實不光不圓攢簇無隙有如篩簸

木類卷之三十六

昆明烏木

簸赭子

馬藤

金剛刺

千張紙

雪柳

馬藤 馬藤生雲南山中木本大葉面綠背紫紅脈交絡直是秋海棠葉非特似之

馬藤



簸赭子

木類卷之三十六 昆明烏木 簾赭子 馬藤 金剛刺 千張紙 雪柳

金剛刺

金剛刺生雲南山中木皮綠紫巨刺對生物銳如杷槎枒可怖疎葉垂垂似麻葉而尖長蓋樊圃之良材也




金剛刺

千張紙

千張紙生廣西雲南景東廣南皆有之大樹對葉如枇杷葉亦有毛面綠背微紫結角長二尺許挺直有脊如劍色紫黑老則迸裂子薄如榆莢而大色白形如豬腰層疊甚厚與風飄蕩無慮萬千雲南志云形如扁豆其中片片如蟬翼焚為灰可治心氣痛滇本草

此木實似扁豆而大中實如積紙薄似蟬翼片片滿中故有兜鈴千張紙之名入肺經定喘消痰入脾胃經破蠱積通行十二經氣血除血蠱氣蠱之毒又能補虛寬中進食夷人呼為三百兩銀藥者蓋其治蠱得效也按



千張紙

此木實與蔓生之土青木香同有馬兜鈴之名醫家以三百兩銀藥屬之土青木香下皆緣未見此品而誤併也

雪柳

雪柳生雲南山阜小木紫幹全似水柳而葉小柔

靛黃花作穗老則爲絮羃樹浮波吹風落毳滇南有柳  
少花得此矮柯但見慘徑鋪氈不能漫天作雪矣

雪柳



滇厚朴

滇厚朴生雲南山中大樹粗葉結實如豆蓋

滇厚朴



木類卷之三十一

滇厚朴

山梔子

老虎刺寄生

柏寄生

厚皮香

鐵樹果

卽川厚朴樹而特以地道異滇醫皆用之  
山梔子 滇山梔子生雲南山中小木硬葉結綠實成  
串形似小桃大如豆三棧

山梔子



老虎刺寄生

老虎刺生雲南山中樹高丈許細葉如

老虎刺寄生



木類卷之三十六 滇厚朴 山梔子 老虎刺寄生 柏寄生 厚皮香 鐵樹果

柏寄生

夜合而光潤密勁開花作白綠絨毳通體針刺土醫以治瘡毒寄生葉長圓背紅與他寄生微異亦治腫毒  
柏寄生生滇南柏樹上葉小而厚主舒筋骨  
蓋寄生雖別一種必因其所寄之木而奪其性滇多寄



柏寄生

厚皮香

生皆連其本木折取本木瘁則寄生亦瘁足知其性體  
聯屬如人有癭瘤頰毫非由外致倘不知木之性而用  
之其誤多矣

厚皮香生雲南山中小樹滑葉如山梔子開

五瓣白花團團微缺攢聚枝間略有香氣紅萼似梅厚  
瓣如蠟開於三伏滇南夏月肆中有賣蠟梅花者即此  
然滇之狗牙蠟梅已於此時含苞如蠟珠矣




厚皮香

鐵樹果

鐵樹滇南十二歲一實樹端叢葉長七八寸

形如長柄勺四旁細縷正如俗畫鳳尾色黃果生柄傍  
扁圓中凹有核滇人呼為鳳皇蛋蓋本草綱目所謂波  
斯棗然嚼之無味滇圃但以罕實為異不入果品也



鐵樹果

### 滇山茶葉

滇山茶葉勁滑類茶味辛開黃白花作

滇山茶葉



種滇山人以其葉為飲

### 滇大葉柳

滇大葉柳枝葉即柳惟從幹傍發條開白

花穗長寸許亦作絮

滇大葉柳



### 鴉蛋子

鴉蛋子生雲南小樹圓葉結實三粒相併中

有一棱土醫云能治痔

木類卷之三十六

滇山茶葉

滇大葉柳

鴉蛋子

金絲杜仲

紅木

蠟樹

木類卷之三十一 滇山茶葉 滇大葉柳 鴉蛋子 金絲杜仲 紅木 蠟樹


鴉蛋子



金絲杜仲 金絲杜仲一名石小豆生雲南矮木厚葉

葉長寸許本瘦末團面青背黃結實如棠梨而小實裂各銜紅豆不脫

金絲杜仲



紅木 紅木雲南有之質堅色紅開白花五瓣微赭

紅木



蠟樹 蠟樹貴州貴定縣種之為林放蠟取利髣其枝葉

叢條萌芽屢翦益茂道傍伍列儼如官柳葉稍團秋結細角似椿莢而薄小懸於葉際癸辛雜識載放蠟法用盆柱樹葉似茶萸葉或即此



木類卷之三十一

桐樹

紫羅花

狗椒

馬椒

大黃連

寄母

桐樹

桐樹滇黔有之湖南辰沅山中尤多木性堅重造



桐樹



桐樹

狗椒

狗椒生雲南莖葉俱有細刺高二三尺結實如椒

味亦辛烈殆蕤椒之類



紫羅花

紫羅花

紫羅花生雲南子如枸杞土醫云產婦煎浴

卻筋骨痛一名蛇藤

船者取以為柁葉如檀秋時梢端結實如紅姑孃而長  
三稜中凹有縐色殷紅內含子數粒如橘核絳霞燭天  
丹纈照岫先於霜葉可增秋譜惟字書無桐字

木類卷之三十六 桐樹 紫羅花 狗椒 馬椒 大黃連 寄母



狗椒

馬椒 馬椒生雲南如狗椒而長條對葉如初生槐葉結

實作棗


馬椒



大黃連 大黃連生雲南大樹枝多長刺刺必三以爲

族小葉如指甲亦攢生結青白實木心黃如黃柏味苦  
土人云可以代黃連故名

大黃連



寄母 寄母寄生各樹上長葉秋結紅實如珠鳥食其實

寄母



遺於樹上即生

刺綠皮

刺綠皮生雲南樹高丈餘長條短枝枝梢作  
刺細葉蒙密結小青黑實簇簇滿枝樹皮綠厚土人以

染綠



刺綠皮

木類卷之三十一 刺綠皮

# 植物名實圖考卷之三十七

固始吳其濬著

蒙自陸應穀校刊

木類

桐

青岡樹

羅漢松

榕

蟲椰

蚊子樹

野檀

牛嬾子 又一種

羊嬾子 又一種

野胡椒

黃連木

寶樹

何樹

椴木

蚊椰樹

八角楓

小蠟樹

羊嬾子

陽春子

樹腰子

桐

新化縣志桐山經虎首山多桐說文木也類篇寒而不凋今俗名梁山樹多枝葉亭亭如蓋葉青黑冬榮邵陽縣志桐有紅白二種紅爲上白次之質堅而性柔作器須浸水經歲方堅實否則移時即裂而翹辰谿縣志

檇有紅白二種白者呼蒿荆檇紅者爲巖檇性直而堅可扛輿大者可作油榨 按江西之樟湖南之桐所爲什器幾徧遐邇然樟木江南多有惟不逾嶺而南桐木則湖南而外無聞焉字或作檇新化縣志據山經作桐較爲確晰其木質重而堅耐久不蛀葉亦似樟稍小亦

菩提樹

鳳尾蕉

椶櫚竹

水楊柳

蔡木

欒木

蕤核 又一種

槲樹

杆

樺木

黃蘆木

欒華

似山茶枝幹皮光而灰黑木紋似栗而斜邵陽縣志謂必浸水經歲而後堅實不知凡竹木作器皆宜浸之以水使其生氣盡而汁液洩然後可任斧鑿否則風燥而生蟲濕蒸而生菌植物皆然不獨桐也

桐



永順府志土紙四縣皆出檇樹皮爲之佳者稍白然粗澀不中書則檇亦可爲紙

黃連木

黃連木江西湖廣多有之大合抱高數丈葉似椿而小春時新芽微紅黃色人競採取醃食曝以爲

飲味苦回甘如橄欖暑月可清熱生津杭人以甘草青梅同煮啖之則五味備矣故救荒本草黃棟樹生鄭州南山野中葉如初生椿葉而極小又似棟葉色微黃開花紫赤色結子如豌豆大生青熟紅亦紫色葉味苦採

黃連木



嫩芽葉燻熟水浸去苦味油鹽調食蒸芽曝乾亦可作茶煮飲形狀功用正同唯南方未見其花實爲異其木理堅實廣西通志黃連木各州縣出最能經久即嶠南瑣記所謂勝鐵力木者唯湘潭縣志以爲即楷木未知

木類卷之三十七 黃連木 青岡樹

所本楚人呼連與栗同音字或作槿或作鷓春時鄉人有摘芽售於城市者呼為黃鷓芽五雜俎曲阜孔林有楷木相傳子貢手植者其樹十餘圍今已枯死其遺種延生甚蕃其芽香苦可烹以代茶亦可乾而茹之其木可為笏枕及棋枰云敲之聲甚響而不裂故宜棋也枕之無惡夢故宜枕也此木聖賢之遺跡而守土之官日逐採伐制器以充饋遺今其所存寥寥反不及商邱之木以不才終天年不亦可恨之甚哉 按所述芽味香苦似即黃連木或作湘潭志者為魯人故識之

青岡樹

救荒本草青岡樹舊不載所出州土今處處有之其木大而結橡斗者為橡櫟小而結橡斗者為

青岡其青岡樹枝葉條幹皆類橡櫟但葉色頗青而少花又味苦性平無毒採嫩葉燻熟以水浸漬作成黃色換水淘淨油鹽調食 按青岡樹與橡櫟雜生岡阜蓋一類而無花實者其梢頭往往結一綠毬細如櫻絲頗硬貴州土綱即此樹蠶繭也其利溥矣桑有葚橡有栗

皆不宜蠶一理耳今以橡譜附於後湖南俚醫呼為白栗毬又呼矮腳栗以其絲毬至秋圓白如去殼之栗用治紅痢白濁

橡繭識語

雲婁農曰黔山瘠民草服不給陳府君被以絺綺而有羸焉俎豆報之宜也原標橡繭鄭君譜之易曰樗一字之師辨矣然非以通俗夫蟲食樹吐絲以為巢必樹美者絲美桑葉沃若繭之上也柘汁黃豫之商城荆之荆門辰谿其土絹皆柘汁也贛之信豐安遠以烏白飼蠶則絲暗以蠟樹飼蠶則絲鮮嘉應之程鄉畦樹而蠶食某葉者為某繭瓊之文章蠶食山栗服之不敵新興繭亦然棟之絲湖人以織裹巾楓之絲粵人以為緣且絃琴瑟樟之絲湘人以為釣緝徐元扈曰樹皆可蠶其信然歟然槐蠶大如蟻榆之蛾如蚱蜢繭皆如蛛網弗任織樗之蠶以少絲糾數木葉為穴而踰焉摘而擲之曳其穴以行是蠢蠢者烏能為此鼻鼻也橡之樹堅其色

褐葉勁而澤其無實者曰青岡葉愈厚且大柘之次也  
蠶食焉而肖故絲勁而色亦褐陸元恪曰山樗與下田  
樗無異不以爲樗其釋樗也曰似櫟不以爲樗若宗陸  
說則宜曰樗而後可



青岡樹

**寶樹** 寶樹生廬山佛寺亭亭直立葉如松杉而有歧枝

相傳明時開一花如蓮考酉陽雜俎巴陵僧房忽生一  
木外國僧見曰此婆羅也元嘉初開一花如蓮或卽此  
類華夷花木考婆羅樹每枝生葉七片有花穗甚長而

黃如栗花秋後結實如栗可食此乃天師栗非婆羅樹  
李時珍亦云然



寶樹

**羅漢松** 羅漢松繁葉長潤如竹而團多植盆玩實如

羅漢形故名或云實可食又有以爲卽竹柏者考益部  
方物記竹柏葉繁長而籜似竹如以籜爲落葉則其肖  
若以爲笋籜則絕不類存以俟考滇南羅漢松實大如  
拇指緣首絳跗形狀端好跗嫩味甜飴盤尤雅俗云食  
之能益心氣蓋與松柏子同功

木類卷之三十七 寶樹 羅漢松 何樹 榕

何樹 何樹江西多有之材中棟梁本草拾遺有柯樹或  
即此



何樹



羅漢松

榕

榕樹兩廣極多不材之木然其葉可蔭行人可肥田  
畝木歲久則成伽南香根大如屋江西南贛皆有之稍  
則何樹者其何國之木而何氏之僧所手植歟  
斧者又非至幸歟昔有僧氏何問其里亦曰何國人然  
者所不及山徑之蹊扶疎蔭塗其視松杉不拱把而尋  
於古爲何木無名之樸木之不幸歟以無名而爲求木  
志書或曰柯或曰柯或曰和南城以木名其山而不知  
雲婁農曰何樹巨木也宮室器具之用益於民大矣然



榕





木類卷之三十七 根木 蝨榔 蚊榔樹 蚊子樹

蚊蝨所蘊北戶錄合而為一歟又廣西通志蚊子樹如冬青實如枇杷子熟坼裂有蚊子飛出或即此木但嶺南愈熱樹木生蝨恐尙不止一二種又格古要論樸木出湖廣椶木權柁聲近蓋即一木滇南呼婆樹則語有輕重耳實榔木之一種也

蝨榔 蝨榔湖南多有之說具榔樹下樹與各種榔同惟結實如小豆生青熟黃內有子一粒極硬其葉多黑斑



蝨榔

隆起如沙莖間亦有小苞土人云化蚊者即葉上之沙與莖間之苞非實中化出蓋其葉上黑斑已微具蚊形

而莖上之苞則遺種所孕理可信也俚醫以為跌打損

傷之藥

蚊榔樹 蚊榔為榔樹一種而蚊榔生蚊又有從實中

生者其實初青有尖如毛桃而小如豆剝開有蟲如子

蚊榔樹



子老則實黑而枯蝨化蚊而實成灰矣葉化蚊者葉盡而實存實化蚊者實盡而葉存以此別之

蚊子樹 蚊子樹生南安與廣西志葉似冬青微相類

而色黃綠不光潤余再至南安時已冬深未得見其結實如枇杷生蚊樵薪所餘嫩葉復萌土人皆呼為門子

樹蚊門土音無別湘南亦然



蚊子樹

八角楓

簡易草藥八角楓其葉八角故名八角楓五

角卽五角楓有花者其根亦名白龍鬚無花者卽名八

角楓二樹一樣花葉八角味溫無毒能治筋骨中諸病

按本草從新八角金盤苦辛溫毒烈治麻痺風毒打

撲瘀血停積其氣猛悍能開通壅塞痛淋立止虛人慎

之植高二三尺葉如臭梧桐而八角秋開白花細簇取

近根皮用卽此樹也江西湖南極多不經樵採高至丈

八角楓



餘其葉角甚多八角言其大者耳

野檀

野檀生袁州大樹亭亭與檀無異土人云秋時結

野檀



木類卷之三十七 八角楓 野檀

小蠟樹 牛奶子

木類卷之三十七 八角楓 野檀 小蠟樹 牛奶子

小蠟樹

實如梨不可食色黃可染檀類多種其黃檀耶  
小蠟樹湖南山阜多有之高五六尺莖葉花  
俱似女貞而小結小青實甚繁湖南產蠟有魚蠟水蠟  
二種魚蠟樹小葉細水蠟樹高葉肥水蠟樹即女貞此

小蠟樹



即魚蠟也或又謂水冬青葉細嫩與冬青無大異可放  
蠟此是就人家種蒔之樹與野生者而言亦強為分別  
耳宋氏雜部所云水冬青葉細利於養蠟子亦即指此  
李時珍謂有水蠟樹葉微似榆亦可放蟲生蠟與此異

牛奶子

種

●牛奶子樹長沙山阜多有之叢生褐幹葉如橘葉有  
微齒夏間結實狀如衣扣疊疊下垂外有青褐皮裂殼  
見黑光如龍眼核殼內青皮白仁味苦澀頗似橡栗可  
研粉救饑俚醫取枝莖以為散血之藥

牛奶子一



●牛奶子與陽春子樹葉皆相似秋結實如棠梨色紅  
紫味微甘而澀童豎食之

羊爛子

●羊爛子湖南山阜多有之辰谿縣志羊爛子莖有小



牛奶子二

羊爛子一



刺葉如桂而小上青下白開小白花實如羊爛味甘可

食又羊春子同類異種 按救荒本草白棠子樹亦名

羊爛子樹形狀略同

●羊爛子生長沙山岡叢樹無刺葉如榆葉光澤而薄  
秋結實如海棠果而小亦長經霜色紅味酸澀

羊爛子二



陽春子

陽春子湖南處處有之叢生莖有硬刺長

葉如橘葉而不尖面綠背白又一種葉稍大亦寬土名  
面內金俱結紅實土醫以治喉熱

木類卷之三十七

羊爛子

陽春子

野胡椒

樹腰子

木類卷之三十七 羊爛子 陽春子 野胡椒 樹腰子



野胡椒

野胡椒湖南長沙山阜間有之樹高丈餘

幹密葉幹上發小短莖大小葉排生如簇葉微似橘葉

面綠背青灰色皆有細毛捫之滑軟附莖春開白花結

長柄小圓實如椒攢簇葉間青時氣已香馥土人研以


治氣痛酒沖服又一種枝幹全同葉微小無實俗呼見

風消 按唐本草山胡椒所在有之似胡椒色黑顆粒

大如黑豆味辛大熱無毒主心腹冷痛破滯氣俗用有

效廣西通志山胡椒夏月全州人以代茗飲大能消暑

益氣或以爲卽畢澄茄有一種野生不堪食皆未述其  
形狀未審是否一物長沙別有一種山胡椒大葉秋深  
結實與此異種



樹腰子

樹腰子一名紅花樹長沙山阜多有之樹高

丈餘黑幹綠枝對葉排生葉如橘葉而寬亦柔中紋一

縷稍偏夏開尖瓣銀褐花攢密如穗秋結紅實如椒顆

而小三四顆共蒂老則迸裂子綴殼上黑光亦如椒目

長而不圓形微似豬腰子故名味辛溫土人以治心痛

滯氣

樹 膠 子



菩提樹

菩提樹產粵東莞縣只一株樹身數圍形狀

如桑葉蕪翳似蓋色青採葉用水浸數日去青成紗畫

工取之繪佛像南越筆記菩提樹子可作念珠廣州志

云訶林有菩提樹梁智藥三藏攜種樹大十餘圍根株

無數通志謂葉似桑寺僧採之浸以寒泉歷四旬浣去

渣滓惟餘綱筋如絲可作燈帷笠帽瓊州志又稱金剛

子產瓊州圓如彈堅實不朽可為數珠按菩提子每顆

木類卷之三十七

菩提樹

鳳尾蕉

椶櫚竹

水楊柳

面有大圈文如月周羅細點如星謂之星月菩提又有木棗子色較黑而質更堅結亦可為念珠大姚諸處俗亦呼為菩提子



菩 提 樹

鳳尾蕉


鳳尾蕉南方有之南安尤多樹如鱗甲葉如

椶櫚尖硬光澤經冬不凋欲萎時燒鐵釘烙之則復茂

本草綱目併海椶波斯棗無漏子為一種未敢據信或

同名異物尚俟訪求

木類卷之三十七 菩提樹 鳳尾蕉 櫻欄竹 水楊柳



鳳尾蕉

櫻欄竹

李衍竹譜櫻欄竹兩浙兩廣安南七閩皆有

之高七八尺葉似櫻欄而尖小如竹葉自地而生每一

葉脫落卽成一節膚色青青一如竹枝十道志曰巴蜀


紙惟十色竹則九種櫻竹其一櫻身而竹葉宋景文公

益部方物贊曰葉櫻身竹族生不漫有皮無枝實中而

幹註云叢產葉似櫻有剌陸務觀有占城櫻竹拄杖詩

水楊柳

水楊柳叢生水瀕高二三尺長葉對生似柳



櫻欄竹



水楊柳



而細莖柔可編筐宮光州謂之籬箕柳水農種之

**蔡木** 蔡木生山西五臺山志書載之枝葉全類柞櫟疑

卽橡栗之屬考段氏說文解字注蔡草丰也丰讀若介丰字本無今補四篇曰丰艸蔡也此曰蔡艸丰也是爲



蔡木

轉注艸生之散亂也丰察疊韻此木葉密枝料或以此得名爲蔡歟集韻有檫字云木名梓屬蔡與檫或音形相近而訛但此木殊不類梓又古人作字或訓爲柞櫟或祇訓柞木橡醜實繁多供薪櫃柞蔡一聲之轉西音

呼蔡爲訛柞亦爲槎之假借始作志者就土音書爲蔡而不知其卽柞木耳霍州志柞新葉生故葉落堅忍之木可爲車軸則柞亦晉材

**槩木** 槩木本經上品根名檀桓別錄謂生漢中永昌山

谷今山西湖南山中至多俗以染黃說文槩黃木也俗加艸作槩誤



槩木

雲婁農曰小說家有謂投黃槩水中能毒蛟龍者溫嶠然犀鬼神惡之但深山中忽遭沸流俗曰蛟水當其衝

木類卷之三十七 藥木 藥木 蕤核

者山裂木拔豈無一藥木隨流而泛者哉夫泝水離析  
害難言矣近世有桀伐蛟說者其意甚壯然不聞有試  
之者周禮壺涿氏掌除水蟲若欲殺其神則以牡槀午  
賈象齒沈之其神死開爲陵與後世禁祝何異然則捍  
大患禦大災而有益於民雖巫覡小術亦聖人之所作  
也藥木殺蛟其說若信則依澗負崖之氓家置戶蓄或  
遇一綫逆湍爭相迎擲獨非臨時救恤之一法乎

蕤核

●蕤核本經上品爾雅槭白椴注小木叢生有刺實如  
耳璫紫亦可食注本草者以爲卽蕤核圖經謂葉細如  
枸杞而狹長花白子附莖生紫赤色按其形狀正相肖  
也救荒本草俗名蕤李子果可食今山西山坡極多俗  
呼蕤核彌坑堙蘄蓬勃葶葶詩人芃芃蘄體物瀏亮  
亦自述其物宜耳霍州志槭一名椴卽槭樸也小枝而  
叢生中空州人飲煙者取爲飲具按陸璣詩疏槭卽柞  
其材理全白無赤心者爲白椴是槭有赤白二種今霍

州產者有赤紋如繡心似通草以物穿之卽空詩人槭  
樸連詠應是一類二種召南詩林有樸檉毛傳樸檉小  
木也疏引爾雅作樸檉心則樸檉一名心古人多反語  
以亂爲治苦爲甘此木心柔可中通故亦名爲心歟陶

蕤核一



隱居注云蕤核大如烏豆形圓而扁有文理狀似胡桃  
此種山西亦多與郭注異具別圖小木相似而異者甚  
繁大要皆一類也

●蕤核陶隱居注形如烏豆大圓而扁有文理狀似胡

桃核核此種山西山阜極多俱如陶說圖經蕤核狀如五味此實多皺中有裂紋如桃李不正圓按諸書言澗疏皆云似枸杞有刺子兩兩相比此木叢生葉極似枸杞而多刺如棘子必駢生殆澗疏也土人既不知其名

蕤核二



而方書無用者本經上品其為逸民久矣本貫熊耳毘接中條族姓繁衍雜處棧樸圖而識之俾不堙沒若陶隱居之併入蕤核蓋知己而非知己也

**棧樹** 棧樹生山西霍州大樹亭亭斜紋糾錯枝柯柔敷葉如人舌駢生長柄鼻鼻下垂寺院陰清與風搖蕩可謂嘉植按詩隰有杞棧陸疏棟葉如柞皮薄而白其木

理赤者為赤棟一名棧白者為棟其木皆堅韌今人以為車轂爾雅棧赤棟白者棟郭注赤棟樹葉細而歧銳皮理錯戾好叢生山中中為車輜白棟葉圓而歧為大木按其形狀不甚合或別一木



棧樹

**杆**

杆木山西山中極多樹亭亭直上葉如栝松而肥軟又似杉木而葉短柔山西架木皆用之與南方杉木同按杆即櫪字櫪櫪見吳都賦注子如瓠形今廣東有之一名羊矢棗非軟棗也此木結實與松實同而小絕非櫪櫪木字書不載考說文櫪字下云松心木馬融廣

木類卷之三十七 槲樹 杆 樺木

成頌陵喬松屢脩構漢書烏孫國多松構松構並稱自是一類小顏注構木名其心似松今杆木有赤白二種土人亦云松杆杆構音近或即構木也水經注武陵有構溪俗作朗溪廣韻有構字今湘中榭木應作柄作志



者或作構其樹非松類誤合構柄為一字耳構溪字亦當作柄彼處榭木最繁應即以此名溪也左傳正義木榭榆蓋為構也以構為榭榭未見所出耶榭姑榭俗或作榭榭段氏說文注謂認構為榭未別其字而強說其也音

樺木 樺木開寶本草始著錄山西各屬山中皆產關東亦饒湖北施南山中剝其皮為屋古有樺燭今罕用考說文樺或從萇段氏注云俗作樺爾雅樺落郭注可以為杯器素詩經無浸樺薪今五臺人車其木以為碗盤



色白無紋且易受采雁門人斧其枝以為柴則杯器素及樺薪之用今猶古矣詩疏引陸璣疏以為柳榆云其葉如榆按此木葉圓如杏密齒殊不類榆陸蓋不以樺為樺與說文異爾雅正義引說文以樺為樺之或體且

云樗爲散木雜於薪蘇非所見說文本異卽是誤記樗皮及木其用皆與樺不類

**黃蘆木**

黃蘆木生山西五臺山木皮灰褐色肌理皆

黃多刺三角如蒺藜四五葉附枝攢生長柄有細齒俗以染黃訛曰黃姑按說文杼字下云杼木也出橐山段



黃蘆木

氏注引廣韻黃杼木可染黃疑爲周禮注之橐蘆又橐

字下云一曰宅橐木出宏農山段氏注亦疑爲橐蘆考

杼橐二篆說文分廁異物無疑嘉祐本草有黃橐云生

商洛救荒本草圖圓葉如杏與此木迥別而商洛接近

木類卷之三十七 黃蘆木 樂華

宏農則說文宅橐木其卽救荒本草之黃橐矣此木亦

染黃西音姑杼蘆驟聽無別癸辛雜志謂長城傍得古

木謂名黃蘆蓋昔築城以爲幹者字正作蘆五臺在長

城內木名黃蘆其來舊矣蘆爲葦草不可通木蘆上加

艸俗書之誤此木殆卽橐蘆而說文所說杼木歟又圖

經謂有一種刺藥多刺可染不入藥用或卽此木蓋不

知其名姑以色黃而名曰藥

**樂華**

樂華本經下品救荒本草木樂生密縣山谷中樹



樂華

木類卷之三十七 黃蘆木 欒華

高丈餘葉似楝葉而寬大稍薄開淡黃花結薄殼中有子如豌豆烏黑色人多摘取作數珠葉味淡甜採嫩芽燂熟換水浸淘淨油鹽調食按山西亦多有之俗訛作木蘭通志木蘭叢生谷岸葉可染阜晉人名黑葉子春初採芽作茹名木蘭芽又長治縣志楛即木蘭考集韻楛木名可爲笏此木皮赭質白自可作笏而黑葉子則染肆用之如阜斗說文欒木似欄段氏注欄今之楝字欒之似楝其說古矣西音爲蘭亦古韻也

# 植物名實圖考卷之三十八

固始吳其濬著

蒙自陸應穀校刊

## 木類

- |        |      |
|--------|------|
| 野鴉椿 二圖 | 化香樹  |
| 土厚朴    | 酒藥子樹 |
| 苦茶樹    | 吉利子樹 |
| 萬年青    | 繡花鍼  |
| 馬棘     | 賭博賴  |
| 萬年紅    | 野樟樹  |
| 赤藥子    | 鬧狗子  |
| 野漆樹    | 山桂花  |
| 見風消    | 紫荊花  |
| 欖花     | 拘那花  |

木類卷之三十八 目錄 野鴉椿 化香樹

寶碗花 倒掛金鉤

刺楓 丫楓小樹

三角楓 又一種 十大功勞 又一種

望水檀 烏口樹

旱蓮 水楊梅

香花樹 接骨木

野紅花 虎刺樹

半邊風 小銀茶匙

田螺虎樹 水蔓子

白花樹

野鴉椿 野鴉椿生長沙山阜叢生高可盈丈綠條對

節節上發小枝對葉密排似椿而短亦圓似檀而有尖

細齒疎紋赭根旁出略有短鬚俚醫以為達表之藥秋

結紅實殼似赭桐花而微硬迸裂時子著殼邊如梧桐

子遙望似花瓣上粘黑子 按唐本草賣子木形狀極



野鴉椿一

肖亦云子如椒目在花瓣中則焦紅者其花耶附以備考

野鴉椿二



化香樹

化香樹湖南處處有之高丈餘葉微似椿有圓齒如橡葉而薄柔結實如松毬刺扁亦薄子在刺中似蜀葵子破其毬香氣芬烈土人取其實以染黑色按本草拾遺必栗香味辛溫無毒主鬼氣煮服之并燒

化香樹



爲香殺蟲魚葉搗碎置上流水魚悉暴鯁一名化木香詹香也葉如椿生高山堪爲書軸白魚不損書也又海藥本草主鬼疰心氣斷一切惡氣葉落水中魚當暴死核其形狀頗相彷彿名亦近是惟此樹之用在毬染肆




浸曬盈筐累垂而拾遺不及之以此為疑俚醫以為順氣散痰之藥

土厚朴

土厚朴生建昌亦大樹也葉對生粗柄長幾盈尺面綠背白頗肥枝頭嫩葉卷如木筆味辛氣香土人以代厚朴亦效

人以代厚朴亦效



土厚朴

酒藥子樹

酒藥子樹生湖南岡阜高丈餘皮紫微似桃樹葉如初生油桐葉而有長尖面青背白皆有柔毛

葉心亦白茸茸如燈心草五月間梢開小黃白花如粟

木類卷之三十八

土厚朴

酒藥子樹

苦茶樹

吉利子樹

萬年青

繡花鍼

粒成穗長五六寸葉微香土人以製酒麴故名


酒藥子樹



苦茶樹

苦茶樹生長沙岡阜高丈餘枝葉茂密紫莖

苦茶樹



木類卷之三十八 土厚朴 酒藥子樹 苦茶樹 吉利子樹 萬年青 繡花鍼

細勁多杈枒附莖生葉長寸餘微似臘梅葉光艸而皺面濃綠背淡青深紋稀齒葉間附莖結實圓長有直紋大如梧桐子生青熟黑葉味苦回甘生液土人採以為茗

吉利子樹 救荒本草吉利子樹一名急藤子科荒野

有之科條高五六尺葉似野桑葉而小又似櫻桃葉亦小枝葉間開五瓣小尖花碧玉色其心黃色結子如椒粒大兩兩並生熟則紅味甜其子熟時採摘食之 按此樹湖南山阜有之俗呼銅箍散

吉利子樹



萬年青 萬年青生長沙山中叢生長條附莖對葉葉

長三寸餘似大青葉有鋸齒細紋中有赭縷一道附莖生小實如青珠數十攢簇俚醫以截瘰



萬年青

繡花鍼 繡花鍼江西湖南皆有之小樹細莖對發槎

杈葉亦附枝對生似石榴花葉微小面濃綠背淡青光潤柔膩中唯直文一縷近莖葉小如指甲枝端葉亦小距梢寸許無葉細如鍼刺春夏時亦柔軟秋老即硬江西或呼為雀不踏俚醫以為補氣血之藥本草綱目以樛木一名鵲不踏不知南方有刺之木與草皆呼為雀

不踏不可爲定名也

瓣花鍼



馬棘 救荒本草馬棘生滎陽岡阜間科條高四五尺葉似夜合樹葉而小又似蒺藜葉而硬又似新生阜茨科

馬棘



木類卷之三十八

馬棘 賭博賴

萬年紅 野樟樹 赤藥子

葉亦小梢間開粉紫花形狀似錦雞兒花微小味甜採花燂熟水浸淘淨油鹽調食 按馬棘江西廣饒河濱

有之土人無識之者或呼爲野槐樹其莖亦甜

賭博賴 賭博賴江西湖南水濱多有之叢生樹高六

七尺與水柳叢廁就莖結蒴實熟時小兒食之味淡多

子葉如柳而勁無鋸齒頗似翳成有毛而光能粘人衣

故南安土呼賭博賴云

賭博賴



萬年紅 萬年紅江西處處有之大可合抱葉如橘柚

冬時實紅如豆粿滿枝俗以新年插置瓶中爲吉故

木類卷之三十八 馬棘 賭博賴 萬年紅 野樟樹 赤藥子

名

萬年紅



野樟樹

野樟樹生長沙嶽麓叢生小木高尺餘葉極

野樟樹



赤藥子

似樟面綠背淡夏結紅實累累可翫惟移植即枯圃盎  
弗錄僅供樵薪

赤藥子生南安樹高二三丈赤條聳密長葉  
相對葉似桃葉色黃綠淡赭紋有橫縐冬結實初如椒



赤藥子

而小攢聚繁碎時長白如糯米味甜有汁子細如粟  
味辛土人以鋪小兒云能消積 按唐本草白藥子葉  
似苦苣赤莖宋圖經子如菉豆至六月變成赤色皆微  
相類但非蔓生耳

鬧狗子

鬧狗子江西南昌多有之枝幹與枸骨無異  
花實亦同惟葉作方棧無刺臘時折置花尊紅珠的皦  
或云狗食其子即斃

鬧狗子



野漆樹

野漆樹山中多有之枝幹俱如漆霜後葉紅  
如烏臼葉俗亦謂之染山紅結黑實亦如漆子按爾雅  
注纒櫛栲漆相似如一或即櫛樹耶字亦作栲作櫛野  
人樵採之

木類卷之三十八 鬧狗子 野漆樹

山桂花 見風消 紫荊花 櫛花


山桂花

山桂花長沙嶽麓極多春時開小黃花如桂  
故名叢生小木高二尺餘褐莖勁細葉微似榆而疎齒

山桂花



野漆樹



木類卷之三十八 鬧狗子 野漆樹 山桂花 見風消 紫荆花 檉花

面綠潤背淡白土人以治氣脹 按宋氏雜部水椹樹  
可放蠟春開黃花形頗相類

見風消 見風消生長沙山阜長葉排生極似檉柳高

僅二三尺叢葱茂葉面青背白似野胡椒而窄俚醫  
以為消風敗毒之藥故名

見風消



紫荆花 紫荆花生長沙山阜間小科長條高三四尺

莖如荆色褐紫葉如柳而長俚醫以為敗毒行血之藥  
按本草拾遺紫珠味苦寒無毒解諸毒物癰疽喉痺

飛尸蠱毒腫下瘻蛇虺蟲螫狂犬毒並煮汁服亦煮  
汁洗瘡腫除血長膚一名紫荆樹似黃荊葉小無極非  
田氏之荆也至秋子熟正紫圓如小珠生江東林澤間  
形狀極肖治證亦同

又按補筆談以拾遺紫荆為誤不知其同名異物原  
書已云非田氏之荆亦晰矣

紫荆花



檉花 檉花一名紙末花江西湖南山岡多有之叢生細

莖葉似榆而小厚澀無齒春開細白花長寸餘如翦素

紙一朵數十條紛披下垂凡有映山紅處卽有之紅白齊炫如火如荼其葉嚼爛敷刀刺傷能止血鄱陽縣志作權未知所本土音則作雞寄紙末則因形而名



雞花

### 拘那花

桂海虞衡志拘那花葉瘦長略似楊柳夏開

淡紅花一朵數十莖至秋深猶有之

嶺外代答拘那花葉瘦長略似楊柳夏開淡紅花一朵數十莖繁如紫薇花瓣有鋸紋如翦金至秋深猶有之

木類卷之三十八 拘那花 寶碗花 倒掛金鈎 刺楓 丫楓小樹

按此花江西湖南山岡多有之花葉莖俱同紫薇唯色淡紅叢生小科高不過二三尺山中小兒取其花苞食之味淡微苦有清香故名苞飯花俚醫以爲敗毒散淤之藥



拘那花

### 寶碗花

寶碗花樹生長沙岡阜高丈許紫莖長條柔

直似木槿附莖生葉如海棠葉面青背淡光潤柔膩二月間開大紫花

木類卷之三十八 拘那花 寶碗花 倒掛金鈎 刺楓 丫楓小樹

倒掛金鈎

倒掛金鈎生長沙山阜小木黑莖葉如棠

倒掛金鈎



寶碗花

梨葉光潤無齒梢端結實圓扁有青毛仍從梢傍發枝  
生葉

刺楓 刺楓一名八角楓圓莖密刺葉生莖端形如椶櫚

葉如楓而多岐至七八叉又似黃蜀葵葉而短肥江西  
山坡有之

刺楓




丫楓小樹 丫楓小樹江西處處有之綠莖有節密刺

如毛色如虎不換長葉微似梧桐葉或有三叉橫紋糙  
澀進賢縣志作鴟楓俚醫以治風氣去紅腫



丫楓小樹



三角楓

●三角楓一名三合楓生建昌粗根褐黑叢生綠莖葉


三角楓一



十大功勞

●十大功勞生廣信叢生硬莖直黑對葉排比光澤而

而窄面青背淡秋時結子作排如椿樹角長而子在下與前一種同名異物



三角楓二

如花椿樹葉而小老者五又嫩者三缺面綠背淡筋脈粗澀土醫以治風損 按本草綱目有名未用三角楓一名三角尖生石上者尤良主風溼流注疼痛及癰疽腫毒未述形狀治證頗同

木類卷之三十八 三角楓 十大功勞 望水檀

十大功勞一



勁鋸齒如刺梢端生長鬚數莖結小實似魚子蘭土醫

十大功勞二



以治吐血擣根取漿含口中治牙痛

●十大功勞又一種葉細長齒短無刺開花成簇亦如

魚子蘭

望水檀 望水檀生廬山莖直勁色赤褐嫩枝赤潤對

發條葉葉似檀而尖皆仰翕不平展枝梢開小黃花如



望水檀

粟米攢密 按唐本草注謂檀葉有不生者忽然葉開當大水農人候之號為水檀語殊未了徹或即此樹葉皆翕皺忽然開展主水候耶凡喜陰溼之草木亢久則葉卷合遇雨則舒木根入土深泉脈動而先知亦物理

之常

### 烏口樹

烏口樹江西坡阜多有之高丈餘對節生葉長柄尖葉似柳而寬梢端結實如天竹子大上有兩叉如烏之口土人云葉實可通筋骨起勞傷蓋薪材也



烏口樹

### 旱蓮

旱蓮生南昌西山赭幹綠枝葉如楮葉之無花


者秋結實作齊頭筍子百十攢聚如毬大如蓮實

### 水楊梅

水楊梅生寧都高丈餘葉如小桑赭紋有齒



旱蓮



水楊梅

木類卷之三十八

烏口樹

旱蓮

水楊梅

香花樹

接骨木

野紅花

木類卷之三十八 烏口樹 旱蓮 水楊梅 香花樹 接骨木 野紅花

冬時附莖結實紫黑勻圓大如菘豆土人云果葉可退熱根可治遺精一名水麻

香花樹

香花樹生饒州平野叢生樹高丈餘枝葉相當葉似梅而窄長有細齒春開四瓣小白花綠葉綠萼

萼莢圓白如珠繁密如星土人呼為豆腐樹或云可治

氣痛



香花樹

接骨木

接骨木江西廣信有之綠莖圓節頗似牛膝

葉生節間長幾二寸圓齒稀紋末有尖以有接骨之效

故名唐本草有接骨木形狀與此異




接骨木

野紅花

野紅花生廬山赭莖綠枝對葉紅花與朱藤

野紅花



相類唯葉短微圓有微毛花皆倒垂為異春時長條朱

鶴映發叢薄惟牧豎樵子攀枝賞歎耳

虎刺樹

虎刺樹江西南昌西山有之叢生黑幹就莖

生枝作苞如椿樹馬蹄而大有疎刺開碎白花結紫實

圓扁如豆樹葉如桑葉微小凡俗呼老虎刺虎不挨皆

以橫枝得名

虎刺樹



半邊風

半邊風一名鵝掌風撫建山坡有之硬莖長

葉中寬本末尖瘦鼻鼻下垂秋結小實如蓮子之半外

褐黃內白中吐一鬚土醫以治風損散血煎酒服

半邊風



小銀茶匙

小銀茶匙贛南田腔上多有之葉本細末

大如勺土人以其形呼之供樵蘇

木類卷之三十八

虎刺樹

半邊風

小銀茶匙

田螺虎樹


水蔓子

白花樹

木類卷之三十八 虎刺樹 半邊風 小銀茶匙 田螺虎樹 水蔓子 白花樹

田螺虎樹

田螺虎樹小樹生田陸上葉似金剛葉上



田螺虎樹




小銀茶匙

水蔓子

水蔓子生湖南山阜緒莖直細葉薄如桑而

無光澤密齒赫紋稍端開五尖瓣小白花成簇

分兩叉土人薪之



水蔓子

白花樹

白花樹江西山坡有之樹高七八尺柔條如

蔓春開四瓣長白花頗似石斛花黃葉數點綠蒂如豆

彌望滿枝葉略似榆而寬



白花樹

木類卷之三十八  
白花樹

# 植物名實圖考索引

●附記 頁數上標明「圖」字者見植物名實圖考  
標明「長」字者見植物名實圖考長編

## 植物名實圖考索引

一尺紅	長五八三	七尺棗	長七二	人面子	圖六九	長八二	十樣菊	長三九	長三五
一百五	長五七四	七里香	圖六五	人參	圖一四〇	長三七四	二	畫	
一把傘	圖四一	七厘丹	圖三二	人萇	圖五一		丈菊	圖六九	
一枝香	圖二一	七厘麻	圖三二	八月蜂窩	長三六五	三七	三七	圖一八八	
一枝黃花	圖二六	七星蓮	圖三九〇	八仙花	圖六一五	三寸棗	三寸棗	長七三	
一品紅	長八六七	七葉荊	圖三三	八仙菊	長三六五	三心棗	三心棗	長七三	
一捻紅	長五七九	七籬笆	圖三七四	八字草	圖三六一	三加皮	三加皮	圖四三五	
一掃光	圖三七	九子羊	圖三七	八角菜	圖二八	三白草	三白草	長四八三	
一連條	圖二〇五	九牛草	長四三〇	八角楓	圖八〇一	三角楓	三角楓	圖八三三	
一撇紅	長五七四	九仙子	圖四七一	八豔妝	長五九一	三春魁	三春魁	長五九六	
丁香	長八七一	九和香	長九〇四	刀圭第一香	長九〇五	三柰	三柰	圖六〇五	
丁香花	長九三三	九真香	長九〇四	刀尖兒苗	圖二九六	三葉挈藤	三葉挈藤	圖四三四	
丁香核	圖六二三	九萼紅	長五八〇	刀豆	長一五〇	上皇棗	上皇棗	長七三〇	
丁香荔枝	長八六六	九管血	圖一九九	刀瘡藥	圖五二六	丫楓小樹	丫楓小樹	圖八三三	
七夕紅	長八五四	九蕊真珠	長五七四	十八娘荔枝	長八五五	凡棗	凡棗	長七三一	
	長八七〇	九頭獅子草	圖三六	十大功勞	圖八三三	千心黃	千心黃	長五七六	
		二色紅	長五八〇	十姊妹	圖四九二	千日紅	千日紅	圖六六	

一畫至三畫

一丁七九二八刀十丈三上丫凡千



千歲不爛心	圖四四四	土厚朴	圖八二五	大血藤	圖四三三	大麻	圖七
千年艾	圖三二	土茯苓	長五二六	大宋紫	長五二	大戟	圖五五八
千年矮	圖三二	土荊芥	圖五四四	大豆	圖九	大棗	長七三一
千步香	長九〇四	土馬駿	圖四〇〇	大空	圖七五七	大發汗藤	圖五三五
千里及	長五八	土常山	圖三〇	大金黃	長一〇六四	大象藏香	長九〇四
千金藤	長一〇八〇	土當歸	圖五八三	大金鈴	長三五	大順筋藤	圖四七七
千筋拔	圖三三四	土豬苓	圖三七四	大金錢	長三五七	大黃	圖五五三
千重塔	圖三九二	土餘瓜	圖五三〇	大青	圖二七六	大黃連	長六八三
千畝香	長九〇三	土黨參	圖五三三	大柴胡	長四五六	大黃菊	圖七九二
千張紙	圖七六六	土墜兒	圖五〇四	大紅嬌	圖一五三	大黃綠胎	長三六四
千歲藟	圖五二四	大二丁香	長八五五	大紅寶樓臺	長五九七	大葉青	長五九一
千歲藟	長五二五	大二仙草	圖二三八	大風子	圖七六六	大葉香薷	圖一九七
千葉黃	長三四六	大小江綠	長五八三	大風草	長二〇九九	大葉薄荷	圖五八九
千層塔	圖三九二	大木皮	長八六九	大粉息	圖四三三	大綠	圖五九三
土三七	圖三〇五	大木通	長五三九	大素	長三五五	大綠蘭	長八七一
土升麻	圖三二六	大毛毛花	圖四六八	大將軍	長五九四	大蓬蒿	圖六三六
土青木香	圖四七五	大火珠	圖四三五	大理風蘭	長八六六	大蓼	圖二八八
土紅山	圖四七	大打藥	圖七七七	大硃砂蘭	圖六三六	大薊	圖三〇五
土風薑	長五四〇		圖四七〇	大麥	圖六三六	女青	圖二七五
					圖二		長四〇

女真	女真黃	女婁菜	女苑	女萎	子午蓮	小二仙草	小千葉	小丹參	小木通	小佛頭菊	小兒羣	小金瓜	小金黃	小金鈴	小青	小扁豆	小柴胡	小粉息
圖七二	圖二二	圖二二	圖二二	圖二二	圖二二	圖二二	圖二二	圖二二	圖二二	圖二二	圖二二	圖二二	圖二二	圖二二	圖二二	圖二二	圖二二	圖二二
長九五四	長五七六	圖一五五	長四一四	圖五九	圖四一五	圖三三六	長五三三	圖三三三	圖四三五	長三三三	圖四一	圖四一	長三三三	長三三三	長四二六	圖四二五	圖一五三	長三三五
小素	小草烏	小硃砂蘭	小紫含笑	小陳紫	小雀花	小麥	小無心菜	小黑牛	小葉薄荷	小槐花	小綠	小綠蘭	小翠	小銀茶匙	小蓼花	小薊	小蟲兒臥單	小雞藤
長五九四	圖五九	圖六三九	圖六四三	長八五三	圖六四六	圖一	圖三三三	圖五九四	圖六〇六	圖二九	長八七一	圖六三六	圖六二九	圖八七	圖三三	圖三七五	圖二六六	圖五三三
小藥	小蠟樹	山土瓜	山小葉	山中冠	山丹	山木通	山白菜	山百合	山西胡麻	山芍藥	山豆	山豆花	山豆根	山宜菜	山芹菜	山金鍾	山扁豆	
長一〇六四	圖八〇三	圖五四四	圖二〇	長八六六	圖五六	圖四三四	圖一〇四	圖三四	圖四五	圖三〇九	圖四三七	圖五三三	圖四六四	圖一〇五	圖一〇八	長八六六	圖三六	
山查	山柰	山柳菊	山紅豆花	山胡椒	山苦瓜	山苦蕒	山韭	山格刺樹	山桂花	山海棠	山茶莢	山茶	山茶科	山馬蝗	山梅花	山梔子	山梗菜	山甜菜
長八三二	長六三六	圖二五	圖五三	圖三三	圖五三九	圖一〇四	圖七四	圖七四三	圖七九	圖八一九	圖七二	長九六六	圖七六八	長一〇六	圖七四一	圖二八	圖七五	圖七七

三畫至四畫

山川不中丹五井元內公六化升及天

山棗

長七三  
川山龍

圖四四七

五味子

圖四九五

長四九〇

化香樹

圖八四

山菜豆

圖三五  
川穀

圖三六

五枝香

長九〇四

長五九六

升麻

圖一四七

長三九六

山黃豆

圖四四

不湖木

長一〇七七

五陵春

長五九七

及己

圖一七五

長三三六

山黑豆

圖三四

不暈紅

長五六一

五雲樓

長五九七

天水蟻草

圖一七五

長三三六

山箭菜

圖三三

中元紅

長八五五

井中苔

圖六四

長八二

天台山百藥祖

圖六六

長五四

山萵苣

圖二七

中半

長八七二

元貝蘭

圖六三

長三三

天台山黃寮郎

圖一八三

圖一八三

山慈姑

圖二六

中秋月

長八六四

元參

圖一六

長三三

天台山催風使

圖一八三

圖一八三

山慈蕪

長四一

中秋綠

長五九六

元慈勒

長一〇七六

天名精

圖二四七

長三七九

山蒜

圖七

丹州紅

長五七四

內人嬌

長五八四

天花葶

長二〇三

山檣

圖七六

丹州黃

長五七六

內風消

圖四九

圖四九

天門冬

圖四九七

長四九三

山蔓菁

圖二八

丹椶木

長二〇八〇

內風藤

圖四七

圖四七

天南星

圖五二

圖五三

山橙

圖六九

丹參

圖一四

公紅

長二九六

天奎草

長七〇一

山薑

圖五八

五木耳

長三九四

公孫桔

圖六七

長八〇八

天柱

圖三〇

長八六八

山薤

圖六三

五加皮

圖四六

公草母草

圖三〇

圖三〇

天茄

圖三〇

長八六八

山礬

長二〇九

五色蘭

圖七三

六月菊

圖四六

圖四六

天茄

圖一五五

長八二六

山櫻桃

圖六九

五色蘭

圖六三

六面珠

圖二九

圖二九

天茄

圖六八三

長八二六

山蘿蔔

圖二三

六對蟬

圖六三

六對蟬

長五八四

長五八四

天香一品

長五九一

山蘿蔔

圖二三

五色蘭

圖六三

六對蟬

長五八四

長五八四

天香一品

長五九一

長五九一

四畫

四 畫

天 太 尹 巴 文 方 月 木 毛 水

天師栗 圖六五 長八三 文冠果 圖六一 長五二 水仙 圖三七

天草萍 圖三六 長二八四 方家銀紅 長六九三 木通 圖五九 長一〇七

天雄 長六九三 方家紅 長八五三 木麻 長一〇七 水甘草 圖三九 長四三〇

天葵 圖三〇 月下參 圖五九 木菌 長三〇二 水石草 圖三七 長八七

天蒜 圖三九 月支香 長九〇三 木賊 圖三一 長四五 水豆兒 圖四三 長四三

天蒸棗 長七三 月季 圖四八 木樨 長九七 水東瓜木 圖七三 長七三

天蓬草 圖三三 月芽樹 圖七六 長一〇九五 水松 圖六三 長六三 長七四

天機圓錦 長五九 月鱗香 長九〇四 木蓮 圖四五 長五七 水芥菜 圖三八 長一三

太真冠 長五九 木天蓼 圖七七 長一〇五 木黎蘆 長一〇八 水荊 圖三七 長八五

太真晚妝 長五五 木瓜 圖七一 長七六 木檀子 圖一三 水荊 圖三七 長八五

太真黃 長三九 木羊角科 圖四三 長九三 木蘭 圖七六 長九三 水荔枝 圖三七 長八五

尹家黃樓子 長五八 木耳 長二四〇 木髓子 圖四六 長五三 水茶白 圖六一 長八三

巴豆 圖七三 長九〇 木芙蓉 圖二二 長三七 水麻芳 圖三五 長三五

巴豆藤 圖五〇 木威子 圖六八 長七九 毛茛 圖三五 長四〇 水壺盧 圖一三 長一三

巴戟天 圖二七 長三五 木香 圖四九 長五八 毛蓼 圖三六 長四〇 水晶花 圖二七 長二七

文公紅 長五八 木香菊 圖五八 長三五 水木樨 圖六五 長四〇 水朝陽花 圖四八 長四八

文光果 長八三 木細辛 長一〇八 水毛花 圖四六 長四六 水朝陽草 圖四七 長四七

文林郎 長八三 木細辛 長一〇八 水毛花 圖四六 長四六 水棘針 圖二九 長二九

文林郎 長八三 木細辛 長一〇八 水毛花 圖四六 長四六 水棘針 圖二九 長二九

文林郎 長八三 木細辛 長一〇八 水毛花 圖四六 長四六 水棘針 圖二九 長二九

文林郎 長八三 木細辛 長一〇八 水毛花 圖四六 長四六 水棘針 圖二九 長二九

四畫至五畫 水火瓜片牙牛王仙冬出半

水粟草	圖四三〇	水蘇	圖五六五	長六〇〇	牛皮凍	圖四五〇	王孫	圖一六三	長三八	
水萍	圖四三三	水蘇子	圖一〇三	圖一〇三	牛皮消	圖四七一	王家大白	長五九八		
水楊	圖七五二	水蠟燭	圖六六五	圖六六五	牛耳朶	圖三〇五	<b>五畫</b>			
水楊柳	圖八〇六	水蘿蔔	圖一〇三	圖一〇三	牛耳草	圖三一九		仙人掌	圖五九八	長六八〇
水楊梅	圖三二二	火山	長八六六	長八六六	牛尾菜	圖二二三		仙人掌	圖三六六	
水溜	圖八二五	火炭母草	圖三四四	圖三四四	牛尾蒿	圖二八九		仙人掌	圖四六五	
水稗	圖三〇〇	火煉金	長七三一	長七三一	牛角花	圖六四五		仙人棗	長七三一	
水萵苣	圖一〇七	火煙	長八七一	長八七一	牛金子	圖一九四	仙人過橋	圖二五		
水落藜	圖一〇二	火齊紅	長五九七	長五九七	牛扁	圖五七一	仙茅	圖一七六	長三九九	
水蜈蚣	圖三六四	火燒蘭	圖六三七	圖六三七	牛家黃	長五七四	冬瓜	圖五七		
水蓑衣	圖二九二	瓜藤	圖四六九	圖四六九	牛黃織	圖三六八	冬青	圖七六六	長一一〇二	
水辣椒	圖一三三	片速香	長九〇七	長九〇七	牛領藤	長一〇七八	冬葵	圖四六	長一五九	
水蘄	圖六三	牙子	長六六八	長六六八	牛膝	圖三四八	冬蟲夏草	圖三三〇		
水線草	圖三六三	牙棗	長七三二	長七三二	牛頭旃檀香	長九〇四	出嘴白	長五九七		
水蓼	圖三八三	牙齒草	圖四一八	圖四一八	牛頭棗	長七三〇	半天回	圖一八〇		
水蔓子	圖八六	牛心	長八五四	長八五四	牛膽	長八六六	半把繖	圖四三		
水蔓菁	圖一〇八	牛毛松	圖三九六	圖三九六	王不留行	圖二七一	半夏	圖五六四	長七〇三	
水龍骨	圖三七七	牛奶子	圖八〇三	圖八〇三	王瓜	圖五〇五	半邊山	圖一八三		
							半邊月	圖六三一		

五畫

半古台四奴奶左布平必扒末朮永玉瓜瓦甘生田

必栗香	平白雙	布里草	左紫	左花	奶樹	奶花草	奴柘	四蜂兒	四喜牡丹	四季葶	四季青	四方麻	四大天王	台州天壽根	古度	半邊蓮	半邊風
長九〇五	圖一九二	長三六五	圖三五六	長五八一	長五七四	圖四七四	圖三六〇	圖五三七	圖五二〇	圖二二〇	圖三三九	圖一九九	圖四七三	圖四七三	長八二七	圖三三三	圖八二七
玉鈴	玉蜀黍	玉腰樓	玉毬	玉堂紅	玉桃	玉美人	玉盆	玉門棗	玉芙蓉	玉板白	玉抱肚	玉文棗	玉千葉	永康軍紫背龍牙	朮	末利	扒毒散
長三七七	圖四〇	長五八三	長三五六	長八六九	圖六三三	長五九六	長三五九	長七三二	圖四三三	長五七四	長五八四	長七三二	長五八二	圖一八〇	長二八五	圖六五九	圖五三三
瓜耳草	瓜子金	瓜	玉蘭交	玉覆盆	玉繡毬	玉簪白	玉簪	玉蝶梅	玉盤菊	玉盤妝	玉潤白	玉樓觀音現	玉樓紅	玉樓春雪	玉樓春	玉樓子	玉蒸餅
圖四八二	圖三五九	長八〇〇	長三六五	長五八三	長三六四	長五九四	長七三四	圖六〇九	長三五三	長五八一	長五九八	長五九七	長五八二	長五九六	長五八二	長五九三	長五八二
田麻	田阜角	田母草	生香	甘露藤	甘藷	甘藍	甘蔗	甘蔗	甘遂	甘菊	甘瓠	甘草黃	甘草	甘松香	瓦瓜	瓜瓠黃	瓜槌草
圖三七七	圖三七四	圖三五六	長九〇一	長一〇八一	圖二三四	圖八八	圖七〇三	圖七〇三	圖五六四	長三五二	長三五二	長五七四	圖一四三	圖六〇三	圖六八九	長五九一	圖三三三
					長二六六	長二五一	長七七五	長六九五	長三五九	長一八七	長五七九	長五七九	長二七九	長六三六	長八二五	長五三九	長五三九

植物名實圖考索引

五畫 田由甲白皮石

田螺虎樹	圖八三六	白花藤	圖四八六	白楊	圖七五一	長一〇三一	白鵝毛	長三六五
由跋	圖五三三	白芷	圖五八一	白蜂窩	長三六五	白藥	圖五三二	長五三五
甲煎	長六三三	白附子	長六九五	白綠小豆	圖九	白纈子	長五六九	
白大豆	圖一〇	白前	圖一七四	白蒿	圖二四三	白蕪荷	長四五六	
白及	圖一六八	白犀公卿	長五九八	白蜜	長八六五	白鶴頂	長五九四	
白心皮	圖四八五	白苣	圖八九	白樺樹	圖七三九	白麝香	長三五〇	
白冬瓜	長一七四	白英	圖五〇一	白膠香	長九〇七	白纓絡	長五九七	
白玉盤	長五八四	白茅	圖一六六	白蓮花	長五九六	皮袋香	圖七七七	
白如椶	圖二三三	白茅香	圖六〇一	白蝶花	圖六五四	石吊蘭	圖三九〇	
白豆	長一四五	白荔枝	長三五〇	白頭翁	圖二六	石瓜	圖七九〇	長一一二
白豆蔻	圖六〇一	白草果	圖五四七	白頭縷	長三三〇	石交	圖四〇九	
白辛樹	圖七四二	白馬骨	圖四八四	白龍鬚	圖三七二	石合草	圖四六八	長五四〇
白刺花	圖六四六	白馬鞍	圖一七九	白龍藤	圖五三三	石帆	長六七二	
白屈菜	圖一九	白棗	長七三〇	白龍鬚	圖四七七	石耳	長二〇五	
白兔藿	圖五〇三	白棘	長九六九	白斂	圖五二二	石血	圖四四四	
白芨	長三三九	白棘棠	圖六一四	白薇	長三〇八	石豆	圖三九三	
白花射干	圖五六六	白菊	長三六〇	白薔薇	圖六五三	石垂	圖四〇二	
白花菜	圖九七	白菟藿	長五〇二	白鮮	圖一七	石松	圖四〇五	長一〇七七
白花樹	圖八二六	白微	圖一五六	白鮮皮	圖三九	石芥	圖一〇四	

石花菜	圖四七	長六七五	石蜜	長七九	光頭稗子	圖三三	地瓜兒苗	圖九
石花蓮	圖三九一	長六七六	石盤龍	圖四五	冰清白	長五九	地耳	長二〇五
石長生	圖三六二	長六七六	石蓴	長六七三	冰團	長八七一	地耳草	圖二八七
石刺木	圖七五九	長八八一	石蝴蝶	圖四〇五	冰囊紅	長五八四	地衣	圖三九八
石南	圖七三一	長八八一	石髮	圖四四	列當	長六八一	地角兒苗	圖二九三
石盆草	圖四〇四	長六八二	石龍	圖三五五	合掌消	圖二〇三	地芙蓉	圖三五六
石胡荽	圖三八三	長六八二	石龍牙草	圖三五五	合葶	長二〇一	地柏	圖四〇〇
石葦	圖三一	長六七七	石龍尾	圖四二二	合歡	長三六一	地柏葉	圖三九四
石風丹	圖四二	長六二二	石龍芮	圖五九	合歡	長九七四	地盆草	圖四〇四
石香菜	圖五〇	長六二二	石龍芻	圖二五六	合歡芳	長五七	地茄	圖二四
石香薷	圖五九〇	長六〇一	石龍參	圖四二四	合歡嬌	長五九五	地筍	圖五四六
石荆	長一〇八一	長六〇一	石薺	圖五九七	吉利子樹	圖八二六	地參	圖三〇八
石斛	圖三一	長六七八	石蘭	圖三九八	吉祥草	圖六三九	地捲草	圖四二二
石道遙草	圖三五五	長六八〇	伏牛花	圖三九三	同蒿	長二五七	地梢瓜	圖一〇一
石猴子	圖四三六	長六八〇	伏雞子根	圖四五六	回回豆	圖三七	地麻風	圖三六
石筋草	圖四〇七	長八三九	伏香	圖四五六	回回蒜	圖二二	地棠草	圖三二八
石都念子	圖七〇	長八三九	光葉苦蕒	長八九五	回回醋	圖七三九	地棠菜	圖五三四
石葉香	長九〇二	長八九五		圖四五	地不容	長五三五	地湧金蓮	圖一八
石蒜	長七三五	圖四五			地瓜兒	長三三	地筋	圖一六七

五畫至六畫

石 伏 光 冰 列 合 吉 同 回 地

六 畫



六畫 地多如安早曲朱朶江灰百竹米羊老肉舌艾

地稔	長六一	早紅	長八七〇	百腳蜈蚣	圖四四	羊棗	長七三〇
地黃	圖二四 長三六	早紫	長三五五	百濯香	長九〇二	羊蹄	圖四三 長六五八
地楊梅	圖三九	曲水香	長九〇五	百藥祖	圖一二	羊嬾子	圖八〇三
地榆	圖六四 長三〇	曲節草	圖三八 長四三〇	百蘊香	長九〇三	羊躑躅	圖五六〇 長七〇九
地蜈蚣草	圖四五 長四三	朱柿	長八五四	竹花	圖七一	老虎刺	圖五四四
地槐菜	圖一二	朱砂紅	長五七四	竹菌	長二二	老虎刺寄生	圖七六七
地膚	圖二五	朱錦	圖六六	竹葉吉祥草	圖五三	老婆布鞋	圖七四七
地膚子	長三七	朱蘭	圖六三	竹葉青	圖三六	老葉兒樹	圖七四〇
地錦	圖三三	朱欒	長八〇六	竹葉麥冬草	圖五九	老僧帽	長五九七
地錦苗	圖二二	朶朶香	圖六五	竹蓐	長二四	老銀紅毯	長九三
地龍藤	長一〇九	江綠	長八五三	竹頭草	圖三九	老蝸生	圖三八二
地膽	圖三八	灰藿	長三五九	米布袋	圖二四	老鴉蒜	圖一〇六
多葉紫	長五七四	百子蓮	圖六三	米蒿	圖三一	老鴉瓣	圖三七
如意草	圖六四	百合	長一七三	羊矢子	長八二	老鶴筋	圖四七三
如膏紅	長五九七	百步香	長八六九	羊矢果	圖六八〇	肉豆寇	圖六一
安平棗	長七三	百步蘭壽香	長八六九	羊耳蒜	圖六四一	肉苳蓉	圖一四七 長二九五
安石榴	圖七五 長七六七	百乳草	圖四一	羊肝狼頭草	圖五九	舌頭菜	圖一六
安息香	長九〇一	百部	圖五〇六 長五〇八	羊角棗	長七三	艾	圖二七三 長四五三
安聖紫	長五八一	百棧藤	圖四六 長五四〇	羊桃	圖五二 長五二 長八二	艾納香	長一〇八九

艾葉菊	長三五〇	佛見笑	圖四九〇	延胡索	圖一七六	長三三八	杏葉草	圖四七二	長四二九
血藤	圖四八三	佛指甲	圖二九九	延壽紅	長八六九	杓兒菜	圖一一二		
衣白皮	圖七八四	佛面金	長三六四	延壽黃	長五六一	杜仲	圖七〇〇	長九四三	
西王母棗	長七三一	佛桃	圖六八八	彤雲紅	長五一	杜若	圖五一	長五五四	
西王棗	長七三三	佛桑	圖六四三	忍冬	圖五二三	杜根藤	圖二二六		
西瓜	長八〇九	佛頭菊	長三五〇	扯根菜	圖二九一	杜莖山	圖四六七	長五四〇	
西紫	長八六九	助情香	長九〇五	扳南根	圖四八	杜當歸		長五五九	
西番蓮	圖六六二	君遷子	長八四〇	扶桑	圖七六	杜鵑		長七二五	
西萬花魁	長五五四	含水藤	長一〇七六	折傷木	長一〇六四	杜鵑紅		長五九四	
<b>七 畫</b>									
伴月香	長九〇五	含笑	圖四六八	旱芹	圖六三	杜蘅	圖一七四	長三三六	
伽楠	長八九七	吳茱萸	圖六五七	旱蓮	圖八二五	每始王木	長一〇六四		
何首烏	長五三一	呆白菜	圖七七	旱蓮草	長四二	泮城白	長五九七		
何家紅	長八五四	夾竹桃	圖三九〇	杆	圖八〇九	決明	圖二五三		
何樹	圖七九八	妒嬌紅	圖六五六	杉	圖七三三	決明子	長三九五		
余家綠	長八七一	妒鵝黃	長五六一	杉材	長九一七	沈水香	長八九四		
佛手柑	長八〇五	宋公荔枝	長八五四	杉菌	長三〇三	沈光香	長九〇三		
佛手蘭	圖六三九	宋家香	長八七〇	李	圖七〇四	沈香	長八八八		
佛甲草	圖三九六	延州紅	長五七四	杏	圖六九八	沈家白	長五九四		
<b>六 畫 至 七 畫</b>									
艾血衣西伴伽何余佛助君含吳呆夾妒宋延彤忍扯扳扶折旱杆杉李杏杓杜每泮決沈									
佛甲草	圖三九六	延州紅	長五七四	杏葉沙參	圖一八八	沈榆香	長九〇三		

七畫至八畫

沒沙杜狂阜良芋芎芩芒見角豆貝赤車辛那邪防乳亞京使兔兩刺卷取周和垂

沒藥

長一〇九

芒

圖一七

赤孫施

圖一八五

亞濕香

長九〇五

沒離梨

長一〇八〇

見血青

圖三六九

赤脛散

圖三九

京三棧

長六二四

沙木

圖七三〇

見風消

圖八二〇

赤棗

長七三二

使君子

圖四五六

長五三三

沙消

圖二九六

見腫消

圖二〇一

圖三八

赤箭

圖一四

長二八三

兔兒尾苗

圖三〇二

沙參

圖一四

角沈香

圖三七〇

長四三〇

赤藥子

圖八八

兔兒傘

圖三〇五

沙棠

長七三二

角落木

長九〇六

車前

圖二五二

兔兒酸

圖三〇一

沙蓬

圖二九六

角蒿

長一〇七六

車前子

圖七九

長九四二

兩頭拏

圖四三二

牡丹

長五七一

豆葉菜

圖一三三

那耆悉

長一〇七六

刺天茄

圖五二七

牡桂

長九三三

豆蔻

圖五六八

長六〇六

邪蒿

圖九二

長二五七

刺犁頭

圖四七六

牡荊

長九六五

豆瓣綠

圖四〇九

防己

圖五〇九

長五二〇

刺楓

圖八三二

牡高

長四七三

貝母

圖一五七

長三二二

防風

圖一五〇

長二九九

刺楸樹

圖七四三

狂風藤

圖四二

赤小豆

圖八

防葵

圖一五四

長三〇六

刺綠皮

圖七九三

阜角菌

長二〇三

赤心菜

長七三二

乳柑子

長八四六

卷柏

圖三八一

長六七六

阜莢

長九七五

赤爪實

長八三二

乳香

長九三三

取次妝

長五六七

良棗

長七三二

赤地利

圖五三三

乳漿草

圖五六

周家紅

長八五四

芋

長三三〇

赤朱衣

長五九一

乳頭香

長九〇五

和血丹

圖二八

芎藥

圖五八四

赤車使者

圖五六六

亞麻子

圖三三

垂絲粉紅

長三六一

芎藭

圖五七九

赤金盤

長三四四

八畫

垂絲菊	長三四	昆明沙參	圖三五	扶移木	長一〇三	狗掉尾苗	圖三〇
夜合花	圖六五七	昆明烏木	圖七五	枕材	長一〇七九	狗椒	圖七九
夜來香	圖六〇	昆明雞血藤	圖五二	林檎	圖六九	狗筋蔓	圖四七
夜酣香	長九〇五	明天發日香	長九〇四	毒菌	長二〇五	狗蹄兒	圖二九四
石榴紅	長五五三	明州天花粉	圖四七	河中府地柏	圖四〇〇	玫瑰	圖四八九
委陵菜	圖二四	明庭香	長九〇四	油紅	長五九六	知母	圖一五七
岡拈子	圖六八	東風菜	圖九〇	油葱	圖六五	祁婆藤	圖四六
岳山紅	長五七九	東紫蘇	圖五七	油頭菜	圖一三	肥阜莢	長九七
念奴嬌	長五九六	東莞香	長八九六	法石白	長八五四	肺筋草	圖二九
承露紅	長五八二	東廬	圖二〇	波斯棗	長七三〇	臥棗	長七三
抱雞母	圖三七	柎	長一一二	波斯菊	長三五〇	芙蓉	長一〇四
拉拉藤	圖四八	松	圖七四	波羅蜜	圖六四	芙蓉香	長九〇七
拖白練	圖三〇六	松柏蕾	長八六八	泥胡菜	圖二二	芙蓉菊	長三五〇
拘勿頭華香	長九〇四	松楊木	長一〇八一	狀元紅	長三五五	芝	長一五八
拘那花	圖八二	松壽蘭	圖六三〇	狀元香	長八六九	芝蔴菜	圖二六
放杖木	圖七五	松葦	長二〇二	狗牙棗	長八六五	茨	圖六九七
政和春	長五八三	松蕾	長八六九	狗舌草	長七三	芥	圖六
昆布	圖四四	松羅	長九二九	狗脊	圖三六	芥心草	圖四六
昆明山海棠	圖七九	枇杷	圖七二	狗脊	長三九	芥藍	圖二九

八畫

垂夜妬委岡岳念承抱拉拉拖拘放政昆明東柎松枇杖枕林毒河油法波泥狀狗玫知祁肥肺臥芙芝茨芥

八畫 芫芭 芫花 芫茵 虎迎 返采 金

芫花	長七〇	芫臺	長二四三	金瓜兒	圖三〇五	金棧	長八六七
芭蕉	長四六九	芫樹	長一〇八〇	金瓜草	圖三一四	金盞草	圖二八一 長四三二
芫實	圖七〇〇	茵米	長一四三	金交翹	圖三六六	金盞銀臺	長三五二 長三六五
芫芥	長七六一	虎皮	長八六七	金空耳	圖三七三	金腰帶	圖五七一
花紅平頭	圖六九	虎皮斑	長八六六	金杯玉盤	長三四九	金腰樓	長五八三
花紅神品	長五九三	虎耳草	圖三八九	金屋嬌	長五九八	金萬鈴	長三五七
花紅剪絨	長五九三	虎尾草	圖三〇三	金星草	圖三八四 長六八一	金鈴菊	長三四八 長三五二
花紅翠盤	長五九二	虎杖	圖二七七 長四五六	金剛尖	圖一三五	金槌棗	長七三一
花紅舞青猊	長五九四	虎刺樹	圖八二七	金剛刺	圖七八六	金精雪浪	長五九六
花紅魁	長五九四	虎掌	圖五三三 長七〇二	金剛纂	圖五五一	金鳳香	長九〇三
花紅獨勝	長五九八	虎掌花	圖六二六	金城棗	長七三一	金墩菊	長三五二
花紅繡毬	長五九二	虎頭蘭	圖六三四	金荔枝	長三六四	金箴	圖六二四
花紅疊翠	長五九三	迎日紅	長五九三	金眼回	長三六五	金線	長八六七
花楸樹	圖七四二	迎春花	圖三五〇 長四三三	金雀	圖六二八	金線弔烏龜	圖四八一
花膏紅	長五九四	返生香	長九〇三	金雀馬尾參	圖五三七	金線草	圖四三六
花蒿	圖三〇二	返魂香	長九〇三	金棧藤	圖四六七 長五四〇	金線壺盧	圖四四一 圖五三二
芸	圖六〇七	采霞綃	長五九八	金絲杜仲	圖七三二 圖七九〇	金蓮花	圖四八一
		金玉交輝	長五九一	金絲桃	圖六二五	金蝴蝶	圖六四四
				金絲矮它它	圖四〇五	金橘	圖六七七 長八〇六

金燈	圖六八	阿月渾	長八三	青莢葉	圖三五	刺柏	圖七三		
金燈藤	圖四二	阿勒勃	長一〇七	青絲紅	長五四	勁枝丹參	圖二三		
金錢	長三八	阿魏	圖七六 長一〇六一	青華棗	長七二	南天竹	圖六一〇		
金錢花	圖六六	附子	圖六一 長六八九	青楊	圖七一	南瓜	圖二六 長二六四		
金錢豹	圖四三	附地菜	圖三五	青楊樹	長一〇三四	南恩州布里草	圖三五六		
金錢菊	長三五	雨點兒菜	圖一九	青稞	圖一九	南海	長八七一		
金礮香	長九〇五	青心白	長三五	青稞麥	長一五四	南蛇藤	圖四七		
金鐘	長八六	青心無瑕玉	長五三	青梢子	圖二九 長四六	南棗	長七三		
金簪頂	長三四	青心黃	長五三	青蒿	圖二九	南華李	圖七五 長七八六		
金雞尾	圖三二	青心鮑黃	長五六	青檀樹	圖二六 長四六	南黃樓子	長五六		
金雞腿	圖四八	青木香	長五五	青蘘	長二	南燭	圖七六 長一〇九三		
金顏香	長九一	青州紅	長五四	<b>九 畫</b>		南藤	圖四二 長五三五		
金繫腰	長五九	青州棗	長七一			卻死香	長九〇三		
金櫻子	圖七五 長一〇八六	青羊參	圖五八			厚皮香	圖七八		
金蘭	圖四九	青刺尖	圖五九			厚朴	圖七四 長九七一		
金鐵鎖	圖五五	青岡樹	圖七六 長一二三			哀家紫	長五八二 長五八四		
金鶴頂	長三四	青舍子條	圖七四 長八四九			哈蜜瓜	圖六九〇 長八二五		
長松	圖一七	青甜	圖一八 長八四九			垣衣	圖三九 長六七九		
長春花	圖六九	青莢兒菜	圖一八			姚黃	長五七四 長五七七		
						前胡	圖一七 長三六		

八畫至九畫

金長阿附雨青信冠前刺勁南卻厚哀哈垣姚

九畫 威孩屋建思急怨施星春昨枳架枸柿柘柏柑染柘柚柝柯柶柳柴歪毗洋洗洛洞活炭玲玳珊瑚珍界相省

威州根子	圖一八二	星毬紅	長八六四	長八六七	柘	圖七四	洛陽春	長五八四
威勝軍亞麻子	圖二三	春桂	圖六三	長九〇五	柘木	長一〇八五	洞中紅	長八六七
威靈仙	圖四二	春蕪	長九〇五	柘木	圖六五	長七四三	洞絲草	圖二七
孩兒菊	長三三	春蘭	圖六四	柘木	長九二〇	活血丹	圖三一	圖三二
屋遊	長六七九	昨葉何草	圖三九	長六七八	柝木	圖七四	炭栗樹	圖七三
建水草	圖一八四	枳棋	圖七〇六	長八三二	柝樹	圖六五	玲甲花	圖六五
思勞香	長八九五	枳殼	長二〇四	柯樹皮	長一〇七九	玳瑁紅	長八五四	圖六五
急急救	圖二〇八	枳實	圖七五	長一〇三	柶	圖七五	珊瑚枝	圖六三
怨春紅	長五六七	架豆參	圖五三	柳	圖七三	長一〇三	珊瑚鳳頭	長五九八
施州小兒羣	圖一八一	枸杞	圖七三	長九六〇	柳耳	長二〇三	珊瑚樓	長五九七
施州半天回	圖一八〇	枸骨	圖七五	長二〇三	柳圃新接	長五九	珍珠花	圖七七
施州紅茂草	圖四〇一	枸橘	圖七九	長二〇八	柳葉菜	圖二六	珍珠梅	圖六五
施州崖椶	圖四〇一	枸櫞	圖六七	長七五	柳葉蒿	圖二九	珍珠菜	圖三九
施州紫背金盤草	圖四二	柿	圖七〇一	長七五	柴胡	圖一五	珍珠繡毬	圖六七
施州野蘭根	圖一八一	柝葉	圖二一	長九二	歪頭菜	圖一一	界金樓	長五九四
施州龍牙草	圖一八一	柏	圖七三	長九二	毗梨勒	長一〇六	界破玉	長五九四
施州露筋草	圖一八一	柏寄生	圖七八	長七九	毗黎勒	圖七五	相思子	長一〇七
星垂	長八七〇	柑	圖六七	長七九	洋條藤	圖四八	省頭草	圖三七
星宿菜	圖一〇〇	染銅皮	圖五三	長五九	洗妝紅	長五八〇	省藤	長一〇七





降真香

長九〇七

長九二六

香蒲

圖四二

長六四七

夏萬鈴

長三三〇

栝樓

圖五〇四

長五〇四

面來刺

圖三三六

香葷

長二〇三

夏蕙

圖六六

格注草

長七二〇

韭

圖七三

香櫟

圖五九

長六一

套瓜

圖二七

桂

圖七五

長九三三

風車子

圖一六六

香藤

長八〇五

宮錦

長五九二

桂林

長八六四

風蘭

圖三九二

香藤

圖四五

家萱蕒

圖五六

桂寄生

圖七六

長七二六

飛刀劍

圖三八五

射干

圖五七

長七〇七

桂棗

長七三一

飛仙藤

圖五三六

倒掛金鈎

圖八三

峽石黃

長五六八

桃

圖六九

長七四九

飛來鶴

圖四一

倒掛藤

圖四七

峽石黃冠子

長五六八

桃花

長三五六

飛氣香

長九〇四

倒暈檀心

長五七四

師草實

長一四一

桃花菊

長三五三

飛廉

圖二五五

候風藤

圖四八六

弱枝棗

長七三

桃花萬卷書

長五九六

飛燕妝

長五九二

倚新妝

長五九五

徐長卿

圖一四

桃紅樓子

長五九七

飛龍掌血

圖五四一

倚欄嬌

長五九七

息王藤

長一〇七六

桃椰子

圖六七五

長七九九

飛霞

長五九五

凌雲黃

長五六八

掣藤

圖四三

栳樹

圖八〇九

食菜萸

長一〇四一

凍棗

長七三

振靈香

長九〇三

桐

圖七九

長一〇〇六

香角

長九〇七

唐棣

長八八四

效殷妝

長五六七

桑

圖七五

長九七七

香花樹

圖八二六

夏月佛頂菊

長三五三

栗

圖六九

桑上寄生

圖七六

長九八九

香科科

圖五五七

夏金鈴

長三五八

栗玉

長八六七

桑耳

長二〇三

香梨

圖三〇九

夏枯草

長四三

栗寄生

圖七八

桑花

長九八四

香棗

長七三一

夏無踪

圖二七

栗殼葷

長三〇三

栝梗

圖一七

長三〇九

十畫



十畫至十一畫

荔枝 荊三棱 荇 草玉梅 草石蠶 荔枝 荊三棱 荇 草玉梅 草石蠶 荔枝 荊三棱 荇 草玉梅 草石蠶

荔枝 圖六三 長三六一 長八四九 草血竭 圖四〇 馬尿花 圖四二五 馬鞭草 圖三一 長四七二

荔枝紅 長三五五 草葵 圖六五一 馬尿藤 圖五四〇 馬藤 圖七九五

茜草 長四九九 草蒿 長四四四 馬芹 圖六五 馬蘭 圖五九六 長六六六

荻 圖五一 荳蔻 圖五七 長六〇八 馬芹子 長一九六 馬纓丹 圖六六一

荻 圖七五 長九三九 蚊子樹 圖八〇 馬勃 圖三九七 長六七九 骨碎補 圖三六三 圖四一四

茵芋 圖五九 長七三三 蚊榔樹 圖八〇〇 馬家紅 長五九九 高良薑 圖五一 長六〇四

茵犀香 長九〇二 蚤休 圖五六六 馬家綠 長八七〇 高河菜 圖五九 長六〇四

茵陳蒿 圖二四九 長三六四 袁黃 長五六八 馬兜鈴 圖四六一 長五三四 鬼臼 圖五六六 長七〇五

茶 圖七五四 袁黃冠子 長五六八 馬接腳 圖四六九 長五四〇 鬼見愁 圖一七六

茶條樹 圖三二 豇豆 圖四〇 長一四九 馬魚兒條 圖七四六 鬼斂草 圖一七六

芫蕪 圖二五〇 迷迭香 長九〇四 馬棘 圖八一七 鬼斂草 圖一七六

芫蕪子 長三七七 追風藤 圖五七 馬椒 圖七九二 鬼菌 長二〇四

茼蒿 圖九三 郎官紅 長八六九 馬瘍木 長一〇八〇 鬼都郵 圖一七五

荃蕪香 長九〇三 酒藥子樹 圖八一五 馬銀花 圖七八〇 鬼督郵 長三三六

荃蕪 長九〇五 釘地黃 圖三三 馬蔘 圖二六四 長四三七 鬼膊藤 長一〇七九

荊三棱 圖五九八 陟釐 圖四三 長六七九 馬齒莧 圖五三 長一六六 鬼鉞草 圖三六

荇 長六六八 馬甲子 圖一九五 馬齒莧 圖五三 長一六六 鬼鉞草 圖三六

草玉梅 圖六五三 馬先白 長八六八 馬蹄草 圖四八二 乾花 長五八三

草石蠶 圖三三三 長三六二 馬先蒿 圖二五七 長四〇一 馬鞭花 圖三五 乾陀木 長一〇七六

十一畫



十一畫 淨淫淮深清淺添拋牽瓠甜畢阜硃研祥紫細紹絆脫

淨江瓶 長八六六 硃砂根 圖一七九 紫香蒿 圖二六三 長二〇二

淨瓶 圖六三三 硃砂旋心 長五六一 紫粉旋心 長五六一 紫微 圖六二〇 長六二〇

淫羊藿 圖一六三 長三一九 研藥 長一〇七六 紫紋棗 長七三一 紫薑 圖一三七 長一三七

淮草 圖三一九 祥雲 長五八三 紫荊 圖七二二 長二〇九三 紫繡毬 長五六一 長五八三

深紫御袍黃 長三五二 紫地榆 圖五二六 紫荊花 圖八二〇 紫藍 圖一九四 長一九四

深春毬 長五八〇 長五八四 紫花地丁 圖三一 圖三五四 紫草 圖一五九 長三三四 紫羅花 圖五四〇 長五二

深紅小魏花 長五九六 長四三三 紫參 圖五八 圖五三六 長三三六 紫藤 長五二二

清風藤 圖四四六 圖五五 紫堇 長一九六 紫纈子 長五九

淺色御袍黃 長三五二 紫芹 圖六五 紫喇叭花 圖二〇七 紫纓絡 長五九七

添色紅 長五七四 紫金皮 圖四四九 紫絲頭 長五九六 細米條 圖二二三

添色喜容 長三五三 長五九六 紫金藤 圖四六九 長五三九 紫苑 圖二六二 長四三三 細辛 圖一五一 長三〇一

牻牛兒苗 圖二九六 紫背天葵 圖五五二 紫菊 長三五一 細亞錫飯 圖一九四

牽牛子 圖五九 長五九 紫背金牛 圖三六六 長六七一 紫菜 圖四六 長六七一 細核棗 長七三一

琉璃灌朱 長五九六 紫背金盤 圖三九九 紫雲棗 圖一三三 細腰棗 長七三一

瓠子 圖八四 長三四五 紫背金盤草 圖四〇二 紫葛 圖五三三 長五三三 細葉沙參 圖一八八 長一八八

甜瓜 圖六七六 長八〇〇 紫背草 圖二二二 紫葳 圖五〇三 長五〇三 細葉壽安 長五七四

甜遠志 圖二三四 紫背鹿銜草 圖四〇七 紫樓子 長五九 紹興春 長五八三

畢澄茄 圖六三三 紫背龍牙 圖一八〇 紫鞍子 長五九 絆根草 圖三六四 長三六四

阜蘆 長一七一 紫述香 長九〇三 紫瑤 長八六九 脫紫留朱 長五九七

十一畫 舵荷茶莎茴荈莠莢茜莧葦葎莢蚵蚶蛇貫軟透通速連郭野

舵菜	長二〇四	蛇牀子	圖五八〇	長五五三	野同蒿	圖二六八	野茉莉	圖六六七
荷包牡丹	圖六三七	蛇莓	圖五一八	長五一九	野百合	圖二三〇	野香橐花	圖七八〇
荷苞山桂花	圖六四六	貫衆	圖一六九	長三三一	野艾蒿	圖二八七	野粉團兒	圖三〇〇
茶糜菊	長三三三	軟棗	圖七一〇	長八四〇	野西瓜	圖四七九	野草香	圖五四五
莎木	圖七五九	透骨消	圖四七六	圖四七六	野西瓜苗	圖三〇八	野梔子	圖六五一
莎草	圖五九〇	透骨草	圖三七七	圖三七七	野李花	圖七七八	野莧	圖五一
茵實	長四八〇	透骨鑽	圖五四三	圖五四三	野杜仲	圖四四五	野麻菜	圖三九
荈菜	圖四三五	通草	圖一八六	圖五〇九	野豆花	圖四三	野棉花	圖五四八
莠	圖三一	通脫木	長三四〇	長三三一	野芝麻	圖三七一	野豬尾	長五四〇
秀竹	圖三五〇	速暫香	長九〇一	長九〇一	野南瓜	圖三三	野菊	長三三九
莢蒨	圖七二二	連城玉	長五九八	長五九八	野扁豆	圖四三七	野黍	圖三七
莧	圖三三九	連翹	圖二六五	長四四一	野春桂	圖七八三	野園葵	圖一〇〇
莧	圖五一	郭家黃	長五六八	長五六八	野紅花	圖八二六	野煙	圖五〇
莧	圖五七一	野丁香	圖六四五	圖六四五	野胡椒	圖八〇四	野蜀葵	圖三六
葎草	圖三〇	野山菊	圖二五	圖二五	野胡蘿蔔	圖九	野辟汗草	圖三一
莢蒿	圖三七	野山葛	圖五三	圖五三	野苜蓿	圖七〇	野漆樹	圖八九
蚵蚶菜	圖一九	野木瓜	圖六九〇	長八二三	野苦瓜	圖四七九	野鳳仙花	圖六〇
蚶殼	長八五四	野木耳菜	圖一三〇	圖一三〇	野苦麻	圖三八	野樟樹	圖八八
蛇含	圖二六六	野白菊花	圖三七〇	圖三七〇	野苦蕒	圖五	野蔓菁	圖〇七

野豌豆	圖八七	陳紫	長八五三	鹿盧棗	長七三〇	勝嬌容	長五九三		
野鴉椿	圖八二三	陸英	圖二七〇 長四五〇	鹿蹄草	圖三三三 長四三一	勝瓊	長五八四		
野豬尾	圖四六七	雀麥	圖一八 長一五三	鹿藿	圖六五 長一九七	勝疊羅	長五八三		
野檀	圖八一	雀頭香	長九〇五	麥門冬	圖二四五 長三七三	博落迴	長七二〇		
野繡毬	圖六七	雪柳	圖七六 圖七六六	麥條草	圖一七 長三〇二	喇叭草	圖三三		
野雞草	圖三〇	雪素	長五九八	麥葷	長三〇二	喜容	長三三九		
野藿香	圖六〇	雪蕙	圖六三四	麥藍菜	圖一五 長三	喝呼草	圖六六		
野櫻桃	圖七九	雪蘭	圖六三五	麻	長三	喬紅	長五九七		
野蘭根	圖一八二	魚公草	圖三七〇	麻黃	圖二六 長四二	喬家西瓜瓢	長五九六		
野蘿蔔花	圖六五二	魚腥草	圖三〇	麻餅	長八七一	單心菊	長三五三		
釣魚竿	圖三七五	魚蕘草	圖四三〇	<b>十二畫</b>				單花小金錢	長三四八
釣樟	長九一九	鹿角草	圖三七八	勝天香	長五七	報春花	圖六四六		
釣藤	長五一八	鹿角菜	圖四三七 長二六二	勝江陳	長八六	報馬樹	圖七四四		
釣頭	長八五五		長六七三	勝江萍	長八六六	堵喇	圖五二九		
陰地厥	圖三四九	鹿胎花	長五七四	勝西施	長五九六	富貴紅	長五一		
陰行草	圖三五	鹿胎紅	長五八三	勝金黃	長三〇八	尋骨風	圖三五		
陰陽蓮	圖四二	鹿茸草	圖三九五	勝姚黃	長五七	惡實	圖二七四		
陳州紫	長五二	鹿梨	長七六三	勝畫	長八六五	換錦花	長四五四		
陳紅	長八一	鹿銜草	圖二二	勝緋桃	長五七	揭車香	長九〇五		







黃楊木	圖七六	黃藥	長九四六	新紅嬌豔花	長五九二	楓柳皮	長二〇三
黃棟樹	圖七六	黃蘭	圖六一	新會橙	圖六二	楓香	長二〇二
黃蜀葵	圖三四	黃鱔藤	圖四八	新銀紅毯	長五九三	楚州冠子	長五九
黃精	圖一七〇	黍	圖一四	新維	長三五六	楚素君	長五九八
黃精苗	圖一七一	黑三棱	圖四九	會三英	長五七	棟	圖七九
黃酸醜	圖四九〇	黑牛筋	圖四〇六	椰子	長七九六	椴	長一〇〇五
黃寮郎	圖一八三	黑葉	長八六一	椰鍾	長八六一	榆	圖七二
黃樓子	長五八	黑藥豆	圖四四	椴樹	圖七四	楠材	長九一七
黃熟香	長九〇一			椴樹	圖七四	椴木	長九一〇
黃葶	長三〇二	催風使	圖一八三	椴樹	圖七四	楸	圖七三
黃龍藤	圖五三三	圓丁香	長八五四	椴樹	長一〇七〇	楸	長九一四
黃檀香	長九〇七	圓愛棗	長七三	椴樹	圖八〇六	楸	長一〇六五
黃環	圖五二〇	塗魂香	長九〇五	椴樹	長一〇二九	殿春魁平頭	長五九七
黃鵝毛	長三六四	嶗嶗棗	長七三	楊妃	長三一	溟海棗	長七三一
黃藥	長五三七	廉薑	圖五九	楊妃深醉	長五三	溟疏	圖七二
黃藥子	圖四六三	威藤	長一〇八一	楊妃繡毬	長五九二	溟丁香	圖六四八
黃蘆木	圖七三	搜山虎	長一〇八	楊花冠子	長五八	溟土瓜	圖五三〇
黃蘆子	圖八一	槌胡根	圖三七	楊梅	圖六四	溟大葉柳	圖七八九
黃蘆子	長五八	新安黃	長四九	楊徹齊棗	長七三〇	溟山茶葉	圖七八九
			長五八	楊檣木	長一〇六四	溟白前	圖三三三
				楓	圖七五〇	溟白藥子	圖五九

十三畫

滇芎	圖五四六	獅子頭	圖六八	腦子菊	長三五三	落地梅	圖三九
滇防己	圖五四一	瑞堂紅	長八六九	菽薹根	圖三〇三	落花生	圖六八六
滇兔絲子	圖五四一	瑞雲紅	長五九四	萬年松	圖三五四	落葵	圖八一
滇南薄荷	圖五四五	瑞露蟬	長五九三	萬年青	圖八一六	落鴈木	圖五三一
滇厚朴	圖七六七	瑞麟香	長九〇三	萬年柏	圖三六七	落耳	圖六一
滇紅草薺	圖五三六	瓶爾小草	圖四〇四	萬年紅	圖八七	葉上花	圖五九
滇苦菜	圖五四	當歸	長五五八	萬年藤	圖四〇	葉下紅	圖三七
滇桂	圖七七八	睡鶴仙	長五九七	萬卷書	長三四四	葉下珠	圖三七六
滇海水仙花	圖四二六	矮桃	圖二九一	萬花一品	長五九一	葉底紫	長五七四
滇常山	圖五四九	碎金紅	長五八〇	萬花魁	長五九四	葎草	圖五四四
滇淮木通	圖五四一	碎補	圖四〇六	萬春香	長九〇七	葎草	圖二七七
滇黃精	圖三五五	碎瓣無瑕玉	長五九三	萬歲棗	長七三二	葛	圖五〇七
滇瑞香	圖五四六	碗花草	圖五三七	萬鈴菊	長三五〇	葛巾紫	長五八三
滇鈎吻	圖五七四	禁苑黃	長五八三	萬壽子	圖六三	葛公菜	圖一一四
滇銀柴胡	圖三四四	稔頭	圖三〇	萬壽菊	圖六六	葛乳	長二〇五
滇龍膽草	圖三四四	稔子	長一四六	萬疊雪峯	長五九一	葡萄	圖六九四
滇蘘本	圖五四五	稠膏葷	長二〇二	萱草	長四六	蒟蒻	長八二二
煮填棗	長七三〇	梁	長六七	高苣	圖八九	蒟	長三三五
煙粉樓	長五九五	粳	長二一五	蕭蓄	圖二七〇	葫蘆巴	長四二八



引 索 考 圖 實 名 物 植

十四畫

漏漢樟瑤盡碧福稱箋統箇精緞綠綿緋翠聚腐蒔蒙蒜蒟蒻蒲蒹蒺莠蒼薯紗蜘蛛蜜辣遠醮酸

漏蘆 長三九九 圖三五 福嚴紫 長五八三 翠梅 圖六八

漢宮春 長五九六 稱鉤風 圖四一 翠雀 圖六七 薯 圖三三

漢紅魚腥草 圖五四 箋香 長八九五 翠雲草 圖四三 薯實 長三六六

樟牙菜 圖一三 統樹 圖七四 聚香絲 長五七 紗木 長一〇七五

瑤臺玉露 長五九八 箇桂 長九三三 腐婢 長二九 紗木麩 長八二

盡天工 長五九八 精祇香 長九〇四 蒔蘿 圖九〇 長三五三 蜘蛛抱蛋 圖二四

碧玉樓 長五九四 緞木 長一〇八一 蒙自桂樹 圖七五 圖七五 蜜丸 長八六八

碧玉盤 長五八四 綠百合 圖三四 蒜 圖七六 長三七 蜜香 長一〇七六

碧紗籠 長五九二 綠衣郎 長八七一 蒟蒻 圖五九四 長六二 蜜荔枝 長八五五

碧綠藤 圖四八三 綠核 長八五四 蒟醬 圖五九四 長六五 蜜筍柑 圖六三

福州石垂 圖四〇二 綠珠 長八五七 蒟膏紅 長五九七 蜜葷 圖六三

福州赤孫施 圖一八五 綠珠墮玉樓 長八六六 蒲公草 圖三四 長四八一 蜜羅 圖六一

福州建水草 圖一八四 綠紗 長八六九 蒲桃荔枝 長八五四 辣椒 圖三一

福州香麻 圖六〇四 綠葉綠花 長八六九 蒲黃 長六五〇 辣辣菜 圖一七

福州獨腳仙 圖一八五 綠羅袍 長八七一 蒹 長四七 遠志 圖一四五

福州雞項草 圖一八五 綿棗兒 圖三四 兼 長四七 遠枝嬌 長三六四

福州瓊田草 圖一八四 綿絲菜 圖一五 蒺藜子 圖二五 遠枝嬌 長三六四

福勝紅 長五八四 緋樓子 長五九 蒺藜子 圖二五 長三五〇 酸桶笋 圖三七

銀鶴頂	銀錫樓子	銀臺	銀絲樓	銀條菜	銀紅豔妝	銀紅錦繡	銀紅嬌	銀紅絕唱	銀紅妙品	銀盆	銀杏菊	銀杏	銀含稜	酸藤	酸漿	酸模	酸棗	酸梨
長三五	長五八	長三七	長五八四	圖一〇九	長五九八	長五九五	長五九一	長五九八	長五九八	長三〇	長三五〇	長八〇八	長五六	圖四七	圖三〇	圖四三	圖七三	長七三
劍丹	劉寄奴	劉海節菊	劉師閣	劉師哥	鴛尾	鳳髓香	鳳眼棗	鳳皇花	鳳尾蕉	鳳尾草	鳳尾	鳳尾	鳳池超	鳳仙花	鳳了草	韶子	閨豔	銅錘玉帶草
	圖三五	圖三七	長五八〇	長五八三	圖五六	長九〇三	長七二	圖六五八	圖八〇五	圖三七七	長五九四	長八六七	長八七四	圖三八八	圖七〇九	長八四一	長五九八	圖五三
樟	樗	樓梯草	樓子菊	樓子紅	樓子佛頂	榭實	榭若	槭樹芽	槌子	慶雲黃	廣香藤	廣信柴胡	嬌容三變	嬌紅樓臺	嬌白無雙	墨繡毬	墨葵	墨剪絨
圖三三	圖七五	圖一九七	長三五	長五八四	長三五三	圖七〇六	長八三	圖七三九	長八三	長五八三	圖四六	圖一五三	長五九一	長五九五	長五九八	長五九六	長五九六	長五九六
緬梔子	節節菜	箬	葶芽樹	穀精草	穀城紫紫	穀	稻槎菜	稻	稷	盤龍參	盤內珠	皺玉	潛溪緋	潔白	潑盤	潑墨紫	歐碧	樟寄生
圖六五三	圖一〇六	圖三五	圖七三六	圖三四	長七三	圖一三三	長一三六	圖七	圖一五	圖三七九	圖六三	長五七四	長五八二	圖四三	長五八三	長五八三	圖七三四	

十五畫

十四畫至十五畫

酸銀銅閨韶鳳鴛劉劍墨嬌廣慶槌槭榭樓樗樗歐潑潔潛皺盤穉稻穀葶箬節緬









繡毬	圖六五	長三六〇	藏報春	圖六五	雞矢果	圖六六	長八二四	鞭繡毬	圖五三	長七三
繡毬藤	圖五三	長二五〇	藕車香	圖六三	雞矢藤	圖五一	長九三	駢白棗	圖五一	長七三
翹搖	圖八七	長二五〇	菘菌	長一九六	雞舌香	長九〇五	長九三	駢驎竭	圖六二	長一〇六二
翻白草	圖二八〇	長二八〇	蟬蠶香	長九〇三	雞血藤	圖五三七	長八六六	魏花	長五七四	長五七九
薯蕷	圖二〇一	長一八三	覆盆子	圖四九八	雞肝	長八六六	長八六六	鵝毛	長三五九	長三八六
薯蕷	圖五七	長一八三	蹙金毬	長五八〇	雞兒腸	圖二九五	圖二九五	鷺卵	長八六六	長八六六
薰陸香	圖六六	長二〇八	蹙金樓子	長五八〇	雞兒頭苗	圖二九五	圖二九五	鵝抱	圖四六六	圖四六六
薺	圖四一八	長二〇八	蹙婆棗	長七三一	雞冠	圖三四三	長四二六	鵝抱蛋	圖四四八	圖四四八
薺米	圖一七三	長三三四	轉子蓮	圖四九二	雞冠棗	長七三〇	長四二六	鵝掌金星草	圖三三四	長二〇二
薺萐	圖五七	長六三三	轉枝	長五九五	雞翁藤	圖四六九	長五三九	鵝膏草	圖三三四	長二〇二
薺萐	圖五七	長六三三	轉枝紅	長五五一	雞骨常山	圖五〇	長五三九	攀倒甌	圖三四五	長四三〇
藁本	圖五八五	長五九九	鎖陽	圖一八六	雞眼草	圖二九三	圖二九三	欄木	圖七五八	長一〇七五
藁豆	圖二三	長一二五	雙蝴蝶	圖三八八	雞項草	圖一八五	圖一八五	瓊田草	圖一八四	圖一八四
藍	圖二四五	長三七五	雙頭紅	長五六一	雞腳草	圖二二二	圖二二二	瓊子桐	長一〇六七	長一〇六七
藍色獅子頭	長五九七	長五九七	雙頭紫	長五六一	雞腸草	圖八二	長三三九	嬰子粟	圖六〇	圖六〇
藍家紅	長八五四	長八五四	雙鬢	長八五五	雞腸菜	圖二〇	圖三六	嬰子粟	圖六〇	圖六〇
藍菊	圖六三	長八五四	雞公柴	圖一九三	雞塔草	長二〇四	長二〇四	籬豬子	圖七八五	圖七八五
藍草	圖六九	長四四六	雞引子	長八六六	雞頭實	長七四五	長七四五	羅勒	圖九三	長二五八
藏丁香	圖六四八	長四四六	雞心棗	長七三一	鞭打繡毬	圖五三四	圖五三四	羅漢松	圖九三	長二五八

十九畫

十八畫至十九畫

繡翹翻薯蕷薺藁菘菌藍藏藕菘菘藏藕菘蟬覆蹙轉鎖雙雞鞭駢駢魏鵝攀欄瓊嬰籬羅





二十九畫至三十三畫

鬱 麤

鬱金

圖五九 長六八

鬱金香

圖五一 長六二六

二十三畫

麤葉壽安

長五七四

